















DE  
LA REPUBLI-  
que des Turcs : & la ou

l'occasion s'offrira, des meurs & loy de tous  
Muhamedites,

Par

GVILLAVME POSTEL Cosmopolite.



APOITIERS

*Par Enguibert de Marnef.*

*Avec Privilege du Roy.*

M. D. LX.

B BVRLE

PAR priuilege du Roy, donné a Enguilbert de Marnef, est permis d'imprimer & uendre les presens liures intitulés, De la Republique des Turcs, & des meurs & loy de tous autres Muhamediques. Histoire & consideration de l'origine des Tartares, Persiens, Arabes, Turcs & tous aultres Ismaelites. Des Orientales Histoires, ou est exposée la condition, puissance & reuenue de l'empire Turquesque. Le tout escrit par Guillaume Postel Cosmopolite. & defenses à tous de non en vendre ni imprimer autres que ceus imprimés par l'edit de Marnef, iusques au temps de cinq ans, a compter du temps qu'ils seront paracheués d'imprimer: sous les peines contenues par lettres sur ce faites, données a Escoan, le septieme de Mars 1547. Par le Roy, Maistre Francois de Connan, maistre des requestes de l'hostel present: signées Coëfier: & sceles du grand scel sur simple queue.

Acheués d'imprimer le 9. Decembre 1559.

# Au Roydauphin.

*C* *EVS* qui par leur s<sup>a</sup>pience ont gagné, entre les autres mortels autorité, peu moins que diuine, nous ont laissé par escrit, Syre, qu' alors vrayment l'estat de ce monde sera heur<sup>e</sup>us, Quant il sera commandé ou par Prince en vr<sup>a</sup>ye s<sup>a</sup>pience fondé & excellent, ou qui desire & fait son effort de tant la pouuoir acquerir, que selon icelle puisse son peuple regir. Laquelle autorité, encores que de Socrates ne de Platon n'eust esté proferée, est tant conforme a la raison, qu'il faut necessairement qu'elle soit tenue pour Diuine, & non pour Humaine seulement. D'autant que puis qu'il est du tout impossible qu'homme du monde, en chose si facile & basse soit elle, puisse aucunement user de sa puissance, s'il n'a Sçauoir, ou Sapience & Beneuolence, ou affection esgale a icelle: combien deuous nous penser qu'il est plus impossible de regir vn peuple equitablement (qui est la chose, comme la plus noble, aussi la plus difficile du monde) sans auoir la Sapience, Sçauoir ou Prudence, & la Beneuolence, non seulement esgale, mais s'il estoit possible beaucoup superieure a telle Puissance. Et tant est vr<sup>a</sup>ye ladicte autorité, qu'il est impossible que Dieu le createur mesme, aye voulu créer, ou iusques icy gouverner le monde, si a sa Puissance infinie il n'eust eu Sapience infinie, & Beneuolence infinie pour indiuisible compagnie, en vne seule Essence ou nature Diuine. Estant donc resolu que la Sapience vniuersellement, en toutes les bonnes & ordonnées actions tant Diuines comme Humaines, est le moyen par lequel deuement gardé, toutes choses viennent a perfection: & sans lequel moyen bien & deuement gardé, toutes choses vont en ruine & confusion, il faut iuger que c'est la chose la plus Honorable, Plaisante, Vtile & Necessaire du monde, a quelconque personne que ce soit, & principalement aux Princes & gens qui pour autrui ont a respondre, d'auoir ou de s'efforcer d'acquerir parfaitement cette s<sup>a</sup>pience. Pour autant donc, Syre, que vous estes n'ay sous telle felicité, que par vostre Droit de primogeniture ou d'aînesse,

deués commander au peuple, & le plus antique & le plus obedi-  
ent a son Prince qui soit au monde : Je, combié que sous fait de Gaulois,  
Cosmopolite, ayant cure & soing esgualmente de tout le Monde,  
ne me pense pouoir faire chose plus agreable a Dieu, ne plus utile  
ou profitable a nous, comme futur Empereur de mon pais, que d'ay-  
der en toutes les sortes que ie pourray, a vous rendre facile la sapi-  
ence, de la connoissance & vray vsage de laquelle vous aués ne-  
cessairement affaire, pour le gouuernement a vous destiné. Com-  
bien donc que le Treschrestien Roy Henry II. vostre pere, pour se  
monstrer vraiment plus par vray amour & par esprit (s'il feust  
possible) vostre pere que selon l'ordre ou condition du corps aus bös  
& mauuais commune, vous aye en la choisie & eslite de Mon-  
sieur vostre instituteur M. Pierre Danés, monstré qu'il vous desi-  
re estre le plus excellent en sapience, qui oncques fut au monde :  
car il vous a recommandé au plus excellent homme, soit en vertu,  
soit en sçauoir, qu'il aye peu trouuer en son siecle, autrement de  
gents seulement lettrés trop abondant. Tellemēt que le Roy Henry  
vostre pere, vous a plus donné en Danesius, que iadis ne fist Philip-  
pe Macedon en Aristote a son filz Alexandre : neantmoins pource  
que ledit Danesius mien praecepteur & amy, vous pent de toute  
la sapience des choses par le passé escrites, soient aus autheurs  
Greecs, soient aus autheurs Latins contenues, & soient aus  
vulgaires langues comprises suffisamment enseigner, & parce  
que l'experience des choses presentes souuent ayde ou esment plus,  
que ne fait des anciennes, & pour autant que les Princes ne pen-  
nent ainsi que personnes priuées aller voir en diuers regnes ladi-  
te experience, & vraye maistresse des choses certaines a eus plus  
qu'a nul autre necessaires, i'ay reduit cet estat du Prince Turc,  
& de sa Court, Empire & Reuenue, en la plus grande breueré,  
facilité, & simplicité de parler & d'escire que i'ay peu : a celle  
fin que par cette experience de l'histoire Orientale (par moy con-  
siderée au long, & souuent auant que l'auoir escrite) vous re-  
ceués les fruiets de sapience qui s'ensuyuent : Premièrement affin  
que vous receués en ma diligence le tesmoignage d'un de vos tres-  
humbles seruiteurs, autant prest a vous seruir, & voir vne fois da

Diuin honneur general protecteur, & de tout ce monde. Seigneur, autant que iamais en tout le monde bien affectionné a son Prince fut seruiteur, sans excepter Zopyrus Persien. Secondement a celle fin que voyant l'histoire, & l'image du plus grand estat & Prince de l'Orient, puisés, ou en blasmant & fuyant ses vices, ou en louât et imitant ses vertus (car les choses nouvelles, & qui sont encor en estre, mouuent plus que les passées) vous rendrés si digne & parfait, que vrayment vous soyés iugé tresdigne de posseder les biens, pais & estats desquels, ou par plus grand vice, ou par moindre vertu non seulement les Turcs, mais tous le Princes de ce monde, se rendent indignes possesseurs. La tierce cause est, affin que vous deuenement, & par le menu informé, puisiés non seulement comme Treschrestien Prince, mais comme priué & particulier Capitaine ou Souldart, tirer & faire utilité des choses de vostre plus grand ennemy, quant a la religion, & de tout ce que cognoistrés utile avec vostre autorité rendre vos subjets & bien affectonnés capables. Vray est que la premiere cause, qui est de l'honneur & amour Diuin & du vostre, est la principale avec la quarte, laquelle a cette heure diray combien que bien a plain l'aye touchée en la cause de la premiere partie, ou consideration de cette histoire. Il me semble que ce ne peut estre sans diuin motif, & que Madame Margarite de bonne memoire Royne de Nauarre vostre tante, ayant esté ça bas subget plus digne du Ciel que de la Terre, & esprit plus haut que celluy des humains, & quelque autre bon Escruain François en diuers lieux d'un mesme accord vous ayent accommodé a vostre Nativité les Vers de la Sybille, escriuant le Siecle doré, iadis par Virgile des liures Sybillins tournés, desirant ledit eage ou Siecle doré venir par vous en son estre, & parce qu'il me semble que c'est le Diuin esprit qui les a meus a chanter cecy de vous, ie pense que vous (en vous ou en nostre dignité de primogeniture, cela est certain) serés cestuy là, auquel vrayment estant donnée la raisonnable & eternelle victoire des cœurs, sera de besoing mettre enuers tous les peuples du monde les armes de rayson & de force en auant, contre les rebelles a icelle rayson. Pour autant donc qu'on ne peut, venant a l'effet de la concorde du



monde (pour la paix vniuerselle, duquel ie me nomme Cosmopolite, desirant le voir accordé, sous la Couronne de France) aucunement parler par raison avec l'ennemy, sans connoistre tout son estat comme luy, & que la plus grande puissance soit en Religion, soit en Armes, qui onc fut, est l'Ismaelique, & qu'entre les Ismaelites c'est la Turquesque, ie vous en donne ici la congnoissance. Ayant donc donné au second de la concorde du monde (ainsi comme au premier & au tiers) les moyens comment par raison Naturelle nous monstrerons estre faus ce est qui contraire a la Religion Chrestienne, & principalement l'Alcoran ou loy Ismaelique, ce qui appartient au Magistrat sacré & facultés Treschrestiennes plus qu'aux autres, & démontré aux raisons de la Monarchie comment le droit d'icelle Monarchie appartient aux Roys par les peuples Gaulois. esleus, ce qui est pour informer le Roy, Noblesse & Justice, il ne me reste chose plus a propos que de vous monstrer par exacte description, qu'elles forces a vostre plus apparent ennemy, affin que les congnoissant, vous préparés a les debilitier. C'est donc ici le sommaire de ma resolution. Estant de necessité que toutes opinions contraires a l'eternelle verité de l'Euangile, soient avec la raison destruittes, & que laditte verité eternelle soit receüe par tout le monde: affin que Dieu & celluy qu'il a enuoyé IESVS CHRIST soit non seulement creu, mais avec raison conneu. Et est necessaire que le Prince du peuple qui a le premier & seul droit a la Monarchie, soit cestuy là qui aydé de toute puissance, sapience, & beneuolence humaine, procure en tout le monde que cette verité soit receue, & principalement entre ceus qui plus l'ont ignorée ou impugnée. Autrement iamais ny aura paix au monde, pour laquelle toutesfois y mettre sous l'aisné d'icelluy, Dieu créa tout ledit Monde. Affin donc de rendre vrayement heureux & vostre peuple François, & apres luy tout le monde, Syre, efforcés vous de vous enrichir de sapience, & principalement de celle qui est par l'histoire acquise (car l'histoire est le miroir de la vie humaine) acelle fin que comme sous la Couronne de France y a droit de puissance a toutes celles du reste du monde superieure, il y aye aussi Sapience & Bonté a telle puissance esgale. Par laditte Sapien-

ce vous acquerrés la connoissance de voir & sçauoir comment v-  
ne Barbarie de vray pouuoir, sçauoir, & bon vouloir destirée, a  
subiugué quasi tout le monde, & principalement la force Turques  
que, a conquesté depuis deus cens ans seulement, le grand pais qu'  
elle tient, gardant Sobriété, Patience, & Obedience, ou pour dire  
en vn mot Discipline militaire. Ne sera il donques plus facile aus  
Treschrestiens d'icelle subiaguer, avec les mesmes armes peu a peu  
en la Gaule restituées, ayant avec droit & raison pouuoir, sçauoir  
& vouloir tresparfait? A celle fin qu'en vostre eage soit planté le  
desir de paruenir a telle entreprise, ou sous la Royale maiesté du  
Roy vostre pere, ou de vousmesmes. Je vous ay voulu dedier ce  
present escrit, lequel combien qu'il soit simplement composé, si vous  
l'estimés autant que ie desire vous faire seruice, & que i'ay grand  
desir de voir l'honneur diuin par vous au monde réparé, ie suis  
seur que pour trescher l'accepterés de

Vostre treshumble suget

G VILLAVME POSTEL.

## Enguilbert de Marneſ Imprimeur au Lecteur Salut.

**I**E t'ay bien voulu aduertir (ami Lecteur) qu'il y a quelque temps que Maistre Guillaume Poſtel m'enuoya vn diſcours De l'origine, l'oy & couſtume des Tartares, Perſiens, Arabes, & Turcs, avec l'hiſtoire des choſes qui ſe ſont paſſées entr'eus en paix & guerre: & a diuiſe ſon œuvre en trois parties. La premiere deſquelles il la dediée au Roy Treſchreſtien, qui lors eſtoit Roy Dauphin, & ſils ayſné de feu de treſexcellente memoire le Treſchreſtien Roy Henry. Et la tierce partie il la dediée a Monſieur le Cardinal Lorraine, comme celuy qui eſt le Mecenas & principal fauteur des gens de ſcauoir, qui s'eſtudient d'illuſtrer, & ennoblir noſtre France par leurs œuvres. Or depuis, ou pource qu'il n'auoit tel ſuccés de ſes labeurs qu'il deſiroit, ou pour quelque autre occaſion, il s'eſt retiré en telle part dont ie n'ay peu auoir nouuelle de luy, me laiſſant neantmoins auparauant ſon partement, ce preſent liure, qui contient le fruit de tant de trauaux & & peines, de tant de uoyages, ſi grands & loingtains, & grandes deſpenſes qu'il a faittes pour paruenir a la connoiſſance des choſes qui y ſont comprises. Et pource qu'il a laiſſé la ſeconde partie ſans pairrain, ie me ſuis aduiſé de te la dedier, & te prie la receuoir en bonne part, & favoriſer le preſent, comme ie deſire employer mon eſprit, peine, travail, & deſpenſe, pour te faire voir choſe qui t'apporte plaiſir, & dont tu puiſſe tirer profit & contentement.

# De la Republicque des

TVRCS: ET LA' OV L'OCCASION  
*s'offrera, des meurs et Loy de tous Mu-  
humedistes en bref.*

P OVRTANT que je voy quelques vns ja a-  
uoir traitté cet argument, il me semble-  
roit superflu escriuant, ne pouuoir autre  
chose faire que les imiter: pource que tous ceus qui  
ont escrit, parlent seulement, & leplussouuent par  
liures ou incongnus, ou aus aduersaires reprouués,  
de choses odieuses, & de vices, sans aucune memoire  
de vertu: ce qui en nul peuple vniuersellement, tant  
Barbare soit il, ne peut estre. Parquoy il faut que le  
docte escriuain, en l'ennemy, avec les vices escriue au  
moins quelque vertu ou son image, affin d'exciter  
tous mortels a prendre quelque fruit d'imitation:  
aus ja vertueux, de perseuerer en vertu, jusques aus  
meschans approuuée: aus vicieus donner cueur  
pour le moins de les ensuiuir en vertu. Pour euitier  
donc blasme, veus iceus surmontant, si je puis en  
quelque endroit, apres bonne & diligente inquisition  
non seulement de vices, parler: mais generalemēt les  
vices & vertus attaindre, pour deus raisons, qui a mon  
jugement en tous bons traitteurs de cette & telle  
matiere, se doiuent requerir. La premiere est, affin  
que les aduersaires cognoissent nostre equité d'es-

crir, & que nous ne prenons les choses comme juges adiectés, mais a la verité, sans rien dissimuler : & ainsi aiant de nous l'assurance, par le moyen d'integrité (car a grand' pene parties suspeçonnées sans moien de connoie verité, font jamais bon accord.) nous jugent, estre dignes d'auoir le pareil d'eus, en referant de nous & noz meurs (desquelles entr'eus ne jugent autrement que nous faisons d'eus) la mesme verité qu'ils cōnoistront enuers nous auoir lieu. L'autre cause, est affin que toutes personnes avec la delectation connue en l'histoire, qui est la verité & congnoissance, trouuent, comme dessus ay dit, & terreur de vices, & perseuerāce, avec imitation de vertu. L'escriray donc premier du mariage, communement obserué entre tous Muhamedistes : pourtant que ce sera l'ocasiō de parler de la principale partie de cette vie, & aussi pource qu'il est commencement a l'enfant : duquel pour le paindre jusque a la mort, escriray ensuiuant la plus cōmune & des riches vstée nourriture (car par tout le monde cela est vrai, **POUVRETE ET NECESSITE' SONT SEURS**, dont l'une ne l'autre n'a loy. Apres ces particulieres descriptions, nous dirons des choses publiques : & pour le premier parlerons de la loy, & des ceremonies, & autres choses qu'ils ont entre Dieu & les hommes. Puis s'ensuiura le droit des hommes avec les hommes d'une diuerse & mesme loy, a sçauoir de Iustice. Et en apres l'origine tant des Turcs que d'autres de cette loy, suyuant la maison du Prince, a sçauoir comme il est traitté chés luy, & a quoy il passe son temps, en

temps de Paix. Apres s'ensuyura la Guerre & les estats, & gouuernement du Roiaume. Au dernier lieu parlerons du grand païs qu'aujourd'huy tient cette loy, principalement ce qu'en a le Turc. Mais deuant que rien commancer, je veus prier & supplier a tout lecteur qui lira ce present liure, qu'il y vienne nud de toutes affections, faignant comme vn homme neutre, de ne congnoistre personne des deus parties, en propofant a luy mefme ce cas : a fçauoir s'il feroit equitable de croire a quelque estranger, comme cela foit certain & vulgaire qu'aucuns mefmes des Chrestiens, viuent communement aufsi mal, comme ils ont bonne & parfaite loy, raportant auoir esté mal traitté d'aucuns de quelque contrée, qu'vniuerselement tous fuflent tels en tel païs. Il me semble qu'il feroit fort inique Iuge, qui ainfi condamneroit le tout pour partie : voiant encor' communement en ce monde, que la pire est la plus grande, plus forte & plus commune, & que le mal est de si trespres joint, & quasi encouplé avec le bien, qu'a grand peine, fans grande prerogatiue du fouuerain bien, les plus parfaits, par naturelle & bonne instruction, aidée de pareille inclination, en peuuent congnoistre la iuste difference: & apres auoir pensé audit cas, alors life iufques a la fin, auant qu'affoir aucun jugement, lequel je ne doute receuoir d'vn chacû equitable Lecteur.

*De la mode et ceremonies que les Turcs, et autres Muhamedistes, vsent à se marier : et qui se peut marier entr'eus.*

Qui se peut marier.

I L n'y a nul entr'eus qui soit exclus, s'il ne veut, de se marier & pouuoir espouser vne femme, telle qu'il luy plaist, soit Prestre, clerc, ou autre: sinon que communement les nommés Religieus ou Fous en sont exempts: non par aucune contrainte, mais volontairement: que s'il leur en venoit volonté comme aus autres, il n'est a personne deffendu: car il n'y a point là de lien aus choses que nature donne & oste seule. Reste que quant quelqu'un change ainsi estat, il en est moins prisé par le populaire, qui aime autant les choses exterieures comme cil de deça. Mais pource que du nombre des femmes il y en a grosse difference, non entr'eus, car par la loy il est arbitraire, mais entre les escriuains de deça: pour mōstrer la verité & oster d'erreur ceus qui sont en fausse opiniō, premieremēt je diray: la plus part des escriuains dit que les populaires & riches peuuent espouser ou auoir douze Femmes, & tant d'esclaues ou captiues qu'ils veulent ou peuuēt entretenir & nourrir: & les Princes, des Femmes septāte: des Serues tant qu'ils veulent: les autres quatre ou six Femmes: ce qui est en partie faus, pource que tous escriuēt nombre certain pour incertain. Quant est du nombre de douze, ils l'ont prins d'un lieu mal entendu au liure des Traditions, là ou il ne dit pas qu'un homme assés empesché d'une, prenne douze Femmes.

Liure des traditions

mes.



mes: mais pour despriser les Femmes dit, que la douzaine ne vaut pas vn seul homme : ce qui rend merueilleusement sugettes lesdites Femmes. Quant est au nombre des Escclaues & Femmes, Muhamed dit en l'Alcoran, qu'on en achette & prenne tant qu'on veut & peut nourrir, & que c'est la possesiõ del'homme achetée de son argent, & qu'il en peut faire a son plaisir. Des autres nombres, comme de quatre, six, dix selon ce que chascun en a vû a quelqu'un, ou ouï dire en quelque lieu, il en a escrit nombre particulier pour general: Cela est vray qu'il y en a tel, selon le pouuoir, qui peut auoir espousé en diuers lieux plusieurs femmes, ou sans espouser en tient diuerses en diuers lieux: principalement si c'est quelque marchand, qui ait trafique en diuers païs, ou quelque Capitaine absent: mais toutesfois cela est le plus commun & general, que chascun en ait vne seulement espousée en vn lieu. Et pource qu'il est deffendu en leur loy, de toucher a Femme qui est grosse, depuis qu'on s'en apperçoit, jusque a tant qu'elle soit deliurée, de peur qu'elle ne print double charge, & greuaist nature, il est permis l'usage des diuerses Escclaues, soit qu'elles soient avec la Femme, ou a part. Mais qui autrement, au sceu des parens de la premiere espousée, seroit connu en auoir publiquemēt en vne mesme maison, ne luy seroit permis: ou pour le moins seroit reputé par les parens de sa premiere, tel qu'en France les mauuais & adultères Maris. Les Princes & fort riches gens, qui ont raison pour leur plaisir, pour l'accompagnement du seigneur qui leur rend tout homme suget, ne sont

Sugettion des  
Femmes en  
Turquie.

Femme grosse.

soubmis a cette loy, de diuers lieux. Dont les aucuns, ala mesure de leur argent, achettent & donnent Femmes à leur plaisir, car ils n'ont parens de par leur Femme, qui leur peult ou oïast contredire; pource que lesdittes Femmes sont ou de plus pauvres maisons que luy, ou par dons, ou par menaces, ou beauté siennes, ou qu'il les achette, dont de la multitude, encor qu'elle soit ensemble, reproche ne luy peut venir. Les Princes ou gouuerneurs de Court ou de païs, en ont quarante, cinquante, autant du plus que du moins, toutes en vn enclos comme vn monastere, chascune a sa part & chambres gardées par Eunuques ou Gardes-couches, si bien hors des dangers de malfaire, qu'il ne les faut de rien douter. Iceus gardent sur la vie qu'il n'y ait homme du monde qui y voise, ou les regarde seulement, fors le seigneur a qui elles sont. Le Prince Turc en a en diuers Parcs ou Serrails grandes multitudes, & principalement en vn Serrail de Constantinople, qui est au meillieu de la ville, là ou a mon partir y en auoit plus de trois cens, & ne demeure guere ce nombre en equalité, qu'il ne croisse ou diminue. Croisse pour les continuelles guerres qu'ils ont, là ou toutes les plus belles dames du monde sont portées au Prince pour present: de la condition desquelles je diray apres, quât je parleray de la nourriture tant des Enfans que d'Esclaues: Et diminuēt, pource que depuis que le Prince sans en auoir eu enfant les a conuues, & qu'elles ont assés aprins de broderie, & autres ourages dignes d'une Princesse ou grand dame, on les donne en mariage a Esclaues du Prince, quant

Des femmes  
des Princes.

Eunuques.

Des femmes  
du Turc.

on le met en dignité & gouuerneurs de quelque païs ou frontiere. Des Eſclaues Chreſtiennes (car Turcs Eſclaues Chreſtiennes. ne Perſes ne ſe vendent point l'un l'autre, comme font les Mores) vous en trouués là a vendre comme des moutons au marché, tous les jours: & les anciens Turcs de la Natolie les ſouloient acheter le temps paſſé, non ſeulement pour les conuertir à leur Loy & en vſer, mais pour les marier avec Eſclaues, pour leur ſeruir de proleitaires a faire des enfans pour leur patrõ. Mais au jourd'huy, pourtant qu'ils n'ont que trop de peuple, il ne les marient plus ſinon avec foy, & quant elles ſont regniées. Voila de la multitude arbitraire des femmes: combiẽ qu'en vn lieu en l'Alcoran il dit, D'en auoir trois ou quatre qu'il eſt bon, qui plus n'en veut. Maintenant il faut parler de la mode d'eſpouſer.

Donc vn jeune homme, ou autre de quelque aage ſoit cõnu par les meſmes moiens qu'on vſe ici: comme par voiſiné, parenté, richeſſe, vertu, bruit ou endicté, s'il eſt de loing, & autres telles occasions a ce acouſtumées, non de moindre aage que de x x ou x x v ans, (les riches & ceus qui ſont de la maiſon d'Ottoman ne ſont ſubiets a telles lois) apres auoir parlé avec les parents d'elle, ou de par les ſiens, ou de par les autres, va voir vne fois la fille ou femme dont eſt queſtion, & regarder s'elle eſt belle, forte, ſeine: comme ils font en Italie, principalement aus nobles dames de Venize: car & en Italie & en Turquie, quant a garder & regarder les femmes & jeunes filles, ont vne meſme couſtume, qui ne me ſemble trop mauuaife. C'eſt que communement elles ne parlent librement, ou

En quelle maniere ſe voyent ceus qui ſe marient.

Cõme ils gardent filles & femmes en Italie & Turquie, aus groſſes maiſons.

conuersent avec autre homme que leur Pere, Frere, ou proche parent, deuant qu'a leur Mari, ou cil qu'iles demande: & en leur jeunçsse vont peu ou point al'Eglise qu'on puisse voir, sinon aus hautes festes, & ce la face voilée, principalement si elles sont de quelque maison d'estat & mediocre: car extremes choses semblent a vertu repugnâtes. Ledit personnage aiant veu celle qu'on luy presente, ou qu'il demande pour parti, si elle lui plaist, il conuient avec les parens de ce qu'il lui veut bailler: & faut qu'il luy assigne douaire, ou qu'il promette, s'il est personne payable: par telle condition que s'il auient qu'elle, par quelque malle versation soit repudiée, elle le sera sans luy bailler aucun douaire, autre que ce qu'elle auoit apporté de sa maison. Mais si par faute de luy elle se depart, il sera contraint luy bailler le promis douaire, & les biens apportés, sinon qu'en commun vsage fussent despendus ou qu'autrement par contract en fust ordonné. Mais le repudier en ferme mariage, n'est aucunement permis, sans connoissance du Iuge, ou Cadi, ou Soubaci.

De la condition  
& du mariage,  
& du douaire.

De repudier.

De mariage  
pour vn temps  
qui se nomme  
Izebin, & est  
mariage a plaisir.

I'ay dessus dit, en ferme mariage, quel est celuy qui s'observe pour le plus cōmun, & par l'intention commune de leur vsage, a la difference d'un autre qui est mariage fait a plaisir ou conditionné, & ne s'appelle pas communement mariage, mais *kebin* ou douaire, duquel la cōdition est telle: Que celuy qui est pour le plussouuent estranger, & durant qu'il est en estrange país, ou qu'il luy plaist, fait vne paction avec quelque dame qui ne peut estre que femme de parti. Qu'il luy donnera toutes les fois qu'il la voudra laisser, tāt,

ou tant: comme quatre mille, cinq mille, sept, huit, deus cents aspres, autant du plus que du moins: chacū Aspre vaut x. d. aspre vaut enuiron vn carolus, mille aspres x x ducats, &c. Et ce pendant qu'il vsera d'elle, l'entretiendra a ses despens. Elle ne fera en rien tenue a luy, fors a l'vsage du corps. S'elle luy fait quelque present de linge ou broderie, il le faut recompenser au double. Elle baille l'vsage de sa maison, ou d'une neutre: & quant il plaist au concubinaire, il s'en deffait: & quitte comme deuant. S'il y a enfans, il les nourrist. Cette maniere de laisser ne s'appelle pas repudier, car ce n'est pas mariage, mais *kebin*. De cette sorte de marier vsent tous meschans estrangers, versants avec les Turcs avec sopherie, car les Iuges Cadis ou Soubacis, ont prohibition de ne permettre ledit kebin principalement entre Chrestiens, sinon en forme & avec serment ou sacrement de mariage: & les font ainsi jurer: Toy vn tel, tu promets sur la foy de Dieu, & ta loy, prendre telle pour femme & espouse, selon que ton Dieu, ta loy & coustume te commande, & luy faire autant de douaire. aiant respondu oui: il fait le mesme jurer a la dame. & puis la foy durera tant qu'elle pourra. Ceux qui ont peur de faire ce serment, lequel je ne doute obliger a perpetuité, le font faire a quelques faulx faires, qui ont emprunté leurs noms: mais tout reuient a vng. Cela fait faire vn statut que les Cadis par delà ont en aussi bonne pratique, comme les mauvais Promoteurs, & Officiaus de deça ont aus chambrieres des prestres: & est qu'il est prohibé a quelconque homme de ne tenir femme, ou hanter autre qu'

La peine d'adultere.

La peine de Chrestien vsant avec Chrestienne hors mariage.

La peine de Turc & Chrestienne vsans ensemble.

Les ments des femmes Turques.

espousée & sienne, car les adulteres entre Turcs, les punissent de cent coups de baston, outre d'amande & peine: & qui est prins Chrestien avec Chrestienne, il est mené ches le Cadi: ou si la nuit est encore longue, est bouté par les gens du guet, qui prennent garde a tels affaires, en prison avec la commere, pour y attendre le jour. Venu au luge, s'il ne veut payer bonne & grosse somme, on le monte sur vn asne a reculons, tenant la queue en lieu de bride & luy affublent on vne trippe toute foireuse sur la teste, & bien barboillé le visage, en compagnie de ladicte, traitée de mesmes, sont menés par la ville, avec le Bourreau, qui les recõmande aus petis enfans qui leur gettent boue & ordures au visage: puis ont deffense de plus ne se trouuer ensemble, sur peine de deus cens coups de baston, ou prison perpetuelle, sinon que quelque appointment de bourse y donne ordre. Mais Chrestien avec Turque, ou Turc avec Chrestienne, sont ainsi punis, que le Turc ou Turque sont fait mourir, & le Chrestien ou Chrestienne, est contraint se faire Muhamedique, ou de mourir: ainsi sont les modes de prendre diuerses Femmes, & telle en est l'occasion. Retournons maintenant a nostre homme, qui est allé visiter vne fille ou femme, laquelle si elle ne luy plaist, jamais plus ne la voit, sinon le visage couuert, quant mariée a vn autre, ira par ville, comme au baing ou estuues. Et certes reciter la mondicité, la simplicité & honnesteté qui apparroit ausdittes dames de delà, me sembleroit fort odieus a faire ouïr a beaucoup de dames Chrestiennes, je parle principalement des Tur-

ques & Perfiennes : car les Mores, & blanches & noires, sont beaucoup plus sales. L'ayant accordée, sera delibéré du jour de la luy mener, ce qui se fait par vn compere esleu qu'ils nomment Sagdin, qui estant amy du fiancé, baillé l'anneau, deliure les frais commis hors le banquet, & ce par amitié, obligé ou convenance : & en sommeil a la charge du fait comme personne neutre, jusques a ce qu'il l'ait rendue dans Larda, qui est la chambre secrète du marié. Et lors selon la dignité, amitié & parentage, sera accôpagnée. Les Princeesses, ou mariees a gouverneurs de quelque pais, car autrement n'y a noblesse de race hors les parens des Princes, principalemēt sous le Turc, li a bien chés les Tartares, Perses, & Rois Mores, lors a iccus soient de rare vertu ou homme nobles, sont menées leursdittes fiancées, avec lesquelles toutesfois on peut coucher comme a Venize, avant qu'aller a l'eglise, avec quelque belle haquenée, toutes couvertes de quel que beau ciel de drap d'or, d'argent, soye, ou autre estoife, selon la dignité & maison : lequel ciel est porté par quatre Eunuques ou Gardecouches aus quatre coings, qui tousiours l'accompagnēt : & sont avec elle les parens tant d'une part que d'autre bien montés, le mieus qu'il leur est possible, selon l'estat & nombre a l'auenant. Si c'est qu'on ne bouge d'une ville, il suffira estre menée par laditte ville avec laditte compagnée, a force tabourins, cimballes ou bassinets & haubois, flutes & luts dous a leur mode : mais assés pour rompre la teste & les oreilles aus plus gros bouviers de France. Quelquefois encor' pour plus grande magni-

La mode de  
conuoier l'es-  
posée.



Difference entre  
Turcs, Per-  
ses & Mores a  
porter douai-  
re.

Des habits des  
Muhamedittes  
en general.

ficence sera menée a l'entour de la ville, a compagnée empruntée, s'il n'y a assés de parens & amis. Si il la faut mener loin, comme les femmes des riches & seigneurs, on luy fait la mesme compagnée par chemin, a la proportion de la dignité. Le plussouuent est aussi accompagnée de cheuaus, chameaus, chariots, Esclaves qui portent le douaire ou bagues d'icelle, comme draps d'or, tapisseries, lits, linges, broderies, vaisselles d'argent, de porcelaine, selon l'estat: laquelle coustume toutefois est plus commune aus Mores & Barbares qu'aus Perses, Turcs, & Tartares, & ceus qui ici l'i font porter, sont cōmunement populaires & marchans: car la richesse, en vn grant homme, apparoit assés pour l'habit & compagnée. Lesdittes bagues qu'elle porte, sont communement achetées des deniers du douaire que le mari aura donné & baillé deuant quel'auoir: car en cela ils sont contraires a nous, qu'on nous donne en mariage, & il faut donner par delà: en quoy faisant on a quelque auantage, car on s'en peut deffaire quant on veut, avec petite occasion, ce qu'on ne peut icy. Quelques vnes pour auoir plus beau ménage ou bagues mettent du leur avec le douaire, ce qui ne se peut repeter: & quant les bagues d'elles en Turquie se portent, cela est quelque temps deuant ou apres, avec quelque pompe. Mais pource que j'ay parlé de l'habit, il est bon vniuersellement en dire quelque chose. Les habits generalmente tant d'hommes que femmes aus Perses, Tartares & Turcs, ainsi comme aussi a tous Chrestiens du Nord, sont tous faits comme le corps: si bien qu'—  
aus

aus dames bien formées se voit la forme des mamelles, & des autres parties du corps, avec tous leurs mouuemens. Le drap commun de vestirest brocat d'or, d'argent, satin, damas ou autre espece de foye, selon la richesse, ou bourgoisie, car les pauures sont aussi mal qu'ici aus villages. Elles ont les cheueus rongnés a fenestre, ou en quadrure cōme les hōmes de deçà, & les ont cōmunement noirs & les sourcils, & qui ne les a noirs, les taint de noir, & joint lesdits sourcils l'un avec l'autre. Elles se paignēt le bout des doigts & les orteils d'une couleur rouge, qu'ils appellent *cna* qui se fait par alkemie de plomb bruslé, qui a grāde peine s'en va: aussi en teignent les mesmes parties, avec les cheueus aus petis enfans: & outre la queuē & crains des cheuaus blancs. La longueur de l'habit tant a l'hōme qu'a la femme, est jusques a terre, sans nuls plis. L'accoustrement de teste aus Turques est apres vng couurecheflié a l'étour de la teste, vng petit bonnet d'une lame d'or ou d'argent, ou de quelque soie mēlée d'or ou d'argent: lequel est hault de demi pied, & se met sur le deuant de la teste, sans entrer dedās, car il est trop petit, & sert d'attacher vn autre couurechef ou macramas qui leur pend de chacun costé de la teste, garni de fine broderie, & aussi pour attacher vne picce de fine sarge noire ou d'estamine, faite de soie noire de cheual, qui leur couvre le visage, yeus & tout par ou elles peuuent voir sans estre vües. Toutes communement allans par la ville sont vestues d'un beau linge blanc, par sur tous leurs habillemens, quil les rend si semblables, que quant

Quant aus dames.

elles sont en vne bande, le plus fin ne sçauroit connoistre la sienne. Femmes & Hommes portent de petits brodequins appuiant sur le deuât & ferrés par deffous. Pour habit de deffous elles portent toutes braquesses, là ou qui veut chercher quelque chose, il faut qu'il les destache, & principalement le Mari au premier jour, & oste tous les abillemens d'icelles. Les chemises de cottô, ou de taffetas de toutes couleurs, qui se nettoient commelinge, avec sauon. A la reste nettés, lauées & perfumées qu'il n'i mâque rien: tout ceci s'entend des riches & bourgeois seulement. Les Tartaresques n'ont aucune difference des Turques, fors a l'habit de teste, qui va en agu amont a la mode d'une chauffe a hippocras, vn peu plus haut & plus agu, le tout lié de quelque foye ou fin linge, selon la richesse, quasi a l'antique Polesque, ou a l'ancienne mode. Des Perfiennes, vne part va a la Tartaresse, l'autre a la Turquesque & Moresque. Je ne veus point ici reciter la braueté des Perottes ou Chrestienes habitans par delà, car il me faudroit vne Roynie ancienne pour comparaison, encores des saintures & couronnes de perles, & de pierrerie, & d'abondance de velours & satin cramoisi en robes, seroient elles facilement surmontées: ainsi comme de fard, duquel les Turques n'vsent point communement, pource qu'il ne seroit permis le monstrier a autre qu'a son mari. Je m'esbahi comme le Turc leur souffre, qu'un pauvre homme d'estrange loy, qui aura mille francs en mariage, sera contraint en bailler huit ou neuf cens a porter a sa femme. Or retournons a la mariée.

L'habit des  
Tartaresques.

Les Perfiennes.

L'habit braue  
des Perottes ou  
Chrestiennes.

Elle aiant esté aus estuues & s'estre nettoyée avec philothre, pour oster le poil, elle vient ou a la maison de son mari, ou autre part, là ou on aduise, & là les amis des deus costés se trouuēt tous avec presents & dons, selon la qualité des personnes inuitées par le Sagdin. On leur fait promettre sur la foy qu'ils ont a Dieu, & l'amour qu'ils ont au Prophete, c'est a dire a Muhamed, qu'ils se garderont foy l'un a l'autre, & ne la rompront sans occasion, qui ne soit juste & probable par Iustice : qui est la cause que l'un ne peut repudier l'autre sans que le Iuge en congnoisse, & voie si les causes sont raisonnables. S'estant ainsi promis, ils font *l'affala*, ou l'oraïson commune : & si le lieu est opportun vont a la Mesgeda ou eglise, là ou les hommes ont leur lieu a part, & les femmes a part, comme aussi ont les Grecs. Ils differēt en ce, qu'on peut bien entrer des hommes avec les femmes Grecques, avec les Turques vous ne poués, ne mesme voir autrement : si l'Eglise est l'oin, ils s'en soucient peu. Cela fait ce jour là ou vn autre, il faut faire le bāquet, a l'occasion duquel nous escriōs de la sorte de leurs bancquets, & manger, affin que nulle occasion ne se perde.

Aus logis de Turquie, au lieu ou l'on boit & mange, il y a vn lieu fait de tables ou ais, qui est communement plus haut que la reste du logis qu'ils nomment *Sopha* : combien que quasi tous logis sont planchés d'ais. Ce lieu là proprement sert de boire, & de manger. Et pource qu'en Turquie n'y a nulles hostelieries ne salles a louer pour fere bancquets, chascun est contraint, quelque multitude de gens qu'

La ceremonie  
d'el ouler.

Es Eglises des  
Turcs & Grecs  
les hommes a  
part des fem-  
mes.

Du festin où  
banquet des  
Noces.

Nulles hostel-  
leries en Tur-  
quie.

il ait en banquet, les traiter chés soy, & les hommes a vn costé a part, & ausi les femmes a part.

Ils different en ce aus noces, que la mariée durant qu'on disne, ne fait autre que la contenance, estant couuerte, & faisant la reuerence aus inuités deffoubs le bandequin ou ciel. Là ou il faut manger, on

Turcs man-  
gent sur tapis.

estant vn beau tapis sur terre, pour l'amour duquel il faut que tout homme qui veut manger de-  
chauffe ses fouliers pour entrer sur ledit tapis: & a cette occasion tous ont de petis escarpins deffoubs, qui leur demeurent aus pieds toutesfois qu'ils se de-  
chauffent, qui est a la Mesgeda, & toutesfois qu'ils von: boyre & manger & parler a vn seigneur, car par

Vaisselle de  
Turquie.

tout là y a tapis: le tapis mis de la grâdeur qu'on pense que la compagnee en quarré ou en rond tiendra, mettant vn riche & fin pour les gros personages, l'autre pour les autres, selon leur dignité, on s'asiet a terre jambes croisées, a la mode de cousturiers. Lors sont apportés grans plats, selon les maisons: chés les Princes, d'argent ou pourcelaine, chés les communs d'erain blanchi d'estain: auquel plat y aura d'autres plats garnis de diuerfes sortes de ris, de chapôs rostis & bouillis, de mouton, d'oiseaus de riuere, du poisson, des amandes cōfites, des dattes, du pain tout coupe, comme ausi les viandes se presentent toutes en pieces: les plus magnifiques mettent autant de grans plats que de sortes de viandes. Le boire est communement eau sucrée, mellée souuent avec eau rose damasquine: autrement on boit du serobet, qui est la decoction de pruneaus, raisins, figues, poires, dacnettes

Le boire des  
Turcs.

pesches

& pêches & tels fruitz, laquelle boisson vsent fort en  
 esté, avec de la glace, ou de la nege qu'ils gardent tout  
 au long de l'année en des magazins en terre, & est vn <sup>Grecs & mau-</sup>  
 fort bon boire. Le vin en assemblées, & a tous par leur <sup>uais Muhame-</sup>  
 loy leur est prohibé : mais les yurongnes & mauuais <sup>distes grans</sup>  
 obseruateurs de la loy ne perdent d'en boire tandis <sup>buueurs de vin</sup>  
 qu'ils en trouuent, plus que s'il n'estoit pas deffendu :  
 & véritablement ensuiuent les Grecs qui feront vn jour  
 & demi sans cesser de boire, ne sans se leuer de table,  
 fors là ou nature les contraint. Le porc est deffendu <sup>Le porc deffen-</sup>  
 entre les viandes : beaucoup d'entr'eus ne veulent <sup>du.</sup>  
 manger conills ne lieures, qui sont ceremonies ju-  
 daïques, & de l'ancien Testament. Je croy que les  
 femmes sont traittées de mesmes, car on ne les voit <sup>La mode du</sup>  
 point. Hors banquet, le peuple assis sur quelque tapis, <sup>peuple a man-</sup>  
 mange sur vn cuir rond & poli, là ou l'on apporte en <sup>ger.</sup>  
 vn plat toutes sortes de viandes qu'on veut manger,  
 mais il ne faut pas laisser le grand banquet pour les  
 petis. Tandis que les compagnons mangent, il y a en  
 la salle des hommes de diuerses sortes de passetemps,  
 duquel les dames, sans qu'on les voie, peuuent auoir  
 leur part, car en tous beaux logis y a quasi tout entour  
 des galleries haütes qui regardent sur leurs cham-  
 bres, là ou les dames peuuent estre assises, & voir par <sup>Les passetemps</sup>  
 des treillis sans estre veües. Le premier & plus com- <sup>& musique de</sup>  
 mün esbat sont gros tabourins sans corde, & petis <sup>Turquie.</sup>  
 d'erain en forme de deus petis bouclers, des haust-  
 bois qui sonnent là au mesme son qu'ils sonnent en  
 guerre, & tant estrangement qu'ans nations de deça  
 faut estouper les oreilles, ou s'en aller, autrement le

Les hommes ne  
dansent point.

Les Singuis ou  
Bastelleuses &  
musiciennes de  
Turquie.

son n'est que bien bon pour le camp. Quant est de danser, les hommes de dela (je di les Turcs) car les Chrestiens de Gennes demourans a Galata & autre lieu, dansent aussi bien hommes & femmes ensemble, ou pour le plus souuent apart, & les femmes a part, comme on fait ici, en laissant du tout le mestier aus braues, testonnés perruquets parfumés & hommes femmes de deça, pensans qu'ils en feront assés bien leur deuoir pour tous. Disant aussi qu'il n'appartient aus hommes, qui sont nais a la guerre, & choses qui tendent a quelque fin noble & limite, de perdre le temps en choses qui ne feroient trop dignes de femmes: & par l'oppinion de la guerre les Turcs ne dansent point: si les femmes dansent a leur costé je n'en sçay rien. I'ay ouï dire qu'ouï. L'autre passetemps & plus commun pour sa douceur, est quelque harpe faite a la mode d'vn dos de quelque grand poisson, avec vne barre trauersante en bas, ou s'attachent les cordes sans dentons, pour sonner plus doucement, de la quelle harpe jouent quelques jeunes filles appellées Singuin, qui se loüent a la journée par quelqu'vns qui les tiennent, comme on pourroit faire deça d'vne bande de menestriers. Quant l'vne sonne de la harpe, il y en ha vne autre qui sonne d'vn petit tabourin tendu d'vn costé seulement, qui a des sonnettes de pieces d'erain au costé: vne autre petite qui sonne d'osselets ou pieces de bois dur: deus ou trois petites jouent des plus gallans tours de souplesse qu'il est possible de dire: & ce pendant toutes chantent ensemble accordans sur la harpe. Puis pour varier la matiere, l'vne d'elles,



la plus grande & belle, se leue pour danſer a leur mode, laiſſant ſon couurechef & bonnet d'or prent vn tulband, qui eſt le bonnet d'un homme, puis fait vne mine ſans parler, ſi tresfort representant les affectionſ d'amours, que le reciter aus hommes ſans le voir exciteroit plus deſir que plaiſir. Premier elle ſupplie a tous les tours de ſa danſe, s'adreçant par viues & penetrantes œillades, au personnage principal du feſtin, aiant ſupplié & faignant ne profiter, ſaint avec quelque beau mouchoir filler vne corde a la deſperade, pour ſe deffaire, juſque a tant que Miſericorde radoucist ces termes, & Appointement les ſemble mitiger par effect: ſa compagne ſonnant la harpe qu'elle a plantée entre les jambes, tient meſure de ſa muſique, frappant des genous ſur le tapis, & autres telles choſes. Pour autre plaiſir y a des Baſtelleurs diuers des noſtres, l'un avec vn peu de cheueus qu'il a ſur le haut de la teſte, (le reſte eſt tondu) & les attachant avec vne corde leuera de terre cent cinquante ou deus cens liures de pois, rompra & ſeparera vne teſte de veau frais tué, & luy ſeparera les machouères en les rompant: rompra a coup de poing, ou ſur l'oſ de la jambe vn gros oſ de bœuf frais eſcorché, & mille autres telles follies: quelqu'un leuera deus cens liures au bout d'un petit baſton long d'une aune, lequel il prend par le bout d'une ſeule main, & en jouera comme d'un leurre: puis le tout a vne ſeule main la chargera ſur ſon eſpaule: puis fera le meſme d'une ſeule main, touſiours avec neuf ou dix boulets d'artillerie, comme de fauconneau attachées en vn baſton avec chaines

Moreſque ver-  
nerique.

Des Baſtelleurs.

de fer les gres qui se pie & pour rom, recant testes, & toutes li dextrement les fait mouuoir & les leue sur son espaule, qu'esprit humain y perd sens. Quelqu'un bandera vn arc turquois, gros comme le bras, tirant la corde jusque a l'oreille, percera avec vne fleche, & avec arc moien vne lame de bronze, espesse de deus doigts, que son cōpagnon lui tient a deus mains contre vn pilier estant derriere, ce qui me semble plus hazardes. Vng autre fera sauter vne demie antenne de fuste d'une espaule sur l'autre, ou sur le front, sur les dens, sans aucune aide que deus ou trois qui luy tiennent droite en l'air par les voisines fenestres. Il fait le mesme d'une colōne de bois, sur laquelle il met septāte ou quatre vingts liures de pierres sans lier & sans estre tenue, puis la fait sauter de l'une espaule sur l'autre, delà sur les dens, delà sur le front, ou menton, ou haut de teste, là ou il veut: mais il fait le mesme d'une paille de l'oreille en l'œil, au nés ou narines, a la langue, ou il luy plaist. Bref j'ay peur disant la verité de n'estre creu: car autant que nos Bastelleurs font de tours & souplesses, autant en font quasi de force & agilité. En laissant l'estat de ce banquet des nopces, pour a plain donner a entēdre le plus magnifique appareil qui soit en Turquie, en cas de table & banquets, je veus ici reciter par le menu vn festin accoustumé de faire a tous Ambassadeurs qui vont vers le Turc, lequel se fait le jour qu'on va prendre congé de lui: auquel banquet fu present & appellé avec vn Ambassadeur, là ou fut tenu tel ordre. L'Ambassadeur aiant esté baisé la main du Prince, qui ce fait pour reuerence & adieu

Les banquets  
qu'on fait aus  
Ambassadeurs  
en la maison  
du Turc.

commu-

communement vers ledit Prince sans plus, communiquant les affaires avec le Conseil & Basfiats fut mené par la main du Bachia Visir, qui ordinairement accompagne les Ambassadeurs a baiser ladicte main, puis les mene en vne sale mediocre, ou se tient tous les jours d'audiance, la court ou conseil nommé Diuan, la ou fu fait assoir pres dudit Baschia : apres estoit Aias Baschia, puis Cassum, puis Barberouffe dit Hairadin, & Ionus Benc Interprete du seigneur faisoit le sixiesme, le tout en rond, là ou a grand' peine se cognoist le haut bout qui n'i est pas: Sauf que là ou s'assiet le Visir. Eus assis sur vn tapis braue, leur fut apporté tout a l'en tour vn beau linge long pour le tour, & mis sur les genous, pour essuier & nettoier les mains : puis leur fut apporté vn grant plat d'argent quadruple aus communs basins a lauer dedeça, auquel y auoit six plats de pourcelaine réplis de diuerses sortes & painctures, de ris avec du moutō, & des pieces de chapōs, & quelques pluuiers, ou autres oyseaus inconneus, le tout a vng seruice, entrée, second mes & issue, & baillé a boire de l'eau sucrée confite avec eau rose damasquine.

Mais a cause qu'on fait boire de l'eau aus Ambassadeurs mesmes, il semble bon tandis que la table de la maison s'appreste, que je die la raison que referent les plussauans de la loy, pourquoy ils ne boient point de vin. Iceus vieux Hogeas ou docteurs dient estre escrit en la loy, ce que toutesfois n'ay encores veu, mais bien l'ay trouué aus liures de la doctrine du prophete, Qu'un jour, pource que Dieu voioit les hommes si meschans, qui ne gardoient plus de loy ne d'equité

*De la raison du  
vin prohibé.*

Fable d'Aruth  
& Meruth  
prise des que-  
stions du pro-  
phete.

ensemble, il enuoia deus anges en ce monde, pour faire  
& restituer Iustice entre les hommes, lesquels anges a-  
uoient nom l'un Aruth, l'autre Meruth, qui ainsi se  
nomment en l'Alcoran: qui, quant ils furent venus au  
monde, premierement trouuerent vne belle femme &  
juste, laquelle les pria de venir en sa maison, & apres  
les auoir bien traités de bons vins, dit l'histoire, qu'il  
y eut paction de ce qui s'entend d'un homme avec  
vne femme, par tel si toutesfois, qu'a son vouloir l'un  
d'eus la porteroit en Paradis, & l'autre la porteroit au  
monde: ce qui fut fait. Et quand Dieu les vit en Para-  
dis, quant a la femme pource qu'elle estoit juste, il ne  
la put chasser, & la fit l'estoille du jour: mais les pail-  
lars anges, pour auoir bu du vin, & fait la reste, eu-  
rent option d'estre punis en ce monde ou en l'au-  
tre: & eus eslisant cettuicy, furent condamnés a estre  
pendus par les piés en un puis en Babyloine, jusque  
au jour du jugement, là ou a present sont, ainsi l'ay-  
trouué escrit: & qui ne le croit y alle voir. Vous voies  
les grandes follies, & grosses ignorances qu'eus mes-  
mes dient, encore qu'il ne fut escrit: cela est la cause  
pourquoy le vin est deffendu, & aussi qu'en l'Al-  
coran en deus lieux il escrit qu'on s'abstienne de dets,  
& cartes, ou eschets, & de vin: & que ce sont les in-  
strumens du diable pour tromper les hommes. Et  
n'est pas ainsi qu'acús disent pource que Muhamed  
par iurongnerie chéoit du haut mal, car s'il l'eust trou-  
ué si bon & familier, jamais ne l'eust deffendu: car il  
n'est pas vray semblable que tant de peuples comme  
Mores, Perses, Turcs, Tartares qui mettent tout leur

bien principal en volupté & plaisir, se laiffassēt priuer d'une si friande partie, si elle n'estoit fort estroittement deffendue, que prestres ou eters communemēt n'en boient pour rien, s'ils en boient sont infames. Les Souldars, si en guerre en boient au sceu du Capitaine, ont par chacune fois cinquāte couds de baston: hors guerre souuentefois en boient en secret. Ce sont les causes pourquoy la moitié de la richesse du mōde est perdue, qui est le vin, sinon là ou il y a Chrestiens & Iuifs qui en labourent: si bien que quasi par tout vous en trouués, ou ils sont. Il y en a quelques vns, d'eus qui appellēt le vin le pissat du diable, pource qu'il trouble le cerueau, qui est de l'exposition du passage prealegué en l'Alcoran: & croy que pour cette terreur en partie, pource qu'ils ne sçauent nulle mediocrité, ils s'en abstiennent principalement. Cela est pourquoy aus plus grans & somptueus banquetts on ne boit vin. Or mettons la table aus seruiteurs de l'Ambassadeur, dont auois commencé a parler. En vne belle gallerie, vis a vis du feu allumé de deus pieds de nege, on leur mist vn long tapis sur la terre, selon le nombre des personnes choisies en longueur, puis baillée la seruiette barrée de noir allant par tout entour, furent apportés force plats de pourcelaine, pour trois ou quatre plats a sept ou huit plats, ou fortes de ris & rissoles pour chacun plat: puis d'une layette furent tirées de belles cuillieres de bois, au nombre des assisants, car ils ont cette superstition, que c'est peché de manger en cuillieres d'argent. Il y auoit a chacun plat des pieces de mouton

Vin en Turquie chés les Chrestiens & Iuifs.

Autre forme de banquet du Prince faite aus domestiques de l'Ambassadeur.

L'assistance &  
obedience des  
Turcs, a leur  
Prince.

par morceaux, & des poullets aussi despecés, & le boire comme dessus. La court qu'on faisoit là estoit de tous venants à nous regarder au visage, & d'un millier d'Auanturiers, Soulacs, Capitaines, Janissaires, qui durant trois ou quatre heures, & plus que fusmes là, assistās, a l'entour de la court ou parc du Serrail ou nous estiōs, sans jamais bouger de place, ne decroiser les mains, deuant la grād'nege dont ay parlé, laquelle assemblée se fait toutesfois que quelque Ambassade, ou grant personnage estranger va vers le seigneur: & en laditte patience vraiement se congnoist la grand' obedience qu'ont lesdits Turcs a leur Prince. Mais acheuons de dīner, car a la fin fut le beau. Il y auoit entre autres a nous regarder & voir le pauvre appetit que sans le vin auions a choses sucrées, vntrente ou quarēte grans personnages par la robe, tous vestus de drap d'or, d'argent, brocat d'or, d'argent, velours, satin cramoisis & autres tels habits, qui faisoient signe a ceus qui nous seruoient de maistre d'hostel, qu'ils leur prīssent des rissoles ou bignets dās les plats sur table: ce qu'ils faisoient, & les ferroiēt en belles robes, & de garnir poches de beaux & gras morceaux, & faire vrayement argument de la ciuilité du paīs. Ils faisoiēt tous des esbahis/e plus du monde, que d'un banquet, qui estoit digne du grand Tartare, & pour lequel māger Muhamed eust abandonné son paradis, nous n'en tenions conte. Aus plats leuer furent les grans actes de ciuilité car les susdits avec leurs belles robes, je ne di pas du tout des plus gros, empoignoient les plats a force, entre les mains du maistre d'hostel, & endu-

Incivilité.

roient neuf ou dix coups de baston pour la soupe & lopins. Et dessus les viures, a beau siege sur la nege, qui pour vn quatriesme Mars estoit fort grande : & qui vit jamais vn estat de pages, en grans personnes, là estoit représenté. Parce qui est dit se peut ample- ment congnoistre leur ciuilité & mode de banquets, tant des grands que des moiens : car les petis n'ont que leur cuir rond, qu'ils nomment *suffra*, leur ris, & mouton, puis la table sert le plussouuent de corbeille, coffre, nappe, & sac : aussi se clost a vne courroie comme vne bourse, & ouure sur vn cercle de fer communement. Il faudra tantost mener coucher la mariée. Je veus ici mettre quelque partie des ceremonies qui s'oseruent ce jour là, lesquelles que je n'aie vu faire, ni ouï dire aus Turcs, ne Tartares ou Perses, car je ne m'estois du tout enquis si auant par le menu, toutefois pource que j'ay trouué cela pas escrit aus liures des ceremonies populaires, ou conduite de cōscience, comme dient les Arabes, & aussi que je sçay iceus Arabes ou Barbares obseruer lesdittes ceremonies, je l'escriray, principalement quant je parleray de la religion, & a cette heure quelque mot : & escrit le docteur ainsi : Quant tu meneras l'espousée en ta chambre, elle deschaufée la elui les piés, puis jette l'eau au coins de la maison, ainsi Dieu te donnera sa benediction & misericorde. Deffens luy principallemēt quatre choses, Qu'elle ne mange coriandre, ni n'vse de vinaigre, ne de laitage, & fruits crus & vers, comme pommes : car ces choses empeschent la matrice, tant de se purger, comme de concevoir.

Les ceremonies  
auparavant que  
coucher, & cou-  
chât la mariée.

Quant tu feras au liēt avecque ladite espouſée, mets luy ton bras ſur la teſte, & lis ou recite le Sora prophetie ou chapitre, Voſtre Dieu vous gardera, juſque a vn tel poinct. Puis le Sora ou chapitre de l'Alcoran qui commence, Quant tu toucheras: puis di ainſi, Seigneur Dieu qui es ſeigneur & de moy & d'elle, donne moy lignée avec elle qui te ſoit louable, & me donne lignée qui ſoit de bonne generation & en tous lieux preſte a te ſervir, car tu es cil qui ſçais & qui ois tout: Et ſi fais ainſi tu auras merueilleuſe lignée. Toutesfois que tu voudras toucher a ta femme, dis au nom de Dieu miſericors & pere omnipotent: car ſi ainſi ne le fais, le diable aura puiffance ſur la creature, ſi alors engendres.

*Autres folies s'enſuiuent que je veux mettre en brief.*

**N**'A Y E S pas deſir d'un autre, quant tu es avec la tienne, autrement l'enfant ſera manchot. Ne te trouue ſoubs arbre portant fruit, car l'enfant ſera mal conditionné. Ne te trouue contre la volonté de la femme, autrement engendras vn inobedient. Ne le fais le premier du mois, ne le quinziefme, ne la derniere nuit, car l'enfant ſera diabolique, & autres telles folies, que je laiſſe de peur de faſcherie au lecteur & a moy connue, & en ay voulu donner le gouſt, affin qu'on voie la pauureté d'eſprit que ces pauvres gens ont en ces tenebres: & parce congnoiſſons noſtre felicité grande, d'une ſi belle & heureuſe loy. Mais de Barbarie je men

Folles ſuperſtitioſ des Mores en leur mariage.



reuois en Turquie, là ou le mari est fuget a deslier ou aualler les bragueffes que toutes femmes portent là, elles faissent difficulté ou mines de ne vouloir qu'il luy touche. Je croy comme aus anciens Payens que le mari estoit contraint deslier la ceinture de Vénus auant que toucher a rien. Estant faite la cause du mariage, & aiant promis ou donné vn second douaire, la dame se leue: & deuant que jamais il y retourne la seconde fois, elle se laue, selon l'institut de la loy, nette comme deuant & tant de fois, tant est lauée. Puis le lendemain au matin accōpagnée de ses esclaves & parentes, s'en va au bain. Car là jamais deus nuits suyuant ne coucherés ensemble, sans qu'entre deus y ait le bain, s'il y a bain en pais: s'il n'y en a, ils se lauent & cōuersent en cette sorte ensemble, jusque a tant qu'elle se voïe grosse: que si elle n'engrossist, & le mari s'en fasche, il dira que par sterilité elle est repudiable. Alors le juge, avec quelque Medecin versent de perfums, selon la sentence d'Hippocrates, jugeront s'ils peuuent a qui il tient, & l'occasion viendra de luy. Imparité de meurs avec suspicion d'adultere, sont des principalles causes de repudier, pour lesquelles trois causes, non seulement les Muhamedistes, mais aussi les Grecs & Armeniens repudient. Il y a difference que les Chrestiens jamais ne la reprennēt, les Muhamedistes la reprennent toutesfois que consentement des deus parties le portent. Quant elle est grosse le mari selon la loy, en est priué, jusque a la deliurance, & alors s'en va pourvoir avec les autres, ou avec esclaves, ou kebin, cōme il peut ouuent. En Tur-

Cōme se con-  
noist la cause  
de sterilité.

Les lits de  
Turque.

que communement les Turcs n'vsent de plume en leurs lits, mais font matelas de cottõ, laine ou bourre, qui s'estendent au soir sur quelque tapis, sur des ais, comme ay sùdit: puis au matin tous se troussent l'vn sur l'autre, comme on fait en France aus riches hostelleries, des beaux orreillés entaiés qu'on boute pour parement. Leurs couuertes aus villes sont bien de pauvres gents, s'elles ne sont de velours, ou satin; ou brocar, ou taffetas picqué, & faictes en loudier: des draps ils sont souuent attachés ches paoures & medocres bourgeois, vn a la couuerture pour vn mois ou deus, l'autre dessus le matelas, sans attacher, & sont de toille Alexandrine, ou cottonine, ou commune. Les riches ont souuent bains a leur maison, autrement les bains communs & publiques sont les plus beaux, grans, & braues edifices, apres les esglises ou musquette, qui soient en Turquie, grãs corps de logis tout a vne voute haute toute ronde, sans pilliers, couuers de plomb; dont tel vaudra quatre cens, six, sept cens liures de rente par an, car les Turcs a cause de leurs ablutions, y sont souuent, & principalement le vendredy, pour la generale oraison: peu y faillent. Chrestiens, luifs, tout le monde y est receu & traitté esgallement. Le dedans sont communement deus grans corps de logis, l'vn deuant, au millieu duquel il y a vne grande fontaine d'eau viue, ou artificielle, & tout alentour sont sieges couuers de tapis, separés par petits interualles, là ou vous despouillés & laissés toutes choses seures comme en vostre main & sans rien fermer ne garder. A l'entrée de la voute, là ou vous allés

Les baings.

suer

fuer, y a le tepidaire a l'ancienne & Romaine mode: puis le grand corps de logis, aus quatre coings duquel y a quatre chambres, là ou vous pouués estre a part vous & vos compagnons, ou seul. Et premier il vient vn gros vallet qui vous fait coucher a terre, & vous remue tout les membres, frottant tout les muscles si bien, en faisant quasi sonner toutes les jointures, que qui auroit la plus grande lassitude du monde, qu'il en gueriroit: & croi veritablement qu'ils font cela, pour ce que communement Turcs couchent durement: vous frotté, vous sués a vostre plaisir: puis ledit compagnon vous reuiet empoigner avec vne piece (en forme de gand rude) de toille, ou drap, ou sarge, & en lieu des estrilles des anciens, vous en frottent tout le corps, nettoiant merueilleusement: puis vous saoune sauec belle eau clere, qui vient là choir en vn bassin de pierre par deus tuyaus, ou fontaines, l'vn de chaulde, l'autre de froide; & vous la temperés a vostre plaisir, & la prenés d'vn beau bassin ou d'argent, ou a la mode d'argent, & vous la versés là ou vous voulés: puis la pierre esponge a frotter le deffous des piés. La barbe, cheueus, & les aisselles sont bient raelés: quant est du bas, ils vous baillent vn rasoir ou du psilothre, qui en vn instant vous pele, puis y remetrés quelque huile ou remede, de peur qu'il n'escorche. Et de là sortés seché de trois ou quatre linges: & païés deus aspres pour le plus, & vne pour les compagnons: encor vous dit on grant merci. Il failloit dire ceci tandis que nostre femme accouche, pour ce que souuent elle va au bain, & est traittée elle & ses compaignes a leur coust,

& apart, & par femmes, comme j'ay dit des hommes. Je desire la pareille oportunité des bains aus grans personages, & grandes cités de la Chrestienté, comme chose tressaine : qui a esté occasion pour y inciter que ie l'ay voulu escrire plus au long, pour le grand bien qui en vient, que cognoissant les anciens eui-toient la plusgrande partie de leurs maladies par cela.

*De la nourriture des enfans.*

L FAVLDRA maintenant (depuis la  
I mode de mariage) la femme grosse & accouchée nourrir les enfans : lesquels je laisseray jusque a trois ou quatre ans en la main ou presence de leur mere : car communement on n'vse pas de nourrice pardela, qui souuent pardeça, pour l'opinion d'un dur tetin, ou aultre legere occasion, pervertissent les enfans a eus commis : car il est certain que jamais tel soing n'en ont que la mere. Dont pardeça ayant cette opinion, que nous sommes en ce monde principalement pour y proroger un semblable, en chose du monde, ne veulent auoir plus grand soing qu'en nourriture de leurs enfans. Dont quant l'enfant a esté avec la mere jusque au temps de capacité, si c'est enfant du Prince, il est institué en cette maniere, selon que les eunuques me l'ont recité, car autrement ne les voit on point : Il y a desdits eunuques, ou gardefemmes, ou chastrés tout outre, qui scauent lettres & qui sont a ce destinés dans les Serrails du prince, tant là ou il fait nourrir les esclaves Chrestiens (de la quelle nourriture je parleray en la guerre) comme au

De l'office des  
Gardecouches.

Serrail de ses dames ou esclaves lesquelles sont appel-  
lées Sultanes, quant elles ont enfant du Prince : iceus  
eunuques ou garde-couches, seruent les vns a garder  
lesdites dames, les autres a monstrier lettres, quelques  
vns a tous les deus offices, desquels premier que je  
parle plus auant, pourtant que je suis entré au propos  
du Serrail des dames du grand Seigneur qui est a pre-  
sent, & parce que je n'aurai point de meilleure occa-  
sion par cy apres, je veus y arrester vn peu, declarant  
comme il en vse.

Il a tousiours en principale reuerence & amour sa  
premiere femme, laquelle s'appelle la Sultane ou prin-  
cesse, sans quëue, & est mere de Mustapha premier  
n'ay de ce seigneur, d'eage a cette heure de x x v i i  
a x x v i i i ans, combien qu'aucuns lui en don-  
nent moins: & communement ladite Sultane se tient  
au Serrail de Magnesia la basse, en Natolie, avec son-  
dit fils : duquel lieu vient souuent voir le Seigneur a  
Constantinople, & loge a sa maison dans le Serrail des  
dames: & est comme disent les eunuques (car en tout  
ceci qu'on ne voit point, il s'en faut fier en eus) com-  
me maistresse de toutes les autres, & leur peut com-  
mander par la grande autorité en laquelle le Prin-  
ce la maintient, il a d'elle d'autres enfans, les vns  
dient quatre, les autres trois. Quant est d'aller dan's  
le troupeau des femmes, comme font commune-  
ment tous Muhamedistes autorisés, le seigneur qui  
est a present y va, & areste peu qu'on voye & sache:  
mais selon qu'il luy vient en fantasie de quelqu'une,  
ou quelques vnes, il se les fait amener en vn beau cha-

Comme le  
Turc vse des  
femmes.  
La Sultanne.

L'an 1536.

Des autres da-  
mes qu'a le  
Prince.

riot tout couuert de quelque riche parement : & sont quatre ou cinq eunuques pour le moins, en la compagnie, jusque au Serrail ou palais, là ou il se tient : de là ou partent le plussouuent sort sur la mer, avec sa fuste, & celle qui lui plaist en vne autre, & s'en va a des lieux de plaissance, qui sont enuiron Constantinople, a quatre, six, dix mille, principalement du costé de la Natolie : & en aiant iouï a son plaisir les rend audits eunuques, qui ne les abandonnent jusque a ce qu'ils les aient ramenées en leur Serrail & chambre. La condition d'elles est telle, que les aiant conneuës premierement quant il les renuoie, leur donne pour le plus commun present vn bonnet d'vne lame d'or, duquel ay sus parlé a l'habit des dames, lequel vaut communement deus ou trois milles aspres, qui sont soixante escus : car chacun mil d'aspres vault 20 ducats, & jamais les Turcs ne comptent leurs aspres plus haut qu'en repetant les mille. Puis luy baillera quelque robe de brocart, ou drap d'or, selon qu'il l'aime & luy baillera quelque quarente ou cinquante Sultains, qui sont ducats du Prince, & lui ordonnera au Serrail sa chambre a part, & des plus petites qui luy seruiron d'esclaues, avec quelques matrones, & vn eunuque : & la laissera ainsi reposer, iusque au temps qu'on pourra connoistre s'elle est grosse : que si elle l'est, sera du nombre des Sultannes, autant autorisée comme elle est venue des premieres. Si elle ne l'est, & elle lui a pleu, il la remande ou pour beaulté ou bonne grace, & la tient comme Sultane, encore qu'elle n'ait l'effet. S'il ne la voit ou veut plus avec  
foy

le temps, selon qu'elle est en grace, elle sera mariée comme ay ja dit, a quelque gouuerneur de pais comme vn Sengeac, Aga, ou autre selon la fortune & recordation qu'elle ha. Il y en a beaucoup qui pour fautede grand'beauté ou de grace jamais ne sont rien au Prince, mais là dedans seulemēt apprenent a coudre, a broder, ouurer de foye, fil d'or, & autres tels ouurages de femmes : ce que le seigneur fait apprendre generalement a toutes, par telle diligence que si elles estoient ses propres filles, & par si grand artifice, qu'il n'i auroit pardeça Princeesse qui ne se cōtentast d'auoir de l'ouurage entr'elles desprisé. Pour leur apprendre y a des vielles matrosnes, qui sont là stipendiées, tant pour leur monstrier, comme pour subuenir aus femennines necessités, & enseigner principalement les jeunes & peu experimentées. Les Eunuques ont pouuoir & leur est loisible de conuerser avec elles, & a celles qui en ont desir mōstrier des lettres a lire, escrire en la lāgue Arabique & Turquesse, qui differe de la ditte Arabique non de lettres, mais de mots & parolles : toussois que le Prince n'ordonne qu'elles sachent lettres, mais aussi ne le desprise. Leur nourriture est ris, mouton, chapons, eau sucrée : & pour ce entretenir le Prince leur dōne a chacune selon sa fortune ou recordatiō : a l'vne sis aspres le jour, a l'autre dix, a l'vne xx, a quelqu'vne trenté, qui est pour le plus : & leur croist leurs gages quant elles ont esté avec luy. Les petites & nouuelles prinſes, ont quatre, trois, cinq aspres, selon leur risico ou fortune. Qui leur est commun a toutes, est que le seigneur deus fois l'an les fait vestir

Qu'apprennent  
les dames au  
Serrail du Prin  
ce.

La nourriture  
& estat des da  
mes du Prince.

de soie pour le moins, outre leurs gages. Tout le mal que je voi entre tant de biès, est qu'elles sont quasi toutes Chrestiennes, & contraintes de se faire Turques, en disant comme les hommes *Lallah illalah*, c'est a dire, Dieu est Dieu, & n'est qu'un Dieu: puis principalement qu'elles sont au Serrail du Prince: car tout esclaue soit jeune homme ou femme, qui est donné au Prince par Capitaines ou autres qui l'ont prins, est fait Turc. Des vieus ou vieilles, on n'en fait communement present au Prince, si n'estoit pour quelque rareté ou excellence, comme pour estre seigneur, Prince, ou sçauant. La plus grand' part des Esclaues qu'ont les Turks sont Cercasses chrestiennes, d'aupres du Don & Temérinde, anciennement dit Tanais & Meotîs, & Mingrelles d'aupres de l'Armenie, d'Vlachie ou Bogdan, Seruia, & Bosna, Transylvania, Honguerie, Sclauonie, de Cecille, Italie, des Isles, generalement de tous lieux de Chrestiens ou ils ont victoire, & bref ils sont le premier tresor de personnes, Grecz pour estre tributaires: Iuifs pour paier quant on veut: Armeniens pour vn priuilege qu'ils ont de Muhamed, a cause qu'une fois le recueillierent, & qu'ils estoient Nestoriens comme luy. Venitiens durant la paix, qui leur auoit duré plus de quarante ans, n'estoient par cy, deuant communement point esclaues du Turc, au moins que le Prince sache. Voilà des femmes du Prince. Nous suiurons maintenant nostre propos de la nourriture des enfans du Prince ou Sultanes. Aiant esté nourris avec la mere, jusque a l'age de capacité, qui vient a l'une nature plustost, a

D'ou sont les  
Esclaues ou da-  
mes du Prince.

Quels peuples  
communemēt  
ne peuvent es-  
tre esclaues.

Nourriture  
des enfans du  
Prince.



l'autre pluſtard, pourtant qu'à peine ſe peut limiter le temps, qui a l'un ſera quatre, a l'autre dix : on met vn Hogeā ou vieus docteur qui leur apprennent les lettres a lire en toutes les deus langues, aſçauoir l'Arabique & la Turqueſque, leſquelles ſont doublement difficiles a lire au pris de la noſtre, car elles ſ'eſcriuent par conſonantes ſeulement, ſans eſcrire voielles, qu'il faut ſçauoir par long art & couſtume; & leur baille encor' du commencement les plus difficiles lettres a lire qui puiſſent eſtre (car ils n'ont point d'Imprimerie) afin que les aiant apprises telles, tiennent facile tout ce que par apres faudra lire. Puis l'aiant fait bien lire, lui apprennent des oraiſons a Dieu le Createur, qui ſont prinſes des expoſitions & ſentences de l'Alcoran, deſquelles je diray au lieu de la religion. Et incontinent luy fait lire & aprendre par cueur l'Alcoran ou loy, laquelle il luy dit en Turqueſque, & ne fait autre, juſque a tant qu'il l'ait ſi bien en ſa memoire, que jamais n'en parte, obſeruant naturellement ce que dit le poëte Horace, Que le pot de terre ne ſent touſiours la premiere liqueur dont il eſt abreué: en ce me ſemble nous donnans quelque blaſme, qui ſi tard ou jamais n'en parlons a la noſtre jeunefſe des diſciplines, deſquelles il faut auoir en cette vie la principale & ſeule raiſon, c'eſt a dire des choſes de la ſainte Eſcriture & de noſtre ſalut. Il me ſemble que nous y beſongnons tout a rebours, car le commencement de ſapience, eſt craindre Dieu, ce que jamais ne ſ'obſerue ſi bien que de ſa parolle. Les Iuiſ & Turcs qui ſont en erreur & tenebres, nous monſtrent toutes ſois

Les Turcs & Iuiſ ſont apprendre la loy a leurs enfans.

Les Turcs n'ont  
histoire anti-  
que ne Rhetor-  
ique.

espece de diligence. L'ayant ainsi, instruit premièrement en la loy, le maine apres aus autres disciplines humaines, lesquelles ils ont autant que nous, fors les Histoires, & Rhetorique: car ils laissent en petite estime les histoires, & principalement les nostres & les estranges: pource qu'ils disent qu'on n'oseroit, vivant vn Prince escrire de luy la verité, qui ne fut tout en louange, & apres sa mort la memoire s'en perdre: dõt ce qu'il y a d'histoires, ils les ont quasi pour fausses, fors qu'ils en ont bien quelqueunes traduittes de Grec, qu'ils appellent Scander, c'est a dire Alexandre, & Chederelles ou Suggia, c'est a dire saint George, & de leurs seigneurs, là ou il y a tout plain d'histoires de guerre, comme d'Alexandre & saint George, &c. De Rhetorique, qu'ils nommēt *mantic*, ils dient n'en estre besoin que bien peu, pource que nature simplement, & en peu de parolles dit, & monstre ce qu'elle entend.

Nuls Aduocats.

L'autre est que là n'ya nuls Aduocats pour desguiser matieres, & rendre proces immortels semblables comme par deçà. Cōbien qu'à la verité je n'ai veu langue qui portast plus de facōde en commun parler que fait la Turque ou Tartaresque, autant que j'en ay peu entendre par le parler des plus sçauans & courtisans. Aiant le jeune garçon hanté les lettres, cōmunement & poutle moins jusque a l'aage de la circoncision, qui ne se fait par le commandement de leur loy, plustost que de quatorze ans, ne plus tard gueres que xxiiii ans, je di aus enfans de Turcs, car a toute aage supéri-  
riure a seze ans, aus autres se peut faire, on l'oste a-

lors

lors communemēt de la maison, & d'auec la mere, & est mis en vn autre Serrail, là ou on luy monstre l'usage des armes, tirer de l'arc, de l'haquebute lōgue a leur mode, de demies picques, de la cimeterre, qui est leur espée, a la manier auec vn boucler ou rondelle. Il apprend a cheuaucher, voltiger, faire tourner vn cheual en vn petit coin pres d'un mur, entre deus autres, & là est gardé de quelque bon vieillard, qui garde qu'il n'y ait paillard, ni homme vagabond ou inconnu, ou vitieus, ne garfes qui en approchent, jusque a ce qu'il plaise au Prince le marier, ou mettre en liberté: l'ors s'il hante compagnie qui luy rende la vieillesse repentente, il le peut faire a son dan. Je n'ose pas ici dire combien y a de mille personnes, & grands & riches, qui quant ce vient que la raison est contrainte de descendre en vn corps, par les delices & vices de mauuaise compagnee a jeunesse suggerés du tout attenué, & que connoissance de soy entre en son possessoire, & que les vices en despit de nous nous delaisent, commencent a desirer la mort de ceus qui au temps passé ont telle bonne nature deprauée: lesquels lors que le corps & permission & coustume, le souffroient estoient reputés semidieus & grans: mais tarde est la penitence, quant l'amende n'est nulle.

Dont prenons garde de bōne heure a nostre jeunesse & enfans, & que nul sinon de vie prouuée ne la hante sans tesmoins meilleurs ce qui n'aduiet gueres entre Turcs, car ils ne sont si familiers a escouter vn chacun comme par deça. c'est la commune education ou nourriture du Prince, ou fils de Prince, ou de la seule

Exercitation  
d'armes.

Grande garde  
de la ieunesse.

noble race de Turquie. De la nourriture des Eſclaves Chreſtiens, leſquels le prince nourrit en ſon Serrail, appelle ſes enfans, & les annoblit pour leur vie ſeule, non pour race, encor qu'elle ſoit quaſi ſemblable a celle des Dames, ſinon qu'en lieu de fil & d'aiguille, il manient liures & armes. L'en dirai quelque choſe en la guerre. L'enfant d'un bourgeois & riche homme, eſt inſtitué quant aux lettres, ne plus ne moins comme cil du Prince: ſinon que ceſtuy va aus eſcoles en compagnie, ſous un maſtre commun: l'autre ſous un maſtre chaſtré le plus ſouuent, ou un fort vieus & non a craindre. Les pauvres gens qui voudroient faire eſtudier leurs enfans, & n'ont de quoy, les enuoyét aus fondations des Princes, là ou ſont entretenus & enſeignés pour l'amour de Dieu, par les aumosnes des Princes: leſquelles, cōbien elles ſont en grāde recommandation, & eſſet aus Turcs, je le diray en la Religion. Ausdittes aumosnes ſont entretenus docteurs pour monſtrer & lire publiquement de Grammatique, Logique, Aſtronomie, Medecine & des auteurs ſuiuans d'Ariſtote, Galien, Hippocrates, Auicenne, Ben reis, Ben bitar, Sipa. & les filles ſont nourries comme deſſus ay dit, touſiours cachées, juſque a tant que leur mari les voie, aprenent couſtures, broderies, & autres telles choſes, ſelon le vouloir des parens. Mais je m'en vois parler de la Religion.

## De la Religion en gene-

RAL ET PARTICVLIER.

**L'**ENTRÉE de cette loy de Muha-  
med, ou de l'Alcoran, ou Alphurcan Profession de  
la loi de Mu-  
hamed.  
est la Circoncision, comme a nous est

le Baptesme, & est cela general a tous Mores, Turcs, Perses, Tartares, Indes, & vniuersellement a tous ceus qui croient en l'Alcoran, qui du monde triparti occupent plus des deus pars. Pour incitemens a cette loi ils font, long tēps auant la Circōcision, leuer le doigt tant aus petits enfans masles & femelles comme aus esclauēs, qu'ils ont desir de conuertir. Et leuant le doigt premier, apres le poulce, en la main dextre, leur font proferer ceci *L'allah illallah*: Il n'est Dieu sinon Dieu. Ou ainsi, *allah hu hallah*, *la allah illa lah*: Dieu est Dieu, & n'est Dieu sinon Dieu. Ce qui est prins du chapitre, Humieram, qui est le second del'Alcoran, & repeté mille fois en ce liure. Les autres adjoystent souuent ensemble tout ceci *allah hu allah la allah illa lah* *remuhamed rassul allah*: Dieu est Dieu, & n'est Dieu sinon Dieu, & Muhamed est prophete de Dieu. lesquelles paroles quant sont dites par vne femme ou fille, elle est Turque sans remede: car les femmes n'ont point d'autres caracteres que la prolation a leuer le doigt. Quant je di Turque j'enten generallyment Muhamedique, de quelquenation que soit: & pour ceoy, tant a hom-

Astuce des  
Turcs a con-  
uertir les au-  
tres a leur Re-  
ligion.

Iniquité des  
Mores.

mes qu'a femmes d'aulture religion, ne taschent aurtre que par quelque mode les prendre, ou par ignorance ou finesse, ou promesse, ou propre volonté, leur faisant leur le doigt, puis en prennent attestation & vous prouuent que vous aués promis de vous conuertir, y aiés pensé ou non: & de fait vous contraignent les hommes a circoncision, les femmes a l'obseruation des ceremonies & a compagnie de Turc. Et font la pareille violence s'ils peuuent prouuer ou côtrouuer que quelqu'un ait parlé ou de la loy, ou du prophete: car ils disent qu'il a blasphemé, & qu'il faut estre Mussulman, c'est a dire fidelle en la loy de Muhamet (car les Turcs ne les Tartares n'escoutent volontiers leur nom, mais veulent tous estre appellés Mussulman, ou Mussulmin, ou Mussumanlar, c'est a dire, fidelles: comme nous ferions Chrestiens) deuant que Dieu voulust pardonner vn tel peché, & principalement en ces deus points, les Turcs & Tartares font violence d'estre de leur loy. Tous Muhamediques ont bien cela qu'ils prient tous estrangers de se faire Mussulmans: & tant plus les aiment, plussfort les prient. Mais les Mores, les pires canailles & plus infidelles & trahitres qui soient entre tous, Muhamediques, & qui toutesfois se glorifient & presument plus de sainteté, pour leurs saints lieux ainsi qu'ils dient & antiquité du Caroon, & prééminance de la loy, que toutes les autres nations: mais encor appellent les aultres, comme Perfes, Turcs, & Tartares, imparfaits en la foy, qui pourroient toutesfois estre leus Dieux; en cas d'humanité. Iceus Mores seuls

du leur loy, contraignent pauvres Esclaves a se faire de leur loy, a coups de baston, a arracher & rompre les dens, a tant battre la plante des pieds qu'elle tombe par pieces, a se tenir a jamais en vne caue avec vne poignée de farine d'orge moitié paille, avec demi voirre d'eau pour jour, & autres infinis martyres, lesquels ne se pourroient sans larmes referer: & combien que non vniuersellement, toutesfois la plus part sont tels. La raison pourquoy ils ne font point la circoncision ou caractère de la foy deuant quatorze ans est, Qu'ils veulent que de plain & parfait arbitre, ils y consentent: car si par apres aduenoit que quelqu'un se reniait ou renouçast la loy, sans remede nul il mourroit, combien qu'il se reconuertist: qui est la cause que nous en voions si peu se faire Chrestiens. Combien que ceus qui entr'eus sont sçauants, aient vn merueilleux amour a la loy Chrestienne, & congnoissent certes la vanité de leur loy, & pauvre jugement, dont elle part. La Circoncision se fait donc au dessus de quatorze ans, & au dessous de xxiii ou de xxv en la forme mesme que les Iuifs l'observent: sauf que quelques vns ou par deuotion, ou en d'anger de mort la font auant quatorze ans. Il se trouue vne grande assemblée & bien en ordre, a cheual ou a pié selon l'espace qu'il y a de la maison a la mesgeda, ou selon la richesse des parents, qui accompagnent le jeune enfant ou garçon jusque a laditte Mesgeda. là le Prestre, qu'ils appellent Lecteur, le reçoit, & luy demande s'il veut estre Mussulman: croire le prophete de Dieu Muhamed, qui a apporté la loy que Dieu luy a

Ceremonies a  
la Circoncision.

baillée?aiant respondu ouï. Il luy fait promettre qu'il la gardera tousjours, & fera ami des amis d'elle, & ennemi de ses ennemis. Apres qu'ils ont acheué les ceremonies & dit *ia alla ia alla o deus o deus*, chacú fait la *jallach* ou oraison. Puis le jeune garçon aiant laissé vne partie de sa peau s'en reuiét accompagné : & font vn grant banquet pour vn, ou deus, ou trois jours, selon l'estat de la maison. Les Princes font grans appareils, plus que pour les plus grâdes noces, & par apres se font tournois, jeux-de-pris a grandes compagnées, & ici & ausdittes noces. jay ouï dire que quelqu'vns d'eus font quelquefois la Circoncision a la maison, cōme les Iuifs: qui a la maison, huit jours apres la natiuité, aians inuité leurs amis & parens, font la Circōcision a eus anciennement ordonnée, & qui d'eus & leur loy est venue aus Muhamediques. Mais cette coustume n'est prouuée, ni anciennement obseruée d'estre Circōcis a la maison, sinon que ce fut en quelque lieu ou n'y eust Mesgeda. Quant quelque Chrestien se fait Turc, s'il est riche ou esclau de quelque riche, il est amené a la Mesgeda bien accompagné & interrogé comme dessus: & retailé, puis ramené. Si c'est quelque pauvre hōme, qui par quelque malaise, ou par despit, ou contrainte se fait Turc, il y a quelqu'vn son parain qui luy baille vne fiesche en la main qu'il tient drecée en amont : les vns dient que c'est en lieu du doigt, pour monstrier qu'il n'est qu'vn Dieu la sus: les autres pensent que c'est pour mōstrer qu'auoc la fiesche il deffēdra la loy : & que par la fiesche s'entendēt toutes armes. Sō parain porte vn bafsin a tout

Du Chrestien  
qui se fait Turc



le peuple disant, Dieu soit loué, voici vn Mussulman nouveau : & alors chacun luy donne vn aspre, deus aspres, & amasse vn, deus, ou trois cens aspres, tant du plus que du moins : puis luy baille, & l'emmaine disuer, & font leur banquet de la queste. Les enfans des Muhamediques sont nommés des qu'ils peuuent entendre leur nom, lequel on leur repete a la Circuncision, pour les interroger. Les Chrestiens changent le leur. De Iuifs, j'ay ouï dire qu'ils ne les reçoient a estre Mussulmans, sans estre faits Chrestiens, ou pour le moins dire de bouche qu'ils le sont : ce que je ne sçauois au vrai quant i'escrui premierement cette histoire : mais a mon second voiage ay sceu pour certain, que le Iuif, parce qu'ils sçauent qu'il ne croit pas que Iesus soit le vray Messie promis au viel testament, affin que quant il sera Mussulman aie creu en toute verité, le contraignent outre les paroles accoustumées dire cecy : **I S S A H A C**, c'est a dire, Iesus est veritable & Messie vrai, & Docteur vrai, ce qu'ay escrit plus au long en la premiere & nouuelle partie. Car ils font vn tel discours disant, que Dieu le createur, apres que l'homme qu'il auoit créé & sa posterité, l'eurent oublié, il donna vne loy aus Iuifs meslée de deus contraires de bien & mal, de peine grande & recompense : laquelle ils ne voulurent point obseruer, mais idolatrerent : puis qu'il enuoia vne autre par le grand des prophetes formé du saint Esprit, c'est **I S S A** ou Iesuschrist que Muhamed ou l'auteur de l'Alcorā l'appelle ainsi, laquelle estoit remplie de douceur seulement : & que les hommes n'ont pourtant voulu gar-

der, parquoy il a enuoié Muhamed qui est venu avec vne espée, & avec rigueur, pour faire croire les gens en Dieu par force, ou faire mourir, ou rendre tributaires: dont est l'opinion des Iuifs, car ils disent qu'il ne leur faut pas sauter la loy de Iesuschrist s'ils se veulent faire de Iuifs Turcs. Voila leurs raisons. Les noms qu'ils donnent communement sont tous significatifs de quelque chose: & sont communement tels:

Les noms des  
Muhamediques  
significatifs.

<i>Louable</i>	<i>Desirable</i>	<i>Bon</i>	<i>Prest</i>	<i>Joyem</i>
Muhamed,	Mahmud,	Ahmad,	Hamza,	Pherhat,
<i>vif</i>	<i>vif</i>	<i>vif</i>	<i>Haut</i>	<i>Paisible</i>
Homar,	Humeram,	Hamurat,	Hah,	Selim,
<i>Pacificque</i>	<i>oyant Dieu</i>	<i>Ioseph croissant</i>	<i>Iob merueilleux</i>	<i>saint</i>
Seliman,	Ismail,	Isuph,	Aiub,	Sophi,
<i>santifié</i>	<i>Pyrrhus rousseau</i>	<i>Alexandre</i>		

Mustapha, Burru, Scander. Voiés de ce petit comme tous leurs noms signifient, ou sont prins des anciens Hebreus, cōme Ioseph, Iob, Ismail: ou des Grecs comme Scander Alexandre, & Byrri Pyrrhus: la glose vous le monstre. Mais sans partir de cette Mesgeda, là ou se fait l'oraïson, il nous en faut dire quelque chose. Les belles Eglises ou Mesgedes, & plus communes aus lieux bien habités en Turquie, sont de forme ronde, haute, sans pilliers au millieu, comme sont les quarrures des maires Eglises en France, estant conduites en rond par la quadrure, comme est nostre Dame de Paris, S. Croix d'Orleans, & autres, là ou la quarrure ou croisée fust faite en rond & sans pilliers. J'ay dit dessus aus lieux biens habités: car aus villages, & ou pauureté regne, ils sont mal en ordre, sans regle, & le plussouuent nulles. Icelles Mesgedes  
sont

Descriptions  
des Mesgedes  
ou Eglises.

font fort belles & grans voirieres par en haut, au dessus du premier estage, car tout entour est en rond ou quadrature, vne autre ordre de colones, là ou y a voirieres aussi selon la proportion. Dedans lesdites Musgedes n'y a chose corporelle qui soit au monde (hors ses propres parties & construction) sinon des lampes ardantes, toutes en vn ordre, qui sont du costé le plussouuent dont ils prient, qui est communement deuers midi: combien que les pluscauans ou moins superstitieus entr'eus adorent vers orient, ou autre part, disant que Dieu se peut prendre en tous sens, & de tous costés: & aussi que Mahumed l'escrit en l'Alcoran. Et adorent tous vers midi, pource que Muhamed leur a ordonné pour certé raison qu'ils croient leur loy estre celle d'Abraham, & qu'il fist son sacrifice a la Meche sur vne montagne qui regarde le midi: au regard de laditte Meche, & aussi que ledit Muhamed dit qu'elle est (je di la Meche) vers le midi, qui est vray quât au lieu dont il fut n'ay, qui est dit *Iezrab* ou *Iethrib*, & aujourdhuy *Medinat alnab*, c'est adire la cité du Prophete, là ou il est enterré, & non pas a la Mesche comme lon pense: & pource que de son origine a cause de la Meche, & de la Meche a cause de la montagne, & la montagne la Meche & *Iethrib* au regard de Ierusalem là ou ils ont restitué le tēple de Salomō par leur Prince Hōmar, est au Midi: & dudit lieu du temple Muhamed se dit auoir esté rui, & fus l'Alborac par Gabriel cōduit: & par ce qu'il prioit vers midi, ils l'imitent tous, ce qu'il commanda, sinon en necessité, car alors qu'on ne connoist

ils prient du  
costé de midi.

point la partie du midi, Dieu est oiant, voyant & fcauant tout, il prend l'oraison de tout costé, ainsi cōme ils escriuent. Ils ont en si grande horreur les images & figures de choses qui portent vie, pour euitier idolatrie, qu'ils n'entreroient pour rien là ou il y eust vn image en Mesgeda, & se penseroient coinqués, d'auoir entré pour prier en vne Eglise des Grecs : regardant lesdits images, lesquels toutesfois, j'entend les (Grecs) nous autres ponentins occidentaus fugets a l'Eglise Romaine, nous appellent idolatres grans, pource que nous auons des statues esleuées & images plats ou effigies, & ils n'ont que les effigies seulemēt. Et quant on leur obiecte les leurs images ou effigies, ils diēt que le simple peuple ne s'abbuse jamais en effigie, mais bien en statue, combien qu'il n'y apparroit grand difference. Dōt les Turcs par ladittē horreur d'images, ont a S. Sophie, qui le temps passé, auant qu'elle fust en leurs mains, estoit vne parauanture la plus belle Eglise du monde, tout ruiné le musaique, le plus ancien qui se pouuoit trouuer: seulemēt pource qu'il estoit paint & fait en images d'excellēte beauté & richesse inestimable, & autant en font en toutes Eglises ou ils font leur Mesgeda. Et ne voy ordre de leur faire entendre cōme nous ne les adorons pas; car quāt on leur dit qu'i s nous seruent de memoire plus fresche pour estre incités a les imiter par vertu, ils respondent que ce a donc esté en gardāt la loi qu'ils sont faits saints. Laquelle si nous gardons nous serons cōme eus; & si nous la laissons, ils ne nous seruiront de rien, & priront Dieu non pour nous, mis contre

L'eglise de  
sainte Sophie  
destruite &  
pourquoy.

nous : & certes j'en ay interrogué des plus fuffifans & ſçauans d'entr'eus : deſquels jamais ne ſceu auoir autre raiſon, qui toutesfois par beaucoup de ſignes ſe monſtroient bien affectés a la Chreſtienne religion, & euſſent eu bon deſir, d'entendre. Leursdittes Meſgedes ont leur paué des plus belles lames de marbre, ou de quelque belle pierre ſiée & pollie, & là deſſus ſont des eſtores, comme on pouroit dire nates eſtendues pour ſe mettre a genous, & auſſi pource que tout le monde qui y entre laiſſe les ſouliers a la porte, & y entre pié nud, ou avec eſcarpins, qui le ſoulier hors demeurent au pié. Il y a quaſi au derrière de chacune maire Meſgeda par dedans, vn lieu de pierre eleué en haut, comme pourroit eſtre vn petit lettrin, là ou monte le Preſtre dit Iman ou docteur, ſoit pour preſcher, comme le vendredi, qui eſt leur feſte de ſemaine, ou pour lire quelque oraiſon, ou vn chapitre de d'Alcoran, ſelon leur ſtatut ou ordre : & eſt en lieu plus haut, a celle fin que le peuple le voie & l'entende. Maintenant il nous faut voir de l'ornement, qui communement eſt dehors deſdittes Meſgedes : mais a cauſe qu'il n'eſt beſoin diuaguer trop loin d'icelles, nous ne parlerons que d'vne tour ronde, plus haute que ladicte Meſgede, qui eſt jointe a ladicte eſglife, laquelle leur ſert, comme a nous les clochers. La haut, cinq fois de iour, quant on veut faire l'oraiſon, monte vn jeune homme ou pluſieurs, tant jeunes comme vieux a vois entiere & forte, & qui leur ſert de cloche, diſant & repetant *ia halaffala ; ia halaffala ; ia halaffala*, hau a l'oraiſon, hau a l'oraiſon, hau a

La modicité & reuerence qu'ils ont en leur Meſgeda.

Vn hōme ſert de cloche a crier a l'oraiſon,

Cinq fois de  
jour les Muha-  
mediques prient  
Dieu.

Nulles ou peu  
de Mesgedes  
aux villages.

l'oraison. Et quelquefois commence ainsi, *allah che-  
bir allach chebir*, Dieu est grand, Dieu est grand, & au-  
tres propos diuers, au plaisir du crieur, qui au matin  
au point du jour, a midi, a deus heures, & a soleil cou-  
ché, & a trois heures du soir repete de mesme. Et  
pourtant que les Muhamedistes ne comptent point  
le temps ou heures autrement que par ces cinq arti-  
cles, je veus mettre comme ils l'appellent en Arabe &  
Turc, l'heure du fin matin s'apelle des Arabes *subuh*;  
& des Turcs, *Sabah* ou *irteh*. Le point du jour en A-  
rabe *becher*, & en Turc *dengleh*. Midi en Arabe *du-  
hur*, & en Turc *oyle*, & *oyle nemazi*. Entre  
deus & trois, en Arabe *hatzri*, & en Turc *ichindi*, &  
*ichindi nemazi*. Le soir en Arabe *magrib*, & en Turc  
*agssam*, *agssam nemazi*. Le tard en Arabe *hassa*, &  
en Turc *ietfy*, ou *ietsynemahi*. cela fait pour entendre  
leur raison de compter temps. Quant on oit ainsi a  
ces heures là crier a l'oraison, il y va qui a deuotion:  
les gents deuots vont a toutes: les autres vont a midi,  
deus heures, & au soir. Le vendredi qu'ils ont pour la  
feste de semaine principalement, y vont quasi tous  
vne fois au moins. S'il y a quelque pauvre homme  
qui soit necessiteus, on ne le contraint quelque ven-  
dredi qu'il soit, a serrer boutique. En beaucoup  
de villages ils n'ont point encor de Mesgeda: & on  
leur enseigne a prier Dieu, qui est present en tout  
lieu, & non comprins en lieu, sinon par incitation &  
vnité. Et en voit on la pluspart qui en leur champ,  
ou en tout lieu se mettent a genous, & a prier a leur  
mode. Deuant que faire ou venir a l'oraison, faut se-  
lon

lon le commandement de la loy, faire les ablutions, Les ablutions  
& oraisons d'icelles.  
 en disant quelque priere:laquelle chose je veus mettre. Venant au lavoir, ou soit a la maison, ou au baing, ou ala Mesgeda, car par tout communement y en a qui se lauent, il dit ainsi, Seigneur Dieu je te demâde ta benediction de ta dextre, affin que par toy sois aidé & gardé, de la gauche & son ire, puis prent de l'eau & laue sa bouche par trois fois, ce qu'ils appellent innouation,& dit ainsi: Seigneur Dieu donne moi ton aide a lire la loy,ou Alcoran, & a faire souuent memoire de toy. Par apres lauant son nés en tirant l'eau dedans dit, Seigneur Dieu donne moi sentir l'odeur de ta gloire, & te contente de moy. Puis dit a plus haute vois, Seigneur Dieu je prie par ton aide estre deffendu de l'odeur du feu & mal de ma maison. Apres laue la face de long, & en menant les mains ( depuis la naissance des cheueus ) disant, O Dieu purifie ou blanchis ma face avec ta clerté, le jour que tu blâchiras la face de tes amis, & n'ennoircis pas ma face le jour que tu ennoirciras la face de tes ennemis. Puis laue sa main dextre avec le bras & dit, Mon Dieu donne moy bien escrire avec ma dextre,& me donne nôbre facile. Puis lauât le gauche bras & main disant, Dieu aide moi,& me dône mon papier en ma gauche. Puis la teste (& pourtant sont tous tondus) disant, Seigneur couure moi de ta misericorde,& enuoie sur moi ta benediction, & me fais ombre sous ton trosne, le jour qu'autre ombre ne sera que la tienne. Puis les oreilles disant, fais moi de ceus qui escoutent la voix, & qui suivent la

meilleure partie. O Seigneur fai moi ouïr ceus qui parlent en Paradis avec les Saints. Puis l'auant le col dit, Seigneur garde mon col de feu, de chaines, & des gresillons d'enfer. Puis la jambe & pié droit tout de long, & dit, Seigneur conforme moi le pié en *tzirat* (c'est a dire en droiture & fermeté de leur loy) le jour que les piés des mauuais seront au feu. Puis le gauche en repetant l'oraison. Puis quant il a fait il dit, Nous te benissons, loüons & adorons seigneur Dieu, car il n'est Dieu sinon toy seul, j'ay fait mal, & maculé mon ame, dont je te demande pardon, & te prie que tu me conuértisse a toy, & que tu me pardonne & mette repentance sur moy, car tu es le vray conuertisseur, & misericors. O Dieu fai moi des repentans, fai moi des purifiés, fai moi du nombre de tes bons seruiteurs. Les ablutions & oraisons acheuées, s'en va a l'oraison commune a la Musquée, là ou tout le monde dit communement cette oraison ensuiuant, en la repetant qui ne sçait autre chose. Les autres ont beaucoup d'autres oraisons, prises de la fin de l'Alcoran, & faites des docteurs, chascun a sa mode, comme il les veut. L'oraison est telle; & pource qu'elle est sceuë, & entendue de tout le monde, je la mettrai en Arabic, & en François, elle est escrete au commencement de l'Alcoran ainsi:

De l'oraison.

L'oraison des  
Muhamedistes  
en Arabic &  
François.

*Elhemdu lillahi rabit halamine elrahmani elrachimi melichi iaumi eldini. eiache nahnbadu, veiache nestehinu. Ih-dina elzzirata el mustekima, zzirata eladina eueamta halahim gairi il magdubi habahim. velal. zâline. Amin.*  
Qui veut dire en François, Louange soit a Dieu, sei-



gneur des siècles, le miséricordieux, & pitoyable, & Roy du jour du jugement. O bons humains serurons luy, & nous serons aydés: donne nous seigneur Dieu le point ou certitude, la vraie certitude de ceus, lesquels tu approuves par ton bon plaisir, sans aucune ire contr'eus, & qui ne seront remués de ta grâce. Amen.

Cette oraison leur est fort commune au commandement de toutes œuvres, mais principalement pour prier a l'heure, & pour lire l'Alcoran. Au commencement de toutes leurs œuvres, ils dient, ou escriuent ceci, *Bismilahi rachmani rahimi*. Au nom de Dieu miséricors & bon. Maintenant je veus dire des communes coustumes qu'ils ont en priant, soit a la Mesgeda ou hors, car en tout lieu font oraison, les seigneurs en leurs sales, les autres ou il leur plaist. Incontinent qu'ils sont arrivés a la Mesgeda au lieu d'adorer, ostés les souliers, sans rien descouvrir de la teste, leuent la face vers le ciel, puis les mains estendues, les amenant sur la face, ce qu'ils appellent impetration de paix, puis s'inclinent, puis se mettent a genous, & baissent la terre, ou se prosternent par deus fois, puis demeurent a genous, les talōs au cul, & puis se fait oraison a sa deuotion. Toutesfois c'est quasi tousjours *Ahammdulillahi*: comme dessus, puis se releuent, & sont comme dessus, tant de fois le pareil, qu'il leur plaist. Le commun qu'ils facent est au matin deus oraisons, a midi cinq, a *chindi*, quatre, au soir autant, au tard, ou a la premiere garde huit, & tousjours pour chacune oraison y a double baïsement de terre, ou inclination. Mais les plus de vots en font

Communes  
coustumes de  
prier.

Combien d'o-  
raisons a cha-  
cune heure.

Du Prestre.

Coustumespopulaires à pri-  
er.

plus ou moins comme ils veulent. Le prestre est assis en la Mesgeda au lieu là ou ce fait l'oraison, du costé du midi, & le regardét tous: car ils le font comme tef-moin du vouloir qu'ils ont a Dieu, & ne dit qu'un mot ou deus apres que tous ont prié: & ce qu'il leur dit est, Dieu vous escoute, & quelqu'vns dient *amin*, *amen*, ainsi soit. Puis le crieur ou clerc commence vne battalogie de l'oraison *alhamdu*, & dit *alhamdu lillahi alhāmd*, xx ou xxx fois, chacun mot, ou deus ou trois ensemble comme il veut. Et dit le peuple que cette oraison là ainsi reditte que c'est pour excuser la mauuaise oraison des autres, & de ceus qui n'en ont point dit. <sup>1</sup>Au propos de battalogie ou vicieuse repetition, je veus reciter icy leurs coustumes de quelques prieres, plus frequētes entre les Mores qu'autre part. Iceus Mores souuent vers le soir, pres de quelque Mesgeda, sortent dix, vingt, trente, cent, tant du plus que du moins, & tous ensemble commencent en branlāt la teste, & tout le corps, l'un vers l'autre disant *alla, alla, alla, alla, alla*, tant de fois & long temps repetant qu'ils cheent a bas comme estourdis, & disent qu'alors leur esprit va avec Dieu porter *tassala*, ou l'oraison. En la Surie & Natolie ou Turquie en y a qui se mettent si fort a tourner disant *alla, alla*, &c. que jamais piroette n'en fist imitation: en fin que tous estourdis demeurent comme mors, & en extase: & alors dient que leur esprit va avec Dieu. Et de fait ceus ici entre tous leurs fous ou religieux sont estimés les plus saints, & deuinent, & font des guerisons, & miracles, comme ils disent. Il y en a quelqu'vns

en a quelqu'vns qui toute vne nuit, sans jamais reposer, chantent *la alla illa la Muhumedi ressul alla*, mais toutes telles choses sont faictes par les idiots seulement. Iene veus pas ici faire digression de leur saints & diuersité, car il sera meilleur autre part. Puis que j'ai dit des heures & mode de prier, il faut dire des festes, là ou les oraisons sont plus estroittement obseruées. Le vendredi, comme j'ay dit, leur est la feste de la sepmaine, là ou faut que chascun voise a l'oraison, au moins vne fois, sinon que ce fust vn pauvre homme, qui fust empesché a nourrir ses enfans: car si quelque autre aisé, & coustumier d'y faillir, & de quelque malle versation en est reprins, il est emprisonné: puis luy est fait reproche de sa malle versation & negligence deuant le peuple: puis est mis en amende appliquée, ou a l'huile de la Mesgeda, ou aus paures, ou a l'hostel-dieu: au village en beaucoup de lieux il les mennent parmi le peuple avec vne peau de regnard derriere, mais il est bien faillant deuant que d'endurer cette honte. Cedit vendredi l'oraison du midi est la principale, & si trouue quasi tout le mōde: & le Prince sort ce jour là de son Serrail a Constantinople, & va tout du long de la ville, jusque a la Mesgeda de son pere Sultam Selim, ou de son pere grand Bayazeit, ou de son ayeul Sultam Mahmed, qui print Constantinople, & autrement peu ou point ne se voit par ville: & encor faut que ceus qui le rencontrent baissent la face vers terre, faignant ne le voir: ceus d'en haut ferment les fenestres, & ne le voient sinon par fenestre presque fermée ou treillis. Il est

Feste des Muhamedistes.

Punition du mauuais obseruateur d'oraison.

Le Prince va le vendredi a l'oraison a l'vne des maires eglises.

Les seigneurs Turcs ne veulent estre vus.

De la compa-  
gnie du Prince  
allant a la Mes-  
geda.

Reuerence que  
les Turcs ont a  
leur Mesgeda.

superstition d'  
ablutions.

volontiers alhors accompagné de son Paschia Visir, d'un deus mille que Spachi, qu'Aga, que Gingitzéri (je desclareray ces mots en la guerre) & sont aupres de luy quatre ou cinq cens Solaclar ou gardes avec l'arc, la fiesche & cimitarre, le suiuent communement sept ou huit cheuausen main, fort richement ornés, puis quelques esclaves ou enfans d'honneur. Luy aiant esté a l'oraison, par l'espace quasi d'une heure, souuent gette quelques aspres pour Dieu, puis s'en va. Et qui verroit la modestie, silence & reuerence qu'ils ont en leurs Mesgeda ou d'oraison, deuroit auoir grand honte de voir que les eglises de deça seruent de causer, pourmener, & marchander, & faire spelonque de Larrons. Il y a le vendredi a sainte Sophie, ou a la grand' Mesgeda des Turcs, vn docteur de leur loy, qui leur interprete quelque passage de l'Alcoran, par mode de sermon: la ou a cette cause tout le simple peuple se trouue, & y vient des villages, & est cela a toutes bonnes villes, qu'a la maire esglise tous les vendredis y ait vn prescheur. Quant il ne fait beau temps, ou qu'il est mal seur, le seigneur va le vendredi a la Mesgede seulement de S. Sophie, pource qu'elle est tout aupres du Serail: celle de Bayazet apres icelle de Muhamed plus loing: la derniere est de Sultam Selim: & pource qu'elle est fort loing du Serrail, il y va peu. Les ablutions du vendredi se font par fort grande diligence: & si vn homme pensoit auoir fait quelque peché entre deus oraisons, il se relaueroit autant de fois comme il iroit a *ssala* comme autrement soit assés d'une pour tout le jour. Reste

que les escrements d'abas de l'une & l'autre partie, font lauer les parties dont ils sortent, voire & fussent ils contraints comme ventosités & polution. Au temps de Quaresme, l'oraison & ablutions n'est moins gardée que le vendredi: car alors y a quelques gens qui se prennent garde des bons & mauuais Musfulmans, & les notent d'infamie, comme transgresseurs de la loy, laissant l'oraison ou mengant sur jour. Car leur Quaresme qu'ils font a l'imitation des Chrestiens, de la primitiue Eglise, & qui leur dure trente jours, ou vn mois lunaire, (car ils comptent leurs ans par mois lunaires, & non par solaires, comme nous) ils ne mangent jusques au soir bien tard voiant les estoilles ou la nuit, & ne mangent communement comme on nous dit, toute la nuit, combien qu'il est permis en l'Alcoran de manger jusque au point du jour, sinon les meschants, & reputés tels. Mais a ce que j'en ay veu, mangent entre Turcs, raisonnablement chair ou poisson, ou tous deus, sans faire aucune difference de viande: puis du ris, de l'eau a boire. Les meschans, & les Mores vieux, culteurs de cette loy, & ceus aussi qui se permettent estans sous cette loy là de boire vin, sont ceus communement qui toute la nuit ne font autre chose que gourmander.

Mais le commun peuple me semble merueilleusement estroit obseruateur d'icelle, & la faisant plus estroitte qu'elle n'est escrite: dont la grace n'en est pas a la loy, mais au peuple, que s'il en auoit vne meilleure, l'obserueroit fort bien. Tout durant ledit Quaresme, il y a par tout aus bonnes villes sur les tours

Du Quaresme:

Lampes ardentes.

Liberalité des Turcs.

Des Aumosnes des riches.

Aumosne populaire.

de musquettes, quasi innumerables lampes ardantes toute nuit, qu'il semble que toute vne ville soit en feu: & les y tiennent, ainsi que dient les maistres des ceremonies, pour inciter le peuple, qui par son iusne plaist a Dieu, a prier continuellement. Durant le Quaresme les gros personages tiennent maison ouuerte au soir a tous venans, principalement aus docteurs, estudians, Cadis, & autres gens de lettres, & tous autres, jusque a ce que les tables soient fournies, qu'en hiuer & en esté se mettét en belles galleries, là ou en hiuer s'estendent beaux grâs paillons. Mais auant que je sorte du Quaresme, pour venir a Pasques, il me semble lieu oportun de parler des aumosnes des Turcs, & des grans & riches fondatiōs qu'en aumosnes ils font. Veu aussi qu'ils dient qu'il y a trois signes de congnoistre le fidelle: L'oraison de laquelle ay parlé: le iusne dont a present parlons, & la charité ou aulmosne de laquelle a cette cause parleray: & aussi que c'est la chose que tousjours Muhamed ha en la bouche & commandement que l'aumosne. Ils ont par opinion & conseil, tant en l'Alcoran qu'aus liures des ceremonies, que la principale chose & plus agreable a Dieu qui soit au monde, c'est *alzaché*, & entendent par cette vois paier a qui on doit, & donner a qui n'en a point. Dont vous trouués des pauvres gens, qui n'ayans de quoi donner, entendent l'ayde aus hommes ne se faire seulement en boire & manger, mais de tout besoin: le temps de leur vie emploient a amender les chemins mauuais, y apportans pierres, bois, arenes s'ils sont enfondrés, les

amendent avec degres ou dreçant : les autres a dre-  
 cer des ruisseaus, ou cours d'eaus, & fontaines, & les  
 faire venir sur les chemins, & quelqu'vns en tirent  
 d'vn puis, & vont querir aus fontaines, & portent en  
 quelque casule ou maisonnette sur le chemin, & in-  
 uitent a boire par vn tel zele, que je croi certes s'ils  
 buuoient vin, qu'on y en trouuerroit des fontaines.  
 En Barbarie, a cause qu'il y a rarité d'eau pres des  
 bonnes villes, vous trouués des fondations d'eau per-  
 petuelle, qui sont faittes aus sepulchres de quelques  
 Mores a perpetuité : & y a la vn Morabite ou Her-  
 mitte a leur mode, qui est tenu pour quelque fonda-  
 tion, a tenir tousiours les cisternes plaines d'eau, &  
 inuiter, & bailler a tous venans, & leur recomman-  
 der l'ame du defunt, & ses parens viuans. Telles fon-  
 dations d'eau a boire par les chemins sont commu-  
 nes de pauures gens. Des plus riches il y en a, mais  
 plus en la Natolie qu'en lieu de Turquie, qui obser-  
 uent venir les passans, & les prient, & inuitent a venir  
 manger, boire, & coucher chés eus, pour leur ame, en  
 ce n'ont acceptation nulle de personne : car ne le ri-  
 che, ne le pauure ne paient rien, & lendemain on dit  
 grand merci, & que Dieu leur rende a ceus qui ont  
 fait cet honneur : & ceus ici entre tous Mussulmans  
 sont estimés les meilleurs, pource qu'ils enuoiét leurs  
 aumosnes en Paradis deuant eus, selon ce qu'ils ont  
 en escrit au liure des Instructions. Quant tu donneras  
*tzadaca*, l'aumosne, donne du meilleur, que tu ayes,  
 & du plus excellent : car vn morceau du meilleur,  
 est plus agreable a Dieu, que cent escus mal acquis  
 donnés apres ta mort : & vne datte donnée de bon

Aumosne des  
Mores.

Aumosnes des  
plus riches.

Notés diligem-  
ment.

cueur, durant ta vie, vaut mieus que mille apres ta mort. Cecy fait que quant ils reçoient quelqu'un en leur maison, ils le traittent comme eus mesmes: ce que premier je ne pensois vray, jusque a ce que Seraphin de Gozza Raguzois, l'ayant experimenté environ Seruia & Bosna assés de fois, le me raconta, & donna courage de chercher aus autres pais si ainsi estoit. Il disoit auoir esté ainsi receu passant pais assés mal habité, & aussi qu'en Turquie n'y a nulles hostelleries ou tauernes, comme ja ay dit. Il voit vne maison seule, belle pour le pais, là ou y auoit vn homme assis a la porte, qui se leue & vient a eus les saluer, disant, *sapha gheldinis*, Vous soies les tresbien venus. Il y auoit trois seruiteurs François, & vn Turc pour conduite. Puis leur dit, *Alla seuersis, gellumus, sis benum euea, ben berechet alla sifa veraim, scindi agssam, bir dahesh eue bunda deil, sifum iola iachenda dahesh eue varmez, bunda guzel ot, guzel taonc, gellumnissis mismillahi*. Qui est a dire mot a mot, Dieu vous aime, venés vous en en ma maison, je vous donneray la benediction de Dieu: c'est a dire des biens que Dieu m'a donné. Il est incontinent tard: il n'y a point ici d'autre maison, & aupres de vostre chemin il n'y a point d'autre maison. Ici nous auons bon feu, & bonnes poules; venés au nom de Dieu. Ce sont les parolles en effet que le dit Raguzois qui sçauoit vn peu de Turc mereferoit. Leur tréttement fut tel: ils furent mis sur de beaux tapis, seans a terre, a la mode du pais: puis fut fait vn bon feu pour les secher: fut apporté vn gasteau & de l'eau sucrée avec quelque confitures faites de vin cuit, & beurent & man-

Vne histoire  
recitée par Sera-  
phin de Gozza  
touchant l'Au-  
mosne.



gerent, en attendant le soupper: qui fut de deus sortes de ris, avec du mouton bouilli & rostis, des poulets, ou chapons rostis & boullis: tant qu'en toute la Turquie, hors le vin ne furent mieus pour leur argent, qu'ils estoient là pour rien. Puis furent faits coucher sur vn stramas, a la mode du pais, chascun par soy. Le lendemain au matin qu'il vouloit paier, on luy dist *benunianuam var, alla seuerfis*: Soit pour mon ame, Dieu vous le rende, ou vous aime: ainsi depuis estre bien traitté on luy dist, gradmerci. ce qui nous deueroit inciter a plus grande charité, & plus frequente, quant auons le pouoir. Je sçay bien qu'a l'occasion de la Barbarie, & belliqueuse nation, contraire le plussouuét a humanité, qu'il i en a là plus de meschâs & moins de bons que deçà: mais je regarde que si entre les gens qui sont damnés y a de telles personnes, que ceux qui sont sauués les doiuent aussi par beaucoup surmôter: A l'occasion que ledit Gozzame dist auoir esté traitté aus *imarach* qui veut a dire commanderies quant a l'interpretation, mais quant a l'effet qui n'a rien de semblable aus nostres: car là, le reuenu & aumosne est pour les indigens, ici ils sont aus riches, & qui deueroiét auoir matiere de contentemēt. T'en veus dire pource que se sont les fondations des Sultâs, & Baschiats, Schiats, Maules, Hams & autres, qui sont les liberalités grandes apres leur mort, & qui ne peuent plus exercer tyrannie. Il est de coustume quâs a tout grand, ou riche personnage Muhamédique a sa mort, de fonder vne Mesgeda ou eglise a leur mode, là ou en quelque chapele ou anglet se fait enter-

La cause pourquoy Turcs & Muhamédistes sont pires que de deçà.

rer, & ordonne quelque deniers de rente, a quelques docteurs, escoliers, ou Lecteurs dits Muderis pour lire a certaines heures & a certains jours l'Alcoran, ou autres oraisons: car ils croiēt que la lecture de leur Alcoran ou loy, leur soit plus meritoire que toute autre oraison. Quant est de la forme de leurs esglises, je l'ay ja ditte. les petites ou sepulchres sont a la mesme forme, hors la grandeur. Il y a enuiron lesdittes esglises Mesgedes ou *imarat* selon la richesse du fondateur 200, 180, ou autre nombre, tant du plus que du moins, de petites maisons ou chambres, pour loger tous passans, allans & venans, jusques a trois jours: les cuisines tousiours garnies a l'heure du repas, pour nourrir premier lesdits passans, & aussi les communs & ordinaires pensionnaires, dont ay parlē en la nourriture des enfans, qui sont docteurs, lecteurs, & escoliers: par apres generallyment s'estend ladicte aumosne a tous venans, soient Turcs, Iuifs, ou Chrestiens (combien que de Iuifs n'en ay nul veu necessiteus). Et en vn lieu là ou ils ne sont que dix riches, fussent ils deus cens de pauvres, ils ne laissent nul auoir faute de manger principalement, & gardent bien ce precepte, qu'il n'y ait nul mendiant entre vous. ce qui me fait merueilleusemēt penser, comme ainsi soit que l'intention de toutes les lois du monde, soit Charité, & tant plus de la nostre, quant plus est parfaite, que nous nous sentons fort de la parabole de l'enfant prompt a promettre, & tardif faiseur: qui n'auons point de honte qu'en tant de prouinces de ce royaume y a tant de mille, & mille pauvres mourās de faim, par

Fondations &  
Aumosnes des  
princes. 157505

Exhortation  
aus Chrestiens

la grande cherté: tandis qu'on abat vn vieil, beau, honorable, & durable a infinis ans, temple, logis ou autre edifice, pour en réfaire vn autre, bien souuent, a l'appetit de quelque vsurier, qui pense faire vne belle œuvre, tandis qu'il est, ou supérieur, ou recteur d'église, de donner cent escus, & 10000, que possible par fas & nefas a veufes, & orphenis a desrobé pour cōmencer a edifier vn edifice, ou tēple braue materiel, pour luy cadeler son nom en terre, & faire despendre cent mille escus, a ceus qui l'escoutēt. O nous misérables, & mal entendans le vouloir de Dieu, & l'intention de la directiō de ce mōde! Obien heureux Exuperi euesque Tolosain, tant loué de S. Hierosme, pour auoir vëdu callice, patenes, & aubes, & toutes richesses ecclesiastiques, pour nourrir les membres, & temples de Dieu viuant! O combien'a esté plus saint faire & garder la sainte hostie, & memoire de la mort, & passion de ton maistre en vn voirre, & en vn petit panier, que consacrant cil qui d'or ou pompe n'a cure, en vaisseaus d'or, voir perir de famine cil pour qui il est mort! mais retournons. Vous ne trouués communement ville en la Natolie qu'il n'y aie aumosnes, & hors les villes, a toutes repuës des grans chemins vous'en trouuerres, là où principalement passans ont repuës frâches, comme aussi aus maisons particulières, dōt en la Turquie vieille ou Natolie en y a beaucoup. A Constantinople, là ou a present est le chef de l'Empire, & commune residence de ce seigneur hors guerre, tous ses predecesseurs audit lieu Muhammed, Baiazeid, & Selimian ont fondé chascun la plus

Trois imarats  
ou commande-  
ries & fondati-  
ons de Princes  
a Constantinople.

belle. Celle de Sultam Muhamed a enuiron soiffantel mille ducats de rente plus que moins par an. Je diray par apres, en parlant des sectes, dont elle est si riche. elle est quasi egalle en grandeur & forme a sainte Sophie, & a enuiron elle cent maisons rondes, pour les pellerins, & docteurs, toutes couuertes de plomb: au dehors du cloistre, y en a de commun edifice cent & cinquante, pour loger pauures vulgaires de la ville, ausquels quant ils y veulent demourer on donne vn aspre pour jour, & du pain a suffisance: là ou je croy qu'il n'y a bellistre qui estime la fortune digne d'accepter, car je n'y ay veu que les logis vides, ou de peu habités. Quant tous les deniers ne se despendent là, ils les donnent a l'hostel-dieu des malades, ou des insensés: car là quant quelqu'un est fol nuisant, ou eshonté, on vous le prend par force, & le fait on deuenir sage a coupe de verges, & force de liens. Au surplus les maraus, ou qui par faintise, ou par desespoir se sont dediés a la belistrerie, comme feroient les faus escorcheurs de jambes, malades de saint Iehan, de saint Main ( desquels auant l'image de la primitive eglise, commencé vn peu a restituer, par les aumosnes parrochiales aus bonnes villes de France, tout estoit plein ) tels n'ont point là de lieu. Il est bien vray qu'il y en a assés sous ombre de religion qui demandent par païs. Mais quant les Turcs viennent en Italie, principalement a Venize, ils sont tous estonnés de voir ce mistere: & nous nomment entre nous Gaours, ou Chrestiens, ou infidelles, & les plus cruelles gens du monde, qui souffrons vne telle pitié:

L'hostel-Dieu  
des malades.

estre publiquement vüe : & s'en vont en cachettes par sous le *duliman* leur jettent des aspres sur les ponts, si tressécretement, que vraiment vous voies en cela pratique du dire de Iésus Christ, Ne sache la dextre que fait la fenestre. Les autres *Imarats* ou cōmanderies sont a la mesme forme, sinon que, celle de Sultan Bayazeit n'est pas si riche ne grande, car c'est celle que son bon fils Selin, apres qu'il eut fait empoisonner son pere, & l'ayant chassé de son roiaume luy fist faire, pour oster le suspeçon de la mort qu'il luy auoit pourchassée: La sienne a trente mille ducats de fondation. Mais j'ay peur d'estre trop long en recitant en l'ennemi le principale vertu de ce monde, & par laquelle seule nous imitons le diuin benefice: parquoy en y laissant penser les Chrestiens, je m'en vois acheuer Carefme, & reciter les paschales ceremonies. Aiant donque jusne trente jours, ou vne lune, ils conuiennent tous generalement, le plus prochain vèdredi ou *Giumah ghun* du dernier de la lune, a la Mesgeda, là ou ils font leurs annuelles oraisons, & font l'oraison de midi principalemēt fort prolix: & le prestre lit diuerses Afora ou chapitres de l'Alcoran: entre lesquels est le troiziesme principal, lequel ils nomment *el meide*: c'est a dire la cene: durant lequel tous commencent a venir baiser les mains l'un a l'autre, les Turcs, Perses, & Tartares: les autres se baissent la bouche: & tous disent l'un a l'autre, Dieu te donne la bonne Pasque, en Turc *alla chair behiram versena*: en Arabe *teib behiram leche*: & tout homme qui a vn ennemi est contraint luy demander par-

Turcs secrets  
en leurs annu-  
es.

Pasques.

Punition grie-  
ue du difsimu-  
lateur en Reli-  
gion.

don, & l'autre luy donner, premier que baïser ou main, ou bouche: car autrement leur *behiram* ou Pasque ne vaudroit rien, & en outre feroient excommuniés s'il estoit ſceu que quelqu'un y euſt failli. Parquoy ce voit qu'ils ont prins cette pardonnançe (ſans laquelle n'eſt lieu a vnité ou ſalut) de la primitive Eſglife Chreſtienne: Là ou premier qu'ils conuinſent au ſacrement d'vnité, il failloit demander pardon a tous ſes ennemis, & auſſi leur pardonner, auant que venir au ſacrement ou ſymbole d'union. Non ſeulement le jour de Paſques les Muhamediſtes ſe demandent pardon, mais auſſi tous les vendredis, quant ils vont a la Meſgeda, n'oſeroient faillir, ſur la peine de *haram*, c'eſt a dire grand peché, ou excommunication de pardonner, ou pour le moins faire le ſemblant a ſon ennemi: parquoy les meſchans qui ne veulent pardonner, ne ſi trouuent que peu, de peur de pardonner: car depuis qu'ils ont pardonné, s'ils faiſoient quel que jniure l'un a l'autre, par l'ancienne querelle, & partie intereſſée peuſt prouuer qu'ils s'eſtoient pardonnés cela, l'aggreſſeur encourroit vne merueilleuſe peine ſelon le cas, plus que pour vne autre offenſe: car ils diſent que qui fait cela, qu'il ſe mocque de Dieu, & des hommes. Voila leurs Paſques grandes, qui ont deus jours de feſte, l'un apres l'autre: durans leſquels, & juſque a ſept jours prochains, les Turcs font infinies aumosnes, & principalement font tuer force moutons, car c'eſt la viande que plus ils eſtiment & vſent: & font ſçauoir a tous pauvres meſnagers, qu'ils viennent querir leur *behiram* ou Paſques: a ſçauoir de

de la chair , pain , aspres &c. Ils vont visiter les malades, & secourir aus orphenins. Les autres vont a la fosse, de leurs morts, & y font manger les pauvres dessus, pour leur ame : & bref c'est vne grande chose de voir les apparences exterieures de leur charité. Ils ont diuers chapitres en leur loy, & liures de ceremonies, qui leur suggerent cette opinion, & pource j'en veus escrire quelques vns. Quant ils veulent recommander quelque chose fort diligemment, ils fignent que Gabriel, lequel Muhamed leur prophete dit luy auoir reuelé sa loy, leur commande ou conseille. disant, que Gabriel met aus fils d'Adam sept manieres d'euures pour estre saulés. La premiere, prier Dieu, & faire *lassalla*, cinq fois de jour : & que commencer deuant les autres, & finir le dernier est le meilleur. L'autre faire reuerence aus sages, & conuerser avec eus. La tierce visiter les malades. Donner l'aumosne. Visiter & cōsoler les orphenins, pource que Dieu dist a Gabriel, regarde que celuy qui fait plorer l'orphenin, je le feray plorer en enfer, & je colloqueray en Paradis celluy qui le fait rire. Amander les chemins, est la sixiesme. Accompagner les mors a la sepulture, est la derniere. Et en vn autre lieu il escriuent, fais tout ce que tu fais a Dieu (il veut dire pour l'amour de Dieu) purement, car Dieu ne reçoit rien s'il n'est fait purement du bon du cueur. Le retourne a mon propos, tandis qu'il me souuient que j'ay deuât parlé des grandes Pasques, affin que j'aduertisse que je l'ay dit, a la difference des petites, ou secondes, qui sont quatre vints, ou quatre vint dix jours, ou trois lunes

De par qui les  
Muhamedistes  
commandent.

Note.

Petites Pasques.

Jeûnes hors le  
Quaresme.

apres les grandes : & different de ce , que deuant les grandes y a ieûnes contrains , ici il ne ieûne qui ne veut : toutes fois les deuots ieûnent quinze jours deuant pour le moins. Les mesmes ceremonies, aumônes , & festes & pardons qu'ay dit dessus , sont ici : non du tout si solennelles ou grandes. Des ieûnes en l'an autres commandées a tout le monde, il n'y en a point. Les deuots ieûnent apres le *Ramadham* , qui est le mois de Quaresme, encor six jours de *ssual*, pour ce qu'il y a là des estimeurs de merites, qui leur escriuent ainsi : Qui avec *Ramadham* aura ieûné six jours de *ssual*, estime auoir ieûné tout du long de l'an. Les autres ieûnent les jours blancs de chacun mois , qui sont le treziesme, quatorziesme, & quinziesme, pensant auoir le merite pareil de toute l'année. Plusieurs bigots Arabes obseruent cecy. La condition du ieûne qu'ils escriuent est telle, Qui ieûne le *Ramadham*, & s'abstient de *haram*, c'est a dire de peché, ou il y a quelque grand forfait, & de faus tesmoignage , Dieu sera content de luy , & les portes en Paradis s'ouureront, & celles d'enfer se fermeront. Des festes a tous Muhamedistes obseruables, que j'ay sceu scauoir, il n'y a que les vendredis , & jour de Pasques & suiuant Pasques. Mais chacun en ha a la mode de son pais. Les Mores en ont vne enuiron, *zilssede* ou le mois de May, comme leurs mois de present respondent aus nostres, là ou ils s'assemblent aus bonnes villes , & courent vn chameau de linge, & s'en vont tournoians avec beaucoup d'autres chameaus parmi les champs , & a l'entour de la ville, disans qu'ils font feste a Muhamed

Des festes en  
general.



pour vn jour que sa femme s'estoit perdue ou esgarée, & qu'il l'alla chercher, & la retrouua. Bref les Mores me semblent les plus fous en cerimonies, & plus froids en charité : qui laissent souuent mourir leur voisin ou prochain parent de faim sans le secourir. Les plus traistres, & faulxaires, brutaus sodomites que i'ay cogneu en tout le monde : & par cela je pren vn argument de la malheurté de cette meschante secte, dont ils sont les anciens & premiers obseruateurs & qui plus se glorifient, comme j'ay dit de leur sainteté. Les Turcs sont souuent obseruer des festes, non pas auec esglises, ni a Dieu, mais ou pour le retour du Prince de quelque lointain voiage, ou le jour de la circoncision ou natiuité d'eus, ou de leurs enfans : ausquelles festes, qui sont non moins que trois ou quatre jours, faut serrer boutiques, & se mettre a boire, faire continuelle & grand' chere chacun a sa mode & son pouuoir, Cela est quant aus festes, iuifnes, & aumosnes que les Muhamediques communement obseruent : nous dirons par occasion la reste, quant elles s'offrera. Auant que je vienne a dire de la somme de leur loy, & qu'ils croient, ou qu'ils ne croient pas, pource que la conuersation, & entr'eus, & entre les estrangers qui ne sont de cette loy, me semble plus deuoir estre faittes par religion & crainte de Dieu, que contrainte de loix. Je le mettray ici sans differer de le mettre entre les loix coercitiues, qui sont la Iustice : & feray ce principalemēt pour apprendre aus estrangers comme ils doiuent conuerser avec eus. Ce qui fait mal juger par le commun recit de la cruauté

Les Mores vicieus.

Festes a l'honneur du Prince.

La cause qu'on iuge mal des Muhamediques,

des Turcs, & qui leur baille le nom de si grande infidelité est, que quasi tous ceus qui ont expérimenté leur domination (je ne veus point dire conuersation) pour la captiuité ou aduerse fortune, qui fait sans doute trouuer toutes choses ameres, ou ja pour opinion de la diuersité de la loy qu'ils gardent, ne pouuans conceuoir aucune bonne opinion d'iceus, ont tous jugé vniuersellement estre intractables barbares & indignes d'humaine ou Ponentine conuersation. Dont qui veut juger à la verité d'un affaire, il faut depouiller toute affection, comme vn bon juge, & aussi auoir le moien que fortune aduerse, ne puisse oster ou changer la couleur & goust aus choses. Je ne puis ne moy ni homme du monde nier, que communement les hommes ne soient là ou il y a pires flatus, plus mauuais, & là ou il y a plus de licence, & d'occasion, y estre plus grande fréquentation de peché, voiant que tous hommes sont enclins a mal, & a la pire partie, & tant plus, quant moins sont instruis: dont il aduient certes communement que les Muhamediques ont de plus mauuais garçons entr'eus, quant aus estrangers, que nous n'auons deça. Je diaus estrangers, car entr'eus certes il n'en ont la disme de deça: sauf les Mores. Mais ce que j'en diray ce sera pour le plus commun d'entr'eus, laissant la grand' fréquentation de la Court, qui par tous siecles & en tout le monde est quasi a vne mode gouuernée: & faut, qui veut estre homme de bien, selon le dit du Satyrique, qu'il se retire de Court. Laisant aussi ceus qui sont fort affinés aus villes, & font ce, donc justice  
leur

leur fait rendre compte : & avec eus laissant les deus extremités du monde, Nécessité ou Pauvreté , & grande Richesse ou Tyrannie, qui a loix, l'une pour ne pouvoir, l'autre pour ne vouloir, communement ne sont subgettes. Quant est des Mores, je les ay paints assés de fois, car l'expérience m'a cōfermé que la foy Punique des anciens, a eus attribuée, a entr'eus par bonne culture prins vn grand increment. Les Turcs communement sont tous au contraire, car il me semble que de nulle chose en ce monde n'ont si grande raison, que de la foy promise a quiconque soit : & me voudrois certes plustost fier a la simple foy d'un Turc naturel, qu'à vn bon finet, tesmoins, & obligé de tels de par deçà : pource que là on me fera, si mon homme est meschant, tort ou raison en premiere instance : ici, on me fera despendre la reste de mon bien apres l'autre : & faire ce que dit le proverbe, jetter la coignée apres le manche. Leurs marchādises & labeurs sont si tresexquisement faits, & si tresdurables (fors les maisons) qu'ici ne reçoivent aucune cōparaizon. Et au parauant que les Iuifs chassés d'Espagne & Prouence, par leur industrieuse pauvreté, leur aprinsent tant a falsifier leurs arts, marchādises, monnoie, comme aussi a tout encherir, les choses estoient beaucoup en meilleurs termes. De toutes choses sont mesme pris, aus leurs, aus Iuifs, & aus Chrestiens.

La foy promise entre Turcs bien gardée.

Quāt est a cōuerfer entr'eus, ils sont merueilleusement equitables : & s'ils ne l'estoient, & aimoient la republique, la paine incontinēt s'ensuit. Dōt au sceu du Prince, combiē que là y en a beaucoup, pour sa cōuersatiō

on ne voit point là tant de sangsues & vsuriers, qui amassent la richesse d'un Croesus, en un an ou deux, de larrecin, je voulois dire de marchandise, comme ici sous labôté d'un Prince, qui permet a chacun raisonnablement gagner, se fait si bien que le plussouuent la condition de la guerre est plus desirable que de paix : car ces larrons incontinent qu'il est permis par ouuerture de paix, liurent les prouisions aus confederés, & encherissent le pain & vin au peuple, ce que la guerre ne pouuoit pas faire, ne l'ennemy, & ce par l'iniquité des recteurs de villes, que pour auoir la part au gain, permettent tout fas & nefas, abusant du vouloir d'un bon Prince qui en leur exterieure apparence s'esie. O miserables nous qui portons la peste en nostre sein ! ce que l'ennemy ne nous peut faire. Mais j'enten bien, il faut que les riches, & seigneurs vendent leurs bleds a haut pris, dont je me tais, voiant que disant vray, ne puis autre irriter, & inciter contre moy les fressons, le bruit populaire m'a incité a dire cecy. Mais pour vous donner par un exemple conjecture de l'innocence des Turcs vieux, ou de la Natolie ou premierement ont habité, je veus escrire ce qu'entre eus ay veu. Moy estant au dit pais de Natolie, & estant par tempeste contraint a tenir logis long temps, iceus Turcs s'en venoient dedans mon logis, tout ausipriurement cōme dedans le leur, sans dire autre chose que leur *salem alec*, ou Dieu vous gard, & s'en venoient mettre au feu, ou affoir : de laquelle familiarité fort estonné, leur disois ainsi, *me si-zum edat sugle varmec dahe enea, bougzul iostur* : c'est a

dire, Quelle coustume est la vostre, d'entrer ainsi aus maisons estranges? cela n'est pas beau. Il me respondoyent tous, *Corcma cardasch, bisum edat suyle varbiz bizdam corcme su*: c'est a dire, mon ami, ou frere, n'ayes peur, nostre coustume est telle: nous ne craignons point les vns les autres. Et pour faire l'experience, j'envoiois mes gens a deus, a trois, a quatre lieux par les villages pour auoir des viures: comme chappons, poulets, œufs, mouton, ou autre chose (car en Turquie n'y a faute de chose qui soit requise a la vie humaine, non plus qu'ici, hors le vin qui est vn peu cher) mais par tout trouuoient le pareil, ne leur estre prohibé, ou trouué estrange l'entrer par tout, car là toutes maisons communement sont ouuertes, & se ferment la nuit seulement, j'enten aus villages. dont je fais conjecture de la grand'innocence ou contrainte qu'ils ont ensemble. Je di les Turcs naturels & simples gens, car citoiens & courtisans sont au contraire. Les Turcs tiennent seulement estranges les habits de deça, faits comme a mode de legers souldats, deschiquetés, taillés, bordés, brodez & courts, avec les braguettes, comme nous estions abillés. Car les Turcs, Perses, Tartares, Syriens, & communement tous Muhamediques, & les Moischouites, Armeniens, Cercassi, Grecs, Valachiens, Polasques, Hongres, & tous autres Chrestiens qui hañtent quelque fois parmi eus, sont tous vestus d'vn habit fait comme le corps, & venant a quatre doigts ou demi pié de terre. Et la chose qu'ils treuuent le plus estrange qu'il y ait en nous est, que nous changeons si souuent

Descoñpures  
d'habis & Braguettes  
abominables entre  
Turcs.

d'habits diuers. Et qu'ils trouuent irraisonnable & fort mauuais est, que nous dechiquetons, & coupons ainsi nostre drap & soie, qui a esté fait pour durer & seruir a vn autre plus pauure, quant le riche n'en veut plus: & pour cela nous appellent *dely & maschara*: qui est a dire fols & acariaftres, qui gastons ce que la re- publique doit & veut garder. Les braguettes leur sont fort suspectes, a cause de l'extreme jalousie, pensant que si grant estable soit argument de pareil cheual.

La mode de  
conuerſer a-  
uec les Turcs.

Or donc qui veut conuerſer ſeulement avec eus, il faut premier prendre vn habit long, de quelque couleur, a la mode du païs, puis vn bonnet d'asap ou auanturier, qui est vn haut bonnet de drap, dont les oreilles sont fendues de costé, & pendent jusques sur les espaules, dūquel indifferemment tant les Turcs que les Chrestiens peuuent vser: puis s'en aller par le païs qui ſçait parler. Esclauon, ou Grec, ou Turc, car ce sont les langues principalement entendues en toute la Turquie jusque au Caraman ou Cilicia, là ou on commence a parler Arabic vulgaire: car par toute la Turquie, Tartarie, Perſie, Surie, Arabie, Aegypte, Barbarie, Indie, la langue Arabique Grammaticque est entendue a cause de l'Alcoran, & des loix de judicature, qui par tout là sont receues: comme par deça, En Auſtriche, Hongrie, Pologne, Alemagne, Suedre ou Gottie, Angleterre, France, Espagne, Italie est entendue la Latine. Mais a cause des iniures qui des meschans tous les jours se peuuent faire, comme de prendre vn homme ſeul, en quelque deſert, ſans teſmoins, & l'aller vendre pour esclau: de-

Quelles iniures  
sont communes.

uant que le pauvre homme puisse trouuer juge pour dire sa querelle,& auoir aide de Iustice. ou si c'est homme bien monté, a cause qu'en Turquie n'y a point de Postes,& que les seruiteurs du Turc ont commandement de prendre cheuaus ou ils en trouuent, pour courir sa poste (ce qui est là occasion de faire mille iniures) on luy peut prendre son cheual,& le luy mener jusque a vne journée, deus ou trois, ou autant qu'il plaist au meschant, si le pauvre homme ne le rachapte de quelque ducat ou deus, pour possible incontinent estre prins d'un autre pire, car là on peut quasi dire au diable le meilleur des gens de Court, quant ils ont occasion de te mal faire: a cette cause qui ne va tout par mer, il y fait bon donner ordre en cette maniere. Quant vous mettés pié en Turquie, sans muer habit de teste, vous faut dire de quelque país dont vous sachiez les adresses & langages (car ils sont fort suspeconneus en cas d'espies, & gents qui vont pour voir) & regardés bien que le dit país ou ville dont vous vous dittes soient confederés & amis, ou sugets du Turc, ou autre Prince barbare: puis vous conuient dire marchand, & que vous voulés aller que rir, ou porter, ou faire amener marchandise (les Ambassadeurs & Messagers sont personnes priuilegiées, qui toutesfois vont peu par país sans homme du Turc, ou saufconduit) & exposant toutes les raisons au Sangeac, qui est le capitaine du país ou vous vous trouués, en luy faisant bonne reuerence, & quelque present, il vous donnera saufconduit d'aller là ou vous voudrés, sans quelqu'onque empeschement: en

Pour euites les iniures.

Qu'il faut fuir  
en Turquie.

Vins affés.  
vin chés les Ju-  
ifs & Chrest-  
iens.

Cerimonies des  
Chrestiens de  
par dela .

Des Prestres  
Grecs & Arme-  
niens.

outre si vous voulés vous donnera vn homme d'un seigneur qui vous conduira jusques là ou vous voudrés, & vn *dragman* ou interprete, moiennant leur salaire. Quant vous aurés esté resident vn peu au Caire, ou a Constantinople, ou a quelque bonne ville, vous irés par apres ou vous voudrés, avec les caroanes ou compagnées des marchants, ou par naues, ainsi que vous voudrés. Là n'entrés pas dans leurs Mesgedes ou esglises, car ils vous feroient Turc, ou de leur loy. Ne parlés de leur loy qu'en bien, & encor' qu'ils vous demandent qu'il vous en semble: car si vous en dittes mal, ou de leur Prophete, ils vous feront Turc ou mourir. Ne vous enquerés point des affaires du Prince ou Roiaume, sinon a vous bien grans amis, & sobrement: car la teste y pend: & pour vn petit de suspçon en ces matieres là, font mourir vn homme. Vous trouuerés là tout ce qui est requis a la vie humaine, reste le vin, & porc: du vin en la maison des Juifs y en a affés, ou de maluoisie: porc & vin chés les Chrestiens affés. Vous irés par tout a vos cerimonies & messes comme deça: & n'empeschent point les Turcs chacun de viure a sa loy: & s'il y auoit quelque meschant qui y fist quelque empeschement, vous aués action contre luy chés le Iuge du lieu. Vous aués a Constantinople, ou en Pera, qui anciennement estoit vne partie d'icelle, les messes des Grecs tous les Dimanches, & quelques festes, vne par jour seulement. Aus Armeniens aussi qui en ont plusieurs, mais ils iusnent vn jour, & s'abstiennent trois jours de leur



femme, comme les Grecs vn (car tous Prestres du monde, reste ceus de l'eglise Romaine, sont mariés) deuant que dire la messe : il y a encor des Cordeliers, Iacopins, & Benedictins en Pera, qui chantent a la Franque, ou Romanesque. Voila le commun moien de conuerfer avec les Turcs, & comme communement entr'eus ils habitent, & y faut habiter par vn estranger. Vous aués là de toutes les langues du monde, a cause des captiuités qu'ils ont de tout le monde : mais les principales sont, comme ja ay dit, le Grec vulgaire, Turc & Esclauon, car vous ne trouués quasi point là de gens qui ne sachent parler deus langues pour le moins : parquoy y a grand'abondance de dragemans ou interpretes, qui sont requis a homme qui veut traffiquer. Cela est le commun, que les Iuifs sçauent quasi tous l'Espagnol, Grec, & Turc. Qui veut faire aucun traitté, on a bon marché, & grande diligence de leur paine. La langue Latine n'y a point de lieu : Grecque Grammaticque bien peu, seulement en quelques Prestres & Moines au Patriarchat, & a Monte Sancto, ou mont Athos, là ou il y a quelques religieux de saint Basille reduits de toute la Grece, qui tous sont doctes, comme les vulgaires prestres de deçà : mais c'est trop demouré en la generale conuersation. Maintenant il faut parler en somme de leur loy, & créance, ce qui se fera beaucoup mteus en commençant a l'origine de leur loy, ou religion, pourtant que ce qu'on a escrit jusque ici de leur Muhamed, qu'ils appellent Prophete, est en partie diuers de ce qu'ils en ont par escrit. Dont

Principales langues en Turquie.

Digression de la loy, & vie de Muhamed.

Liures approu-  
ués aus Muha-  
medistes,

apres l'auoir diligemment leu en leurs liures, l'escr-  
ray:& ce faisant, & donnant les choses a la verité,  
pense que par leurs folies se confuteront mieus par  
eus mesmes, que par quelconque fiction, & confuta-  
tion avec l'histoire a eus non approuuée. Car je  
croy qu'un bon esprit voiant telles besteries, ne les  
pourra estimer autres que besteries & songes. Ils ont  
liures appartenans a leur loy, beaucoup: mais qui est  
gardé de tous est l'Alcoran. L'autre qui est apocry-  
phe, & qui est toutesfois le plussouuent entre les  
mains du peuple (comme cela soit commun qu'on  
promet par tout au plus grans bestes, les plus gran-  
des besteries) est la doctrine de Muhamed qu'ils nom-  
ment *la alimelnebi*, doctrine du Prophete, là ou sont  
comprinſes les plus fanatiques folies, qu'esprit en ce  
monde pourroit jamais auoir songé ou jmaginé, qui  
certes me font horreur pour leur sotise, & blaspheme.  
L'autre plussrequent est *heditb elnebi*, L'histoire du  
Prophete, là ou de sa vie & mort, selon leurs liures,  
est traitté: le tout de pareil metal & estophes que de-  
uant. Les liures des loix ciuiles sont interpretations  
de l'Alcoran, mais ils n'obligent pas a peché mortel,  
car elles portent leurs peines ciuiles & publiques.  
Quant est de la folle besterie & blasphemes qui sont  
en l'Alcoran, je les monſtreray par cy apres, mais  
que j'aie premier baillé la vie de ce fin Prophete, avec  
leur liures propres. Puis par vn bref examiné ladicte  
de vie pluspres. Dont a l'imitation de ce qu'on fait de  
IESVS CHRIST en l'Euangile, ils ont songé vne ge-  
nealogie depuis Adam, jusque audit Muhamed en

Genealogie de  
Muhamed.

ce point. Que Dieu vint vn jour a Adam, incontinent qu'il l'eut créé, & le dregant, le cerueau luy commança a trembler & sonner comme font les feuilles quant le vent soufflé fort : & comme il estoit estonné de cela, Dieu luy dist, le son que tu as ouy, & duquel tu resmerueilles, est le signe des Prophetes, & de ceus qui prescheront mes commandemens, & d'iceus naistrera Muhamed, qui s'appelle au Ciel *Ahmad* & en terre Muhamed, c'est a dire bon, qui aura la face claire comme le soleil.

Dont Adam prenoit grand cure a se nettoier quant il alloit avec Eue, assauoir si elle conceuroit le Prophete de Dieu : & quant elle conceut Seth, le pere des Prophetes, la lumiere qu'Adam auoit en la face passa en Eue, jusque a tant qu'elle enfanta Seth, qui fut nay seul : car par auant elle en auoit tousjours deus d'une ventrée, masle & femelle, seur & frere. Luy n'ay la lumiere de la mere passa en luy & fut beau, & vestu de Dieu d'une robe rouge. Puis quant son pere Adam fut a la fin, il luy dist par testament le mystere de la lumiere, & la genealogie des Prophetes : & alors Gabriel descendit du Ciel avec septante mille Anges, qui signerent cette escriture, & dirent que la vois d'Adam estoit exaucée de ce qu'il vouloit donner tesmoignage a son fils de cette generation. Puis Seth engendrant Enus laissa sa lumiere en sa femme, & elle en son fils, & laissa le priuilege de lumiere par testament & grande recommandation a sa mort : & ainsi fut gardée laditte lettre ou priuilege de pere en fils jusques

Les noms des  
predecesseurs  
de Muhamed.

a Chaidar fils d'Ismael, fils d'Abraham, auquel l'Ange de la mort huma l'ame par l'oreille, pource qu'il auoit rendu l'arche ou escriture du testament & generation a Iacob fils d'Isaac, combien qu'il luy eust baillé par le commandement de l'Ange, toutes-fois la lumiere demeura en son fils Hamel, & en tous jusque a Muhamed. Mais si je voulois reciter toutes les horribles sotties & menfonges, qui sont la dedans, jamais n'aurois fait : dont en bref mettray les noms par ou ils deriuent cete generation. Adam, Seth, Enus, Mahtil, Iared, Enoch, Matusalem, Leher, Noe, Sem, qui fist accoustrer l'arche de generation du Prophete de Perrerie, Arfaxat, Heber qui s'appelle Hudp, Phelech, Salech, Sorach, Cahuth, Taroeh, Abraham, lequel quant il naquist furent veues deus lumieres, l'une en Orient, l'autre en Occident, & la lumiere par tout le monde du ciel sur Abraham, Ismael, Kehidar qui bailla l'arche a Iacob, Hemel, Thebich, Hanneffa, Adich qui premier sceut escrire apres Hismael, Adulbey, Adnen, & autres mille Barbares que je m'ennuie de reciter, aiant assés de dire que son pere grand fut Ebedmutaleb, son pere Abdalla. Et pour reciter, la cautele & finesse des auteurs de la ditte genealogie, ils ont fait en vn liure sa genealogie a droit d'Adam a luy, en l'autre de luy a Adam, pour contrefaire la genealogie de I E S V S C H R I S T escrite par saint Matthieu en descendant, par saint Luc en montant : sa genealogie en descendant, est au liure de la vie du Prophete, & celle en montant est en la cronicque du

monde, selon eus. Il fut dont engendré d'Abdalla & d'Hemmina vne pauvre & belle garce Iuifue qui ce vint offrir a son pere : & fut n'ay en Iefrab, qui est vng bourg d'Arabie, qu'aujourd'huy ils appellent *Medinat alnabi*, c'est adire la ville du Prophete, xxx, ou xl, mille par deçà la Meche : & fut né le douziesme de *ssabam*, qui respond a nostre Feurier : & escriuent qu'alors toutes les idoles trebucherent par tout le monde : & que tous Roiaumes furent abolis : & que le diable fut getté par les anges en la mer : dont a peine eschappa qu'apres quarante jours, & se sauua sur vne montagne, & appella tous ces compagnons leurs disans que Muhamed estoit né, qui prescheroit par tout le monde de l'vnité de Dieu, & qui leur otteroit leur pouuoir : & par ainsi ils estoient deliberés de gaster le monde par hypocrisie, & par leur luxure & volupté : ce que vraiment ont bien fait par le dit Muhamed, & sa doctrine. Ils disent que sa mere eut vision d'anges, a la natiuité, & que tous les vens, les nues, oyseaus, & les Anges si trouuerent, chacun pour le vouloir nourrir. Les vens, d'odeurs : les oyseaus, de fruit : les nues : d'eau : dont les Anges n'y seurent que faire, & s'en allerent par despit. Toutesfois de ce miracle ne fust riens, car la mere qui estoit bien pauvre, & vefue (pource que Muhamed estoit posthume) fut contrainte d'aller a la Meche, pour y auoir a viure en mendiant, & en aiant peu trouué s'en reuint en Iefrab, de là ou elle estoit. Puis retournant a la Meche mourut en chemin, & le pupille fut recommandé a Abdamut Alib son pere grand, quil'a-

Mille fables a  
la natiuité de  
Muhamed.

La nourriture  
de Muhamed  
selon eus.

dopta. Et dit que là il y eut Seraphin qui luy enseigna par trois ans : & Gabriel qui xxxix, & le xl, an de son aage luy donna la loy au mois de *Ramadhan*, le quinziesme iour, qui est la cause pourquoy ils font Quaresme en ce mois là, aussi qu'il le commande ainsi en sa loy. Puis par apres fut porté au Ciel par Gabriel : luy reuenu, se dist Prophete de Dieu, & prescha publiquement a Echaf, & aus vilages d'entour la Meque : car on ne le vouloit pas laisser prescher en la Meche. Puis qu'il eust presché dix ans par plat país, ils s'accompagnerent septante hommes avecques luy, qui se confederent ensemble : & dirent, qu'il falloit prescher l'espée au poing, & faire croire en Dieu par force, & que l'espée fait plus faire aus gens que la raison : & aussi que les gens de village, desquels il escrit en l'Alcoran, souuēt ne le vouloient plus nourrir, dont il se plaint qu'ils ne veulēt pas donner au Prophete de Dieu & a ses amis : dont la ligue, fut faite par ce serment, qu'ils ne prendroient plus femmes de gens qu'ils ne fussent de leur opinion : & qu'ils deffendroient le mal, & feroient faire le bien : & qu'ils ne monstrent plus leur loy en secret : & prendroient querelle & ligue pour Dieu : & qui feroit comme eus auroit Paradis : & qu'il falloit entrer par force en la Meche le mois de *Dilhagea*. Il y auoit entr'eus les plus celebres, Hali son neveu, & Abbocherim, & Zeid, & Homar, Balal Calba, Azebar, & vn hautain nommé Achnule, qui dist qu'il ne souffrieroit plus qu'on preschast en cachettes, mais avec l'espée. Il y eut aussi vn Ietrib Arabe puissant, qui luy

luy bailla force gens,& alors alerent prendre la Meche,qui n'estoit gueres forte, & y prescherent quelque temps:puis qui ne voulut croire,fut tué & pillé,& les biens au Prophette & a ses compagnons sous espece de les distribuer aus pauvres. Puis la Meche & lesenuirons obtenus,il alla aus autres villes,& les gaigna jusque en Perse,& en Egypte,& Surie. Puis escriuit aus Princes des autres langues, qu'ils receussent sa loy:& pour vn singulier titre diët, qu'il feist dix & huit batailles, desquelles toutes il demoura vainqueur. Puis mourut du haut mal, quatre ans après qu'il eut prins la Meche, le soixantiesme an,ou soixante quatriesme de son aage ou environ. Humeram dit qu'il mourut, non pas de haut mal mais d'une pleuresie, qui le tourmenta XIII jours: & alors auant que mourir,pource que les sept premiers jours il estoit venu insensé,& n'auoit sceu rien dire,il dist qu'il seroit porté au Ciel le tiers jour apres sa mort,ce que toutle monde attendit, voire jusque au quatriesme qu'il pouoit si tressort que la multitude le feist jetter tout nud aus champs. Mais Hali fils d'Abitalib,& Elpeel fils d'Abdemutalib son ayeul le recueillirent,& le lauerent,& l'enseuelirent en trois robes.& tout le mōde s'en retourna a sa premiere loy des Iuifs,Chrestiens & Paiens,fors les parens de luy, qui pour l'amour des grandes richesses & Royaume qu'il auoit conquesté,tindrent bon,& sous la vieille opinion de luy, partie a prescher, partie par force ont fait la puissance telle qu'elle est au jourd'huy. De la qualité de la mort,ils dient qu'il mourut le ventre sa mort.

xviii. batailles  
faittes par Mu-  
hamed.

Autre opinion  
de la mort.

Opinion vul-  
gaire fausse.

Autre opinion  
fausse.

enflé, les doigts retirés en forme circulaire, dont il ont  
opinion, non a reciter. Il deceda a la Meche; non pas a  
Babylone, ou Bagdat comme escrit quelqu'un, qu'il  
fust tué en adultere avec Charuffa femme de Marzu-  
cho, ce que je croy bien : mais non pas que ce fust en  
Bagdat mais a la Meche, car c'estoit vn grand paillard,  
qui disoit auoir licence de prendre toutes femmes, &  
par ce vſa de la femme de Zeid son seruiteur : disant  
que ce n'estoit pas peché au Prophete : & que les fem-  
mes que le Prophete veut, que persone ne les doit  
auoir : & que Dieu est misericors, & qui pardonne  
tout aux creans (en sa loy Diabolique). Quant est de  
ceus qui dient que les pourceaus l'ont mangé, & que  
c'est pour cela que les Muhamediques ne mangent  
point de porc, c'est vne fable, car ils ont le corps ense-  
uely, non pas a la Meche, comme lon pense, mais a  
*Medinat alnebi*, au deça, comme ay ja dit. L'autre est  
que par quatre ou cinq fois il est escrit en l'Alcoran qu'  
on ne mange point de porc, ne de sang, ne de beste es-  
toupnée, ne qu'on a trouuée morte, sinō en cas de ne-  
cessité : car alors il dit que Dieu pardonne tout. C'est  
comme on dit, qu'ils ne boient vin pource qu'il s'en  
iüroit & par cela tomboit du haut mal. Je croi bien  
qu'il cheoit du haut mal, & buuoit possible vin : mais  
ce n'est pas pour cela qu'ils n'en boient pas : mais  
pource qu'il le deffent en l'Alcorā, là ou il dit, Le vin;  
le jeu de dés & des eschets vous soit prohibé, car ce  
sont les artifices du Diable. Voila en bref l'opinion  
qu'ils tiennent par escrit de leur Prophete. ce que j'ay  
mis en bref pour l'odieux recit des folies qui sont mel



lées en leurs fols liures, que si elles estoient boutées aupres d'Apulée avec son asne, ou des vraies narrations de Lucien, ils les feroient apparoitre verité : & toutesfois les croient vraies. Mais pour congnoistre encor plus au long la vie de cet homme, ou de ce bon Prophete, je veus encor escrire sa vie en bref, comme la remonstra bien au long, vn Chrestien fort docte, & bien experimenté en la loy de Muhamed, & qui en auoit esté, & qui l'escriuoit a vn Turc ou Musulman, que s'il y'eust trouué faute ou diuersité d'eus, il n'eust creu rien du tout.

Son pere & sa mere mors, qui estoient sugets a <sup>Autre</sup> ~~Ab-~~ <sup>de la vi</sup> ~~damuteleb,~~ <sup>hamed.</sup> autrement appelé Abdamenef, il fut bail-  
lé audit Abdamenef en garde, là ou il estoit idolatre, & adoroit les dieus de la Meche *Ellath & Ellathum*, & est ce qu'il escrit en l'Alcoran quant il dit, Tu estois pupille, tu as esté recueilli : Tu estois pauvre, tu as esté enrichi : Tu as esté infidelle, & jet'ay conuer-  
ti. Puis quant il fut grand *Hadegiah* riche Arabeſſe, de laquelle il menoit les chameaus en marchandise, avec le temps, apres auoir trafiqué long temps en Surie, & aprins avec le monde, & fort gagné, elle fust contrainte l'espouser, pource qu'on les auoit veus ensemble. Luy riche par elle (car il estoit de pauvres gens) vouloit estre plus riche & seigneur, mais il ne pouuoit. Dont entre les gens de village, d'entour son pais, il dist qu'il estoit Prophettede Dieu: ce que facilement creurent au premier: puis y en eut qui s'aperceuoient de la fraude, & n'y creurent plus : contre lesquels il fait des inuectiues en l'Alcoran : O rusti-

ques hypocrites, qui faignés de croire, & puis vous en allés, vous ferés damnés. Luy aiánt bon lieu en la Meche, enuoia sa premiere armée de xxx mulets, desquels estoit chef Hamza fils d'Abdamelich, qui s'en alloient contraindre, les plus foybles, a croire en Dieu, par force, & a laisser leurs biens au Prophete. Au second alarme quant il vit que ceus la n'estoient pas assés forts, il enuoia le fils d'Harach avec xl gardarmes, pour en auoir d'ou il y en auoit. Puis luy mesmes alla assaillir avec les gens les chameaus des Corais gros marchans, & les leur osta: pource que la premiere fois s'estoient deffendu, & print la quinte partie de leurs biens. Il commanda aussi de tuer Abdalla fils de Ragaa en trahison, & Merachil Iuif, pource qu'ils disoient qu'ils n'estoit en rien semblable aus autres Prophetes: car iceus donnoient & suffroient tout, mais cestuy cy se vangoit & estoit toutes choses: & en sa vie a fait xxxii expéditions, desquelles il a esté luy mesmes a neuf, & principalement de nuit, quant il failloit desrober. Puis a eu xvii femmes & entre icelles y en auoit vne publique, qu'il souffroit & disoit qu'il estoit licite au Prophete de faire & souffrir ce qu'il voloit. Et encor' ne luy suffisoit de tant, il print la femme de Zeid maugré luy, disant que Dieu l'ordonnoit: & que mes qu'on eust fait son cas en cas pareil, que Dieu pardonneroit tout. Le personnage dont je pren ceci, nomme toutes seldittes femmes par leur nom & maison, ce que ne veus reciter, de peur de fascherie: pensant aussi de cela assés en auoir dit pour connoistrese venerable Prophete.

Muhamed eut  
xvii femmes.

Maintenant pour ne laisser rien a dire, je veus autant faire de l'Alcoran, comme j'ay fait de sa vie, affin que a plain soit congneu par fait & dit. Et premier mettray vne somme & abregé de tout son dire, & là ou il tend. Puis par apres ce qu'ila & approuué, & depraué, du viel & du Nouveau Testament. Au dernier sera ce qu'il a propre, qui ne conuient avec Moysé ne IESVS CHRIT.

Quant est de ceus qui dient qu'il eut vn coadiuteur Sergius moine Grec Nestorien, les autres dient vn Nicolaus Cardinal Romain, qui luy aiderent a faire ce beau liure, ainsi qu'ils ne sçauent que c'est, & qu'ils n'ont pas cela en leur histoire. Je ne sçay que j'en doi croire: car quant est de sa loy, elle a esté faite du plus cauteleus esprit qui soit au monde. Iecroy bien que Sergius Nestorien, banny de Constantinoble, pour son opinion, se put retirer avec luy, non comme docteur, mais comme transfuge. De Nicolaus cardinal, il ne peut estre vray: car ceus que nous appellōs au jourd'huy cardinaus, sont ceus qui le temps de la primitiue eglise enseuelissoiēt les morts, estants curés des paroisses de Rome. Mais je retourne a propos, qu'un Cardinal Romain qui de cetemps n'estoit nul, n'a peu aider a faire vne telle loy que cela, là ou il n'y a autre que pour couleur de sainteté, (ce que tout homme feroit s'il vouloit faire a croire quelque chose, a celle fin qu'on luy creust) il a quasi tousjours Dieu, paradis, enfer, aumosne, decimes, jufne, oraison en la bouche, dont son dire sent plustost le judaïsme, qu'il ne fait autre chose: car il pouuoit assés

Astuce de Mu-  
hamed.

somme de l'Al  
coran.

auoir de Iuifs avec luy dont le pais estoit tout plain, & principalement de bannis, & Samaritains qui l'auoient pour leur Mefsie, & principalement la plus part de la Meche, & Medina toute en estoit habitée, lesquels ne cherchoient autre chose que d'obscurcir la vie, mort & innocence de IESVS CHRIT avec la diuinité. Il dit sa loy estre celle d'Abraham, Ismael, Isaac & Iacob, & de tous anciens : & repete, je croy, vint mille fois, vne mesme chose, sans aucune raison, dont tout son dire se peut mettre en bref le plus facilement du monde, en assemblant generally la somme de tout ce qu'en peu de parolles je feray a present. Ce liure & Alcoran est enuoié de Dieu en parchemin, du sacrifice d'Abraham, & n'y a point de macule ou d'erreure en luy : & s'appelle Alcoran, pource qu'on y doit lire souuent : & Alphurcan, pource qu'il est distingué en diuerses parties, qui s'appellent Sorat, ou Propheties : & est tel, que si tous les hommes, & les Anges estoient assemblés, ils n'en scauroient faire vn tel. C'est Gabriel messager de Dieu qui l'a apporté. Croiés y, car c'est la voie & saluation des fidesles qui croient en l'absent, & Dieu treshaut, qui n'a point de semblable ne de participe : & que beaucoup de gens dient qu'ils croiét, mais ils mentent, & ont vne nuée deuât les yeus, & vne duresse en leurs cueurs, & ne croient pas en vn seul Dieu qui ha créé le ciel & la terre, & ce qu'il y a dedans : les richesses pour les gens qui croient en luy, & en celluy qu'il a enuoié Muhamed messager de Dieu. C'est celluy qui a créé l'homme & la femme premier de terre, apres

de semence virile, par apres de cartillage, par apres de chair, & d'os. C'est celluy qui a fait viure l'homme, & le fera ressusciter, & tous retourneront a luy. Il a fait les pluies, vents, tonnerre, la fumée, les eaus pour porter nauires, pour auoir des richesses sur la mer, là ou les hommes l'inuoquent quant ils sont en peril, & quant ils sont aus borts ils idolastrent, & font participe avec luy. C'est celluy qui a créé les paradis d'Adam, là ou courent les eaus par deffous, là ou il y a tous fruits & riuieres de vin, de lait, de miel, toutes chairs & volailles a manger bonnes, de belles femmes grandes, tousiours vierges, qui ont de grans yeus comme Ostruches, & tous les plaisirs qui soient au monde: ausquels Paradis iront tous a la dextre les fideles, qui ont creu au messager de Dieu, qui n'est qu'un Dieu, sans participe: & qui ont donné l'aumosne des biens que nous leurs auons presté: & qui ont bien nourri leurs femmes, & qui ont visité les orphenins, & qui ont prié Dieu cinq & quatre fois le jour & la nuit, & qui ont fait bonne mesure, & qui ont païé les dismes au Prophette de Dieu, & qui se reuanchent des injures, & qui pardonnent les vieilles iniures, & qui ont esté humbles, & qui ont defendu le Prophette, & ont prins les biens de ceus qui n'ont pas voulu croire, & qui les ont tués ou prins prisonniers ou faits paier *alzache*, c'est assauoir les decimes au Prophette, & qui ont demandé pardon a Dieu qui est misericors, & qui pardonne tout a qui croit au Prophette qu'il a enuoïé: iceus iront avec leurs femmes audits Paradis, là ou Dieu a predestiné, car

Le Paradis de  
Muhamed.

L'enfer.

il est celluy qui fait croire & estre damné ou sauué qui il luy plaist : & c'est le grand connoisseur & oïeur qui sçait & voit tout : & qui a préparé l'enfer de feu & de poix buillante, a la fenestre, là ou est l'arbre puant, qui porte des fruiçts puants, amers pleins de venin, & que mangeront les damnés qui n'ont voulu croire au Prophete de Dieu, & qui ont fait le contraire de dessus, & qui ont esté des injurieux & mauuais, & qui ont esté idolatres, & feront là avec le Diable a jamais, a menger venin : & demanderont de l'eau a ceus de Paradis qui se mocqueront a cette heure là d'eus, & leur diront, ou sont ceus que vous adoriés, & que vous aués faits Dieus? goustés a cette heure le mal qu'on vous auoit dit, & que vous en mocquiés. Et tousiours sans aucun syllogisme, raison ou verité repete cecy en cette forme ou sentence : & y a telles sentences comme celles ici, Croiés au Prophete de Dieu qu'il a enuoié, & a qui il a baillé la loy : & Dieu est Dieu, & n'est qu'un Dieu, & Muhamed est son Prophete : & Dieu le misericors, le bon, predestine ce qu'il veut, & damne ce qu'il veut, & fait ce qu'il veut, & vous serés des injustes ou injurieux, & des caffres ou heretiques, & il prepare les Paradis d'Adam, avec les eaus courantes dessous a ceus qui ont creu en son Prophete, & les caffres ou heretiques qui ne croient pas, seront damnés : & autres telles folies qu'il repete mille fois : & n'y a chapitre qui n'en soit plein neuf, dix, vingt fois, sans mettre entre d'eus autre chose, que sa battalogie ou repetition : reste tout son parler, tout mal basti qu'il est, est escrit par astuce & cautelle, & quasi

a l'imitation des obscurs chapitres des Prophetes Hebreus, là ou il parle par ambigue, & doute en la personne de Dieu, apres de Gabriel, ou de luy sans nommer le personnage qui parle: à celle fin qu'au peu ple credule, peust plustost donner persuation, pensant que ce fust Dieu qui parlast, quant c'est luy mesmes: & aussi que des choses fausses ne peust estre reprins, en aiant laissé quelque doubte pour saluation de dire, que c'est Dieu, ou quelque autre qui l'a dit, & pourtāt qu'il imite ces Prophetes par obscurité de parler, a la mode d'un fin Rhetoricien & dissimulateur, jamais ne nomme en tous les titres des chapitres de son liure nul des Prophetes, fors seulement Ionas, encor' enrichissant le compte par fable: & de David a qui il dit que le Psautier fut enuoie de Dieu, & d'Elie en le nommant seulement, quant il recite les anciens lesquels ils se dist (faus) imiter. Et quant on ne le vouloit point recevoir, parce qu'il ne faisoit nuls miracles, & estoit homme comme les autres, & idiote: il respond quant aus miracles que c'est Dieu qui fait tous miracles, & que les hommes ne les font point & qu'il a fait plus grans miracles a créer le ciel & la terre, les estoilles, & toutes creatures, que si toutes bestes estoient homme comme nous: & qui ne le croit est damné, & ne croira pas ceus des hommes, ou que les hommes font: ainsi se sauue de cet argument. Quant a ce qu'on luy dit qu'il est homme semblable aus autres, & idiote, il se sauue par un argument que les Rhetoriciens appellent à *simili*, ou de pareil cas: & alors allegue des anciens, & je ne sçay

Astuce de Mu-  
hamed en imi-  
tant les Pro-  
phetes.

Respōse caute.

quels autres poins des fables d'Arabie:& dit qu'Abraham, Noé, Hud ou Heber, Moyse, & au Prophette de la Camelle, qu'on leur faisoit les objections de mesmes,& que ceus qui ne voulurent pas croire, furent perdus. Puis ceus de Noé par le Deluge: ceus d'Abraham par estre damnés: les Egyptiens jettés en la mer rouge: ceus de la Camelle, moururent tous de peste, pour auoir tué la Camelle, & autres telles, partie verité, partie lourdes folies, pour faire peur & croire aux vieilles & rustiques. Et conclusion dit que Dieu a fait passer beaucoup de siecles, qui estoient plus forts & grans que les siens,& que Dieu voit & oit,& peut bien destruire les presens, aussi bien s'ils ne croient en son Prophette:& que son liure est de Dieu: & qu'ils seront damnés s'ils ny croient. Et a ceus qui luy disoient qu'il auoit de l'aide a faire son Alcoran, ne disoit autre, sinon, Dieu le sçait bien,& Dieu &c.

Tousjours d'une: & qui ne croit au liure de Dieu là ou tout est escrit,&c. Dit depuis que si la mer sextuple, a ce qu'elle est estoit encore, qu'elle ne suffiroit a escrire les miracles de Dieu. Puis dit qu'ils sont tous au liure de Dieu: par lequel il entend son Alcoran, & liure de Gabriel, ainsi est inconstant en son dire, sinon qu'il entende tout y estre comprins en general.

La fin & intention de l'Alcoran.

Voila la somme de son dire, & l'intention de sa loy: dont se peut entendre l'intention, & fin ou il tend estre a l'euerfion de la loy & diuinité de IESVS CHRIT: car faignant parler aus idolatres, parle contre le prescript de la Catolique foy, & contre la Trinité, & appelle les Iuifs & Chrestiens hommes de loix, desquels



il dit qu'il y a des sauués ceus qui croient bien, comme font les Armeniens du temps qu'ils estoient Nestoriés, & les Iuifs qui confessent que IESVS CHRIST estoit le Messias promis en la loy: le autres qui croient la Trinité & diuinité de IESVS CHRIST, il les appelle caphâr heretiques, & dânés. Mais ce n'est que trop de ceci: maintenant il nous faut voir ce qu'ils approuuent & brouillent, tant du vieil que nouveau testament car ils ne tiennent de vray sinon ce qu'il y en a qu'au vray, que farci de menfonges en son liure ou Alcoran. dont en peu j'en feray vn discours, pour ceus qui voudront les battre de leur baston mesme, voyant qu'ils approuuent ce qu'ils destruisent. Il dit donc de la Bible, ainsi que de diuers lieux l'ay retiré, car de suiuant jamais ne dit rien, qui me semble les propos d'un frenatique, & comme ja ay dit, songeant ou fautant du coq a l'afne. Dieu créa premierement (selon eus) quelque fois le Ciel & la terre, quelque fois vne plume longue, comme depuis Orient, jusque en Occident. Puis quelque fois créa l'homme de terre, quelque fois de semence, puis de cartillage, puis de chair, puis luy souffla de son esprit, & feist apres la femme: puis l'une fois ainsi, l'autre autrement: l'une fois en vn coup, l'autre en six jours feist le tout, bestes, oiseaux, &c. Puis créales Anges, & le Diable de feu. Puis les amena a Adam, & leur dist, qu'ils adorassent tous Adam, ce qu'ils feirent fors le Diable, qui dist qu'il n'en feroit rien, pource qu'Adam n'estoit pas digne, & qu'il estoit de terre, & luy de feu: parquoy Dieu couroucé le feist descendre du Ciel: & lors il dist a Dieu qu'il

Le sommaire  
de ce qu'ils ont  
du vieil Testa-  
ment.  
L'homme.

Les Anges &  
Diable.

Le fruit qu'Adā  
mangea.

galteroit tous les hommes,& les feroit damner avec luy. Puis vint a Adam.& luy feist prendre du fruit que Dieu leur auoit deffendu, & qu'Adam en print, puis en bailla a sa femme:& leurs docteurs dient que ce fruit estoit de l'arbre Coba : & que les grains estoient comme de froment : qu'Adam en print quatre,& en mengea vn,l'autre donna a sa femme Eue: les deus il les emporta hors de Paradis,quāt il en fust chassé,& en fut fait plus de mille mille grains. Vous aués ja veu la fable qu'ils apprennent d'Adam, & la lumiere,& dela promesse de Muhamed & des Anges,qui signerent le testament a Seth. Aus liures de la doctrine ou des questions : ils dient que Dieu créa premierement Adam de limon,& le limon estoit d'escume,l'escume des flots,les flots,de la mer,la mer des tenebres, les tenebres de la lumiere , la lumiere de la parolle , la parolle de la pensée, la pensée de rubis , le rubis du commandement. Puis les bailla en garde a deus anges,qui a luy & tous les autres hommes escriuent sur les espaules avec leur langue, & la salie leur sert d'ancre pour escrire tout ce que l'homme fait en ce monde. Puis Dieu feist vne plume & vne tablette pour escrire,tout ce qui se fait depuis le commencement du monde,jusques a la fin,& tout ce qui est entre le Ciel & la terre, & telles belles besoignes . Mais retournons al'Alcoran , qui depuis Adam& Eue ne dit rien jusques a Noé,lequel vraiement dit estre Prophette,& qu'il dit le neufcentiesme de son aage auoit presché a son peuple qu'ils se conuertissent , & creussent en vn Dieu : & qu'ils se mocquerent de luy , disant, qui te la dit, n'es tu pas homme comme nous?

Creation du  
monde,

Noé.

& qu'ils ne creurent pas: & lors Noë se sauua en des Nauires, luy & ses enfans, & ceus qui creurent qu'il estoit messager de Dieu: & le deluge noia les autres. Puis parle d'Heber, qu'il appelle Hud, & dit qu'il fut Prophete & prescha: & ils ne le voulurēt croire, dont furent destruits de tempestes & vens. Puis passe a Abraham duquel il se dit obseruer la loy: & dit qu'il prescha son pere de croire en Dieu: & que son pere quāt il voioit le soleil, il disoit c'est mon Dieu: puis quant il ne le voioit plus, il disoit je n'ay plus de Dieu: & ainsi de la Lune & des Estoilles. Dont Abraham dist, O peuple je suis innocent & incoupable de ce que vous faictes & adorés. L'adore Dieu, createur du Ciel & de la terre. Puis en autre lieu dit, qu'il le voulurent lapider & mettre au feu, & qu'il s'en fuist: & qu'eus disoient qu'ils adoroient ce que leurs peres adoroieēt. Puis compte comme sa femme estoit sterile, & qu'il engendra avec Heger Hismael le Prophete, & puis que les trois Anges qui alloient sauuer Loth de Gomorre vindrent chés luy, & qu'il leur accoustra vn veau: puis cōme la vieille Sarra rist quant elle oīt dire qu'elle auroit vn fils en vieillesse, & que les Anges luy dirent qu'il n'estoit a Dieu rien impossible. Puis comme les Anges allerent chés Loth, qui auoit long tēps presché le dit peuple, & que la nuit quant ils les vouloient auoir, ils dirent qu'il tint bon, & qu'ils ne luy feroient mal: & que Dieu le gardoit, & que lendemain feroit luy & sa maison (fors sa femme) deliure, & que Dieu pleuueroit sur les cités eau, & pierres de marbre blanc, ce qui fut fait. De là nommant seulement quelque

Abraham.

Sarra.

Loth.

Muhamed iure  
Dieu.

quelque fois Iacob, Isaac: & faisant memoire du sacrifice d'Abraham, dit que la peau de l'hostie d'Abraham, est celle là ou estoit escrit l'Alcoran, quant il fut enuoié du Ciel par Gabriel, ainsi comme il jure. Car il jure facilement, & Dieu & les creatures. Puis dit a son peuple, qu'ils ne jurent rien, sinon par Dieu seul, dont certes trestous s'acquittent bien, car vous n'oyés autre chose entr'eus que *vallahe tallahé billahé*, sçauoir par Dieu trois fois, de ceus qui n'oseroient jurer par vn pou ou vne puce. Mais passons outre, & venons a Iacob, qu'il nomme souuent disant. le Dieu d'Abrahā, d'Isaac & Iacob, & autre chose n'en dit: mais recite bien au long avec addition a son plaisir, la vendition, fortune & songe de Ioseph, & l'histoire de ses freres, & comme tous passerent en Egypte: ce que je ne veus reciter en ce qu'il concorde bien peu avec nous, mais en quelque point qu'il dit d'auantage: & est que Ioseph par sa grand' beauté estant aymé de sa maistresse, femme de l'Egyptien, qui l'auoit acheté, le voulant avec soy retenir par force, luy rompit vne piece de sa chemise: puis fortirent tous deus ensemble: elle disant qu'il l'auoit voulu violer, luy qu'elle le vouloit prendre par force. là ou il se trouua vn prudent juge, qui les accorda en cette forme, Que s'il la chemise estoit rompue par deuant: qu'il auoit le tort luy: si par derriere la femme estoit coupable: & fut trouué qu'elle estoit rompue par derriere: dont fut absous ledit Ioseph. Puis apres fut mis en prison trente ans, puis diuina: & quant ses freres furent venus a luy, il leur renuoia querir le petit Benjamin: &

Ioseph & ses  
freres.

le pere pleura tant' qu'il perdit la veüe, dont Ioseph enuoia la tierce fois vne verge a son pere, pour luy toucher sus les yeus, & veüta s'en venir en Egypte luy & toutes ses gents: & dir ausai deuant qu'ils auoient desrobé la tasse entr'eus, & de peur d'estre trouués saisis, la mirent au sac du petit, qui fut cause que Ioseph le retint. Quant est de Moÿse, outre ce qu'il en recite, toute l'histoire qui appartient sa vie, en la meslant & entrelaçant de mille fables: je veus seulement reciter partie du diuers du nostre, pource que cinquante fois repete la ditte histoire, faisant mention comme il fut nourri par sa mere mesme, a qui la fille de Pharaon le rendit pour nourrice: comme il tua l'Egyptien: puis s'en fuit chés Ietro, fut marié, vit Dieu au buisson, gardant les bestes: voulant aller querir du feu, Dieu dist, je suis Dieu, & n'est que moy, jette la verge en terre, elle sera serpent: reprens la, elle sera verge: mets ta main en ton sein elle sera blanche: vaten prescher a Pharaon qu'il laisse mon peuple, & luy faits ces miracles: & Moÿse dist qu'il ne pouuoit parler, & qu'Aaron y allast. Dieu dist, qu'ils yroient tous deus &c. Et n'y a de fort diuers sinon que deuant Pharaon, quant ils eurent faits leurs miracles, les Magitiens de Pharaon firent les leur, a passion d'estre serf l'un de l'autre qui perdroit. Moÿse aiant gagné, parce que sa verge mengea les serpens des autres qui estoient jettées de cordes, dist qu'il les feroit pendre a vn tronc de palme: & ils dirent qu'ils estoient bons-fidelles, & qu'il n'estoit autre Dieu que celluy de Moÿse & d'Aaron, & qu'ils estoient contans de mourir.

Moÿse.

Aaron

samaritain.

Sepulchre de  
Moyse.  
L'ange de la  
mort.

Puis quant ils furent partis (j'enten les Iuifs pour s'en aller d'Egypte) dit qu'il y auoit vn ange deuant vestu de vert, qui les conduit : puis que Moïse oubliâ son poisson au passer de la mer, & que le petit garçon qui le portoit dist, que le diable luy auoit fait oublier : & là y a mille fables. Plus que Moïse feist fortir de la pierre du desert douze fontaines, pour les douze tribus, & comme il print Aron par les cheueus, pource qu'il auoit fait le veau d'or. Puis dit d'un Samaritain vne mesme histoire ou fable, pour sçauoir que là n'y a rien de certain. Puis apres dix millions de fables dit au liure des Responces, ou de la doctrine du Prophete, que Moïse (mais je proteste de mettre ceci pour rire) vn jour passant par le desert, trouua vn sepulchre qui estoit de sa grandeur, & qu'il descendit dedans pour le mesurer : l'ange de la mort vint qui dist, qu'il estoit venu querir son ame. Lors Moïse luy dist, tu ne la sçauois auoir, car tu ne la peus tirer par la bouche, de laquelle ay parlé avec Dieu, ne par les oreilles, de quoy ay ouï sa parole, ne par les yeus de quoy je l'ay veu, ne par les mains de quoy j'ai receu son present, qui sont les Tables, ne par les piés desquels j'ay marché sur la sainte montagne. Alors l'Ange alla querir vne pomme de Paradis, & luy bailla a sentir, & en luy baillant le print par le nés, & luy arracha l'ame a force, & demoura mort en ce sepulchre, que personne n'a trouué depuis. Je ne veus pas dire ici qu'il fait Marie seur de Moïse & Aaron, & celle de Ioachim quelque fois tout vne, & quelque fois Marie mere de IESVS n'estre fille d'Ameran, ainsi dit ces choses

ses proprement comme vn long. Or en nommant Iosué.:  
 seulement Iosué passons a Dauid, qu'il fait juge entre Dauid.  
 deus hommes, dont l'vn auoit vne brebis, & l'autre  
 en auoit nonante, & le fait iuste, juge, ce qui est prins  
 du contraire, & de la penitence a laquelle Dauid luy  
 mesmes s'en condamna, par la remonstrance de Natan.  
 Puis dit aussi de Dauid, que Dieu luy enuoia le  
 Psautier par escrit en vn liure comme l'Alcoran. L'au-  
 ray honte en recitant les fables qu'il fait de Suleiman  
 ou Salomon, mais ce sera pour la fin du Viel testa-  
 ment, pour faire bonne bouche. Il dit qu'a Salomon Le Salomon de  
 vindrēt tous les oiseaus pour deuiser avec luy, & qu'il Muhamed.  
 les auoit mandés : dont tous fors la huppe se trouue-  
 rent, & alors il dist qu'il luyferoit rendre compte de  
 son absence, ce qu'elle feist : car elle dist qu'elle ve-  
 noit de parler a la Royne de Saba, & qu'elle luy auoit  
 parlé de croire qu'il n'estoit qu'un Dieu, pource qu'elle  
 l'auoit trouuée adorant le Soleil, elle & son peuple: &  
 ainsi s'en va le procès au vent : fors qu'apres il dit que  
 Saba (parquoy je croi qu'il entend la Royne) auoit  
 deus beaus Paradis ou Iardins, l'un a dextre, l'autre a  
 fenestre, & n'en dit plus. Puis apres en vne autre Sora  
 ou Prophetie, dit que Salomon auoit des diables a jour  
 née, qui frabriquioient arimures, maisons, plats, pots,  
 escuelles, vaisselles, & autres belles besongnes: & com-  
 me ledit Salomon ne pouuoit mourir par le com-  
 mandement de Dieu, sinon qu'un ver rongea son bas-  
 ton par embas, & lors il cheut mort : puis les diables  
 en furent estonnés, car ils ne pensoient pas si tost per-  
 dre leur maistre, qui les faisoit gagner, & mettoit en

besongne. Voila en somme, & pour cause de briefueté le plus general de ce qu'il dit de Salomon, & de la Bible : car vouloir tout reciter, ce seroit ennuy sans profit. Quelque fois il en vse aussi des paroles, comme quant il dit que mille ans a Dieu c'est comme vn jour, & vn jour a Dieu est comme mille ans, qui est prins de Dauid. Puis vos espines ont prins la ronce, qui est de l'election folle des enfans d'Israel, qui esleurét plustost la tyrannie que les Iuges : dont aussi parle Dauid. Du Nouveau testament, il prend de la parabole des Vierges folles, qui n'auoient point d'huile : Du mauuais riche, qui demandoit de l'eau a ceus de Paradis : & autres lieux assés, dont il se voit auoir leu (mais bien peu) le Vieil & Nouveau testament : car pour vn mot de verité qu'il en met, il y en a cent de fables. Mais je veus mettre les hystoires qu'il tient & 'faint du Nouveau testament, affin que du tout sachons en quoy il conuiennent avec nous, & en quoy ils different : il escrit donc ainsi du Nouveau testament.

### *Du Nouveau Testament.*

VE Ioachim auoit vne bõne femme, que  
 Q quant elle fust grosse elle estoit en continuelle priere, que Dieu luy dõnast enfant qui fust bon, saint & a lui agreable : & qu'il luy pleust le garder du diable : & quant elle acoucha, elle eut vne fille, qui fut nommée Marie, qui fut nourrie en la maison de Zacharie, là ou en continuelle oraison elle profitoit beaucoup avec ledit Zacharie, qui luy aprenoit. Puis comme aussi ledit Zacharie n'auoit nuls enfans,

Muhamed  
 auoit peu veu  
 le viel & nouveau testa-  
 ment.

Marie.

Zacharie.



& que sa femme estoit sterile, & comme il prioit continuellement Dieu qu'il luy donnast vn enfant, l'Ange de Dieu luy dist qu'il creust, & qu'il en auroit vn. Il demande comme il seroit possible? l'ange luy dist, qu'il n'estoit rien a Dieu impossible: & pource qu'il ne creust pas incontinent, il fust muet trois jours. Puis S. Ian. luy dist que son fils auroit nom Iachie, ou Iehan, qui prescheroit & confermeroit la parole de Dieu. Puis incontinent apres met l'annonciation Nostre-Dame, disant que les Anges s'en vindrent a elle disant: O Marie la plus nette, clere & pure qui soit entre toutes femmes, perseuere avec Dieu, & l'adore a toute heure, Dieu a baillé ces secrets icy aus Anges pour te L'annonciation. dire: O Marie le grand' joie de la parole de Dieu on.

IESVS CHRIST est enuoïé en toy, de par le treshaut Dieu, il parlera aus hommes, tant jeunes que vieux dans le berseau, & sera le conducteur des gens. Et Marie respond, comment conceuray-je, qui suis vierge, & n'ay esté touchée d'homme? Marie, dist l'Ange il n'est a Dieu rien impossible: croi qu'il fait ce qu'il luy plaist: & que le fils qu'il te donnera, sera vn fils rempli de vertu, qui sçaura la loy, l'euangile, & toute perfection pour instruire les enfans d'Israel: & prenant de la bouë & formant les oyseaus, il soufflera en eus, & seront viuans: il illuminera les aueugles: guerira les Ladres & roigneus: il ressuscitera les morts. avec le commandement de Dieu. Mais auant que passer outre, je veus mettre les autres passages qui parlent de la Conception & Enfance ou Natiuité de IESVS CHRIST, selon ce que ce villain en parle. Il dit

en vn chapitre, vers la fin, que Marie fille d'Amram se garda diligemment, & que Dieu souffla dedans de son esprit, & qu'elle creat aus parolles de son createur, & a son liure & fut fidelle. Vous voies cōme il a ja changé son nom, & a cette heure & vne autres fois au chapitre Meriē, ou Marie, apres qu'il a repeté de S. Ian Baptiste & de Zachariē, cōme dessus, dit ce qui s'ensuit: fais me moire de Marie au liure de Dieu, (il entend en l'Alcoran) quant elle est venue de chés ses parents vers Orient, & sans eus ou leur conseil print vn voile, & nous luy enuoialmes de nostre esprit & elle conceut la forme d'un homme parfait: & elle dist, Dieu me deffend de toy (parlant a l'Ange) ne le crains tu point? il entend Dieu, & il respondit: je suis messager de ton createur: pour te dire qu'il te donne vn enfant parfait: elle dist, Comme ay je commis peché? Il luy dist, ton createur a dit: il m'est facile de faire miracles & misericordes, c'est moy qui fais ceci. Dont elle conceut, & s'en alla en vn lieu a part & secret, jusqu' au temps qu'elle deuoit enfanter. Là ou alors se trouua au pié d'une palme, & dist, Pleust a Dieu que je fusse morte, & jamais on ne parlaist de moy. Et a cette heuse là parla a elle cil qui estoit sous elle ( je croy qu'il entend IESVS CHRIST ja nay) en disant ne te soucie point, Dieu a mis avec toy le haut: Frappe au pié de la palme, & il te cherrà des dattes toutes meurres, manges en, & terefious. Et si tu vois quelque homme dy luy, j'ay fait veu au jourd'huy de ne parler a homme. & s'en alla porter l'enfant a ses parents, qui luy dirent, O Marie seur d'Aron ( qui est vne menrerie d'une

Annonciation  
en autre mode.

Conception.

Natiuité.

d'une autre sorte) tu as fait vne chose damnable, ton pere & ta mere estoient si gens de bien, & n'ont pas esté adulteres. Lors elle dist, comment parleray ie a cet enfant au berseau? lors l'enfant dist, je suis seruiteur de Dieu, qui m'a baillé le liure, & ma fait Prophette & bien heureux, & m'a enseigné a prier, & donner les dismes, & hōnorer toute ma vie ma mere, & bien heureux le jour que je fus nay, & le jour que je viurai, & le jour que je n'en partiray d'ici: C'est ici le verbe de verité IESVS CHRIST le fils de Marie, duquel ils ont diffention: car Dieu n'a jamais eu de fils, qui quant il luy plaist il luy dit, soit faitte telle chose, & elle est faite. Voila la peste du coquin, dont je pèse tout Chrestien auoir horreur. Puis en vn autre lieu, fait parler Dieu a IESVS CHRIST, & dire: Ô IESVS fils de Marie, te souuienne de mon benefice vers toy, & les tiens, comme je t'ay créé du S. Esprit, comme dedans le berseau tu parlois avec les Hommes, comme de bouë tu faisois des oiseaus, & soufflant en eus ils deuenoient oiseaus volants, comme je t'ai baillé le liure & toute science, comme je t'ay baillé la loy ou Vieil testament, & le Nouveau, comme tu as institué les enfants d'Israel a la verité, cōme tu as gueris les malades, lépreux, ou ladres, avec mon ordonnance, come tu as refusé les mors avec mon commandement. Puis en vn autre lieu il dit, que les Iuifs, & ceus a qui preschoit IESVS CHRIST l'ont reietté, & parce sont dānés: dont il veut inferer le pareil de sa loy, que s'ils la refusent, ils le seront. Et en diuers lieux le fait prescher & dire: Craignés Dieu, & l'adorés, car c'est mon

Miracles de l'enfance & vie de Iesus.

Les louanges qu'il baille a leuchrist.

Aflucee Mu-  
hamed & bla-  
phemes.

Muhammed ef-  
crit aux beſtes  
& ruſtiques.

La cauſe pour-  
quoy ils font la  
Circoncifion.

Que c'eſt que  
Muhammed a de  
propre.

Dieu & le voſtre. Et en vn autre lieu luy fait alle-  
guer l'Euangille diſant , Adorés le Seigneur qui eſt  
mon Dieu & le voſtre. Puis pour ſe faire donner par  
luy autorité dit, Qu'il diſt qu'il viendrait apres luy  
vn meſſager, qui auroit nom *Ahmad*, qui eſt le nom  
qu'ils diſent que leur Prophette auoit en Paradis.  
Quant eſt de la mort de IESVS CHRIT , ils diſent  
que les luifs ont grand tort , & luy font grans inju-  
res , de dire qu'ils l'ont tué, comme ils ne l'aient pas  
tué, mais vn ſemblable a luy. Et dans leurs hiftoi-  
res dient que ce fut Iudas, & qu'il eſtoit plus raiſon-  
nable que l'innocent fut ſauué, & l'inique puni : &  
que Dieu le retira a luy pour l'amour qu'il luy por-  
toit : & qu'il viendra au jour du jugement en la vallée  
de Iôſaphat, pour condamner les mal-croians, & ceus  
qui l'ont fait plus grand qu'il n'auoit cōmandé. Voila  
la ſomme tant de la belle loy du Prophette , comme  
des hiftoires tant de la Bible ou Vieil teſtament, com-  
me du Nouveau, que voies comme il a tout gaſ-  
té, & meſlé de menſonges, afin que ſa main fuſt par  
tout congneüe. Il ſe voit auſſi clerement qu'il n'en a  
pris que pour perſuader aus pauvres beſtes villagois  
& ruſtiques , en quoi les dominateurs les entretièn-  
nent , qui de l'une ne de l'autre loy, jamais n'auoient  
rien ou peu ouy : combien qu'il accede beaucoup plus  
au judaiſme, auquel il fut premierement par les luifs  
de la Meche inſtitué, dont ils font tous la Circoncifi-  
on, de laquelle en ſon Alcoran ne parle point , mais  
ſeulement pource qu'il ſe dit tenir la loy d'Abraham,  
fait la Circoncifion. Maintenant il nous faut voir par

ce qu'il a de propre, qui il est, & ou gist son intention prophetique. Pour le premier il met le reuanger pour chose necessaire a salut. Mais qui veut voir tout au long la couleur de son intention, voie le chapitre *Ahrab*: il verra clerement quel paillard luxurieux c'estoit, qui se permet adultere, qu'il condamne aus autres de cent coups de baston, & encore aus pauvres femmes seules, & dit que qui fera comme luy qu'il pourra bien estre sauué, & que Dieu pardonne tout apres le coup. Puis dist que le Prophette peut auoir tel les femmes qu'il veut, & que personne ne doit prendre la femme que doit auoir le Prophette: mais il seroit trop long a racompter les folies de là: il les faut voir sur le lieu: Puis regarder la Sora ou Prophetie *rheubet* de la conuersion faite par force en tuant, ostant les biens, & faisant paier tribut & decimes a qui ne veut croire en cette belle loy. Puis là ou il dit que le bien qu'il gaigne sur ceus qui ne veulent croire, est au Prophette, & a ceus a qui il le veut donner, en nommant pauvres & pelerins sous couleur de pitié. Puis quant les villagois ne luy vouloient plus rien donner, il disoit qu'ils estoient damnés. Il deffend le vin avec le jeu de dets. Il deffend le porc, la beste estouphée & morte de soy mesme: il a commandé les ablutions deuant l'oraison, & apres les œuvres de nature: & en lieu d'eau commande qu'on prenne de la poudre a se frotter le visage. Il deffend d'entrer en maison sans parler; de n'entrer en la sienne, sans en estre prié: & quant on le dira, qu'on parte incontinent. Il a fait quelque lois de partir l'heritage entre seurs & freres,

Pourquoy se  
fait Quaresme.

Peregrination  
& pourquoy.

Peregrination  
de leur Pro-  
phette,

des degrés de consanguinité, ils les fait & prohibe quasi pareils aus nostres. Mais le plus beau de toutes ses inuentionsest, que contre Dieu, raison, nature & coustume, il a ordonné de faire du jour la nuit, mais qu'on jufne:& qu'on ne cesse de boire & manger toute la nuit, jusque a la pointe du jour. Mais c'est bien raison que ce Quaresme institué d'une si bonne occasion comme de menterie, soit de pareille farine faite en menterie & hypocrisie: car il a commandé ce Quaresme, pource qu'il dit luy auoir esté portée par Gabriel sa loy de Dieu, le quinzième jour du mois de *rahamadhan*: sçavoir quel mois c'est, il est fort difficile, pource que leurs mois sont lunaires, & ne tiennent point l'ordre solaire, comme nous, mais changent tous les jours, comme la Lune. Il a aussi propre la peregrination, qu'il recommande estre faite huit mois an l'an, aiant seulement quatre de repos: & ce fait cette peregrination sous une autre couleur de menterie, a la Meche, là ou il dit que sus une montagne Abraham sacrifia: dont la peregrination, qui de tous Muhamediques vulgairement se fait a la Meche, n'est pas pour l'adorer a la Meche, comme lon pense vulgairement, mais pour la memoire du sacrifice d'Abraham, sur le mont de Caph, a deus traits d'arc de la Mesche: pour l'amour aussi que la peau de l'aigneau que sacrifia Abraham seruit a Dieu de parchemin pour escrire cette belle loy. La peregrination qui se fait a luy est en *Medinet alnebi*, a la cité du Prophete, là ou il est (selon qu'ils dient) enterré, non pendu en haut avec aimant, comme on songe

vne fable, mais en vn lieu bas, comme sont icy les cha-  
 pelles de foubpaué. Mais pour voir la vanité du pail-  
 lard, qui met Abraham auoir sacrifié a la Meche, elle  
 apparoit, a qui sçait que de Bethel, Sodome, la val-  
 lée de Manire & tout lieu là ou a habité Abraham y  
 a plus de trois cens mille pas jusque a la Meche. Mais  
 il me seroit impossible, & aussi ennuiéus de vouloir  
 beaucoup reciter de son propre. Je veus courant par  
 le Symbole monstrier en somme, comme & quoy ils  
 croient. Ils se dient croire vn Dieu seul, & createur du  
 ciel & de la terre, & toutes choses predestinant a mal,  
 ou bien qui il veut, de son verbe & de l'esprit, il en par-  
 le assés, & appelle IESVS CHRIST, de tous les deus  
 noms. Mais que c'est qu'il entend, il ne le scauroit dire  
 fust il resuscité. Il jure biē en vn Sorah a la fin de l'Al-  
 coran, par le pere & le fils, ou par l'engendrât, & celluy  
 qui est engendré: mais de luy faire accorder la Trini-  
 té, il n'y a ordre, car il fait en son Alcoran que IESVS  
 CHRIST l'a nié. De nostre dame il croit qu'elle est vier-  
 ge perpetuelle & mere de IESVS, & que tous deus sont  
 aus cieus, en corps & en ame. Vous aués veu a la reste  
 ce que le paillard a dit de IESVS CHRIST, & qu'il vien-  
 dra au jugement, duquel je croi qu'il parle mille fois,  
 pour faire peur a ceus qui ne vouloiēt receuoir sa loy.  
 D'vñion d'esglise il n'en dit rien, sinon qu'a leurs pas-  
 ques, & au vèdredi toutesfois se pardōnent, en se bay-  
 fant l'vn l'autre. De communion des bien-heureus a la  
 diuinité, il n'en parle point. De remission de pechés,  
 ils la croient a eus & aus Chrestiens Heretiques Ne-  
 storiens, & aus plus meschans hommes du monde,

De leur créāce

s'ils se font de leur loy. La vie ~~eternelle~~, en delices corporelles perpetuelles. Il ne parle quasi d'autre chose. Voila en bref la somme tant de son dire & fin, comme de ce qu'il conuient & differe avec nous, & ce qu'il a de propre. Maintenant aiant bien veu au long ces discours, selon ma promesse, il reste encores de dire des diuerfes sectes qu'ils ont: & des grandes richesses que les imposteurs prestres de là amassent, depuis qu'ils en ont le credit, ce qui a esté vray quasi par tout leur pais, que prestres ayant des richesses & delices & authorité, tousiours ont esté ruinés de leur religion: & ny vens ici reciter Iuifs, Egyptiens ne Perses, Grecs ne Romains: Laisant au curieus en histoire d'en deuiner, avec l'aide de journalle espreuue. Mais mettray l'exemple de ces bonnes gens ici.

### *Des diuerfes Religions.*

A PREMIERE difference d'habit entr'eus,

L est de la teste seulement. Car il y a vne generation de gens qui se nomment les

ifference en  
abit de teste.

parens du Prophette, ou de sa race, qui portent leur Muzauagea, c'est a dire vn bonnet de dessus noir, & leur Tulband de couleur verde, qui se monstre par sus la teste. Mais ledit Muzauagea est sans passer dehors, comme il fait aus Gentils-hommes de la Court.

Mais passe a l'equalité du Tulband, comme font tous les Cadis, ou Iuges & *cadilesker*, docteurs, & toutes gens de lettres, avec les prestres. Car tous ceus ici portent bas Muzauagea sans sortir du tulband, & la barbe longue aussi, ce que communement ne font



les gens de Court: car ils portent haut Muzauagea s'ils veulent, ou de velours ou de satin cramélin, ou autre couleur, comme ils veulent, & les moustaches de leur barbe seulement. Iceus bonnets vers s'appellent communement *iesil bass*, teste verte: & ont, quant ils sont gens de bien, ainsi qu'ils dient, des grâces & priuileges, a cause de laditte parenté, de guerir de quelques maladies ou fieures, ce que je ne sçay que par ouïr dire. Tous les Tartares sont appellés *iesil bass* par les Turcs, pource qu'ils portent le Muzauagea vert, a la difference des Perfes, qui le portent rouge, agu & menu, & sont appellés communement *Kezeil bass*, teste rouge. Dont encor que ledit Perse & Prince & peuple se nôme Sophi, Pharfi, Agemi, Chorafmi, & Tachmas, son principal nom est *kezeil bass*, a cause du rouge Muzauagea. Tous ces parents du Prophete sont comme Gentils-hommes, là ou ils sont, sans rien paier au Prince, sinon qu'en temps de guerre en leur pais se soudoient aus armes. Il y a là vn infini peuple de caymans, & sont de quatre noms & sectes, *Deriuss*, *Seichlar*, *Torlaqui*, *Calender*, ne voulans gagner leur vie qu'a trotter & peregriner: pource que par ce moien sont tousiours nourris aus hospitaus: & outre vont demandant des aspres par les villages pour faire leurs offrandes, puis les vont despendre a grand chere. Et dit on qu'il ne fait trop bon se rencontrer avec eus, estant plus foible, & ayant a perdre. Tous en vn compris sont appellés *Deauss*, ou saints: & des autres, fols. Les habits & modes de faire sont si diuerfes qu'il m'est quasi impossible les reciter: les plus

Des Tartares.

Caymans

fols sont qui a jamais vont tous nuds , soit chaud ou froid, mengeant peu, & jufnant : quelqu'vns vont a demi nuds , assauoir n'ont autres vestemens qu'une peau deuant, l'autre derriere: que s'ils ont le pouuoir, leur peau est de quelque leopard , ou bestes sauvages: aus pauvres est de mouton : tous ceus ici sont tous balaffrés de grans balaffres , tout a trauers du visage , & du long ou trauers de l'estomach , tout du long du bras , souuent en trois ou quatre lieux : & dient faire cesdittes balaffres & coupures pour l'amour du Prophette, & ny a celluy de ces ballaffrés qui ne facés fendre vn bras, vne jouë, ce que voudrés luy donnant quelque sept, ou huit, ou dix aspres , ce que je ne voudrois de cas fortuit faire pour dix mil escuts. Tous ces compagnons ici sont nuds piés, & jambes, & endurcis a mal, & ne sont seuls de leur bande a se tailler, mais des braues & gents de court, qui aiment & poursuivent vne dame , feront de telles tail-lades, pour approuer l'amour, & souuent se picqueront de quelque fer jusque au sang, faisant vne figure a la deuise de la dame, sur vn bras , ou autre part cachée d'habit, puis y bouteront le feu long tēps avec vne chādelle qui est vne extreme douleur & seulemēt pour faire que le seing dure a jamais. Or retournons aus pelerins, pour lesquels tout le monde prie, comme pour ceus qui gardent mieus la loy : combien qu'on dit qu'ils ne s'en souciēt, & qu'ils sont plus que la loy. Il y en a d'autres qui outrē ce qu'ils sont peregrins, sont de diuerses sectes distingués par habits, & sont ou sont semblant d'estre ravis en ecclase, ou esprit, les

Folie des amou-  
reux Turcs.

Les Pelerins.

vns plus, les autres moins. Et (ce disent ils) diuinent des choses perdues, donnent bon conseil, prenent les choses auenir, & ceus ici se nomment *dur misslar*. Les vns ont vne plume a la teste pour le signe du haut vol d'esprit, les autres vne manuelle ou chaîne au bras, pour la contrainte de l'esprit, les autres vestus d'une piece de toutes couleurs rapetassée. chacun pour leur phantasie, laquelle autrement je ne sçay.

Quelqu'un jamais ne parle a homme ni a femme: l'autre ne mange qu'une fois la semaine: les autres vous ne les voies jamais manger: quelqu'un jamais ne parle a femme: aucuns croient si tres fort la predestination, que venant une pluye, ou gresle ne se remueront d'un lieu pour rien, disant que Dieu enuoie cela de ses biens, & qu'il le faut endurer, là ou on se trouue: les vns se retirent ensemble en un lieu, ne pensant l'autre peuple digne de leur conuersation: les autres sont aus bois, aus montagnes, aus Hospitaux a penser les pauvres malades: les autres ne font que toupier chantant, *la alla illa la*: les autres que chanter le mesme: Bref c'est vne grand' chose a raconter quelle opinion de sainteté ils ont obtenu, & ay ouï dire qu'ils font force merueilles. Ils ont aussi beaucoup de Merlins, asçavoir d'enfans sans pere, & nais de pucelles: & disent que cela leur est commun, & frequent: ils les nommēt *nephis ogli*, enfans de l'ame ou de l'esprit, qui font aussi de grās merueilles ce dit on. La principale ville ou lieu de peregrination, là ou tous vont comme ja ay dit, est *Medinat alnabi* & la Meche: l'une pour Muhammed, l'autre pour le sacrifice d'Abraham: & là y vont

Mansion desdites sectes.

de Tartarie, Perse, Inde, des Isles d'Inde, de Barbarie, & de Turquie : mais ceus qui y vont, ne sont que populaires & caymans, cōme les brodes. Les Morres en la Barbarie ont deus lieux de fort grād' deuotion ou apport en leur païs, l'vn est le Caroan, l'autre est la Meheide, en l'vne ne l'autre n'entre Iuifs ne Chrestiens. Ils sont sugets au Roy More de Tunes. Ils diēt entr'eus que le Caroan est là où Haly neuveu de Muhamed y feist l'eglise qui y est : dont pource que c'est la principalle ville & peregrination plus frequente de la Barbarie, & là ou on ne va qu'a grand' compagnee, pour les desers & serpens, toutes peregrinations en Barbarie ont eu leur nom de Carauane ou Caroane.

Lieux de peregrination  
quant aus Mo-  
res.

Dont est ditte  
Caroane.  
Les saints  
lieux de Tur-  
quie.

Quant est de la Turquie, il y a infinis saints qui leur font des miracles grans, cōme ils disent, & sont communement inuoqués par chacun son mestier. Il y en a vn qui conforte les desolés, qui se nomme *Seich bassa*, le vieus prince. Vn autre *Hartxi bertas*, qui est celuy qui aide aus peregrinans, qui l'inuoquent. Vn autre aupres de la Surie, non trop loing d'Adena, qui se nomme *Sedi cadi*, Sire où seigneur Iuge: Là ou ils dient que toutes volontés s'accomplissent, & là les Gensdarmes se recommandent fort, & ont pour persuadé que qui l'a esté voir, ne meurt pas en Guerre. Les autres enseignent les choses perdues: & y en a vn grand en la Natolia, aupres de Cariasar, qui se nomme *Guzel mirsin* ou *gotuel mirss*, le bon rameneur, qui trouue toutes bestes perdues. Vn autre qui se dit *Bassa sic*, le Dieu d'amours, ou le Prince de cela, là ou ils vont pour estre bien fortunés en mariage, pour auoir enfans, pour se

reconcilier. Il y en a encor' vn qui est le general capitaine de tous, car il sert tous de les mestiers des autres, & disent qu'on ne luy demande rien qu'on n'en aye consolation: & cestui ci n'a point de lieu dedié, mais se pourmaine sur vne jument grise par tout le pais de Natolie seulement, & apparoit par tout a qui l'inuoquent: ils le nomment *Chederelles*, & pensent que ce soit saint George, car ils appellent saint Georges *Chederelles*, & y a tout plein de gens qui se dient deluy: & sçauent mesmes en quel temps les Chrestiens en font la feste, & les viennent inciter deuant, ou a ce jour, a donner des aumosnes pour l'amour de luy: car quant ils demandent quelque chose a ces saints là, ils leur promettent selon leur faculté, manger pour l'amour deus vn pain chaud, ou vn chapon, ou vn mouton, ou vn beuf, avec les pauures, & les pellerins, ce qu'ils gardent diligemment. Ils mentent avec les pauures pour l'amour de leurs saints. Du temps de Sultan Muhamed, qui print Constantinople & que nous ap-  
pellons faus (en la journée des François en Hongrie) l'Amorabachin, comme ce fust le nom de son pere Amorat benc, au lieu de luy, il y auoit vn infini nombre de toutes ces sectes en la Natolie; principalement qui auoient ja occupé tant de richesses qu'il estoit possible, dont il commença a se facher: & aussi qu'ils luy en donnerent cause, car pour ce temps là le voyant le prince des Zauuologues ou Tartares, tant prosperant & fort que fut jamais Prince, & par armes inferieure ne pouuant garder vn tel ennemi de croistre, voulut par subtil moien vn jour, sous l'espece de pié-

Histoire de  
Sultan Muham-  
med qui print  
Constantino-  
ple.

té suborner vn nōbre de ces paillars *deruiff*, qui par leur espece de sainteté entroient librement chés le Prince, & aussi pour ce qu'il estoit Prince curieux de toutes excellences, principalement de voir des merueilles, enchanteries, diuinations, & autres telles choses que lesdits Santons font communement : & conuint ledit Tartare avec vne bande desdits hypocrites, leur promettant ce qu'ils cherchoient (les faire grans) s'ils vouloiēt où tuer ou empoisonner leur Prince Sultan Muhamed : ce qu'ils auoient si bien entrepris & si secretement, que seulement en fut aduerti le soir dequoy il deuoit estre tué la nuit. Ce que voiant ledit Sultan Muhamed en despecha le pais, par tel si que de son viuant, ne s'en osa trouuer vn deuant luy, sur la vie, ou peine de deus cens bastonades. Le pareil feist Bayazet, pource qu'un d'eus luy demandant l'aumosne : l'auoit presque tué. Et outre ledit Sultan Muhamed, des plus belles fondation de ces paillars, que ses predecesseurs leur auoient données sous espece de pieté, & desquelles ils abusoient, leur feist par bonne raison despouille (ce qui me semble merueilleusement equitable, que les choses qui ne vont plus a leur fin qu'on les y dresse, & qu'on tourne abus en vſage) & appliqua en vn autre meilleur œeuure lesdites richesses, a fonder vne belle *Imarat*, ou aumosne, en Constantinople, de l'estime de 60 mille escuts, là ou les malheureus paillars, qui estoient seigneurs n'ont que la repue franche. Ainsi fut punie la canaille pour leur merite. Mais toutesfois, comme malle herbe croit tousiours, il y en est reuenu plus que jamais : c'est

Trahison des  
faux ministres  
de Muhamed.

pource qu'au lieu des fondations auois promis de parler des sectes, & de la diuersité de leur religion.

*De la Sepulture.*

**A** PRES auoir declaré la religion & choses qui en cette vie sont faittes par pieté, il me semble n'estre rien dit, si la conclusion n'y est, de ce qu'ils croient & font pour la memoire de la vie future. Car en toutes choses, tant naturelles cẽ me artificielles, & qui dependent de deliberation, tout se refere a la fin, & a quelque but : lequel naturellement toutes choses appetent. Les Muhamediques, doncques (comme dessus ay dit) croient & pensent pretendre a immortalité par les œuvres de leur loy, & par *rahmatullahi*, qui est la misericorde de Dieu, pourtant, venans a la fin recommandent leur esprit a icelle misericorde, & qu'elle vueille porter l'esprit en *Genetly*, c'est a dire en joie, & le garder de *saitan*, qui veut dire Satan, ou le Diable : & ordonnent de leurs biens & sepultures, quasi comme icy. Les prochains succedent a l'intestat, jusques au tiers degre en apres, & sans hoirs plus proches : le Prince qui encore que quelqu'un meure avec hoirs prochains, prend la dixiesme partie des biens du defunt, les aiant fait estimer par le *petalinagi*, c'est magistrat a ce destiné. Les partages se font, selonc l'Alcoran, par esgal entre pareils : mais chacun a sa coustume qui y defroge & contreuient bien souuent. Dauantage en si grande multitude d'enfans, comme on peut auoir là, a cause de la

succession entre les Turcs.

Des enfans de  
diuerſes fem-  
mes & d'un  
pere.

Du deuil qu'ils  
font.

Habits de deuil.

pluralité des Efclaues, & femmes qu'ils ont, ſouuent les plus fors, tins, & habiles ont la meilleure partie. Les proches parens ſont appellés pour tuteurs, ou ceus que le Cadhi y veut mettre. Là ou ſe fait de grans torts & abus, ſous couleur de Juſtice. Vne perſonne decedant, eſt admonéſtée, principalement de pardonner, & d'inſtituer *zedacah*, c'eſt adire aumofne, ce qu'ils font, & ont ce pour dernier ſacremēt. Quant la perſonne eſt morte, ſi c'eſt le Prince ou grand ſeigneur, incontinent il eſt ſignifié au peuple: & là vous oriés vn cry par deus ou trois jours, auſſi grand comme la joye eſt ou ſe monſtre quant il eſt circonciſ, ou ſalié Prince, ou qu'il retourne victorieux. La ſepulture depuis ſe fait au lieu là ou il la eſleu, & fait quelques fondations pour ſon ame, dece que j'ay dit en parlant des fondations groſſes, qui ſont entr'eus. Les proches officiers, & parens pour deuil portent de gros bureau dit chepenée ou feutre de quoy on fait des couuertures aus cheuaus: & qui ne le veut porter, ha vne toille blanche, depuis le Tulband juſques a la ceinture, le tout avec cris & pleurs, juſques au tōbeau. On maine auſſi en main les plus beaux cheuaus qu'eult le deſſant, juſque au lieu, ainſi qu'on fait par deça les cheuaus & haquenées couuertes de velours traifnant, ou de drap. Apres on donne infinies aumofnes, le corps eſtant en tombeau. Il y a vne grande & artificieuſe ſuperſtition entr'eus, c'eſt qu'auſdits cheuaus deuant que ſortir deuant le peuple, ils oignent les naſeaus de *ſeuene* & choſes fortés, a celle fin que les pauvres beſtes l'armoient par force, & qu'il ſemble au



populaire sot qu'ils le facent par nature. Dauantage si c'est quelque hōme d'armes ou Sangeac, qui est capitaine on port'enſeigne, on traîne apres luy son eſtādart, par la bouë avec des armes & harnois de cheuaus, pour monſtrer que luy mort, la guerre eſt morte. A quelques Princes ſont gardés ces honneurs apres la mort, que ſur leur tombeau tous les jours par les Thalimaular ou leſteurs, qui ont charge de lire aupres du deffunt, les habillemens de quoy vſoit le deffunt, comme s'il feust encores viſ, ſe mettent & changent par les jours de la ſemaine, juſques a vn an, ou deus, ou trois, ſelon l'ordonnance du deffunt, & vouloir des parents. Leſdits Thalimaus, donnent a entendre au peuple, qu'il n'eſt rien ſi ſalutaire que lire l'Alcoran, & pour les viſs & pour les morts : & pourtant auſdittes ſepultures y a touſjours quelqu'un qui liſt ſans ceſſe ledit Alcoran pour l'ame du deffunt. Leſdits Thalimaus vont deuant le corps qui eſt porté, la teſte deuant, & chantent *alla rahmani arhamuhu, la alla illa : alla alla huma alla*, qui dit, Dieu miſericors ait pitié de luy : il n'eſt Dieu ſinon Dieu, Dieu eſt Dieu, & tels autres propos & oraiſons, juſques a la ſoſſe, là ou ils liſent quelque Sorah ou chapitre de l'Alcoran, & quelques oraiſons. Ils ſont treſtous portés en vne ſorte, comme en vne huche vn linge deſſus, & l'accouſtrement de teſte ſur le bout de deuant, pour monſtrer le ſexe & habit. S'il eſtoit puceau ou pucelle, on porte ſus luy des boquets, roſes, & fleurs, & telles odeurs, pour monſtrer l'innocence ou virginité. Pour petit d'auctorité qu'eust le

Cōme on porte les morts.

sepulture.

Rosiers & autres fleurs sur les Tombeaux.

defunt, il a quelque lieu a part, ou il esliſt ſa ſepulture, ſans aucune benifſon: parquoy a l'entour des groſſes villes, tant en Affrique qu'en Aſie, tout eſt plain de ſepultures. A celles des riches, y a outre le ſepulchre vn logis, comme vne chapelle, qui ſert d'oratoire & recueil a ceus qui vont prier & manger là avec les pauvres, pour leurs morts. Aus communes n'y a autre qu'une pierre drecée de bout, plate ou ronde, de la hauteur de trois ou quatre piés, ou eſt eſcrit en lettre Arabique le nom & faicts du defunt, comme par deçà: quelques vns y font paindre vn Tulband, les autres vne cimiterre, les autres vne autre choſe, ſelon ce que quelqu'un s'eſt meſlé en ſa vie: a quelques vns on plante deſſus des roſiers, romarins, myrtilles ou mur-tie ſur la tombe, affin que les paſſans prenans des bouquets, aient ſouvenir du mort qui ſe viſite tous les ans, ainſi que ſus ay dit, au *behiram* ou paſques grandes, & petites, & quelques autresfois durant les huit jours du deul: car par apres les huit jours, eſtant fait vn feſtin entre les parens, chacun oſte le deul, comme parauant la mort: & là attendent la Reſurreccion, qu'ils croient qui ſe fera, Dieu commandant a IESVS CHRIST, de condamner, & Muhamed teſmoignant des bons fidelles ala ſeneſtre de Dieu, & ce en la vallée de Iofaphat.

### *De la Juſtice.*

SELON l'ordre qu'au cōmancement ay promis  
 S depuis la religion entre Dieu & les hommes,  
 principalement obſervée pour l'amour de  
 Dieu

Dieu, il vient par ordre de parler de la Justice coercitive, observée entre les hommes seulement, laquelle quasi par tout le monde a son origine de la divine: car là ou les hommes laissent tant la raison que Dieu, ou ce qu'ils pensent ou doivent penser que Dieu commande, il faut que la loi qui leur estoit a conservation, leur soit a rigueur & contrainte: Et là ou la divine ne fait de tout statut, doit estre excogité des hommes justes & munis de raison, moi en d'éviter ou prohiber tout vice. Dont tous Muhamedistes ont pour principal l'Alcoran, ou Alphurcam, ou leur loy, & par apres ou elle en son interpretation, nommée *Sune* faut, les institutions & responses des sages *muphty* & *alphachi* succedent, dont communement y en a dix volumes, qui traittent par ordre de *rebus*, *personis* &c. des choses, & personnes, des obligés, des testamens, & autres choses appartenantes au droit des hommes, & civil: puis estans les cas entre les hommes infinis, les Princes par ordonnance y pouruoient. Davantage en quelques lieux y a coustumes & immunités comme par deça. Puis l'arbitre & prudence des juges en raison exercés, est pour supplier & decider de beaucoup de choses non escrites. Voila le droit dont ils vsent: Il faut maintenant voir des personnes qui l'administrent, & puis apres comme ils administrent.

Il y a premier quelque vieil sage, & prudent & esleu, par l'estime de bonne vie approuvée de chascun, sous chascun Prince Muhamedique, qui des doutes qui se trouuent fort perplex, tant en maniere de la loy, que des loys, donne sentence

Raison de l'origine des lois.

Les livres des lois entre tous Muhamedistes

Le Muphti ou arbitre des douteuses & difficiles sentences.

diffinitive au plus pres de la raison. Et si c'est droit particulier, il ne passe en exemple. Si c'est vniuersel, il est pour arrest, & pour juger vne autre fois à *simili*, ou de cas pareil. Le Tartare grand des Zauolgues, le tient en Samarchanda. Le Perse ou Sophi le tenoit en Bacder ou Babyloine deuant que le Turc luy eust ostée. Le Turc en a vn en Constantinople. Les Mores Barbares, ou islemins en ont en beaucoup de lieux, comme en Marroc, Fez, Telmessen, Argel, Tunes, le Caroan, la Meheyde, & en Mitzie ou Egypte. Le Turc fait au sien la plus grand' reuerence qu'à homme de son royaume, a cause qu'il represente Iustice, & l'image de Dieu. Des autres pais je ne sçay en quelle estime ils l'ont. De dire qu'ils ont vn Pape ou Califfe de Bagdat, qui peut statuer loys sur tous Sarrafins, cela est pour le jourd'huy priué de verité: & le temps passé il ne mettoit loys qu'aus Barbares d'Arabie, Surie, & Egypte seulement. Mais celui qui escriuoit cela, estoit pour par vne comparaison, rendre plus auguste & persistente la maiesté de leur Califfe. Des electeurs de juges, & de la preuue que font les Muhamediques de leur sçauoir & prudence je ne le sçay seulement que des Turcs, car je ne veus escrire ce que j'ignore. Il y a des Cadilesquers a Constantinople, ou principalement là ou le Prince se trouue pour aller long temps ou demourer autre part: & alors pour les querelles suruenantes tous les jours, l'un deus demeure ou laissent en leur place des Lieutenans bien accompagnés de gens de sçauoir, & sont deus Cadilesquers ou Cadibeughilar, deus Exa-

Le Prince honore le Mu-  
phri.

Fausse opinion  
du Califfe.

Deus Cadeles-  
quers electeurs  
& examina-  
teurs des Iuges.

minateurs des Iuges de diuerſes prouinces, qui ſont ſubgettes aus Turcs, dont l'un eſliſt & examine ceus de l'Europe, ou du coſté de la Grece, & s'appelle Cadilis ou *cadileſquer romly*. La Juſtice de Grece, qui a tous Iuges qui veulent auoir quelque Cadilie ou judicature, ſont jurer ſur les lois, qu'ils ne feront tort a homme, & a tout le monde droit : qui s'enquierent de leur vie ſ'il y a perſonne qui s'en plaigne, qui les interroguent comme ils ont eſtudié en droit & en leur loy, & ne s'enquierent point du temps, comme on fait ici, mais du ſçauoir comme feroit le Chancelier de France par deçà : ſelon ce qu'ils ſont trouués idoines, ils ſont enuoiés en office grande ou petite, par tel ſi que de tous griefs dont le peuple ſe plaindra d'eus ſeront contrains rendre raiſon auſdits Cadileſquer, & eſtre ou priués ou ſuſpens d'office, ou ſi le cas le requiert priués de vie. Ils ont a leurs Iuges particuliers trois ſortes de gens, les petis qui s'appellent *Taalimanlar*, que le vulgaire corrompt, & noſtre *Taliſman*, & veut dire ſçauant ſimplement : & ceus ici ſont les petis compagnons, qui ne ſçauent gueres avec l'Alcoran, qui ſe ſont comme preſtres de village & *Paracadis*, c'eſt a dire petis cadis : comme ſont Iuges ou Aduocats de petis ſieges. Les moyens ſont *menitſimlar* circonſpectſ, prudens, qui avec l'Alcoran ont du ſçauoir de lois mediocrement, peuuent auſſi ſeruir de Iuge & preſtre. Les grans ſont les fort doctes, & en la loy, & auſ loys. La premiere choſe qu'on demâde a un bon Iuge, eſt ſ'ils ſçait bien, & ſ'il entend ſa loy, ou religion : a celle fin que pre-

Trois ſortes de Iuges,

Tous Iuges. doiuent ſauoir leur loy.

mierement il regarde de juger selon Dieu : par apres, s'il ne peut faire par la loy diuine, qu'il vienne a l'humaine: ceus ici sont appellés Cadhis, & ont les offices de judicature aus grandes places, & ont tout plain de juges inferieurs petis aprenans, qui leur respondent, & la prestrie n'excuse point de respondre a juge superieur, car ils n'ont qu'une puissance absolue, & n'ont qu'un cousteau, ou bras de Iustice. Ces grans Iuges ici se nomment en langue Arabique Cadhi, de laquelle appellation ausi les Turcs vsent, mais toutes fois ils ont leur mot propre, & les appellent *basfi* ou *sybasfi*, qui veut dire chef: & cette vois est ausi commune au Tartare, qui nomme la teste *basfi*, comme les Turcs: d'ou sont dits lesdits *basfi* & *soubacis*, comme chefs: comme nous appellons les capitaines de *caput capitū*, qui veut dire teste. Il y a cette difference que *Basfi* est plus grand, *Soubacy* est comme Lieutenant: toutes fois ils vsent indifferēment de *basfi*, *cadhi*, & *subasfi* pour vn. Ils ont de vieus philosophes qu'ils appellent *hoge* en Turc, & en Arabie *ssaich*, qui sont pour aider aus Iuges, ou prestres, docteurs, & s'appellent *Iman*, ou sont lecteurs aus Villes ou ordinaires, ou publiques, ou particulieres, en Medecine, Philosophie, lisans Aristote, Galien, Hipocrates, & leurs docteurs Auerrois, Auicenna, & tels: ou en Astrologie & Geometrie, dont ils ont de grans maistres & auteurs: tous ceus ici avec les Iuges sont d'un mesme priuilege, comme ausi toutes gens de lettres, tandis qu'ils les exercent, sont exempts de tailles & impost, comme ceus de deça. C'est pourquoy je les ay mis

Les noms des  
Iuges.

Autres gens d'  
lettres qui iou-  
issent du priu-  
ilege des Iuges.

avec les Iuges, car les Iuges sortent de leurs escolles. L'autre Cadilefquer fait le mesme aus Iuges qui sont esleus en la Natolie, ou en Asie avec l'Egypte, comme j'ay dit en la partie d'Europe du premier, ils les examinent, s'enquierent de leur prud'homme, de leur sçavoir, les font jurer comme dessus a pareille peine. L'honneur second est fait du Prince a ceus ici, car il les saluë la teste fort inclinée, la main a l'estomach pour l'amour de la justice qu'ils representent. Ils ont d'estat du Prince chacun sept mille ducats a present. Je ne scay si tousjours ils continuent a tels gages, Ils sont comme pourroient estre deus Presidens ou Chanceliers. A toutes causes d'importance qui se jugent au Diva ou auditoire de la court ou grand conseil, ils sont quasi appellés avec les Baschiats: mais nous entendrons mieus tout ceci, quant nous aurons vn petit parlé desdits Passchats ou Bassats: puis apres nous dirons en brief de la maniere de proceder & juger qu'ils ont par delà, tant a la court ou ressort, comme aus champs. Ce me sera assés a present de dire (car j'en parleray amplement au traitté des estats en la guerre) que le seigneur a quatre ou plusieurs personages principaux, de tous les affaires de son empire, soit a Guerre ou a Iustice, & sont remis a cet honneur par degrés de dignités inferieures, tousjours montant & faisant bon exemple de viure, sinon que quelque grande & rare faueur du Prince les leuast du petit en grand lieu, ce qui est souuent bien perilleus, pource que les choses incontinent venuës, cōmunement s'en vont plus viste: comme en Hibrahim Baschia s'est monsté: là ou

Le Prince honore les Cadilesquers.  
L'estat du Cadilefquer.

Vn grand &  
majeur Bassa.

Raison du nō  
de Bassa.

Preeminence  
de Bassa.

Son office en  
iudicature.

Les iours du  
Dinam.

quant ils sont paruenus ils sont si haut, que plus ne peuuent, sans estre Princes. Entr'eus y en a vn majeur & Visir qui tousiours asiste aupres du Prince, là ou les autres sont ou peuuent estre en cōmission a garder les prouinces, conduire armées, garder frontieres, aller sur mer, & autres choses selon le vouloir du Prince: ce que je diray plus amplemēt au traitté de la guerre & estats. Ces quatre personages sont appellés Baschiats, ou Pasiats, ou Passalar, & veut dire chefs, comme dessus ay monstré de *bass*, qui est a dire la teste: & me semble qu'ils se pourroient bien cōparer aus trois Mareschaus de France, & aus quatre, quant il y a Conestable: lequel pour son absoluë puissance, apres le Prince se peut comparer avec le Visir ou premier Bassa, & si comparent pour le nombre seulement. Et aussi different qu'ils sont au plus grand degré, ceus ici non cil dont ay parlé qui est Visir, ce qu'il fait, les autres n'y ont que voir: ce que les autres font, il luy en rendent conte, sinon que le Prince autrement par priuilege en ordōne. Son office est quant en cas de justice, de tenir le Diuā ou justice ouuerte quatre jours la semaine, samedi, dimanche, lundi, mardi, au lieu là ou se tient le Prince: si a Constantinople, a son Serrail en vn auditoire: si en guerre, en son pauillon qui communement n'est loing de cil du Prince: là ou premier conuiennent les autres Bassats s'ils sont en pais, & les Cadilesquers dont ay parlé, si l'importance de la matiere le porte: & commencent par les affaires de plus grosse importance: Comme en consulter des propos d'un Ambassadeur, de luy donner responce des ma-



tieres d'estat & d'importance de pouuoir aus prouinces ruineuses : de mort d'homme, ou condamnation, & autres telles matieres. Là ou si d'aventure il y a partie presente, il faut que sans aucun aduocat, & ralongeur de cause, qu'il die son cas : puis a l'obicction de partie aduerse qu'il satisface & prouue a deus tmoins ou quatre femmes, puis sur le champ est donné arrest diffinitif. Et quant la court a duré sept ou huit heures, le Bassa s'en va communement seul au Prince en allant deuant deus huissiers, avec des bastons dorés : & racompte audit seigneur tout a la verité, ce qui s'est traitté, & les matieres qui sont d'importance, là ou le mentir est mortel : car souuent le Prince est a escouter a vne fenestre qui respond sur l'auditoire, qui est faite d'un logis en autre : de telle sorte qu'il peut ouïr & voir tout ce qui se dit & fait audit auditoire, sans estre veu ne apperceu : & encor' que jamais n'y feust, on pense tousiours qu'il y soit. Luy aiant ouï le recit & auis de la court, peu de fois y contredit, mais conferme : sinon a moderer quelque rigueur, ou a respondre a vn Ambassadeur. La court leuée, & le seigneur aiant dit son aduis, la sentence est irreuocable. Lors sont là quelques *Zazgilar* ou escriuains, qui enregistrent toutes les choses de la court, comme les arrests, sentéces, licences, priuileges, saufs conduits, &c. Le Bassa, & la court leuée il s'en vient, a sa maison en vne grande salle, là ou il escoute jusque au plus pauvre homme qui se puisse presenter & n'en laisse pas vn qui ne luy donne sentence diffinitive, ou qu'il ne luy baille vn Tesquer, ou lettre a

Nuls Aduocats.

Rendre cōpte :

Grand' & imitable cautelle du Prince.

Brefue Iustice.

Iustice des vil-  
lages.

Les peines en  
loy commune  
observées en  
Turquie.

dreçante a son juge pour renvoi, qui si hardi de failir a juger en premiere instance. Les Cadilesquers voient ceus qui appellent communement de grief & tort de juge. Les ciuils de choses ciuiles. Les bonnes gens aus villages sont ausi jugés en premiere instance, venants les deus parties, & leurs tesmoings tous ensemble: là ou se font infinies injures a cause des faus tesmoings, dont il y a beaucoup: qui a cause de la diuersité de religions & opinion, pensent que c'est bien fait de faire mal a vn homme d'une autre loy: a laquelle meschâceté les Turcs ont l'avantage, pource qu'ils sont seigneurs & premiers fauorits. Les communes paines sont la loy de mesmes, qu'on appelle *talis*, laquelle quelque fois reprouue, quelque fois approuue Muhamed. Le faus tesmoing est puni de la paine qu'il charge, s'il est tesmoing faus, contre femme d'adultere: il a quatre vints bastonnades. Qui bat vn priuilegié, a deus cens bastonnades. Femme adulte-re, cent bastonnades. Celluy qui l'a accusée faus, avec ses quatre vints bastonnades, est infame. Qui tue vn autre hors colere, est tué. Qui est Muhamedique, & vse avec Chrestien, est tué par feu ou eau, s'il y en a au lieu: Le Chrestien fait Turc, ou mort. De justice commune executoire, on brusle vif a Constantinople en vn basteau trainé par chaine de fer a vn autre bateau, & mené entour la ville par mille port: le patient couuert seulement de poix poudrée de soufre, & vn peu de bois & sont quelque fois quatre ou cinq en vn, attachés au fons du bateau a la renuerse. Ils sient par le meilleur. Le meilleur marché de mort, est le pendre & decoller.

Ils empallent les brigants, fichant vn pau par le fondement, jusque a ce qu'il apparaisse sortir par quelque lieu en haut, puis dreçant le patiant planté comme vn pau avec son pau, là ou souuant vit encor' trois ou quatres heures, demi jour, vn jour sinon que par misericorde on donne quelques aspres au bourreau pour l'esgorger: car en cette mort là on dissout toute nature sans perdre sang ne respiration. Quelque fois on les leue haut a vn gibet a deus estages, & au second y a des crochets de fer esmolus, surquoy on les laisse choir & attacher par ou ils rencōtrent, & demourer là mort ou vif. Quelqu'vns sont estendus en crois sur vn cameau, avec vne crois de biés, puis le corps chiqueté, & aus plaies on met des mouchons de chandelle courts & ardans, jusque a ce qu'ils le consomment. Estre jeté en la mer vne pierre au col, c'est jeu. Il y a quelques autres peines pour le criminel, comme de bailler infinie multitude de coups de baston, selon le dit, & l'estime du Iuge, & aussi a l'arbitre de partie: cōme le plus proche parent d'un homme occis peut demander & auoir du Iuge celui qui aura tué son parent, & le punir ou par peine ou par argent, ou par tous deus. L'estime d'un homme est de 60 mille aspres: d'un bras ou pié ou œil perdu, ou autre partie necessaire grandement a la vie, ce qu'ils nommēt demi hōme, est de la moitié moins, & la reste a la proportion. Et si quelque meurtre est fait en vn voisiné, il faut que les prochains habitans, pour l'auoir laissé tuer pres d'eus, paient chacun 25 aspres aus proches parens, ou qu'ils rendent l'homicide au Subaci, qui a charge de prendre leurs

criminels,& informer contr'eus,jufque a fentence, laquelle ne peut donner a mort,fans le Cadi & Paracadi,& par apres il va a l'execution cōme ici les Preuots des mareschaus,& juges criminels.Quant eft du civil le Cady y donne ordre,& oiant les parties & publiquement.Publiquement il donne ordre au pris des viures par vn officier nommé Mortafsi, qui prend garde aus pois,mefures & pris des chofes.Il y a quelques Martafup qui donnent ordre au pris des marchandises, & des chofes portées de dehors, & en a quelque pris pour certaine quantité,tant que l'office vaut beaucoup. Il y a le *ffaremin* ou maiftre des œuures qui prend garde aus edifices tant publiques cōme particulieres: generallement tout depend de la diligence defdits Cadis, hors les gents de la court,qui ont leurs chefs *Aga & Bafsi* pour Iuges,pource que facilement les gents de lettres & de guerre ne s'accordent pas:& principalement ceus ici ne veulent pas obeir facilement a fentence de Iuge.C'est merueille comme la force & rigueur de justice croift en guerre, là ou la licēce croift:car pour defrober ou battre au village& hors le camp les fouldars en font mestier:mais en guerre, la teste y pend, ou tant de coups de bafton que jamais ne porte fanté. Il y a fur les champs d'autres gens de justice qu'ils nomment *Vainod* ou *Vainodlar*,qui ont la charge toute telle que les Preuots des mareschaus ici,refte qu'a condamner, ce qu'ils ne peuuent faire a mort,fans appeller le Cadi du lieu plus prochain,auec le Talifman & Paracadi,pour condamner a mort. *Vainod* autrement signifie vn gouverneur de païs,aiāt

charge du Prince Turc: comme est aujourd'hui le Vauod Bogdan de Valachie. Ils ont vn magistrat venal, que nous n'auons point par deça, qui se nomme *Naip*, qui garde si quelques vns vont en adultere, ou ont gar ses avec eus, & les prend & met en prison, s'il y peut venir deuant les gens du Cadi ou Subassi: puis le met en amende, & punit aussi ceus qui vsent des garçons d'amende de six aspres, & de femmes x x ou x x x fois plus. Chascun qui se marie doit certaine somme d'argent audit *Naip*, pour cette cause ainsi que je croy.

Quant quelque puissant homme est accusé, & par informations conuaincu de crime digne de mort, s'il faut a se rendre a la Court a la premiere assignation, on procede au jugement comme en sa presence, & contre coutumax: puis on enuoie de par le Prince vn huisfier nommé Cahoux, au lieu ou il est, pour presenter le Cadi & Sangeac du lieu, luy trancher la teste, & l'apporter au seigneur pour tesmoignage: ce qui estonne les plus grans. Pour entendre au long leur diligence de Iustice, il faudroit plus escrire que je n'ay fait: & outre comme il n'y ait par deça rien si pres de l'immortalité que les proces & mangeries qui s'i font, & me facent honte de reciter vne si grande diligence en gens proclamés meschants: ce qui les fait sans nulle doute ainsi regner, conquerir, & garder. Je me deporteray en cet endroit d'en plus parler, & passeray a la seconde partie.



# HISTOIRE

ET CONSIDERATION DE  
L'ORIGINE, LOY, ET COVSTV-  
me des Tartares, Perfiens, Arabes, Turcs, &  
tous autres Ismaelites ou Muhamediques,  
dits par nous Mahometains, ou Sarrazins.



A P O I T I E R S ,

De l'Imprimerie d'Enguilbert de Marnef.

M. D. L X.

Avec Priuilege du Roy.





# La cause de cette entre- PRISE, ET DESCRIPTION DE L'HISTOIRE ORIGINALE DES *Turcs, Tartares, Mores, Arabes, et tous autres Ismaelites ou Mahometains.*

C O M M E ainsi soit, que Dieu aie mis l'homme en ce monde pour estre (en aidant l'un l'autre) animal sociable, ou qui se delecte d'estre assemblé ensemble & estant impossible, pour la diuersité des mœurs, langues, opinions & religions, que de diuers hommes se face vne communauté, & vñion ensemble, premier que vraiment se congnoissent: il est trescertain qu'œuvre en ce monde plus belle, vtile, & necessaire pour la parfaite reconciliation humaine, ne se peut faire, que de vraiment donner aux hommes telle congnoissance les vns des autres, que moiennât telle congnoissance, & congnoissant le vice & vertu de la personne ou gent, au parauât incōgneü le monde se puisse, supportant l'autrui vice, & approuuant la vertu, accorder ensemble. N'ayant jamais esté de memoire de lettres, gent, peuple ou langue plus grand, en estendue & dōmaine qu'est au jourdhuy la Muhamedique ou Arabique, qui toute entr'eus, sous le nom d'Ismael bastard d'Abraham, est comprise: & n'ayant jamais esté puissance, ou qui plus longuement, ou avec moins de raison, oppugnaist plus la Chrestienté que cette ici, n'i a qui pareillement les Chrestiens portent plus de haine, comme a souuerains ennemis:

combien qu'ils soient a l'entour de la terre, beaucoup de peuples, je juge qu'il n'est de nul peuple plus nécessaire exposer la connoissance a la Chrestienté, que de cestuici. Combien donc que par le passé, au retour de mon premier voiage d'Orient, j'eusse traité cet argument & hïstoire, & que beaucoup d'autres ayent essayé le mettre en lumiere, neantmoins pourtant que nul des autres n'a la cognoissance de la langue Arabique, dont despend cette hïstoire & verité, & qu'alors que je traittay le premier argument, en auois beaucoup moins qu'a present, j'ay deliberé de nouveau en brief traiter, & repeter le commencement de cette hïstoire non au long, mais par ses origines, & institutions seulement: a celle fin que moiennait icelle hïstoire originale, les Chrestiens en telle connoissance, jusques ici couuers du voile de bien fort grande ignorance, commencent a connoître leurs plusgrans aduersaires, tels vraiment qu'ils sont: & non comme l'opinion ou passion les a fait jusques ici en plusieurs choses, plus ou moins que la verité estre jugés, de laquelle verité estant duement informés les Chrestiens, & principalement leurs Principaus chefs & Princes, je suis asseuré qu'il se trouuera moyen tressfacile de reduire tout le genre humain en PARFAITE CONCORDE, se pouuant les deus plus grandes puissances de ce monde reconcilier, & par mutuelle ou reciproque connoissance accorder.

Pour

*Pour quelle raison estant la langue Latine de plus grande estandue et plussfacile a l'auteur, il a voulu escrire en la Françoysse ou Gallique.*

ESTANT chose tresraisonable que le sage donne raison de toutes ses actions, & plusque tresraisonable, que toutes actions durables soient faictes avec l'ordre le plus parfait qu'il est possible; il m'a semblé deuoir rendre la cause pour quoy, je pouuant en la langue des Latins escrire, & plusamment declarer cette histoire qu'en la Françoysse, neantmoins je l'aye voulu mettre en François. Il faut necessairement suiuir en nos actions les ordonnances Diuines, Celestes & Humaines: parce que combien que par autant long temps, & par aussi grande puissance que nous pourrons estimer, nous voulons ou a l'vne, ou a deus, ou a toutes les trois dittes ordonnances rebeller & repugner: neantmoins si est il de necessité qu'a la parfin elles sortent leur effet. Combien donques que depuis le temps du Deluge, & de la restitution & repurgation du monde, diuerses gents, peuples & puissances ayent avec leurs langues regi & gouverné ledit monde, ce neantmoins la Diuine ordonnance, Celeste influence, & raison ou autorité humaine, ont consenti & conspiré en cecy (comme amplement auons deduit & démontré aus origines de Gaule) qu'il faut que la superieure & absolue puissance temporelle du monde, vienne aus mains des Princes en la Gaule, par le peuple d'icelle esleus. Il est tout clair que le droit d'aï-

jette sa meſme vertu ſur la Gallia ou Gaule:& ſur les païs voiſins, qui d'elle ont origine, duquel la memoire eſt conſervée dedans les humaines lettres. De cette ſentence de l'influence Ptolemée, avec tous les Arabes, ſuyuant les Indiens, Perſiens, Chaldées, & Egyptiens auteurs d'Aſtologie, eſt auteur, & tous les interpretes confirmateurs. Donc il eſt de neceſſité que ce ſoit la premiere juridiſtion du monde, là ou eſt le premier point de la celeſte influence.

Les François  
auoir plus ay-  
dé a la conſer-  
uation de l'e-  
gliſe.

La raiſon & autorité humaine, rend ce que deſſus pluſque treſcertain. Il eſt du tout notoire, que les plus grans honneurs, & loyers du monde ſe doiuent a qui fait le plus grand benefice du monde a l'humaine generation. Eſtant contraint le Iuiſ de confeſſer que le Meſſie (ſoit qu'il le croye venu, ou a venir, c'eſt tout vn en cecy) eſt le plus digne Prince d'eſtre ſerui qui jamais ſera. Les Iſmaelites confeſſant que IESVS CHRIST receu des Chreſtiens eſt le Meſſie, promis aux Patriarches, & les Chreſtiens l'aïant approuué, il eſt treſcertain que Prince, peuple, ou puissance du monde ne peut faire plus grandes choſes, que de s'employer pour l'Egliſe de CHRIST, qui eſt le plus grand bien qu'on puiſſe faire pour la nature humaine. Mais comme ainſi ſoit que les Rois & Princes de Gaule, ayent plus aidé a la conſervation de l'egliſe ſoit en Occident, ſoit en Orient, que n'a fait puissance du monde. Il leur eſt deu le premier loyer du monde, qui eſt la Monarchie, parce eſt a eus venu l'huile & armoiries du Ciel. A cette cauſe leſdits Roys, par vertu de leur ordre, ont grace de miracles. Parce la

premiere

L'huile & ar-  
moiries ve-  
nues du ciel aus  
Rois de France

premiere legitime Couronne du monde, par le Vicai-  
re de CHRIST a esté donnée aus Princes du Lys, par  
ce sont innumerables profeties, tant dedâs les saintes  
comme dedans les humaines lettres, de la grandeur  
dudit regne, Peuple, Princes, & Empires, comme ja  
auons traitté dedans l'œuvre de l'interpretation du  
Chandelier du Tabernacle, lequel en Hebreu & La-  
tin est Imprimé, & en François traduit. Voyant donc  
tels priuileges de la gent Gallique, cōbien que leur an-  
cienne langue, & premiere qui fut l'Hebraique &  
sainte, soit entr'eus perdue (comme toutes les autres  
institutions de Noé) neantmoins il me semble ne de-  
voir cet argument en autre langue exposer, qu'en cel-  
le qu'vse & parle communement le peuple a l'origi-  
ne, Region, & Iurisdiction duquel & Dieu & le Ciel,  
& la raison humaine ont ordonné leur premiere fa-  
ueur : a celle fin que se deuant, avec l'Empire, icelle  
langue espendre, elle aie desja en soy l'histoire par la-  
quelle le commencement de la concorde du monde  
se fera, & ainsi donne faculté a tous les Gaulois gene-  
ralement de se preparer, pour reconcilier le peuple  
d'Ismael, avec celluy d'Isaac, duquel nous auons la ju-  
risdiction & heritage en la vraye Chrestienté, & jus-  
ques a tant qu'avec la langue & institution ancienne  
du siecle d'or a la gent Gallique, plus qu'a nulle autre  
par Noé concedée la premiere intention de Dieu, du  
Ciel, & d'humaine raison soit accomplie, tousjours  
laditte jurisdiction & heritage en premier lieu garde-  
rons. Cécy est ce qui me meut que plustost en la lan-  
gue Gallique, qu'en la Latine, ou plus commune es-

Combien de  
crainte les Ro-  
mains ont tou-  
jours eu des  
Francois.

criue: car je ſçay vraiment, & ne croy plus, que depuis que le Conſeruateur, ou Ange des Romains, eſtant plus puiffant que celluy des Affyriens, Perſes, ou Grecs, leſquels il ha ſubjugué, n'a eu la puiffance de ſe defendre du Gallique, il faut neceſſairement que le peuple dudit Gallique deuienne a l'vniuers ſuperieur. Parce pour la terreur du mouuement Gallique, les Romains auoient conſtitué les deus extremes forces, & eſperances de leur Republique, contre leſdits Gaulois: l'vne de la religion, par laquelle (comme eſtant les choſes quant aus hōmes deſeſperées, & aus Dieux remiſes) faiſoient avec proceſſions chāter aus jeunes enfans, & vierges A' MOTV GALLICO LIBERATE DIUI. L'autre que l'extreme force de l'Eraire, ou Tresor eſtoit conſerué contre l'eſmeute des François, juſques a ce que Ceſar Dictateur ayant defendu la Gaule, de la domination & tyrannie des Souiſſes, Belges, & Allemants, & par cela juſtement poſſedée, vint avec la force acquiſe en France, a ſubjuguer Romme, & print ledit tresor, duquel il auoit oſté le beſoing. Ainſi naſquit en France ou Gaule la puiffance qui a ſubjugué l'eſtat temporel de l'Empire Romain. Puis pour ſurmonter dutout le ſpirituel ou Religieus, Conſtantin ne vit le celeſte ſigne de la crois dont il fut conuertie, & deſtruit l'idolatrie, ſinon en la Gaule. Ainſi eſt aduenu, par la victoire du Gallique Conſeruateur (car il eſt impoſſible ça bas auoir victoire, que premierement les Anges des prouinces ne ſe ſoient vaincus, comme en Daniel & au droit ſecial ſe voit) que la force corporelle ou temporelle

Conſtantin a-  
uoir eſté con-  
uertie en la Gau-  
le & pourquoy.

des Romains premierement, & depuis la religieuse a esté submise a la Gallique. Et quant Constantin cessa de faire son deuoir, qui estoit en presence & personnellement, tant luy comme ses succeffeurs, defendre la liberté & l'Eglise Romaine, d'autre lieu ou païs que de la Gaule n'a peu en son lieu deuëment estre appelé Prince. Et par cecy la premiere & seule couronne de l'Empire du monde est donnée a Charlemaigne, & a ses succeffeurs, comme Princes de la Gaule, & sanctifiés par le mistere du saint huile enuoyé du Ciel, pour defendre l'Eglise & liberté de tout le monde, en commençant a Romme, constituée sous la plus claire estoille & puissance du Ciel: Sauf seulement celle de la Iudée & de la Gaule. Dōnant les empires avec leur lāgue, les Doctrines & loix a leurs subjects, combien qu'il tarde, il faut que celle du Gallique peuple par tout avec nostre tractation s'espande.

*Du nom et jurisdiction des Ismaelites.*

LES Chrestiens estoient autant exercités aus escritures saintes comme ils deuroient, & principalement les François, a qui j'escris, il ne me faudroit arrester a exposer qui fut Ismael, ou autre personne en l'escriture nommée: mais ne sachant communement rien moins, que ce qu'ils deussent en cecy sçauoir, je suis contraint de reciter ce qui est autre part escrit. Estant vne fois le monde par le peché d'Adam & d'Eue gūasté en nostre masse & origine, & 1656 ans depuis étant toute la nature deprauée & corrompue par tout le monde, le

Deluge y mist fin. Aiant fait nouveau commencement sous le second pere du monde Noé & ses trois enfans:incontinent qu'il y eut assés de peuple de nouveau, se rebellerent en Babylone contre Dieu, edifiant la fameuse Tour de la confusion : parce qu'estant en ce temps là quasi tous tresdoctes en Astronomie, penserent que sous l'orientalle influence, du signe de Leo feust la premiere stabilité d'Empire qui feust en nature, depuis l'influence d'Ariés. Car desja Canaan fils de Cham auoit occupé la Iudée, là ou est le premier pouuoir & aspect du Ciel, quant au contraire Babylon pensoit auoir en son fondement les faueurs premieres. Ce pendant la diuine sapience voulut par sa misericorde refaire vntiers principe au monde, & a son Eglise, tellement qu'estant Abraham en Chaldée sous la susdite estoille (aiant aussi bien le pouuoir de luy donner la foy & religion en Chaldée comme en Iudée) affin que la diuine ordonnance, & le Ciel tousiours s'accordassent, Dieu voulut qu'il sortist de sa maison, de sa parentelle, & de la Chaldée, & desnüé de toutes choses s'en vint en la terre alors de Canaan, depuis ditte Iudée, pour estre & sous la diuine obediencia & esperance, & sous la premiere influence du ciel : auquel lieu Adam Prince des hommes, & Profetes, auoit pour cettecause voulu eslire sa sepulture, affin, qu'a toute la generation humaine, cette sepulture feust pour lieu sacré, comme de IESVS CHRIST & des martyrs & saints, voions & auons veu faire. Et par cette mesme raison aiant ja Adā occupé le premier lieu, Noé dit Ianus par l'inuen-

En quel lieu fut  
la sepulture de  
Adam & de  
Noé & d'A-  
braham.



uention du vin appellé Iani, esleut sa sepulture a Romme au mont dit depuis Ianiculum, jusques a ce que S. Pierre crucifié & enseuclý sur le dit mont, feist qu'on l'appelle *santo Pietro montorio*, sous le second aspect du Lion. Abraham donc appellé pour habiter en la Iudée, fut doué & orné avec sa foy, & la promesse de tressaincte posterité, de la juridiction de tout le monde, quant a la religion & spiritualité : tellement que deslors qu'il feust eüeu, & principallemēt depuis que Melchisedec auparavant Pape, & souuerain prestre du monde luy eust donné la benediction, toutes les puissances temporelles de ce mōde luy eussent deu faire recongnóissance. Car toutes les possessions du monde incontinent apres la mort de Noé, & fin du siecle ou aage doré, furent par tyrannies confondues, tellement que les Gaulois, ou Gomerites mesmes, furent par leurs freres & enfans mesmes vexés & tourmentés. Tant fut la force de la tyrannie de Babel. Abraham trefriche de foy & promesses diuines, depuis la benediction receüe, & depuis auoir eu signe certain qu'il possederait par sa posterité la terre promise; fut par la tressainte femme Sara sollicité, qu'elle estant sterille, illuy pleust auoir affaire avec vne sienne Serue ou Esclaue Egyptienne nommée Hagar, a celle fin que ne pouuant auoir enfant legitime, il en eust aumoins vn bastard. Ce que fait, l'enfant fut nommé Ismaël, duquel il ne faut douter que tout ce qui est fait, & dit & escrit tant en sa personne cōme en celle de sa mere & des siens: douter ne faut disje, qu'aussi bien il ne soit dit, fait & escrit en figure des

La sepulture de  
saint Pierre.

Ismael fils bastard  
d'Abrahā.

choses auenir, comme ce qui est fait dit & escrit en figure d'Isaac, de sa mere, & des siens. Quant est a Abraham, il a tousiours porté semblable & esgual amour a Ismael, & a Isaac, parquoi se voit que quant est a la volonté d'Abraham, toute la juridiction donnée a luy, deuoit estre esgualmente entre Isaac & Ismael, de mode que quant Sara commanda que ledit Ismael feust chassé, & desherité, Abraham le trouua tres-mauuais & tresdolent, vaincu du diuin commandement, luy obeist en le chassant. Icy donc est la force & preordination du corps ou eglise des Ismaélites, lesquels a la verité ont la juridiction dudit Abraham, jusques a ce qu'Isaac & le vray enfant legitime, soit n'ay, c'est adire par seule diuine ordonnance, & sans tyrannie soit née la parfaite & vniuerselle congregation des fideles obeissans au vrai & legitime, & final enfant d'Abraham, par laquelle congregation il faut que le fils de l'ancelle & sa mere ensemble, soit chassé. Car il faut que ce fier & cruel Ismael, depuis que ses mains auront esté contre tous, ou quasi contre tous les habitans de la terre, mais principalement contre le regne des Chrestiens, auxquels le tout appartient, que tous ensemble ou les mains & forces de tous soient contre luy. Mais parce que Dieu a donné a Abraham & a Hagar de tresgrandes benedictions, pour ledit Ismael, comme dedans l'escriture se peut voir, il failloit que la gent & posterité d'icelluy vint en la grandeur d'Empire, & religion, qui depuis neuf cens ans en ça s'est veüe en tous les peuples qui croiét en la bastarde doctrine de Muhamed bastard, exposée

dedans l'Alcoran, composé de l'abbastardie discipline des Chrestiens, des Iuifs, & des Paiens, lors que lesdits peuples furent abbastardis. Je ne me mettray a reciter l'origne des Arabes & Madianites, lesquels tant par leur credance, comme par la sainte Escripture, se glorifient d'estre selon la chair descendus dudit Ismael, & Moyse, qui fugitif de la court & richesses de Faraon s'en alla chés le souuerain prestre des Madianites, qui sont les Ismaelites, là ou estant pasteur, eut la vocation de la legislation diuine en fait foy. Ce me fera assés que des plus celebres & notables peuples, qui venans a cette persuation Arabique & Ismaelique, depuis ont tenu l'Empire, j'assigne les origines jusques a ce jourd'huy incongneües, ou non considérées en la Chrestienté. Certainement le nom dudit Ismael imposé par l'Ange en faueur de la sainte Sara, qui fut cause de sa conception, ou generation, montre assés la diuine préordination. Car combien qu'il soit nommé Diuine Audience, a cause de la mere affligée au parauant, & depuis consolée par ce que Dieu escouta son oraison, neantmoins estant serue, tout son auantage estoit auantage & bien de sa maistresse: duquel bien il n'eust rien esté, si elle n'eust esté ancelle de Sara. Et au 16, 17 & 20 Chapitre de Genese est diuinement promis, & prophetisé, qu'il sera grand, & que sa semée ne sera mesurable ou numérable, par son grád nombre: non a cause de la mere, mais parce qu'il est semance & posterité d'Abraham. Qui vouldra bien & parfaitement entendre pourquoy Dieu a laissé & fait croistre vne si grande persuation, & Em-

Arabes d'ou se disent estre descendus.

Que signifie le nom d'Ismael.

pire au monde, sans la volonté duquel autrement ni vn poil d'un animal, ni vne feuille d'un arbre ne peut naistre, croistre, se mouuoir ou choir: il faut nécessairement qu'il considere toutes les choses aduenues enuiron. Ismael & les Imaelites & Madianites: car en ce que la sainte Escripture en expose, il faut que ce soit en figure, & par allegorie, de ce que depuis deuoit en icelle gent bastarde auenir.

*De la vraye et premiere origine des Turcs.*

L'IGNORANCE des orientales histoires &

langues, & la negligence de plusieurs, &

la haine laquelle nous de pere en fils pre-

nons contre tous Sarrazins (comme nous disons) &

principalement contre les Turcs, a esté cause que de

leur origine, combien que beaucoup en ayent escrit,

fors en vn auteur seulement, n'aie encores esté au

vray touché. Et combien que cet auteur, qui est

Hayton, & qui 42 ans fut Roy d'Armenie, aye bien

noté le lieu de là ou premierement sortirét les Turcs,

depuis que Muhamed fut esleué: neâtmoins par igno-

rance des histoires & de la Cosmographie, si n'a il pas

sceu dont ils estoient procedés, auant qu'ils partissent

de Turquestan, ou de la Medie, Parthie & Cho-

raffam. Mais c'est beaucoup qu'il nous nous ha noté le

lieu lequel jusques au jourd'hui encores s'appelle Tur

questan, & le temps qu'ils furent premierement veus

sortir de leur dit país, qui fut enuiron cent ans depuis

l'origine de Muhamed, estans par les Persiens assie-

gés

Hayton Roy  
d'Armenie a c-  
script de l'ori-  
gine des Sarra-  
zins.

gés qui alors par les Arabes, & de la nouvelle religion estoient opprésés, appellés en aide & secours, auquel estant tard arriués, lesdits Turcs d'innumerable multitude de gents & animaux, accompagnés, planterent leurs paillons en l'Armenie majeur, là ou establirent tellement leur demeure que leur langue fut faite a tous les Armeniens commune, comme elle est jusques au jourd'huy. Mais parce qu'estât vaincu l'Empire de Perse, tant par les armes comme par le religion, il ne leur estoit possible cōtre les vainqueurs resister, ils se rengèrent incontinent a receuoir la religion, & se confedererēt pour conuerser avec les Perses & Arabes, là ou ils eurent peu fait de demeure que le Chalifat de Bagdad, qui est la souueraine puissance d'icelle religiō, leur tomba entre les mains, & par cinq cents ans ou enuiron tousiours l'ont tenu, jusques a ce que les Tartares (qui au parauant, ainsi que par la communauté & similitude de la langue se peut voir, estoient jadis tout vn) estans miraculeusement sortis des monts là ou ils estoient reserrés, leur osterent ladicte dignité de Chalifat ou papat. Et si tresgrand ha esté le Turquesque Empire, quel'an que les François allerent a recourir la terre sainte, ils estoient desja seigneurs de toute l'Asie, jusques a Constantinopoli, ou au moins jusques a Nicea, là ou par les Frâçois fut fait journée contr'eus, estant alors leur Prince nōmé Solyman, lequel estant desconfit, cōme on peut voir par les histoires de la conqueste de la terre sainte, le nom des Turcs a esté, quant a dōmaine & seigneurie comme aboly, jusques a ce que des Turcomans ( qui

Du Chalifat  
ou Papat des  
Turcs.

L'origine de la  
maison Hoto-  
mane.

avec leurs paillons & villes, ou habitations chemi-  
nantes quasi en toutes les planures des mons Taurus,  
Cafsius, Lybanus, & Amanus habitent comme anti-  
ques Nomades ou Arabes, ou comme jadis les He-  
brieus) s'est esleuée de rechef la maison Othomane  
qui a present a son siege sur l'Empire de Constanti-  
nople. Aujourd'huy ceus qui estants Turcs de l'anci-  
enne race habitent selon la coustume ancienne aus  
champs avec leurs animaux, en changeant, & portant  
leurs paillons, selon l'opportunité des herbes ou de-  
serts, des eaus ou secheresse, du froit ou du chaud,  
d'un lieu en autre, vacabons: se nomment encores du  
nom ancien de Turcoman s'ils parlent Turc, comme  
de la mesme condition se disent Harab ou Arabes  
s'ils parlent Arabe, de là ou se voit encores le naturel  
& coustumes de ceus qui premierement descendirent  
de Turquestan país confinant entre la Tartarie &  
Chorassam de là la Medie.

*Que le nom de Turc est en haine et injurieux en-  
tre les Turcs mesmes, et pour quelle raison.*

C'EST vne chose naturelle, & tant de Dieu  
& du Ciel, comme de la Nature & raison  
humaine donnée a tous les hommes, de  
quelque condition ou país qu'ils soient, qu'ils se dé-  
lectent de leur nom: & combien que ledit nom fust  
vocable ou mot villain ou mal sonnant, neantmoins  
pour garder l'antiquité du sang, lignage & maisons,  
& encores pour affermer chascun sa possession, ou-

tre que chacun s'en delecte, il faut necessairement qu'ils l'aient pour honorable & qu'ils l'observent. Les Turcs, eus entre tous les peuples qui aujourd'hui <sup>Que signifie le nom de Turc.</sup> se trouuent au monde, ont tellement leur nom pour odieux, qu'outre que ne Prince, ne priué quant aux actes publiques, n'en vsent : il n'y a celluy qui ne trouue pour injure d'estre appellé Turc : ce que beaucoup de gens aiant notté deuinent que ce mot de Turc, sonne comme qui diroit vilain. Mais estant en France des maisons honorables des Villains, & en Italie des Villains, des Chiens, & des Mastins, non seulement en commun nom, mais en propre : cela monstre bien que ce n'est pas suffisant argument que Turc pour signifier Villain soit vocable odieux. A la verité les Turcs mesmes, sinon par la haine qu'ils ont accoustumé de pere en fils, n'en sçauent rien, parce qu'ils ont du tout perdu leur langue ancienne. Le vocable de Turc donc sonne autant en langue Chaldée & vulgaire, de l'Hebraïque, comme delaisé, abandonné & maudit, auquel mot les Turcs mesmes ne prennent garde quant ils le prennent de l'Arabic ( qui est Chaldé & Hebrieu corrompu ) pour laisser & abandonner, disant *Terc* ou *Turc iledum*, c'est a dire laisé ou abandonné l'ay fait, pour dire, je l'ay laisé, car ils parlent ainsi. La sainte Escriture, & la Cosmographie ensemble nous monstrent clairement par quelle raison ce vocable de Turc soit si odieux. Nous auons par l'histoire sainte, qu'alors que le royaume d'Israel, c'est a dire des dix Tribus, qui auoient rebellé a celle de Juda, & au regne de Dauid, & au vray & le-

gitime chef de l'église, pour se faire vn Roy a part, ayant constitué leur puissance en Samarie, & tresgrandement & longuement creu & prospéré. Salmanassar Roy des Assyriens les vainquit, deffist, & emmena innumerable peuple outre la Medie, & le fleuve d'icelle dit Gozan, les laissant depuis l'Assyrie par toutes les cités esendus, jusques de là de Habor & Gozan.

*Quels sont les  
Samaritains.*

Depuis en Ezra est escrit comme tout ce peuple innumerable des Samaritains (car ainsi comme tresjustement ceus qui adoroient en Ierusalem se disoient Ierosolymitains, aussi ceus qui adoroient en Samarie sont Samaritains : combien que ce nom par l'escriture ne se lise, sinon des Payens en leur lieu conduits) s'en partit du país là ou il auoit esté conduit, & s'en alla par plus d'un an & demy de journées plus loing vers Orient, quant leurs prestres leur eurent esté ostés, pour les donner aus nouueaus Samaritains, a cause que les Lions les mengeoient s'ils n'adoroient le Dieu d'Israel, a celle fin qu'ils feussent séparés des autres peuples & races : là ou peu a peu laissés & abandonnés de Dieu, & parce gaignant le titre de Turcs (car la region de Tartarie & de Turquestan s'estendent jusques aus país de Tharse & du Cathai) n'ont retenu autre de leur ancienne institution que d'estre pasteurs & Nomades. Dudit lieu donc, jusque auquelle Roy d'Armenie escrit qu'il y a sis mois de chemin, a bonnes, & libres journées, parquoy il faut qu'a Nomades y en aye trois fois autant, pour le moins, a cause des animaux, & des femmes, petis enfans, & autres bagages. Les Turcs en sont premierement venus a la reconnois



reconnoissance du monde, quant ils ont du tout oublié leur origine, pour la noblesse de laquelle s'estoient esleués tant contre Dieu qu'il les a abandonnés. Cecy est la raison de la Cosmografie; laquelle jointe avec l'escriture sainte, monstre clairement la raison de l'origine des Turcs, lesquels estans abbastardis & depuis retournés a la bastarde loy, & d'Israélites faits Ismaelites & Bastars, sans leur sceu mesmes, pour monstrier la diuine puissance & dispensation plussorte que nulle resistance humaine, auoir tant de pouuoir, qu'elle a sans le sceu de l'abbastardy Israël mesmes, restitué en sa posterité bastarde, le Bastard & tresimparfait Royaume d'Israël, jusques a tant que le vray & legitime regne dudit Israël soit au lieu du bastard né, introduit & restitué. Cecy sont les secrets & merueilleus misteres de la diuine ordonnance, reuelés aus 72 auditeurs de Moyse, & comme par profetie en la secretae dooctrine du Zohar exposés, pour reueler la gloire de Dieu au monde. Il failloit si le Royaume d'Israel, auquel estoient vnies les tribus de Ioséf, Efraïn, & Manassé vouloit faire son deuoir, & qu'il receust les liures de la sainte escriture qui suivent ceus de Moyse, & leurs interpretations, & qu'a l'imitation de Moyse feist la Quaresme, & qu'ayant dedans la Syrie ou terre sainte, extreminé les idolatres & Cananeens, en tout le monde il s'efforçast & destruire l'idolatrie, & d'enseigneur la religion du vray Dieu, en attendant tousjours le vray & parfait regne d'Israël sous le Messie ou CHRIST: ce que n'ayant fait, comme il deuoit, parce que Dieu ne peut estre fraudé ou

priué de l'effet de sa volonté, Dieu estant couroucé contre les abbastardis Prelats des Chrestiens qui sont legitimes enfans pour leur punition a voulu que de l'incongneue posterité & abbastardie des Israëlités, fust suscitée & aydée celle des Ismaelites, par laquelle fust en partie accomply & bastardement, ce que tandis qu'ils estoient legitimes deuoient accomplir legitiment & parfaitement. Et par cette cause Muhamed leur chef & legislateur, bastardement né d'un Payen & d'une Iuifue son Esclaue, a esté receu en Arabie par dix ans pour Messie, par les Samaritains, alors bannis & excommuniés, & dechassés des autres communs Iuifs, jusques a ce qu'estant par eus decouvert estre de doctrine bastarde, & en partie fausse, il les dechassa & se fist seigneur de leur cité, laquelle par cela a esleu pour sa sepulture, la nommant *Medinat al Nabi*, c'est a dire la cité du Prophete : pour ce que ce fut son premier acquest & fondement de sa puissance. Qui voudroit donc veritablement referer les Turcs en leur origine, il les trouueroit estre procedés des Israëlités, quant pour laisser Dieu & ses Iuges & Prestres, ils esleurent le regné, lequelestât venu de Baniamin & Saul, en Dauid & Iuda, les dix Tribus enorgueillies a cause du sang, & plus grandes benedictions de Ioseph, voulurēt faire la diuision, de laquelle, a celle fin que parce ils paruinsent a leur plusgrieffue punition, Dieu se voulut dire l'autheur, & ne voulut que Iuda leur feist la guerre pour telle occasion. Et par ce & eus & tout le monde sont venus sous la loy du regne a eus, quant ils demanderent le Roy, pre

Muhamed receu par les Samaritains de puy par luy deschassés.

Origine des Turcs.

dictée, laquelle ne fut jamais en vraye pratique sous Israël, mais sous Ismaël, ainsi que sous les Turcs, Tartares, & Perses, principalement se voit au jourdhuy. De là se voit que non seulement aux Turcs est odieux le nom de Turc, mais à toutes autres nations, combien qu'il soient de la mesme religion, soient Mores, Persiens, ou Sossiens, soient Tartares ou autres, le nom & la personne du Turc est si tresodieux, que là où il ne demanderont rien, ou seulement despuilleront le Chrestien ou Juif, il mettront le Turc à la mort la plus cruelle qu'ils se pourrônt aduifer, & principalement les Arabes & Mores.

Le Turc combien il est odieux aux Arabes & Mores.

### *Des Tartares et de leur origine.*

EN TOUTES les histoires d'Orient & en beaucoup d'Occidentaux qui ont esté là, se trouue escrit, ou se dit & croit pour commune opinion (quine peut du tout estre fausse) qu'environ la fin de nostre Hemisphere vers Orient, tirant en Septentrion, il y a eu vne tresgrande multitude de Juifs resserrez entre des montaignes, ce qui est entre les Juifs par les liures de leurs histoires & traditions chose tant commune, qu'ils ne tiennēt rien plus vray, disant que les dix Tribus sont là gardées de Dieu, iusques à ce qu'elles sortent & viennent à l'aide des autres Juifs, & au terrestre regne du Messie. Pour tout certain cette opinion a esté tresurayée, depuis le temps que les dix Tribus s'en allerent là, & partie deçà, partie delà les monts Imas en terre d'A-

Opinion des Juifs ou sont gardées les dix tribus d'Israël.

rharet se poferent a habiter, jusques a ce que dedans lesdits mons miraculeusement sont sortis les Tartares, comme cy apres par les parolles de Hayton reciterons. Il se trouue par histoire fameuse, mais de plusieurs escrite, ou par Alexandre le grand Grec, ou par autre Prince ou puissance, craignant qu'une gent qui tousiours auoit en la Surie & en son pais relisté aus Monarchies, ne feist en Orient le mesme, & sortist desdittes montagnes de là : desquelles pour les pastis de leurs bestes estoient passés, auoit lesdits Iuifs renclos dedans lesdits mons, tellement que par nulle force humaine n'en pouuoient plus sortir. Quoy qu'il en soit, & quiconques eust renfermé lesdits peuples de là desdittes montagnes, cela est pour certain & resolu, que la grande & terrible multitude des Tartares, qu'il y a enuiron quatre cents ans apparurét au monde, ainsi qu'il est contenu en leurs histoires mesmes, comme les ha traduites ledit Roy d'Armenie, estoit du tout close & renfermée de montagnes & de mer, tellement qu'il estoit a eus impossible d'en sortir : & parce ayant deliberé la diuine prouidence de les faire alors sortir, quât moins il le pensoient & meritoient, les admonestant par leur Ange, leur feist miraculeusement eslire leur premier Prince Changui Chan, estant au parauant Mareschal ou Feure. Puis l'ayant esleu, leur commanda ledit ange, que tous d'un accord, & sous l'obedience dudit Prince, ils se deussent assembler au pié de la montaigne qui touche la mer Septentrionale, & se preparassent faisant neuf oraisons a Dieu, & luy demandant grace de sortir de telle pri-

On estoient demourants les Tartares.

son & cloture de montagnes en liberté de la terre.

Faitte l'oraison miraculeusement, la mer se retire de neufpiés, tellement qu'hommes, bestail & charrois passent, & sortent dehors en la planure, depuis ce temps là par lesdits Tartares occupée depuis lesdits mons jusques au pres de la Russie, Litvanie, & Pologne. Car le Roy des Moschouites, avant qu'il feust fait Chrestien a la Grecque, estoit prince d'une Horde desdits Tartares, & est estendue laditte gent a la partie meridionale desdits mons, jusques au Catai, outre la fin de nostre hemisphere en Orient : & le grand Chan prince trop plus grand que le Turc, est au jourd'huy encore de la race de ceus qui de là sortirent, pour chastier l'orgueil de leurs freres les Turcs, & pour aider aus Chrestiens a ce qu'il s'en vit par effet. Car le second Prince depuis Changuis, ayant esté converty a la Chrestienne foy, par la diligence de Hayton Roy d'Armenie, & autheur de la presente histoire, alors que les Chrestiens perdirent la terre sainte, vint des parties d'Orient jusques en halab, pour les penser secourir: de ce que puis destourbé alla en Bagdad, là ou estoit le Chalifat, & souveraine puissance des Turcs & Mahometains: Et vaincu, & prins le Chalife, le fist mourir de faim & soif, l'ayât referré en la chambre de ses innumerables Tresors, comme vn homme indigne de posseder la puissance de laquelle ne se pouvoit ou vouloit aider. Et ainsi depuis ce temps là le Chalifat de Bandas, ou Bagdad a esté mis au bas : & ne se gouuerne au jourd'huy la souveraineté de la Religion Ismaelique, sauf que par les Muphty, qui

Du grand Chā  
& de sa puissance.

sont en chascune prouince comme Patriarches ou Archeuesques.

*Comme les Turcs et Tartares sont vne mesme gent, et de la raison du nom de Tartare.*

ES I V I F S dedans la secrete doctrine de

L leurs peres ont pour certain receu, & es-  
crit de 72 sages auditeurs des Moyse, que

La secrete do-  
ctrine des Iuifs

les Tribus d'Israël, aussi bien comme celle de Iuda, deuoient estre rapellés de l'Orient, n'ayant peché tant griefuement comme Iuda en la vraye eglise : & qu'au retour desdittes Tribus, leur deuoit, comme du temps de Moyse & Iosué, estre ouuertes les eaus, comme fut la mer Rouge, & le Iourdain jadis : ce qu'ayant esté fait aus Tartares par angelique admonition (car il est pour tout certain, que combien qu'un peuple soit, par ses pechés, de Dieu laissé, & son ange premierement abbaissé, jamais le dit Ange ne laisse ledit peuple, comme il se voit en Daniel de Iuda captif (il faut inferer que ce soient vrayement les successeurs des dix Tribus, lesquels par longue obliuion de son origine, estés retournés en leur premier naturel, sinon qu'ils sont faits d'autant plus cruels, comme ils deuoient estre plus humains, alors qu'ils ne se pouuoient plus enorgueillir de l'ancienne race & diuine loy, Dieu leur a fourni de la promesse a leurs peres faite. Auoir esté vne mesme gent les Turcs & Tartares, auant qu'ils passassent les mons, ou par quelque moyen ayant eu pratique ensemble, la langue le tesmoigne. Car la langue Turque & Tartaresque ont peu moins d'affinité

Origine des  
Turcs & Tar-  
tares.

ensemble que la Françoisë,& Espagnole ou Italienne. Mais parce qu'elle n'est pas Chaldée, Surienne ou vulgaire de l'Hebraïque comme elle estoit en la terre sainte, il faut ayant esté les Tribus chassés, peuples sans armes,& non dateurs de langues ou de loix, elles ayent avant leur separation prins la langue du país ou elles s'arrestèrent, qui sera la Scythique. En somme n'ayant esté promis a peuple du monde que les eaus pour leur liberté& deliurance se deussent miraculeusement ouurir, sauf, qu'aus dix Tribus,& n'estant aduenü, sauf aus Tartares habitateurs du país ou s'arrestèrent lesdittes Tribus, il faut que les Tartares soyent les restes desdittes Tribus,& Ministres de l'Antechrist, enuoiées pour le chastiment du monde. Le nom des Tartares appellé entr'eus & entre les Turcs Titar ou Totar,& non Tartar, montre qu'ils sont les reliques & restant des Turcs & Israélites, maudits& delaissés, ce que sonne ou signifie en Chaldée la vois Totar. D'iceusest venu non seulement l'Empire du grand Chan, mais celluy du Sofi,& des Hordes voisines a la Mer Pontique ou majeur, qui sont Ismaélites & celluy des Moschouites Chrestien, qui a guardé il y a plus de deus cents ans que lesdits Tartares ou Tartares ne courussent en l'Europe, comme par auât souloyent, plussouuent que de vintecinq ans en vintecinq ans.

Que les Tartares font des dix tribus d'israel.

*Comme il estoit de neceſſité, quant Muhamed chef des Iſmaelites vint au monde, qu'il ſe leuaſt en la terre ſainte chef d'Empire du ſang d'Abraham.*

IN SI fut deſtiné au liure de Geneſe, le-

A quel contient la future diſpoſition de tout le monde, que quand la poſterité d'Abra-

ham ſeroit ſur la terre ſainte eſtablie, jamais ſon Empire, & cōmandement ou regne & poſſeſſion d'icelle terre ne ceſſeroit, tant que le monde dureroit: ce qui ſ'eſt veriſié continuellement ſous le temps de la loy de Moyſe imparfaite, & ſis cents ans depuis icelle accomplie, ſous la puiſſance des vrais & reformés Iuiſs, ou Abrahamites qui ſont les Chreſtiens, deſquels jamais les Eueſques ou Patriarches ſucceſſeurs de IESVS CHRIST juſques audit temps, pour

L'orgueil du  
roy de Perſe cō  
tre Ieſus Chriſt.

quelque perſecutiō n'auoient deffailli. Eſtant alors le Roy de Perſe venu en ſi grāt orgueil & inimitié cōtre IESVS CHRIST & les fiēs, qu'il feiſt edit que par tout ou il eſtendrait ſa puiſſance, IESVS fuſt renié, & reſuſant l'amitié de l'Empereur Romain, ſ'il ne renōçoit & faiſoit renōcer a IESVS CHRIST, cela eſt pour tout certain, que quāt les Empereurs Chreſtiēs euſſent perdu la terre ſainte, & regne de la poſterité d'Abrahā il failloit qu'ou vn tel ennemy de IESVS CHRIST, ou vn autre moins mauuais poſſedaſt la diuine juridiſtion. Nous ſçauōs que quāt Heraclius eut de tel blaſphemeur Choroesauec la victoire recouuert le bois de la S. Crois, & ramenē l'Eueſque en Ieruſalē, il ſ'adōna tellement



a plaisir & repos que tout le pais d'Orient fut abandonné: en telle sorte qu'estans alors les Perliens & les Arabes ou Ismaëlites en commune guerre, ce fut chose diuinement, & selon la diuine prediçtion ordonnée, qu'en lieu du mal gouuerné Empire des Chrestiens sur le Iudée, plustost succedassent les Ismaëlites avec le droit des Samaritains ou Israëlités, que les Payens du tout ennemis de CHRIST. Les successeurs doncques du Bastard & Ismaelite profete Muhamed, partie vray & partie faus, & semblable a Saül & Caïse, suiuant son institution, & ayant quasi tout en vn temps mis a bas le Roy de Perse, lequel sans les Muhamediques force Heraclius n'eust vaincu, & gagné la Syrie & Terre sainte, est ablrét en la ditte Terre sainte leur bastarde puissance d'Abraham, au lieu de la legitime: qui estoit tellement abbastardie, que sans les Ismaelites, les Payens possedoient Ierusalem. Et en signe de cette bastarde restitution de regne, Homar feist, ayant confermé les Chrestiens en leurs temples de la Mort & Natiuité de IESVS, qu'au lieu du temple de Salomon, feust edifié le temple, qui vulgairement par tout avec commune ignorance se nomme de Salomon, comme ainsi soit qu'il soit de Homar tiers successeur de Muhamed. Ainsi donc les Chrestiens de la terre sainte, qui n'estoient plus par leurs Princes defendus, & qui par les Perles estoient banis, furent par les Ismaëlites confirmés: tellement que comme escrit Hiafer Historiografe Arabe, Homar conceda au Patriarche de Ierusalem, que comme ainsi soit qu'un Ismaelite faisant son oraison ou Zala

Le Roy de Perse vaincu par le moyen des Muhamediques par l'Empereur Heraclius.

Histoire d'Homar tiers successeur de Muhamed.

en vne eglise, il la consacre & oste aus Chrestiens, les Mussulmans pourroient faire au temple de la sepulture en Ierusalem, & a celuy de la natiuité en Bethleem leurs peregrinations, entrées & oraisons sans les consacrer, ce qui se garde jusques aujourdhuy: & n'eust pas esté gardé, si le Roy de Perse eust par tout le monde comme il vouloit, fait adorer son Dieu Mitres ou le Soleil. Il estoit donc de necessité, pour monstrier la force de la diuine ordonnance, que defaillant les legitimes & vrais successeurs de la terre sainte, comme auant la vocation d'Abraham auoient fait, la bastarde puissance maintint la jurisdiction diuine, jusques a ce que la legitime retourne en son lieu.

*Combien de chefs se sont portés pour souverains entre les Muhamediques ou Mussulmans et Ismaelites.*

YANT esté plantée par Muhamed cette  
 A puissance en Arabie & partie Meridionale  
 de la terre sainte, selon qu'en l'escriture

En quelles cités  
 fut jetté le fon-  
 dement de la  
 puissance de  
 Muhamed &  
 comment.

se voit qu'Ismael ou au ventre de sa mere, ou avec icelle, ou a part luy tousiours a fui, peregriné ou habité en cette partie, tant luy comme ses Madianites, depuis que le fondement fut jetté en deus cités, l'une des Iuifs Samaritains, comme dessus ay monsté, l'autre des Payens qui est la Meccah, desquelles tous les chipitres de l'Alcoran & Bastarde loy sont nommés ou Mechhiens, ou Mediniens, selon que là ou ça ont esté, ou se croient auoir esté escrits, laditte puissance depuis s'estendit jusques aus fins de l'Asie & de l'A-

frique, & passerent jusques en Europe par l'Espagne: Combien donques qu'en Damas, cité noble de Syrie, aye esté, comme par voye de Concile, corrigé l'Alcoran, & réduit au point qu'il est, avec ces principaux docteurs & interpretations, & que d'icelluy, comme de la loy, despende la premiere autorité, neantmoins avant que cela feust fait, desjà y auoit cinq chefs, comme Patriarches, qui s'attribuoient chascun la souveraine puissance de commander a tous peuples, sous couleur de la souveraine intelligence dudit livre. Le premier siege estoit la cité du Prophete, & la Mecca, avec l'Arabie pour obedience. Le second fut Bagdad en Chaldée, aiant pour obeissance Carmanie, Perse, Parthie, Medie, la Mésopotamie, Assyrie & Chaldée. Et cettuicy a tousiours esté le principal & appelé en l'occident le Chalife de Bagdad, ou de Bandalas. Le tiers a esté en Egypte au Caire, cité nouvellement edifiée des ruines de Babylon ou Menfis, & fondée principalement sous la deuotion de deux femmes tenuës pour saintes & parentes du Pseudoprofete, l'une Fatima, de laquelle furent nommés les premiers pontifes Fatimij: l'autre Nasissa, a la sepulture de laquelle a esté tousiours tant de deuotion, que Sultan Selim pere de Soleyman grand Turc a present regnant: ayant defait les Sultans du Caire, & gagné la cité, trouua dedans le tronc des aumosnes de son Eglise où Mesgeda, plus de cinq cens mille sers ou Ducats d'or, sans innumerables autres richesses & pierres precieuses. Le quart & plus noble apres estoit au Cahiroan cité edifiée desdits Ismaëlites, pres

Correction de  
l'Alcoran en  
Damas.

Les noms de vil  
les ou sont les  
Patriarches &  
la loy de Mu-  
hamed.

De Sali parent  
de Muhamed &  
de son autho-  
rité.

des Syrtes ou Seches & Bans de Barbarie, & fut constitué ledit siege par les imitateurs de Haly parent de Muhamed, lequel beaucoup de peuples préferent audit Muhamed, comme ceus ici & les Perses, & les Aramaniens ou Ciliciens, tellement que là ou les autres peuples crient, *la Muhamed*, en quelque douleur ou peril, ceus ici crient *la Haly*. Comme l'Egypte estoit sous ceus du Cahire, aussi estoit le reste de l'Afrique sous le Cahiroan, jusques a ce que ceus de l'Occident en essayerent a drecher vn autre en Maroc, grand & populeuse cité. En Damas tousjours a esté vn chef souuerain, mais plusgrand en autorité & sçauoir de leur escriture & Theologie, qu'en armes, lequel toutesfois auant la dominatiõ des Tures, & des Souldans d'Egypte, estoit obeï en la Syrie, Armenie & Natolie ou Asiemineur. Quasi toute la resolution de leur credence despent des Theologiens de Damas, combien qu'au Cahire & en Bagdad y eust plusgrande vniuersité & estude.

*Du nom general auquel conuiennent tous les Ismaelites de quelque puissance, pontificat, ou prouince qu'ils soyent.*

LA PREMIERE apprehension qu'on a d'vne chose, encores qu'icelle apprehension ou opinion ne soit pas vraye, fait neantmoins le plussouuent qu'elle se mette en vsage pour vraye, comme en innumerables fausses appellations des choses se voit, mais principalement en l'appellati-  
on

on par nos escriuains vniuersellement donnée aus  
 professeurs de la Bastarde doctrine d'Ismaël. Car <sup>Que les Muha-</sup>  
 comme ainsi soit que tous Mahometains, & principal <sup>mediques ne cō-</sup>  
 lement ceus de la Barbarie, & de l'Arabie & Surie, <sup>gnoissent point</sup>  
 nous les ayons nommés Sarracins, neantmoins il <sup>le nom de Sar-</sup>  
 n'y a nul d'entr'eus ne qui s'appelle Sarrazin, ne qui <sup>razin.</sup>  
 sache que tel mot veut dire. Et n'a pas suffi de leur  
 donner entre nous vocable incongneu, mais nos es-  
 criuains ont incontinent glosé sur vne fausseté vn au-  
 tre: c'est qu'eus s'appellent Saracins, pour ce qu'ils  
 se dient estre naiz de Sarra femme d'Abraham, & nō  
 d'Hagar son ancelle, comme ainsi soit que tant par  
 les escritures qu'ils tiennent vraies & canoniques,  
 comme par leurs articles de foy, & dedans tous leurs  
 docteurs, ils se disent comme ils sont enfans d'Ha-  
 gar ou Highir ancelle d'Abraham. L'erreur est venu, <sup>Qui sont les Sar-</sup>  
 par ce que peu auant que Muhamed se souleuaſt & <sup>razins & pour-</sup>  
 commençast a s'estendre tant vers la Surie, comme <sup>quoy ils sont</sup>  
 vers la Perse, il y auoit dedans la Petrée Arabie & en <sup>ainsi a pellez.</sup>  
 l'Idumée certains Arabes coureus, desquels jamais  
 tel païs ne fut deliure, qui se nommoient Saracein,  
 non par raison de religion ou sang, mais par ancienne  
 appellation d'icelle gent, desquels Ptolemée fait men-  
 tion dedans l'Idumée. Amian Marcellin dedans la  
 vie de Iulian Cæsar apostat, au quatorziesme liure les  
 décrit, & dit que d'iceus alors plus de deus cents  
 ans auât l'origine de Muhamed & de son Alcorā, tout  
 estoit plein desdits Sarracins despuis l'Assyrie jusques  
 aus catarractes du Nil, ou en le Royaume de Prestre  
 Ian, lesquels faisoïent les mesmes courſes & violēces, &

pilleries sur les marchands & habitans de tous les païs voisins, comme au jourd'uy font les Alarbes ou Arabes. Dont parce que leur principale habitation estoit aus deserts & montagnes, qui sont entre l'Arabie & les païs circonuoisins, comme sont la Chaldée, Assyrie, Mesopotamie, Surie & Egypte, quant les Arabes excités avec leur nouvelle religion sortirent, ayant ou deffait ou accompagné en laditte religion lesdits Sarracins, on pensa aus païs voisins que ce feussent lesdits Sarracins, par l'ignorance de la langue: desquels & par vne temerité de juger, nos escriuains donnerent en Surie, & depuis jusque en Espagne par tout là ou estoit telle gent congneue l'interpretation, de laquelle Ismaelite n'oit jamais parler. Et pour confermer telle vaine appellation, les interpretes qui en Espagne, sous le commandement de S. Bernard interpreterent l'Alcoran, par tout là ou ils trouuerent le

Comme tous  
Turcs ou Mu-  
hamediques  
volent estre  
nommés.

vocable Mussulman, qui en langue Arabique veut dire Pacifique & fidele enuers Dieu, voulurent interpreter Saracenus ou Sarazin. C'est donc le vocable duquel tous ceus qui croient en l'Alcoran veulent estre nommés, que Mussulman, soit qu'ils soient Arabes, Syriens, Persiens, Tartares, Turcs ou Mores. Qui veut donc entrer en quelque pacifique & amiable propos avecques eus ( combien qu'il n'y a que les Turcs qui ayent en haine leur nom ) il faut les nommer Mussulman, comme nous Chrestien ou fidele. Ainsi ils sont tous nommés par l'auteur de la race Ismaël, Ismaeli ou Ismaélite, par leur Bastard profete Muhamed, Muhamedi ou Muhamedique & Maho-

metique, disant a nostre mode , & a cause de la religion Mussulman les hommes, & les femmes Mussulmina, ou Mussulminet. Aucuns disent Muslim par voix corrompue.

*Quelle langue est a tous Mussulmans commune, et d'ou elle est venue.*

P A R C E que l'homme est dit en Grec animal logique, qui veut dire & raisonnable, & parlant, ou parlant avec raison , depuis que l'homme veut par pratique congnoistre vn autre, il est nécessité ne le pouuant par la seule raison & consentement interieur congnoistre qu'il s'efforce par le parler & langue d'en auoir la pratique. Parce est de nécessité sçauoir, qui est la langue a tous les Mussulmâs commune: afin qu'en l'apprenant nous puissions venir a parlement avecq'eus, non seulement par Ambassades & Turgemans ou Dragomans, mais communement & par toutes personnes , & de tous propos. Il est donc a sçauoir que comme les Ismaélites par ligne bastarde sont du sang d'Abraham, aussi par raison superieure, & loy de religion ( laquelle est le premier & dernier motif de tous peuples , & combien que sans raison par commun consentement est a toute raison en tout le monde superieure ) & par langue sont Bastards & de la religion & de la LANGUE dudit Abraham. Comme donc nous voyons que les Iuifs & posterité d'Isaac par tout le monde en tous les Empires ou regnes là ou ils se trouuent tousiours, ont tellement gardé leur langue Hebraïque & enuoyée du

La langue Arabique plus commune entre les Muhamediens que la Latine Grecque & Hebraïque ensemble.

Ciel, que jamais en autre n'ont voulu quant a leur visage, que les saintes escritures feussent traduittes : ausi les sectateurs de la Bastarde loy del'Alcoran, part tout le monde, n'ont jamais promis qu'icelluy Alcoran feust par aucun des leurs leu ou entendu, en autre langue qu'en l'Arabique & Bastarde de l'Hebraïque : laquelle langue Arabique, a cause du grand domaine acquis & maintenu sous ledit Alcoran, au jourd'huy est plus grande que jamais ne fut & la Grecque, & la Latine, & l'Hebraïque ensemble. Car combien que les Indiens, Catains, Tartares, Chorassmiens, Perses & Turcs ayent la langue tresdiuerse de l'Arabique & que les Suriens, Arabes & Mores l'ayant quelque peu semblable, si estce que la langue Grammaticque des doctes en toute disciplines, & dedans l'Alcoran escrite, est commune entre les doctes, juges & Prestres de tous les habitans quasi de l'Asie, del'Affrique & de plus que la tierce partie de l'Europe. Ainsi au lieu que la langue avec le Decalogue, descendue du Ciel n'est pas estendue ainsi comme elle deuoit, en tout le monde, avec l'Empire de leur Mefsie & nostre CHRIST, estant la vraye & legitime, par laquelle l'Empire eternal d'iceluy CHRIST doit estre amplifié & estendu, il a fallu (depuis que nous le voyons fait) que la Bastarde, au lieu de la legitime, succedast & dominaist le monde. La mere donc & fondement de ladicte langue Arabique est l'Hebraïque : laquelle qui vrayemēt scait, peut avec tresgrande facilité, en la connoissance & art de l'Arabique venir, & avec tous Mussulmans conuerfer.

La langue Hebraïque mere del'Arabique.



*Qui non seulement la langue Arabique & Chaldée, mais la Latine & Creque, procedent de l'Hebraique.*

C O M M E ainsi soit que de la sentence & authorité de l'vniuersel monde, & principalement des meilleurs & plusçauants, tous les hommes en toutes les parties du monde, soyent d'une espece : c'est a dire Raisonnables, & ydoines a parler : parquoy de toutes autres bestes diferent : & parce soit de besoing que tous ayent prins origine d'un premier homme : il faut aussi que jadis comme tous ont un commun principe de raison, & consentement interieur, ils eussent une seule & mesme langue a tout le monde commune : laquelle partant de la maison & usage dudit premier homme, & petit a petit s'estendant par tout le monde, a par necessité tant duré ensemble, comme la paix diuine & domestique avec raison a duré. Quiconque donc feust ladite langue, il faut qu'elle feust une & seule. Mais comme ainsi soit que les hommes, combien qu'ils soient nés pour parler ensemble, ainsi comme pour vser de raison, ne puissent parler & a la verité, ne parlét sauf que par auoir ouy parler autrui : ce qui est trescertain, comme sans auoir exercé leur esprit par science acquise ou exercitée, & par autrui incitée, vsent de bien peu de raison, il fut de necessité qu'au premier homme & auteur de l'humaine generation, parce qu'il n'auoit nul duquel peust apprendre a parler, miraculeusemēt feust enseignée la langue par laquelle premierement donna les noms propres, & en la plus parfaite langue qu'il

*Que la langue Hebraique est plus ancienne que toutes les autres langues.*

est possible, c'est à dire en telle que la nature & verité des choses autāt qu'il est possible s'accorde avec l'etymologie & origine du nom, ce qui est cause qu'en toutes les langues naturellement on s'efforce de trouuer quelque etymologie ou vraye raison de la signification des choses signifiées par les noms. Estant chose prouuée entre les Chrestiens, Ismaelites & Iuifs qui par Empire, ou par loy dominant au monde, que Moïse receut le Decalogue escrit diuinement, il faut que la langue là ou il fut escrit fust celle de laquelle jadis les anges ou intelligences separées, auoient enseigné à Adam premier parent. Car Dieu, les Anges, & le Ciel estāt tresparfaits ne changent leur institution, mais la renouellent seulement entre les hommes pour la faire tenir, approuuer, & receuoir. Et parce

IESVS CHRIST instaurateur de nature parla Hebrieu ancien ou Grammaticque miraculeusement & sans l'auoir appris, & ce en conuersant & disputant avec les Scribes & Fariséens du vray sens des escritures & vieil Testamēt: puis avec le peuple vsa de la Surienne langue imparfaitte & tirée de l'Hebrieu, comme l'Italien du Latin. Ayant esté Adam Prince de la loy de Nature, Moïse de la loy escrite, & IESVS CHRIST de la Loy de grace, & voyant que Moïse & IESVS CHRIST ont parlé & vsé de la langue Hebraïque, il faut qu'Adam eust receu des Anges la mesme langue. Auant donc que la confusion des langues fust, il faut qu'en tout le monde fust commune la langue Hebraïque, & sa vulgaire, ditte la Chaldée, parce qu'entre tous humains les Chaldéens à la tour de Babylone

En quel langage parla Iesus Christ.

ont premier commadé que les autres, & la langue a tous commune ont nommée sienne. Il ne faut douter que le Deluge mettât fin aus siecles passés, Noeh pere & Prince du monde, lequel fut deliuré du Deluge auant laditte confusion, n'eust donné a tout le monde, & principalement a ses aînés enfans fils de Iafet, les lettres & langue sainte, avec les tresparfaittes disciplines de la Theologie & Astrologie, en laquelle il estoit plus que nul autre excellent. Les anciens & capitaus caracteres Latins, lesquels jadis (comme encor' en partie sont) estoient tous vn avec les Grecs, parce n'ont autre difference des anciens & communs Hebreus, qui au jourd'huy, depuis le temps d'Efras sont aus mains des Samaritains Iuifs, qu'iceus sont réuerfés & contre nature allât de gauche a dextre, entre les Latins & Grecs, & entre les Samaritains suyuant la nature de la dextre a la fenestre s'escriuent, a la mode des autres Hebreus, & des Arabiques qui avec les Suriens sont descendus d'iceus. Comme donc la lāgue Suriene & l'Arabique sont venues tant par lettres, comme par la plus grand' part des mots & diôions de l'Hebraique sacrée, & gardée dedans les saintes escritures, aussi les lettres ou caracteres Latins, qui anciennement estoient Grecs sont venus de la Samaritaine ou Hebraique commune, en laquelle Moïse escriuit les cinq liures, parce des Samaritains, seulement receus & approuués, qu'en icelle langue Samaritaine, & non en autre, les auoient receus de Moïse. Et que laditte lettre Samaritaine fust jadis commune en tout le domaine des Iuifs au

Des anciens  
caracteres de  
la langue lati-  
ne.

De la lettre Sa-  
maritaine.

parauant qu'Efras publiast & feist (quant au peuple) semblant d'auoir trouué, & de soy inuenté les sacrés, & qui jusque a ce temps là aus s'euls sages auoiēt esté vfités, & avec priuilege communs, les Medailles, & Marbres & Monnoyes anciennes le monstrent. Car en Ierusalem là ou les Samaritains n'ont jamais donné ni habité, ni habitent aucunement jusques au jour-d'huy, on ne trouue monnoyes d'autre sorte que de la Samaritaine langue, & mere des Latines & Greques lettres: ce que sachant Cadmus Surien ou Fenicien, en venant en Grece, apporta lesdittes lettres, & les tourna, comme jadis auoit fait Ianus ou Noeh, pour en estre veu inuenteur, parce qu'au parauant les Galates ou Gaulois les auoient toutes semblables, ce que j'ay ici voulu mettre en escrit, & en ce discours, comme extraordinairement, a celle fin que voyant comment de la langue Hebraïque & vraye est descendue l'Arabique d'icelle Bastarde tant en figure de lettre, comme en mots & paroles, laquelle commāde a tout l'Orient, & Midi: aussi se peut voir comme la langue de l'Empire occidental, combien que lointaine, tant par la figure comme par les paroles, est de la cōmune & exterieure dudit peuple deduite: pour monstrier que comme au lieu de la vraye religion & lettres, il a esté neccésité d'introduire en la terre sainte & Empire eternal de la posterité d'Abraham la Bastarde loy & religion, avec lettres abbastardies, & des saintes deduittes: ainsi faillloit il qu'a la plus celebre & noble puissance, profane ou temporelle du monde, & a la gent succedant au droit d'Isaac & primogeniture de

Cadmus inuenteur de quelles lettres.

Noeh, fust donné le plus parfait vsage de la langue commune & exterieure. Car il faut necessairement que comme de la matiere est extraitte la forme naturelle & actuelle, ausi de l'estat temporel le plus noble de l'Occident, sorte la forme & ordre de tout le monde, par moyen de vraye religion, laquelle en la langue Occidentale & exterieure, & fille del'Orientale sainte & exterieure soit restituée la puissance de la forme en tout l'Orient destruite. Les figures & caracteres de la Samaritaine sont exposées & escrites dedans les origines de la Gaule, escrites en Latin.

*Quelle loy, et par quelle raison, est a tous Ismaelites commune.*

C ONFESSANT toutes personnes raisonnables que tresjustement tout euvre doit auoir loyer pour le bien bien, pour le mal mal, & semblablement sachant que nous tous par amour propre, connoissant le bien & naturelle equité, neantmoins nous suiuous le mal & le contraire: il n'y a personne qui sceust nier que le naturel de la nature humaine soit abbastardi par sa propre volonté, & mespris de la raison naturelle, & loy de la conscience: par quoy la diuine prouidence tresjustement a nous tous deuroit donner le loyer de nature abbastardie. Et parce que c'est le propre de la diuine bonté, avec le saint, faire saintement, & avec le peruers faire peruersement, il ne faut douter qu'estant les loix don de Dieu, les legitimes ne meritent la legitime, & les Ba-

Quelles nations  
ont première-  
ment receu la  
loy de Muha-  
med.

stards non par sang, mais par mauuaitié abbastardis, ne meritent la Bastarde. Combien donc & que les Ismaëlites n'eussent jamais esté, & que les dix Tribus abbastardies n'eussent en leur posterité engendré Samaritains, Tartares & Turcs, ausquels en punition de leur bastardise, ou peché deust estre donnée loy bastarde, si est ce que tout l'vniuersel monde, pour estre abbastardi, en est plus que digne, ayant par tout abandonné la raison. Mais estant certain que les Chrestiens restitués & fournis du plus parfait ayde a bien faire qu'il est possible, en estant sous meilleure loy, plus gâtés & abbastardis que toutes gents du monde, sont plus dignes de telle punition. Et par cecy est aduenue ainsi que les Perses & Chaldéens, fauteurs des Manichéens & Nestoriens, & les Grecs en la langue & opinion desquels, comme les plus speculatifs hommes de l'Orient, ont esté fondées toutes les Heresies du monde (sauf bien peu qui ont des Latins prins origine) ayent esté les premiers afferuis sous l'Empire & bastarde loy des Ismaëlites, que nulle autre nation. Car la langue Grecque, avec les choses sacrées, s'esten doit jusques en Surie & Egypte. Parce doncque les Payens laissant la loy de nature, les Iuifs laissant & reprouuant le Messie, apres l'auoir crucifié, & par consequent le vray sens de la loy escrite, & les Chrestiens tant par diuerses & mauuaises doctrines, comme par tresmauuaïses meurs laissant la loy de grace, estoient abbastardis. Dieu a voulu que sur le plus beau domaine que tous eussent suruint la Bastarde doctrine del'Alcoran, qui veut dire la leçon & racueil de diuers

chapitres & preceptes: lequel Alcoran ou loy est colligé & accumulé de diuers passages, histoires & sentenses prinſes de la loy de nature, de celle de Moïſe, & de celle de grace, eſtant premierement par ignorans, ou mauuais Payens, Iuiſ ou Chreſtiens, leſdites ſentences, gaſtées, fauſſées, & deprauées. Dieu a ainſi voulu (il y a deſja neuf cents & cinquante ſept ans) commander ſon iugement, afin que par l'incommodité qui ſe ſent ſous telle baſtarde doctrine, donnée aus mains des plus cruelles & irraiſonnables gêts du monde, tous peuples, & principalement les Chreſtiens, deſquels ſeuls la loy eſt parfaite, fuſſent contrains retourner a la perfection d'icelle: par faute de laquelle auoir bien gardée, continuellement portent plus grief pois; qu'elle ne peut eſtre. Car comme Dieu ne peut donner plus grande punition (ſauf l'abandonner du tout) a vn peuple, que de luy faire eſlire Princes ſolaſtres & eſſeminés, ſous le gouuernement deſquels eſt continuellement Cherté, Guerre, & Peſtilence, auſſi ne le peut il mieus punir que de le conduire ſous vne loy folle & ſans raiſon, comme il a fait l'Orient & Midy ſous l'Alcoran, lequel avec beaucoup d'autres liures eſt en telle authorité, comme a nous le Nouveau & Vieil teſtament.

Que cōtient le  
liure de Muha  
med nommē  
l'Alcoran.

*S'il y a eu quelque commodité au monde, & quelle elle est par la doctrine de l'Alcoran ou des Ismaelites.*

I L E S T pour certain, & que Dieu & Nature ne font jamais rien sans cause, & que

Dieu jamais ne permet venir vn mal au monde, que d'icelluy ne soit causé vn bien infiniment, plus grand que ledit mal. Estât tout resolu que la discipline, chastiment & vexation ou tourmēt donne entendement, a qui le souffre (comme il se voit a chastier enfans, drecher apprētifs, & rabbaïsser orgueilleux) il est tres certain que l'affliction que Dieu a permis que les Chrestiens avec l'Alcoran souffrissent, leur a esté infiniment plus vtile, que n'eust esté le plus long abus de la loy de I E S V S C H R I S T, si aucun trouuer eust esté possible, & des honneurs, richesses & sciences, sous le moyen de ladicte loy acquises.

Mais sans tel benefice, lequel est semblable a celluy du fouët ou verge, accoustumée d'estre bruslée, depuis que Dieu ou les peres en ont chastié leurs enfans, il y en a d'autres innombrables lesquels deuant estre faits & depart les Iuifs, & depart Chrestiens comme vrais enfans d'Abraham, il a fallu que Dieu depuis qu'ils sont abbastardis, & ont cessé de faire leur deuoir, suscitast en leur lieu & prosperité temporelle la susdite lignée bastarde d'Abraham: laquelle, cōbien qu'elle n'aye fait euure de perfection, neantmoins elle a en premier lieu aboly & gardé de recroistre au mōde la puiffance & religion de la gent & loy Payenne, pour la destructiō de laquelle a esté instituée, & de Dieu fauorisée,

De la destruction de la loy Payenne par la Muhamedique.



riſſe, la Chreſtienne & Iudaïque religion, chaſcune en ſon temps. Dont en tout le monde, combien que les Iſmaélites laiſſent & Chreſtiens & Iuiſs viure chaſcun en ſa loy & ceremonies, ce qu'ils empeſcheroient ſ'ils vouloient, ou pour mieus dire, ſi Dieu leur permettoit, neantmoins a tous les Idolatres, & temples des idoles, ſur leſquels ont pouuoir, font telle guerre, qu'en nulle maniere ne leur pardonnent. Et cecy eſtoit le point principal pour lequel Dieu auoit donné la couronne de la puissance ſpirituelle, & celle de la temporelle auxdits Chreſtiens & Iuiſs, a celle fin qu'au moins ſ'ils ne pouuoient procurer qu'en tout le monde IL SE FEIST BIEN, ils contraigniffent tout le monde a SE RETIRER DV MAL, le plus grand de ce monde, qui eſt LE NON CONGNOISTRE DIEV, & en ſon lieu reuerer & adorer les idoles & euures de main d'homme. En ceci donc Iſmaël, Muhamed, & toute la ſecte qui croit en l'Alcoran, eſt vraiment l'aiſneſſe legitime d'Abraham, combien que quant la mere Agar ſoit baſtarde & de vraiment bonnes euures vide & denuée. Nayant donc jamais eu tant la Iudaïque, comme la Chreſtienne loy pluſgrans ennemis que les Cananéens, Payens & Gentils, & ne pouuoient au monde aduenir vn plus grand mal, que ſi telle puissance, par l'orgueil mondain & fables Grecques au monde introduitte, retournaſt vne autres fois en pouuoir & regne, il faut conclure que le bien, lequel ont en deſtruiffant l'idolatrie introduit les Muſſulmans ſoit infiniment plus grand, que quel que mal qu'ils ayent introduit au monde, par l'erreur

Quelles sont-  
les vrayes opi-  
nions des Mu-  
hamediques.

en leur fausseté introduit. D'auantage, ils n'ont pas seulement destruit l'idolatrie, mais deuant estre du tout perduë la connoissance, de IESVS CHRIST, là ou les Payens eussent dominé, & là ou les Prelats Chrestiens estoient negligens de maintenir laditte connoissance, & en beaucoup de lieux estans diligens a la destruire, il estoit de necessité, que laditte aineesse bastarde d'Abraham, en destruisant l'idolatrie, y pourueust tellement, que pour le moins en tout le monde feust persuadé, & que le monde a esté créé d'un Dieu seul, & qu'il a esté vn Deluge vniuersel, & que de la seule maison de Noé est nay ou renay tout le monde, & qu'Abraham est chef de la vraye religion, & qu'a Moïse a esté donnée la loy du Ciel, & que les Prophetes, entre lesquels Dauid est Prince, ont esté illuminés de Dieu, & que IESVS CHRIST, ou Messie est le Messie & Prince promis aus Iuifs, & qu'il est Verbe, Esprit & Mente de Dieu forme, moule, fontaine & chef de tous les hommes, conceu du S. Esprit, nay de la vierge Marie, auteur d'infinis miracles, jusques a ressusciter les morts: qu'il est au Ciel rai en corps & en ame, & parce plus haut que toutes creatures raisonnables: & que son Euangile est la doctrine & perfection de toute vertu, religion & verité, que luy seul avec ses disciples fera le juge du monde, & qu'il y a Enfer & Paradis: & d'innumerables autres sentences, en soy tresurayes: combien que par eus mal entendues: ce qu'a la verité aujourd'huy seroit du tout perdu, principalement en Asie, & en la plus grande partie d'Afrique, si Dieu n'en eust entr'eus gardé & continué la

memoire plustost bastarde que nulle. Car comme en vne republique il est beaucoup meilleur d'auoir vn chef, combien qu'il fust mauuais, imparfait ou tyrant, que de n'en auoir nul, & auoir chascun voisin, ou plus puissant pour tyrant: aussi est il beaucoup plus vtile au monde d'auoir retenu l'imparfaiete connoissance de l'Eternelle verité & religion, que de n'en auoir retenu aucune connoissance. Parce que, qui sçait que les choses sont, combien qu'il ne sache quelles elles sont, est beaucoup plus disposé d'enquerir la verité d'icelles, que celluy qui ne sçait si elles sont.

*En quelle condition estoit quasi tout le monde, et principalement l'Asie et l'Afrique, quant les Ismaelites s'esleuerent, et comme d'iceus alors estoit necessité.*

N ON SEULEMENT comme dessus ay demonstté, estoit de besoin que la posterité charnelle d'Abraham s'esleuast, que telle se soufleua, pour maintenir le posselloire de la terre sainte, destinée a l'eternel Empire d'icelle posterité, mais parce qu'en l'vniuers de l'Asie & Afrique, ou par tyrannies des Payens, Ariens, Nestoriens, Manichéens & autres telles gens, ou par l'ambition & orgueil des Prelats Chrestiens, toute la Concorde, Charité & vraye puissance des Chrestiens, estoit, principalement en l'Orient perdue, comme il se voit par les histoires, dont il failloit qu'iceus estans desfaits, les Payens retournassent a dominer au monde. Nous

Des Ariens.

Des Nestoriens  
& Manichéens.Perses ennemis  
des Chrestiens.

sçauons comment la gent Arriene entre les Gots, Visigots, Ostrogots, Vandales & Lombards, aiant saccagé toute l'Europe, planta ses forces en Lombardie, Espagne & Afrique, & destruit quasi par deus cens ans auant Muhamed toute l'Afrique, & la Chrestienté. Puis, comme les Nestoriens & Manichéens auoient quasi tout destruit en l'Asie. Depuis comme les Perses du tout ennemis des Chrestiens, saccagerent toute l'Asie & l'Afrique, en faisant par tout edit, que qui voudroit sauuer sa vie, renonçast a I E S V S CHRIST, comme il est dit dessus. Lors toutes l'Arabie, Indie, Chaldée, Perse, Medie, & Parthie estoit quasi toute retournée a la gentilité & paganisme, ou idolatrie, tellement que cessant & les martyrs de vouloir mourir pour I E S V S CHRIST, & les Prelats de prescher, & les Princes de defendre & augmenter la religion de I E S V S CHRIST, & par consequent icelle avec le Vieil & Nouveau testament allant en oubly (comme en nostre siecle plein de lettres voyons encores entre la plus grand part & des Prestres & Moynes, & du peuple ne sçauoir dire autre, sauf qu'il est Chrestien) il faillloit qu'une puissance, religion & doctrine bastarde luy secourust, ce qui jusque icy a esté par les Ismaelites fait : lesquels n'eust esté la puissance de l'ainesse du monde, qui leur resista en la Gaule, & en l'Italie, aussi bien eussent toute l'Europe occupée & tenue, comme par sept cens ans ont tenu & subiugé l'Espagne, a cause, qu'ils offensoient beaucoup moins que ne faisoient les Ariens & Gots de l'Afrique & de l'Espagne occupants.

Com-

Combien donc que de la fausseté de la bastarde doctrine des Ismaelites est nay au monde tresgrande ruine & degast, tant aus coustumes & lettres, comme a la religion, neantmoins le bien qu'ils ont fait tant en abbaissier l'orgueil des Chrestiens, Iuifs, & Payens, comme en destruire l'idolatrie, & maintenir l'odeur & souuenance des histoires & doctrines sacrees, est infiniment plus grand que n'est le mal aduenue de par leur loy. Et en outre, Dieu sans que nul y pense, a fait que des sept diziesmes du monde, les

Turcs mort-  
râts pour Iesus  
Christ.

habitateurs soyent desja ademy conuertis, & quasi Chrestiens: & parce tresjalous de ce qu'ils pensent appartenir au diuin honneur, tellement qu'entre iceux s'en trouue qui meurent pour soustenir telle verité de CHRIST, cōme ils peuuent par leur Alcoran connoistre, en attendant que mieus soient informés: ce qui est le souuerain bien qu'on puisse pour l'amour de Dieu en quelque sorte qu'il soit conneu monstrier. Car voyant comment ils meurent pour l'imparfaite & ombreuse connoissance de la verité, comment pensons nous qu'ils doiuent faire, quant autant que nous auront parfaite connoissance? Ainsi voyant Dieu que par tant entendre ou penser entendre, comme alors innumerables heretiques faisoient, toute la paix & concorde du monde (qui est la fin pour laquelle Dieu a enuoyé toutes les religions & reformatiōs du monde) a esté perdue, bannie & dissipée sous couleur de bien & de verité, il a voulu restituer en lieu de ses abbastardis enfans vne bastarde race de serfs, lesquels par ne sçauoir point au vray la volōté du ce-

La fin des reli-  
gions.

leste pere, & par non la sçauoir ne la faire point, ou la faire mal, sont dignes ou de moindre punition, ou de plus grand loyer que les vrais & legitimes, qui bien la sçauent & n'en veulent rien faire. Et parainſi il ſe peut & doit juger qu'eſtant le pluſmeſchant des Mahometains, ou Iſmaelites, moins pecheur enuers Dieu, a cauſe de ſon ignorance, que n'eſt le moindre des Chreſtiens qui offenſe dauantage, a cauſe de ſon ſçauoir & grace, Dieu a mieus ordonné de les laiſſer venir a imparfait ſçauoir, & pource qu'ils en ſçauent, mourir ou deſpendre les biens, la vie, & l'honneur, que de laiſſer viure les trop ſçauants, & qui par trop ſçauoir en œuures l'ont regnié, & non ſeulement ne veulent deſpendre biens ne vie, ni honneur, mais voudront perdre toute verité pour gagner les biens temporels, & du corps & de l'ame, c'eſt adire de la temporelle & non de l'eternelle gloire : pour leſquelles choſes nous voyons au jourd'huy la plus grande partie des Chreſtiens renoncer a toute verité.

*Des admirables et ſubites mutations faites au monde, principalement depuis que fut leuée la baſtarde doctrine des Iſmaelites, et pour quelle cauſe ſont aduenues.*

O M M E il ſoit tout prouué entre peuples, qui des hſtoires Grecques & Latines ont cognoiſſance, que le peuple ſuget a l'Empire Romain, a eſté le plus grand poſſeſſeur de toutes les choſes aus hommes deſirables, qui oncques fuſt au monde, & principalement des lettres & ſça-

Mahometains  
moins pecheurs  
enuers Dieu que  
les Chreſtiens.

noir, des armes & pouuoir ou force, & des richesses ou delices & plaisir temporel, qui sont les biens de l'ame, du corps & de fortune, & soit aussi prouué comme le mesme empire Romain, par voye de la religion de IESVS CHRIST s'estoit non seulement fortifié, mais aggrandien Orient, en Mydi & en Septentrion, tellement que tant en ciuile puissance comme en religieuse, tout nostre hemisphere depuis Constantin jusques a Focas Empereur, estoit en vn commun consentement & cōcorde, muni de pouuoir, de sçauoir, & d'auoir, c'est la chose la plus admirable du monde, comment cette mutation aduint si subit, qu'en moins de cent ans, gent au parauāt destituée desdicts pouuoir, sçauoir, & auoir & du nom quasi incongneüe, a tellement estaint tout le pouuoir, auoir, & sçauoir Chrestien en toute l'Afrique & l'Asie, que depuis le temps que telle secte commāça, se peut dire qu'avec la liberté Chrestienne ausdits pais se perdit toute la felicité du mōde. Je dile Chrestien & Romain pouuoir pour vn. Et que ce fust chose miraculeuse, & de Dieu destinée, pour venger la prouidence de l'ingratitude humaine, il se voit clairement en cecy. Car estant le sçauoir & lettres, le plussouuerain bien & plus appetible du mōde, & par lequel les autres sont faits immortels en memoire humaine, non seulement en l'Afrique & en l'Asie, là ou tout en vn moment furent desfaits les Romains, mais dedans la Grece mesme, & dedans Romme, Italie, France, Espagne, là ou n'estoit encores paruenue telle pestilence, les lettres moururent quasi tout en vn coup : tellement que là ou au para-

Pour quelle cause c'est leuee la loy Muhamedique.

Quant est commācée la lumiere de lettres entre les Chrestiens & quant elle a esté estaincte.

uant il y auoit quasi en vn mesme temps entre les Grecs vn saint Basile, Gregoire Nazanzene, Eüsebe, Epifanie, Chrysostome, & autres de souueraine eloquëce: Entre les Latins S. Hierosme, Ambroise, Augustin, Lactance, Arnobe treseloquent, & au dernier S. Gregoire seul d'inferieure eloquence, tout le monde incontinent entra en vn silence & ignorance si grande, que par cela il faut necessairement juger, que Dieu nous ostant telle lumiere là ou n'estoit pas encores venüe, & là ou encores graces a Dieu n'est point arriuée ou demeurée telle gent, nous laissa en son ire & indignation. Car si a la verité y eust eu, soit entre Grecs, soit entre Latins, lumiere de lettres & sçauoir, on eust facilement obuié a telle ignorance, allant des païs là ou telle gent ne dominoit pas encores, a secourir, là ou elle dominoit. Mais quoy? on ne peut dire autre sauf, qu'ainsi a pleu a Dieu, pour nous punir le plus aigrement du monde, & pour faire mourir le corps del'vnion du monde. Mais qui est chose plus admirable en cecy est, que jamais n'auons receu ladicte lumiere perdue, premier que les Ismaëlites, desja par grans empires & regnes mis en repos, eussent aussi de leur costé tellement acquesté les lettres, que depuis saint Bernard, enuiron l'an 1000, du salut du monde, jusques a 300 ans, comme nous auons eu les tressouuerains questionnaires: accōmodateurs des choses de nostre religion a la naturelle raison: ainsi au mesme temps ont commencè lescits Ismaëlites a auoir escriuains trefexcellens en toutes les disciplines vrayes & demonstratiues, & quasi autant

Quand ont  
commancé les  
lettres entre les  
Muhamedi-  
ques & com-  
bien elles ont  
duré.



de temps ont duré comme les nostres: pour nous monst<sup>r</sup>er clairement, que telle predestination des Ismaélites, par ce qu'elle est benitte en Abraham, ne devoit souffrir sans estre premierement ouye, & en ses autorités & raisons par meilleure autho<sup>r</sup>ité & raison confutée, d'estre abolie. Car si elle eust esté abolie, & a son commencement déffaitte, on n'eust point veu l'omnipotence de Dieu, qui ainsi prepare le meschât pour son mal jour, comme le bon pour son bon: & fait cela, non point en forçant ou contraignant quelconque particulier d'estre meschant, mais en guidant le corps & grande compagnie des bons ou meschans en telle fin comme il a predestiné. Et en somme parce qu'Ismael depuis beaucoup de benedictions fut chassé par autorité de Sara, contre le vouloir d'Abraham, & aussi par permission, non induc<sup>t</sup>io<sup>n</sup> guyde ou conduite par raison naturelle, qui dit, que le bastart ne doit pas estre heritier comme le légitime: aussi faut il finalement que le corps de la republique Ismaél<sup>i</sup>que soit chassé par autorité de l'Eglise, & par raison naturelle confuté: ce qui ne se pourroit faire, s'ils n'eussent eu leurs autorités & raisons déjà examinées & escrites par autheurs en souveraine puissance portés & constitués. Mais aujourd'huy nous voyons clairement par vne soudaine mutation, qu'estant les lettres Grecques, Latines & Hebraïques, avec toutes les doctrines diuines & humaines, plus-tost, & a ce qu'il semble a beaucoup, plus-clairement, en moins de cinquante ans entendues & exposées que jamais en mille ans ne furent, là ou les Ismaélites au

Qu'il faut que la  
loy Muhamedi-  
que soit abolie.

Des Terres neu-  
ues & quelles  
sont reduites a  
la Chrestienté,  
& par qui.

Don de Dieu  
l'imprimerie &  
artillerie.

jourd'huy n'ont plus de lettres ne disciplines, il faut qu'à la verité soit en nous retourné l'aduantage, pour confuter avec authorité & raison toute ladicte puissance, & doctrine. Et plus grande mutation & merueille voyons depuis lesdits dix ans quant nous considerons quasi par seule puissance de Mariniers, & de Marchans le monde neuf qui est plus grand que le nostre, est non seulement descouuert & vaincu, mais a la religion Chrestienne conuerti, sous la puissance de l'Espagne, estant principée toutesfois la nauigation Portugalloise par vn Gentil-homme Venitien *da Ca da mosto*, comme l'Espagnolle par Colomb citoyen Gennois. Le laisse a part l'art de l'Artillerie & de l'Imprimerie, trouué entre les Chrestiens Latins, l'une pour consommer la sapience au monde, l'autre pour accomplir la puissance, ce qui est de la seule prouidence restitué aus Chrestiens, affin qu'ils voyent que c'est Dieu seul qui occist & viuifie.

*Quelle chose a la verité est l'heritage auquel ne peut succeder par raison le Bastard, comme le legitime, ou Ismaelite, comme l'Isaakien ou Chrestien.*

ESTANT ainsi que nous voyons par experience, comment les Ismaelites ont meilleure, plus grande, & plus pacifique portion au possessoire & domaine du monde, & non seulement de la Syrie & terre sainte, que n'eurent oncques les Iuifs : & dauantage voyant dedans l'écriture sainte que depuis qu'Ismael estant chassé &

jetté hors de la paternelle maison, est predestiné de de uoir estre fait chef de grand peuple & gent puissante: non sans cause nous deuons douter qui est l'heritage paternel d'Abraham, duquel ledit Ismaël est debouté. Car si nous prenons seulement la terre sainte pour ledit heritage, comme on veut communement entendre, nous trouuerrons estre fausse telle intelligence, depuis neufcens ans en ça, que lesdits Ismaélites la possèdent. Si nous entendons le droit d'Abraham, lequel Abraham incontinent qu'il fut esleu de Dieu, & déclaré esleu, pour estre pere du sauueur du monde **IESVS**, fut fait iuste heritier, & ayant droit a tout l'heritage & domaine du monde, tant temporel comme spirituel, & ce en vertu de son **H O I R IESVS**, auquel seul en foy & en ses mēbres & esleus, appartient toute puissance tant au Ciel comme en la terre. Si nous entendons, dis-je de toute la jurisdiction dudit Abraham, Ismael n'eust sceu en son droit ou heritage habiter en lieu qui n'eust appartenu a Abraham & a Isaac, premier qu'a luy, & principallemēt en Bersabée, qui est de la terre sainte: beaucoup moins en l'Arabie heureuse, là ou ils ont habité, principalement estant beaucoup de pais en elle meilleur que la terre sainte. Si nous disons estre l'heritage, la cognoissance du Messie, & semance promise a Abraham, vrayement (ainsi comme en la premiere partie de l'histoire des Turcs demonstreray) & a la fin du second de; la concordē du monde ay escrit, combien qu'avec vn tresgrand nombre de faussetés, si connoissent ils, & possèdent en leur foy &

Que les Turcs  
croient plus de  
Iesus Christ  
que les iuifs.

loy bastarde beaucoup plus de verités de IESVS CHRIST que ne font les Iuifs. Car pour le moins, par tout ou ils dominant, on croit que IESVS receu des Chrestiens, est le vray Messie, & CHRIST, promis a Abraham, & aus profettes ensuyuans, ce que nient les Iuifs : parquoy en ce ne peut estre l'heritage dont est question, estant leur part (combien qu'imparfaite) beaucoup meilleure que desdits Iuifs. Il est donc de necessité que l'heritage auquel ne peut succeder raisonnablement l'enfant de la chambriere, comme celuy de la maistresse, soit autre chose que ce que dessus est dit. Estant chose raisonnable qu'entre toutes parties litigantes, ou sur vn mesme fait, ou sur vn mesme droit, la raison y mette fin & decision, il faut necessairement que nous remettons l'intelligence de tel lieu a laditte raison, n'estant donc tel heritage, ne le temporel, ne le spirituel des Iuifs : car les Ismaélites ont eü & en l'un & en l'autre plus grande perfection que les Iuifs : il faut que l'heritage duquel est priué & desherité Ismael, aupres de son frere Isaac, soit autre, & neantmoins soit tresdigne de Dieu & de Moyse son secretaire & profete. Le but & bien final pour lequel heriter l'homme est finalement mais en ce monde, est a celle fin qu'a la plus noble partie de soy, qui est l'esprit ou intellect, gaigne & donne la plus grande perfection. La plus grande perfection de l'ame esprit ou entendement, autrement dit intellect ou mente, est que non seulement il croye ou sache, mais par raison congnoisse toutes choses. Car alors que l'homme sçait non seulement par la cause des choses

ce qui

Pourquoy l'hō-  
me est mis en ce  
monde.

ce qui est le commun but de l'homme, mais davan-  
 tage sçait & par la cause, & beaucoup plus pour l'a-  
 mour de la ditte cause de toutes choses, vrayement a-  
 lors il tient le vray but & heritage pour lequel donner  
 a l'homme en ce monde, Dieu crea ledit monde pour  
 l'amour de l'homme. C'est donc la vraye possession &  
 heritage du vray homme, qui connoist & vrayement  
 mesprise soy mesme pour connoistre, priser, & aymer  
 eternellement son Dieu, & cause du monde, & qui  
 sçait sous telle consideration rendre la raison & cause,  
 autant qu'il est possible, ou destruisant toute fausseté,  
 ou prouuant & demonstrent toute verité, principale-  
 ment des choses hautes & diuines. Il faut donc que  
 tel heritage de vrayement rendre la raison des choses  
 diuines, soit cestui là duquel est fait possesseur l'enfant  
 legitime d'Abraham, & duquel est dechassé le bastard  
 d'icelluy. A telle fin donques la diuine prouidence a  
 laissé croistre les Ismaëlites jusques au comble de sça-  
 uoir & puissance a telle gent predestinée, affin qu'a-  
 yant & par autorité & force, & par raison humaine  
 muny leur bastard heritage, comme il se voit en Al-  
 gazel, Auicenne, & autres qui ont essayé a rendre rai-  
 son naturelle de la loy Alcoranique, voyant la raison  
 naturelle de la religion Chrestienne Isaakienne ou le-  
 gitime, connoissent & avec eus tout le monde, que  
 tresjustement comme bastars sont deboutés & tres-  
 justement desherités ayant allegué tout leur droit.

Algazel & Aui-  
 cenne fauteurs  
 de la loy Mu-  
 hamedique.









# La tierce partie des

ORIENTALES HISTOIRES, OV

E S T E X P O S E E L A C O N D I T I O N ,

Puissance,& reuenu de l'Empire Turquesque:auec  
toutes les prouinces & païs generalement depuis  
950 ans en ça par tous Ismaélites conquis.

Pour donner , auec telle connoissance , vouloir & moyen de tels païs  
& richesses conquerir aus Princes & peuples Treschrestiens , & ai-  
nés au Droi& du Monde,

Par GVILLAVME POSTEL Cosmopolite.



*A P O I T I E R S ,*

Par Enguilbert de Marnef.

M. D. LX.

*Auec Priuilege du Roy.*

**P A R** Priuilege du Roy, donné a Enguilbert de Marnef, est permis d'imprimer & vendre les presens liures intitulés, De la Republique des Turcs, & des meurs & loy de tous autres Mahamediques. Histoire & consideration de l'origine des Tartares, Persiens, Arabes Turcs & tous aultres Ismaelites. Des Orientales Histoires, ou est exposée la condition, puissance & reuenue de l'empire Turquesque. Le tout escrit par Guillaume Postel Cosmopolite. & defenses a tous autres de ne non en vendre ni imprimer autres que ceus imprimés par ledit de Marnef, iusques au temps de cinq ans, à compter du temps qu'il se ront paracheués d'imprimer: sous les peines contenues par lettres sur ce faites, données a Escoan, le septiesme de Mars 1547. Par le Roy, Maistre Francois de Connan, maistre des requestes de l'hostel present: signées Coëfier: & séeles du grand seel sur simple queue.

Acheués d'imprimer le 9. Decembre 1559.

A MONSEIGNEVR TRESILLVSTRE PRE-  
lat & Prince CHARLES CARDINAL DE  
LORRENE, GVILLAVME POSTEL salut  
& accomplissement de ses bons desirs.

O M M E la Diuine Providence , il y a quatre cens  
C & quarante trois ans, vsa des graces & grandeurs  
par elle a la maison de Lorraine concedées, pour don-  
ner effect a la Tresnoble entreprise du recouurement de la Terre  
saincte ( qui est la premiere & singuliere propriété de IESVS  
CHRIST là ou il a voulu veniren ce bas monde ) tellement que  
combien que le Pape avec plusieurs grans Prelats , & Pierre l'-  
Hermitte avec plusieurs Princes & Seigneurs seculiers, feussent  
en deliberation dudit voyage, neantmoins auant que par le bon &  
saint exemple de vos ancestres Godefroy, Baudoin, & Eustache  
de Buillon, fussent incités a renoncer a tout, pour l'amour de Dieu,  
dateur de tout, & prendre la dure crois de vertu souveraine, con-  
stituée en faire bien, & souffrir mal pour l'amour de Dieu & cha-  
rité de son prochain, la sainte entreprise ne sceut iamais auoir ef-  
fect: Aussi monseigneur ie pense a la verité que Dieu & Natu-  
re n'ayent pour autre cause mis en vous le comble de leurs dons,  
sauf qu'a celle fin, que par les moyès a vous de present donnés, soit  
ietté le tresheureus & eternal fondement, pour non seulement ac-  
complir tressfacilement l'œuure par eus commencé, mais pour ren-  
dre avec la mesme facilité tout l'vniuersel monde subget a IESVS  
CHRIST. Qui me fait penser qu'a si haute entreprise, & la plus  
noble qui onques fut, soyés par les graces a vous faittes destiné,  
vous l'entendrés s'il vous plaist. Il est de neceßité que le Prince  
esleu a l'eternelle Monarchie, & gouuernement ou protection  
temporelle du regne Euangelique de IESVS CHRIST, soit incité  
a son droit poursuiuir, & non seulement entendre, par personne de  
souveraine autorité, sçauoir, beneuolence & credit enuers ledit  
Prince. Voyant donc qu'aupres du Roy Treschrestien, tenés tel  
degré en toute excellence, que iamais plus grand Prelat ne fut en  
pareille condition aupres d'un Prince, & qu'il ne reste autre cho-

se, que de faire entendre & mettre en fait les raisons de la Monarchie, avec les moyens par lesquels le Roy peut & doit a laditte Monarchie pretendre: Je vous ay voulu dedier ce bref & petit, quant en parolles, maistresgrand traicté quant a la consequence, a celle fin qu'ayant avec les raisons de la Monarchie, par icelluy, conneu que tous les peuples du monde, qui aujourdhuy sont en estre, & les plus fameux, & qui n'ont n'y entr'eus ni avec les Latins, ne de lettres, ne de coustumes, ne de Princes, ne de païs aucune communication, par laquelle peussent l'un de l'autre auoir receu telle opinion, tous dis-ie tiennent pour certain, & pour sentence diuinement reuelée, qu'il faut que le Roy de Gaule soit Monarque de l'univers, alors soyés plus confermé, entendant pourquoy c'est que par l'ancienne interpretation de Moysse, le mesme est desclairé, pourquoy c'est que Iosese dit les Gaulois estre les aînés & premiers peuples du monde, ausquels par consequent appartient le premier droit. Par quelle cause Berosse dit le mesme. Qui a meü Solin & Caton Romains a escrire que les premiers peuples, mesmes autheurs des tresantiques Umbriens en Italie, sont de race des Gaulois. C'est sentence eternelle, & tant par le diuin comme par l'humain droit & histoires confermée, qu'il faut que comme lesdits Gaulois sont les aînés du monde, aussi de leur consentement soit un Monarque, qui en l'univers domine, esleu & defendu. Par cecy donc Monseigneur vous verrés que toute verité consonne a toute verité. Pour autant donc que c'est le but & fin de ma vie mortelle, Ouurir le plus amplement que ie pourray les moyens de paruenir a la concorde du Monde, laquelle est audit monde du tout necessaire, & sans un Monarque vniuersel, ne se peut auoir, i'aya deus moyens d'icelle mis mon estude. L'un qu'ils se trouue un Prince qui de tout son cœur y veuille entendre, comme le Christ de Christ, auquel soient proposés les moyès a ce necessaires, pour estre autant comme s'estend l'usage de la langue Latine manifestés, affin qu'avec la raison d'iceus soient gagnés les cœurs. L'autre que les peuples d'estrange langue, & de la Latine differente, & de diuerse religion & seigneurie, soient de par nous avec le moyen de leur langue incités, & par les choses a eus mesmes ap-

pronuées tant a la verité de IESVS CHRIST, comme a celle de son Monarque, par raison & autorité demonstree, soient conduits, & a nous aussi avec le moyen de ladicte langue soient rendus familiers. Car c'est le premier moyen de l'humaine conuersation que la raison & la langue. Au premier point ie me suis mis en mondevoir d'y mettre le meilleur ordre que i'ay peu & sceu, tellement que remettant le tout, tant en cet opusculé, comme en autres a ce propos escrits, en la connoissance & sçauoir de ceus a qui il appartient, principalement (comme a tous equiuallente) a vostre bonne discretion, comme de personne aupres du Roy souuerainne, le soubsmets, a celle fin que ie voyãt y auoir fait, ce qui est a moy possible me puisse a l'autre moyen ou partie retirer, ainsi comme par l'Oeuure de la Concorde du monde on peut voir en ce auoir esté ma deliberation de long temps, de laquelle par ma derniere peregrination en Orient, ay ia accompli vne bonne partie, apportant en la Chrestienté Occidentale, la plus grande abondance que i'ay peu reconuer des liures saintes, tant en la langue Syriaque, & iadis vulgaire vsitée a IESVS CHRIST, comme en l'Arabique en toute l'Asie & l'Afrique, & en vnetierce partie de l'Europe commune. Car ainsi faut, accomplissant la Clementine De Magistris, trouuer & procurer les moyens que les Ismaelites, qui auiourdhuy sous la langue Arabique avec leur Alcoran occupent en seigneurie quasi toute l'Asie & l'Afrique, avec vne tierce partie de l'Europe, par leurdicte langue reçoient la verité eternelle. La Syriaque & qui estoit du temps de IESVS CHRIST vulgaire de l'Hebraique & sainte, en laquelle IESVS voulut prescher sa doctrine Euangelique, est a propos pour manifester aus Iuifs la verité. Car elle n'est que bien peu differente de la Chaldée escrite dedans le Targum, Misna & Thalmud Ierosolymitain, de tous les Iuifs entendu. Pour donc multiplier par imprimerie le Nouveau Testament, auquel n'y a pas difference d'un iota des bons exemplaires Grecs (comme ie feray estant de besoing en face de l'eglise apparoir) i'ay fait la Diligence de l'aller querir en la Terre sainte, & apporter par deça lesdits exemplaires a tous les Chrestiens d'Orient vsités. Ayant donc deliberé de tant insister par mes escripts

Et propos, que les raisons de la Monarchie prouïennent iusques au Roy & son Conseil, Et ayant tant fait qu'a vous son souverain Conseillers soient paruenus, i'auray ce me semble ataint vn grand point de mon desir, quant au premier moyen de la concorde, ou establissement de la souveraine puissance, qui la doit de fait procurer, selon la foy & sermens par le Roy Treschrestien a son celeste sacre promis. Car combien qu'il promette aus peuples a luy de fait subgets tant seulement, & non a autres, rendre & garder la Loy, la Iustice, & la Paix, conseruant en toute l'Eglise de Dieu, neantmoins si est il obligé autant que le droit de l'Eglise & le sien s'estend, c'est a sçauoir par tout le monde, estandre pour les mesmes fins, son pouuoir, sçauoir, & vouloir, principalement depuis quel droit, comme a l'Aisnée & premiere puissance temporelle de ce monde, luy seroit manifesté. Il me reste au surplus pour espandre l'Euangelique doctrine entre les Tartares, Persiens, Arabes, Mores, Aegyptiens, Barbariens & Turcs, qui avec plusieurs autres peuples tous vsent de la lague Arabique pour leur Grammatique, de m'occuper a l'autre partie de mon entreprise, pour au moyen de laquelle entendre, il a pleu a Dieu par le Serenissime Roy de Pologne, me faire avec tresbeau salaire inuiter, affin qu'aus Turcs, qui tant a la Hongrie & Vlachie, comme a autres païs a luy voisins sont prochains, soit par l'Imprimerie donné lumiere auquel party, combien que i'aye deliberé viure de mes trauaus & sueur, neantmoins ie n'ay voulu entendre ou respondre, iusques a tant que ie sache si a la republique Gallique, en laquelle ie suis n'ay, ie pourray en quelque chose plus qu'a l'autrui profiter. Car i'aymeroie mieus, moyennant que mes labours fussent en la mienne acceptés, viure icy en pauureté & mespris, qu'ailleurs en richesses, plaisir, & honneur. Tel est le but de mon intention. Pourtant Monseigneur reuerendissime, ie vous prie & supplie, comme Prelat de Souueraine autorité, comme Prince de souveraine equité, comme premier Conseiller de la Royale maiesté, comme homme de singuliere prudence, noblesse & humanité, vüeillés en ce pratiquer les graces que Dieu, Nature & vostre vertueuse exercitation vous ont donné, de ne regarder la basse condition & petit sçauoir de cel.

luy qui vous escrit, & si haute entreprise en ses escrits ost embraſſer, (car comme quelque fois le bon Homere sommeilloit, auſſi ſouuentes fois vn Iardinier parle fort a propos) mais veuillés vous de voſtre grace efforcer a mettre en auant la plus noble entreprinſe qui onques fut, ne qui ſera iamais en ce monde. Conſiderés que ſi l'authorité, armée d'eloquence, & de raiſon pluſſouuent apparente que vraye, a iuſques icy gaigné & retins tous les regnes & Empires de ce monde, ſi Cicero a deffait Antoine & conſermé Auguſte par la meſme veriſimilitude, combien ſous l'authorité de IESVS CHRIST, & de ſon premier miniſtre Terrien, aydé de voſtre conſeil, & des nobles facultés & Clergé, & de la Nobleſſe & Juſtice de France, aydé & ſecondé ſera puiſſante l'eternelle verité, & d'authorité Diuine & Humaine, & de raiſon munie? La victoire des cœurs de tout le monde, premiere en ſoubhait, & derniere en effet, eſt par voſtre moyen entre les mains du Roy Treſchreſtien, toutes les fois que par ſon ſeul conſentement approuuera ſon droit, & commandera qu'a tout le monde ſoit expoſé. C'eſt pour conquerir avec l'entreprise de la Terre ſaincte, tout le monde, de ce qu'a vous en Spirituel & au Roy en Temporel, Dieu vous donne la grace.





# La tierce partie des Ori-<sup>I</sup>

ENTALES HISTOIRES.

**P**ARCE qu'en toutes choses la raison de  
paix precede celle de guerre par nature,  
car toutes choses ont a leur principe com-  
mancement parelle: il me semble estre le meilleur  
aussi, qu'en nostre narration l'estat de paix soit pre-  
mier escrit que cil de guerre, car par l'opposition de  
deus contraires aduient plus grande congnoissance  
de celluy duquel on veut principalement traiter.  
Premier donc l'estat de la Court du Prince residant  
en Constantinopoli, ou ailleurs hors la guerre, sera  
escrit. Puis la maniere d'exerciter les gens desquels il  
se veut seruir. Apres sera la maniere & ordre de che-  
miner & pauser en Camp. Puis s'ensuiura le gou-  
uernement des Prouinces, & les Finances. La con-  
clusion sera (ainsi qu'ay promis au commencement  
du premier liure) du grand pais quetient cette belli-  
queuse nation: avec vn brief de leurs histoires. Et  
deuant que rien commancer, je proteste a peine de  
la verité, & raison, pour en faire espreuue, de ne cou-  
cher par escrit chose que je n'aye veüe, ou par les  
Eunuques, & ceus qui ont esté nourris au Serrail ou  
Court du Prince, n'aye diligemment cherchée &  
entendue. Et quant aus estats lesquels je pense a-  
voir obserué, depuis le plus grand jusques au plus pe-  
tit, je les ay eus des Tresoriers, & du Griti, & autres

qui jusques au dernier l'ont obserué. Le temps & la raison feront foy de mon dire. Le Prince Turc a plusieurs lieux ou il reside en temps de Paix : mais les principaus & plus frequents sont a Constantinopoli, Brusse, & Adrianopoli, qu'ils nomment Edernay : entre lesquels le lieu le plus frequeté du present Prince Sultan Suleimain est Constantinopoli, & ne reside peu ou point aus deus autres, sinon quât il est ja quelque bruit de guerre. Et quant cela est du costé de la Natolie, il se va alors hiuerner en Brusse, Magnésie, Cuthahie, Gogna, Gezari, Siuas, Adena, ou autre lieu opportun pour faire conuenir ses gens de bonne heure. Sic'est vers Occident il fait le pareil pour pareille cause en Edernay, Samandria, Sofie, ou autre lieu opportun, pour incontinent aussi vnir son armée ensemble. Mais ce sera assés de voir comment a Constantinopoli il est traité domestiquement : pour sçauoir le tout : Car des Serrails ou lieux de nourrir jeunesse, sous le commandement du Prince, ou quelque fois il va, j'en diray quant je parleray des Spachis. Estant le Prince chés luy en sa chambre, merueilleusement de grande richesse ornée, comme de lames d'argent doré, garnies de pierreries en grande quantité, il n'admet homme du monde. a venir vers luy, fors les Ambassadeurs, par deus fois : a sçauoir a Dieugard, & Adieu : & les Baschiats ou Cadilefquers pour les causes qu'ay susdittes en la Iustice, ou quelque capitaine ou Bachia pour cause vrgente, & hors coustume. Mais yest seulement serui, quant a l'estat de chambre, par douze jeunes hommes vallets

L'estat de la court du grand Turc en temps de paix.

Ou reside le grand Turc quât il y a bruit de guerre.

L'estat du prince quant il reside en Constantinopoli.

de chambre, qui le vestent & despouillent, baillent a lauer, & traittent chascun par ordre & temps, comme icy les Vallets de chambre, sinon qu'ils ny sont pas par quartier. De cens icy y en a vn qui a charge tous les jours d'aller demander a l'*Emin chafna* ou Thre-  
 forier general du Serrail 40 ducats sultains, pour tous les jours mettre en son *duliman* ou sac, pour faire quelque present aus jeunes hommes de son Serrail, ou quant il va a la Mesgeda, comme dessus ay dit, pour donner l'aumosne. & celuy qui le desuest ou despouille ce jour là, s'il y a rien de reste desdits 40 ducats, ou des deus mille aspres, c'est pour luy. Des autres y en a deus qui toute la nuit luy tiennent deus torches allumées, l'une au cheuet, l'autre aus pieds du lit: lequel honneur il faisoit faire a Hibra-  
 him Paschiala nuit qu'il le feist tuer, pour le recom-  
 penser du privilege qu'a luy seul auoit fait de memoire d'homme, d'entrer chés luy quant il vouloit, & de boire & de manger avec luy. Ces jeunes gents icy, ne sont de plus haut eage que de 20 ou 22 ans pour le plus, tous beaux jeunes hommes Esclaues, fils de Chrestiens, & choisis par Phisiognomie (a la quelle les Turcs merueilleusement se connoissent) du  
 nombre de 700 ou 800 autres Esclaues qui audit Serrail sont nourris, & sont comme enfans d'honneur communement precedant sa personne, sur les plus-beaux & adroits cheuaus qu'il ait: & quant le seigneur sort, ne feust que pour aller jusques a la Mesgeda ou Eglise, il y en a vn de ceus icy, qui luy porte les souliers (pource que les Turcs ont de petites bottes lar-

Vallets de chambre du grand Turc.

Hibraïm Paschia.

Turcs grands Phisiognomes.

ges, ayfées a chauffer comme vn ſoulrier : que s'il ne failloit qu'effayer vn cheual, ils les mettent: l'autre luy porte l'arc & la fleſche, & s'appelle *Benc ſeliſtari* a la difference des *Seliſtar* ou *Soluſtar* qui ſont gents de cheual qui marchent a vne des ailles du camp. Et par ceſteuicy ſe nomme Benc, qui veut dire le ſeigneur Seliſtar. Le tiers qui luy porte les habillemens en vne male, s'appelle *Ghiocad*. L'autre *Seraſter* luy porte l'eau, & l'aiguier, car jamais les Turcs qui ont puissance principalement, ne vont ſans quelque vaiſſeau plein d'eau : ſoit pour boire ou pour lauer. pource, qu'apres toute œuvre de nature, péché & autre choſe, comme ay ſus eſcrit en la religion, il faut eſtre laué en la loy de Muhamed. Il y en a vn auſſi qui lui porte vn ſiege bas, qui ſe ploye a la mode des chaires portables de deça, reſte qu'elle eſt de quelque riche eſtoffe, non toutesfois comme celle que les marchands Venitiens luy feirent l'an 1532 toute couuerte de perles, de l'eſtime de quarante mille ducats, ſelon leur dire, car cellelà garde la chambre, avec le heaume d'or & pierreries, accompagné des doſſiers de perles venus tout d'une main, mais la chaire qu'il porte eſt large & de drap d'or friſé. Voyla de quoy luy ſeruent ſes Vallers de chambre, qui ſont tousiours aupres de luy, & ont vn chef ou capitaine: car il n'y a ſi petite compagnie de ſeruiteurs chés le Turc, qui n'ait vn ſuperintendant, qui amende & corrige, ou reſponde des negligences de tous particuliers en vn meſme office. Cedit chef ſe nomme *Odabaſſi*, maistre des Chambriers, & eſt le pluſgrant de tous.

Tures ne ſont  
ſans vng vaiſ-  
ſeau d'eau, &  
pourquoy.

Preſent des  
marchands Ve-  
nitiens au grãd  
Turc.

Qui eſt le chef  
de ſes Vallers  
de chambre.

de tous. Et par dessus eus & des autres, desquels nous dirons, y a vn Eunuque ou Garde-conche qui prend garde a leur conuersation, pource qui s'entent plus honnestement qu'il ne se dit. Lesdits-jeunes <sup>Combié ils ont de gaiges.</sup> hommes, qui sont, comme ay dit, communement douze, quelque fois huit, quelquefois dix, ont pour jour chascun 18 ou 20 aspres. leur Capitaine 30. l'Eunuque 60. Voyla du seruice de chambre. Maintenant nous dirons de la table, mais que premier aïon se scrit que ceus icy, & les cent desquels nous <sup>Leurs vestemens</sup> parlerons tantost, ont tous coëffes d'or, & vestemens de soye deus fois en l'an donnés du seigneur, avec vn arc, flesches & espée, le tout garni d'or. Le sei- <sup>Des escuyers du grand Turc.</sup> gneur ha d'ordinaire cent autres jeunes hommes, qui s'appellent *Sfesnigirlar*, c'est adire, Escuyers, qui le seruent a apporter les viandes sur table, & ont vn chef appellé *Sfesnigir Bâssi*, Capitaine des Escuyers, qui donne ordre entr'eus a changer d'office selon le vouloir du Prince. Quant a l'ordre qu'ils tiennent, c'est <sup>L'ordre qu'ils tiennent au seruice de table.</sup> d'apporter grande quantité de plats de pourcellaine, garnis de Ris a diuerses sortes, & d'autres potages & viande a l'appetit du Prince: selon l'ordonnance dudit maistre des Escuyers, est faire estendre la nappe en terre, ou sur vn lieu esleué d'ais, faire afsistence a sa table durant l'heure, ce que fait, luy ayant quasi de toutes viandes fait l'espreue, s'en vont des mesmes viandes repaistre: car ceus icy, & les precedans, outre leurs gages, ont cheual & bouche a court, si ont beaucoup d'autres, durant qu'il fait residence au Serrail a <sup>La despence de table du grand Turc.</sup> Constantinople: car là il y a force jardiniers qui sont

Les deniers de  
la table du Prin  
ce se prennent  
du profit de ses  
jardins.

Fausse opi-  
nion.

jeunes garçons de la Grece, desquels je diray en leur lieu : & pour toute cette despence, chascun jour l'un portant l'autre se despent 5000 aspres, qui sont cent ducats : chascun millier d'aspres, valant 20 ducats Sultannins. Qui par vne certaine opinion qu'ont les Princes se prennent du reuenu des jardins, & diuers Sarrails, là ou il y a force jeunes garçons a labourer, & garder, & vendre ce qui en vient, qui tout se met en vn tresor a part, lequel s'appelle, La table du Prince. Et si le Prince est absent, tousjours se garde jusques a son retour, en son integrité, sans jamais l'employer autre part. Car les Princes Turcs, depuis Sultan Muhamed, ont cela qu'ils ne veulent pas despendre des deniers du peuple, sinon quant ils le deffendent & vont en guerre: car alors ils ne vivent pas desdits jardins, mais des tailles, ou tresor commun. Quant sont a repos, ils vivent desdits deniers de jardinages, lesquels ne faut pas s'esbahir d'y fournir, pour deus causes, l'une est qu'ils sont quasi en continuelle guerre de frontiere: & ont les plus beaux & riches jardins du monde: L'autre est que jamais ne sont extraordinaires: & leur raison de viure ainsi est, qu'ils dient les tailles & tributs estre *haram agemi cani*, c'est adire le prohibé sang du peuple, non a despendre, sinon a la desfendre: & que l'autre est de juste labour. Et n'est pas ainsi que dient quelques vngs, qu'il laboure, puis enuoye vne poÿre ou autre fruct a vng Baschia & luy mande qui luy donne mille escuts: se sont folles, car les Baschiats ne manient pas les deniers du Prince, & aussi qu'il ne laboure pas. La tiers est,

qu'il a son Tresorier ou Argentier qui tous les jours liure argent , pour tous affaires domestiques , fors que pour cestuicy , & encor a cestuicy , si les aultres n'y satisfont. Lesdits cent jeunes hommes ont chacun de gages de 6 a 7 aspres le jour , outre leur table, monture, & vestement comme dessus. Leur capitaine ha 40 aspres le jour. Nombrer icy *Bal-* Des autres ser-  
*tegar, Asgilar, (haluagilar, Uegilcharlar, Sacharlar,* niteurs dome-  
 qui est autant adire comme seruiteurs domestiques, ce. stiques du Prin  
 cuisiniers, espiciers, ou paticiers, despenfiers, porteurs d'eau : ce seroit chose trop longue , & aussi qui n'est pas tousjours en vng estat, dont m'en deporteray , aiant dit qu'ils sont environ deus cens en tout , qui ont chascun 5 ou 6 aspres le jour , l'un portant l'autre: & en chascun office leur Bafsi ou chef, qui ont de 30 a 40 aspres le jour. Cccy est proprement l'estat de chambre & table , & pour dire generalmente du dedans de la maison. Il y a par dehors deus cents Des portiers &  
 20, 30, plus ou moins, *Capigis* ou Portiers, qui gar- de leur de-  
 dent a la porte du Serrail, par jour naturel, en certaine <sup>noy.</sup> bande & nombre, & le plus souuent tous ensemble, les vngs de la premiere, les aultres de la seconde porte, quât il y a quelque grosse assemblée à la Court: comme quant quelque Ambassadeur va baiser la main du Prince, pour saluër ou dire Adieu, & plus frequents a dire adieu, a cause du banquet, ou quant le Diuam ou Iustice se tiët, au que quelque Baschia au gouuerneur de prouince vient a la Court. Ceusicy gardent s'il se fait le moindre tumulte du monde là dedãs, qui en est l'auteur, & le punissent de prison ou de baston. Gar-

Des huysiers.

Procédure Criminelle en Turquie.

dent aussi quant a la porte qu'on n'entre point avec armes dans le Serrail du Prince. Ceus icy portét tous quant ils font a la porte, leur bourc ou haut bonnet, les vngs pointu, les autres rabatu: mais a tous fait de fil d'or trait, comme ont les enfans dont ay dit, reste qu'ils sont rouges, & ceus ici blâcs, comme sont aussi de tous Agas, Bâsi, Soubacy, & aultes d'office premiere en guerre. Cesdits Capigis font aussi gardes aus diuerfes portes du paviillon, qu'homme n'y entre, fors les domestiques & Baschiats & Cadilesquers, dont ay dit. Ils ont neuf, dix, quinze aspres pour jour, l'un portant l'autre: leur Capigilar Cahaia ou Capitaine ha 50 aspres le jour: & trois Capigibâsi au deffoubs de luy ont chascun 35 aspres le jour, qui tousjours s'entendra, sans dire ou estre repeté tant de fois, quant je parleray de gages au deffoubs de 10 ducats aus autres offices. Pour enuoyer dehors executer sa volonte & ordonnance, le Prince ha 100 *Scaous* ou Huysiers: Car pour leur office ne les puis mieus comparer qu'a Huysiers de la Court, ou a sergents fiefés, dont l'vng seul d'iceus peut par simple parolle du Prince, ou arrest du Diuam, aller prendre quelque personnage, tant grand soit il, & selon que l'ordonnance le porte: ou le mettre a mort: ou l'amener & constituer prisonnier. Toutesfois quant est question de mort, n'est temerairement faite execution, sans forme de Iustice, comme vulgairement on dit, mais en cette maniere. Le personnage estant accusé probablement par plusieurs bons tesmoins, & querelles ou querimoniaes, & n'ayant voulu comparoir, apres estre admo-



nésté, en est fait jugement en son absence: & depuis que la Court ou Diuan en a communiqué avec le Prince, alors on donne commission par escrit, ou Tesqueré audit Sfaous qui doit aller premier, au Sâgeach du lieu & au Cady, & luy aiant montré sa commission pour verifïer l'information ou accusation sur le lieu, les inuite a venir voir mettre en execution laditte sentence, a laquelle ils se trouuent s'ils veulent: c'est assés que de peur que sous ombre du seigneur ne se fïst quelque faute ou meurtre, qu'on y appelle le plus souvent le Iuge & recteur de Prouince: & si c'est le recteur de Prouince qui ait failli, on appelle son ou ses voisins: puis dit on au personnage, en luy montrant l'arrest, commandement du seigneur, ou sans luy monstrer, on dit les mesmes parolles: lors ne faut que le personnage face aultre chose, que demander quelque heure d'aduis a sa conscience & a sa maison, combien qu'elle est confisquée, & ledit Chaous en tesmoignage de son execution raporte la teste du personnage a la porte, là ou quelque fois y en aura pour vng jour quarante ou cinquante: pource que les Capitaines des frontieres, pour entrer en grace, s'ils tuent quelques vns, ils en enuoyent les testes a la Court, en tesmoignage. Voyla l'office plus commun desdits Sfaous. Les aultres vont a garder personnes priuilegiées par le païs, ou a Constantinople les Ambassades, & ont pour aides deus ou trois hommes Janitzaires, avec ce pouuoir, que quiconque fait injure aus personnes qu'ils doiuent garder, ils le peuuent punir de coups de baston sur le fait, & s'il le merite, en appel-

Les testes des  
condamnés ou  
ont accoustu-  
mé se rappor-  
ter.

Du Capitaine  
des huissiers.

En quoy le  
grand Turc  
passe le temps.

lant le Cady, le faire mourir. Bref ce sont personnes fort priuilegiés, & par ce grans larrons: car parce qu'ils ne sont subjets qu'à la Court, ils estendent fort leurs priuileges. Ils ont chascun de trente a quarante aspres le jour. Leur Capitaine appellé *Ssaom bassi* a 150 aspres, & est fort grand personnage par reputation, & que le Prince vest deus fois l'an de drap d'or, ainsi comme ses *Baschias* & *Imralemaga*, auxquels tous donne vn *caffetan* de drap d'or de six mois en six mois, soit paix soit guerre. Depuis que j'ay dit du commun estat de Chambre, de Table, de Garde, & de Commandement, seroit maintenant l'ordre de dire du conseil, si je n'en auois ja dit en la Iustice, & aussi que par apres j'en diray encor' parlant des chefs de guerre. Mais deuant que je m'esloigne de la maison du Prince, je veus dire en quoy il passe le plus souuent sa solitude. Il y a en son Serrail, ou il se tient communement, sept ou huit cens jeunes hommes, esclaués enfans de Chrestiens; qui sont l'esslite de tous les captifs qui luy sont presentés, lesquels apprennent par vne grande diligence les lettres Arabiques & Turques avec la loy, & toutes especes d'armes entre Turcs vsitées, & a bien cheuaucher, & piquer vn cheual. Le Prince, a cause qu'il sont en vn mesme enclos avec luy, prent passetemps a les voir faire leur exercice, & par quelques galleries les peut voir sans estre veu, ou bien s'il y en a quelqu'un qui par grace ou syfiognomie luy plaist, il le fait venir & deuise avec luy, puis luy fait quelque present & donne quelque robe de brocat, qui est fine soye tissue de fil d'or ou

d'argent, ou leur donne quelque somme de sultains, comme il feist a Cabazolles jeune homme François de nouveau renclus audit Serrail. Quelque fois fait faire des artifices de feu, faire trainées, tirer fuzées, expugner chasteaus de bois, deffendus par canes de poudre, voire tirer de l'arc, car quant, il veut, & souuent va vers eus, & du costé ou ils estudient.

Luy aussi quelquefois list aus interpretes de sa loy, mais plussouuent d'Aristote ou d'Auerrois en Arabie : quelquefois demande l'opinion de quelque chose aus vieus Hogealar ou docteurs qui monstrent la loy ausdits jeunes hommes, qui tous sont gardés par Eunuques, qui sont chastrés tout outre, & mesme le Thresorier dudit lieu, qui s'appelle (*Chasnardarbas*), a cause qu'il liure les deniers ausdits *Odalar* (desquels ay parlé ci dessus) est chastré. & n'i a la dedans homme qui aye passé 24 ans, qui ait son planteur de nature, sauf le Prince, & le *Bostangi bas*, maistre des jardiniers qui sont en vn autre endroit vers la marine separés, qui sont enfans du peuple appellés *agem oglam*, qui seruënt de labourer le jardin, & de mener la fuste du Seigneur & celle de sa suite, quant il va a l'esbat. Quant a luy, il se delecte bien encore de voir lesdits *Bostangalar* ou jardiniers, & les interroguer du labeur, & est par cela qu'on dit, que luy mesme est laboureur, ce qui est faus.

Aristote.  
Auerrois.

Eunuques du  
grand Turc.

Fausse opinion.

Autrement le jour du Diuam il peut estre a escouter a la dangereuse fenestre, de laquelle ay parlé en la Iustice, pour escouter & voir (sans pouuoir estre apperceu) les matieres qui se traittent, desquelles en rese-

Moyen contre  
les allongeurs  
de proces.

rant le mentir est mortel. O que je n'ose dire ce que je pense! que pleust a Dieu qu'un ange familier peust faire la pareille opportunité au Roy Treschrestien, d'oyr & voir tous les juges souverains, & allongeurs de proces: on ne voirroit pas, employer le sens de deus ou trois cens hommes, a desrober le monde, en riant, & trouuer mille moyens de faire les loix œuures d'Arachné: car pour jugement ne pour appeau, ny a en nostre temps matiere du monde diffinitive. Or passons outre, & voyons a quoy passe le temps le Seigneur quant il va aus champs. Il sort quelque fois au soir desguisé, & s'en va par la ville, aus compagnies & escoute qu'on dit de luy, de paix, de guerre, des fruits, de l'estat des villes, & en fait son profit, & souuent attrappe lourdaus par leur confession. Il va quelquefois a la chasse, ou a la volerie, a peu de compagnie: & va aus lieues connus & bestes rousles, hors le sanglier en leur loy deffendu, dont a cette cause le pais est tout plain: & pour ce faire a les plus beaux leuriers & esparuiers du monde, & les plus vistes, lesquels il fait traiter fort curieusement, & ont cette coustume tous seigneurs ou grans personages Turcs, qu'ils font nourrir leurs chiens de mesme eus, & tousjours les ont vestus, sinon quant il faut courir ainsi comme les cheuaus: car de ces deus animaux là, ils font telle garde quasi que d'eus mesmes, a les faire pollir, traiter, nettoier, & couvrir. Mais retournons a la chasse avec le Prince, là ou se trouuent aucuns de sa garde, & souuent le Bassia, & quelques Capitaines de grande charge, & alors se peut parler avec luy.

La chasse du  
grand Turc.

Quant

Quant il va ainsi *Sariana*, ou jouer, il y est sept ou huit jours du moins, se retirant en quelqu'un de ses logis vers Seluies, Andrinopoli, Scatari, le Fanar & autres lieux voisins, là ou par tout y a plusieurs logis, qui sont du propre du Prince. Quelque fois aus mesmes lieux se fait mener ses femmes ou Esclaues, mais alors va le plussouuent par la fuste, comme sus ay dit, au premier liure, parlant de l'usage de ses femmes avec lesquelles il va seul, avec les Eunuques, & a la chasse va accompagné. Il a encore vn autre passe-temps en son Serrail, a luy fort commun, qui est vne escuyere de 200 les plus beaux cheuaus & plus adroits de toute la Turquie: qui combien qu'ils se trouuent quasi bons de toutes pars, toutesfois ceus du Suristan, Arabistan, Hermenlu, & de Bogdan, qui sont de Surie, Cilicia, Armenie & Valachie sont les plus excellens. Cette ditte estable de deus cens cheuaus d'esslite est comprinse dans le Serrail, par telle forte qu'elle a son issue dehors & dedans. Le Seigneur vient par dedans, & regarde voltiger, & tourner court, & estre maniés seldits cheuaus par les jeunes hommes du Serrail, qui selon leur priuilege essayent les plus beaux. Il y en a entre les autres sept ou huit choisis de tout le nombre, qui sont les cheuaus de sa personne: & quant il sort, soit pour seulement aller a l'esglise ou Mesgeda, luy en sont menés sept ou huit, ou plus en main apres luy, ornés d'une grosse richesse de pierreries, si bien qu'il y en a tel qui a vn pectoral ou poictal vallant trois ou quatre mille ducats, la selle beaucoup plus: je ne parle

L'Escuyerie du  
grand Turc.

point qu'il n'y a quasi Turc de compte, qui n'aye refne de bride d'une chaisne d'argent, & le mors & ferrure pareillement. Soit en paix soit en guerre, ledit Seigneur a tousiours apres luy en main lesdits cheuaus. La reste cent nonante, sont pour la monture des jeunes hommes dont ay parlé, & pour celle des esclaves qui sont nourris audit Serrail: lesquels le Seigneur monte quant il va en guerre. Cesdits cheuaus sont pensés generally deus par vn homme, par telle forte que cent hommes pensent les deus cens cheuaus: chascun a sis, ou huit aspres le jour: & l'Escuyer par dessus a soifante aspres.

Quelle est la  
grand'establ.

Tandis que nous sommes en propos d'Escuyrie, je veus encor' parler de la grand'estable du Seigneur, là ou il tient de quatre mil a 4 500 cheuaus, non qui soient tous en vne estable, mais par cy par là: & sont pour monter la reste des gens de la maison: & pour premierement monter les Esclaves, qui du Serrail sortent a soude: car combien que quant ils sont dedans pour apprendre, on leur baille gages certains, ils ne les manient jusques au sortir, & pour ce qu'apres sortir ils n'auroient de long temps espargné, ayant dix, ou quinze, ou vingt aspres pour jour, de quoy auoir cheuaus & habits. Le Seigneur au sortir, & pour aller en premiere guerre leur baille communement cheual & habit. J'ay dit en premiere guerre, car aus aultres, quant ils ont perdu leurs cheuaus, ils leur en conuient racheter de leurs gages, & entenir chascun deus pour le moins. Mais sans sortir de propos, je veus dire des haras & Cameaus

en toutes les plus belles prayeries d'entour Constantinople, sont tout l'esté, haras qui se retirent l'hiver en vng lieu dit, & plus prochain : du nombre on n'en peut dire, sinon qu'il est merueilleusement grand & ceus qui les gardent ont pour jour chascun de trois a 4 aspres. Ils sont appellés *Ciongililar*, & leur superintendant petit *Ciongilibassi*, a 15 aspres, & y en a vng en chascun quartier selon le nombre. Il y a aussi grand nombre de ceus qui pensent des Cameaus & s'appellent *Denegi* ou *Denegilar* de *deneh*, qui veut dire vng Cameau, ausquels Cameaus pour continu & accoustumé trauail, & petite ou plustost nulle despenſe, les Turcs ont tout le nerf de leurs expeditions portant viures, finances, armures, metal, pieces pour fonder en artillerie en lieu opportun, pauillons grans, & autres telles choses necessaires en camp. Deus Cameaus sont quasi autant comme trois mullets, & seront lesdits Cameaus sans boire trois jours, s'il est besoing : mais qu'ils rencontrent de la verdure, ou chardons, ou aiant pour jour vn picotin d'orge, qui là en lieu d'auoine se donne aus cheuaus & bestes d'expedition. Le nombre de ces animaux est quasi incredible, tellement qu'en vne longue peregrination le Seigneur aura deus cens mille Cameaus, comme par raport de gens fidesles ay eu, qu'il auoit a l'encontre du Sophi dernièrement, & que Sultan Selim son pere a la journée de Calderandag auoit. Trois Cameaus sont pensés d'un homme : car il ne les faut ne frotter ni estriller, & souuent, voire en huer les laissent coucher dehors : puis quant ils les veulent charger, il suf-

De ses palefreniers & de ceus qui pensent les Cameaus.

De la force des Cameaus,

De leur nourriture.

Le nombre d'iceus quasi incredible.

fist de s'assembler deus ou trois pour apporter la charge aupres de luy, puis il se couche tant qu'on luy ait chargé saditte somme ou charge sur vn bast: puis seul se releue: qui est certes vng secours diuin. Sont tous gens de petit estat, comme gros botuiers, qui les traittent & ont pour jour deus ou trois aspres. deus ou trois chefs sur ceus, selon le nombre, ont 13, 14, 20 aspres: il y a pour tout ce nombre d'escuirie, vng *Arpaemin* maistre des prouisions d'orge, & de foin, qui quant le Seigneur est a repos, n'a charge que de l'escuyrie du Seigneur (car les harats & Cameaus en estent ne coustent rien) d'y pouruoir d'auoir tousiours bonnes prouisions de foins, pailles brisées, & orges ou auoynes. Mais quant on va en guerre il faut qu'il donne ordre pour le camp, qu'on y ait tousiours marché desdits viures a cheuaus pour ledit camp: & pour ce faire ha en sa compagnée deus cens hommes, plus que moins, a luy aider, & se nomment *Arpagilar*, qui sont tous païés du Seigneur, l'un plus, l'autre moins de 6 a 8 aspres: luy il a 60 aspres. L'escriuain ou cil qui tient les comptes 20. Le *Cahaia* ou contrerolleur 30. car cela est par tout general, qu'il n'y a office qui tienne compte de mise & recepte ou de gens (soit que se soit) qu'il n'y ait aussi Escriuain & Contrerolleur sur tous ces affaires d'une si grand Escuyrie y a vng *Imbrahorbaşı*, ou vng grand Escuyer & vn petit, ou *Cochiuc imbra horbaşı* qui gouernent & disposent des affaires des Escuyries, & font deliurer les orges & foin par temps prefix, non seulement a ceus du Seigneur, mais aussi a ceus qui ont cheual a court, com-

Receueurs & contrerolleurs.



me gens priuilegiés, amis, Capitaines, forains & Ambassadeurs. & pour ainsi distribuer ont aussi soubz eus *Iazgis* & *cahaias* Escriuains & Contrerolleurs. Le grand *Imbrahorbassi* ha pour jour 500 aspres. le petit 200. Escriuains 30. (*cahaias* 40. Mais deuant que me partir de la maison, & passe-temps que le Prince prend, je veus (pour confirmation de cet argument, & confutation de ceus qui pensent que comme vne beste priuée de tout plaisir, ne se soulcie de faire chose qui soit de passe-temps) reciter qu'il ha en telle reputation ses maistres de Vollerie & Venerie ou Chasse, qu'a eus quasi seuls de tous ses officiers, baille charge de gens a luy fort requis & aimés. Car outre, ce qu'il donne au *Secmenibassi*, ou maistre Veneur, ou des Veneurs, & gouuerneurs de chiens, qui a cent aspres le jour, il luy baille charge & gouuernement de deus cens lanitzaires soubz luy: & au *Tsacregibassi*, maistre Faulconnier, avec son estat de deus cens aspres le jour, donne sept cens lanitzaires soubz luy: qui est argument certain qu'il estime cefdits personages dignes de quelque honneur, pour leurs gros gages & commission. Je veus maintenant dire de la maniere qu'ils ont de nourrir les ieunes gens en Serrail, parce que le principal de tous est dedans le logis du Prince, comme ja ay dit en brie, pour ce qu'au premier liure en ay parlé. Quant par terre, ou par mer en guerre ou hors guerre sont prins quelques Chrestiens, quiconques soient (hors les Armeniens) tous les plus ieunes, beaux & de plus belle apparence pour la force, soient masles ou femelles, sont volontiers

Des gages des  
maistres de la  
vollerie & ve-  
nerie.

Des ieunes gens  
qui sont mis au  
Serrail de Con-  
stantinople.

Ou sont prins  
les ieunes gens  
du Serrail.

présentés au Prince : & si c'est en lieu de là ou il soit absent qu'on les prent, le Bafsia ou Capitaine qui les amaine les fait vestir de foye ou brocat d'or ou d'argent, a la Turquesque, & souuent avec quelque tasse d'or ou d'argët, ou autre chose pour present en la main sont présentés. Et si le Seigneur est present a la bataille mesme, on les luy presente comme on les trouue : lors le seigneur de quelque present ou gouuernement de pais fait recompenser de son costé, selon l'estime qu'il en fait. Et pource qu'il y a pratiquer & gagner avec le Prince, a luy bailler ainsi des Esclauues, il y a beaucoup de marchans gros & riches qui les vont acheter en la Mer noire, de là ou ils ont des Mingrelles, des Cercassi, des Moscouites, des Rouffes, & Lithuains : & selon la grand'excellence & beauté qu'ils ont les presentent pour en auoir double pris, ou faueur a l'aduenant. Le Seigneur les ayant enuoié, toutes les femelles premier au Serreil de Constantinopoli, ou des Sultannes, aus conditions au premier liure deuant escriptes. Les masles les plus beaux il les retirent en son Serrail pres de luy. Les moins beaux, enuoye aus autres lieux comme en Galata, Magnesia, Andrinopoli, Brussia, desquels apres diray. Ceus icy estant renfermés pour cinq ou six, ou sept ans, selon l'age qu'ils y sont mis, & la diligence qu'ils font d'apprendre, cependant on leur presche de leuer le doit, & faire profession de la loy, a la mode qu'ay ditte au commencement de la religion. Ils ont maistres Eunuques, qui leur montrent les lettres Arabiques, dont au jourdhuy, fors une partie d'Europe, tout le monde

De leur instruction en la loy Muhamedique.

de vse: & dauantage la langue Turquesque laquelle s'escriit par caractere Arabique, comme l'Aleman- de par le Latin, ayant beaucoup moins de similitude: car la langue Turque est Tartaresque, qui n'a rien commun avec l'Arabique: puis leurs ayant monstré vn petit de Grammatique, leur font lire & apprendre l'Alcoran par cœur, s'il est possible, affin qu'a tout jamais s'en sentët:& s'ils sont grans, comme d'auoir passé quatorze ou quinze ans, on leur fait apprendre les armes quant & quant: comme de tirer de l'arc, manier la cimenterre ou espée turque: jouer d'vne demie picque, & autres choses a eus vsitées: monter a cheual sans ayde, & puis sans estrier, apprendre a faire tourner court vn cheual, le faire dous au montoir, viste au partir, & autres telles choses a leur mode, jusques a tant qu'ils en sachent assés pour servir, & estre en grace: & lors sont annoblis pour leur vie, exempts de tailles & impots, a gages de 10, 20, & 25 aspres tous les jours, & payés par quartiers tant en paix qu'en guerre, pour tousiours estre prests & legers a partir au besoin de la guerre. Laquelle quant ils ont hanté long temps, & fait bonne preuue, on leur donne quelque place, pour prendre leurs gages, & les fait on Castellans, & d'autres officies a eus vsités. S'il y en a qui ayent esprit de se faire congnoistre, ils peuuent estre les mieus venus du monde, & deuenir gouverneurs de païs & Bassats: car là selon la vertu qu'on voit en l'homme apparente, on juge de Noblesse, & selon la preuue du temps passé se donnent les honneurs. Ceus ici ainsi nourris & an-

De leurs estats  
quand ils sont  
mis hors du Ser-  
rail.

Des ieunes gés  
qui sont au Ser-  
rail de Consta-  
ntinople estant  
hors Galata.

Du serrail de  
Magnesia.

Des enfans de  
ceus qui ont  
esté mis hors  
du Serrail.

Turcs naturels  
ne sont receus  
au Serrail & la  
raison.

noblis s'appellent *Spachiel* & *Spachi-oglam* & *Ulusagi*,  
desquels plainement dirons, quant nous nombrerons  
les gens de guerre. Il y en a communement a Con-  
stantinople sept ou huit cens, & a vn autre Serrail, qui  
est hors Galata on Pera, y en a six ou sept cens, selon  
l'opportunité des guerres qu'ils fournissent, estants  
nourris en pareille condition que dessus : reste qu'ils  
n'ont pas tant de gratuités comme les autres, a cau-  
se que le Seigneur ne les voit si souuent; & aussi n'ont  
nuls cheuaus pour s'exerciter comme ici. Ils sor-  
tent toutesfois tous d'une mesme dignité, & sont  
nommés enfans du Seigneur : car vrayement ils sont  
ses adoptifs, reste que ceus de Galata ont pour les pre-  
miers ans moins de gages, que ceus qui sont nourris  
a Constantinopoli. Ceus de Magnesia, là ou se te-  
noit Mustaffa premier nay de ce Seigneur, sont du  
tout en pareille condition, reste que quant aus lettres  
sont petit nombre. Les enfans de ces *Spachis* ici pour  
priuilege de leur pere, sont souuent receus ausdites  
institutions, ou pour le moins aus gages de leurs pe-  
res, & en estat, qui est la cause qu'on les nomme *Spa-  
chi-oglam*, c'est a dire enfant de *Spachi* : pource que les  
autres se nommēt *Spachi*. A la reste le Turc pour rien  
ne veut recevoir les enfans d'un Turc naturel, pour  
instituer là dedans, combien qu'il y en a qui luy don-  
neroient tous les ans cinq cens escus, voyre mille:  
pource que sous le priuilege de *Spachi* pourroient fai-  
re grosses traffiques, desquelles auroiēt immunité, au  
grand dommage des impôts & gabelles, & des de-  
niers du Prince, dont il ne veut faire cette ouuerture a  
son

son peuple, ni a homme qui aye grosse richesse, & pouuoir de manier gros deniers, mais en deus ou trois generations se finit ce *Spachi oglam*. Les autres dient qu'il les refuse, a cause qu'il se trouue mieus serui des estrangers ou Chrestiens, que des siens. Et quant a ce qu'on demande pourquoy ils ayment mieus se seruir d'Esclaues & estrangers que de leurs gens, dient vne responce fort Philosophique ou Naturelle, qu'ils sont mieus seruis ainsi: Pource que l'homme est d'une telle nature qu'il connoist mieus le benefice de l'ennemi que de l'ami, & que les Chrestiens qui ont vne horreur grâde des gens diuers de leur loy, & qui a cette raison attendent d'eus estâs en leur puissance, tous les maus, & aduersités du monde, se voyans auoir pour tout ce mallà, tous les biens qu'ils peuuent ici estimer: & pour captiuité liberté, pour seruitude noblesse, & priuilege: & receuoir ce bien de l'ennemy inestimable qui est le Prince, plus grant que n'auroient de l'amy. Pour cela sont contrains d'estre grandement fidelles: dont n'est de memoire d'homme que Chrestien regnié, ainsi nourri, leur aye fait trahison. Mais seruent tous par plus grande fidelité que les autres. Et n'est aucunement vray ce que quelqu'vns dient, que le Turc arme des Chrestiens non regniés: mais bien donne quelque fois a aucun Chrestien quelque charge de Turcs: comme il a fait au Gritti, qui avec ce, auoit vne bande de Chrestiens du costé du Vayuode de Hongrie qui tient les parties du Turc. Ce qui n'est jamais aduenu a autre Chrestien qu'on sache: & encor'c'ettoit son compagnon & quasi pour lors omni-

Pourquoy le Turc se sert plus tost de Chrestiens ou estrangers que de ses gens.

Hibrahim Bassa. potent en Turquie Hibrahim bassa, qui luy donnoit cette charge & non le Seigneur: car il le vouloit faire en partie Vayuode de Boudin ou Hongrie. Il est bien vray qu'il y a quelques canonniers, & en autres offices particuliers, là ou quelques Chrestiens sont mis non en bende, credit ou puissance aucune qui peult nuyre ou ayder. Des autres Serrails, ou bostans ou jardins, il y en a quasi par toutes les bonnes villes, là ou sont mis (non pas pour apprendre lettres ou armes, mais affin de s'exercer en gros & dur labeur) les enfants des Grecs ou *agemoglam* enfans du peuple Chrestien qui sont subgets aus Turcs, sont mis audits jardins pour y estre quelque quatre, cinq, ou six ans a s'endurcir au labeur qu'il faut qu'ils endurent, quant ils sont faicts Ianitzaires.

Des enfants des  
Chrestiens su-  
gets aus Turcs.

Faulte de Io-  
nius.

Et certes, quelque chose qu'en ait escrit Iouius, qu'ils sont mis audits Serrails pour apprendre lettres, le contraire est verité: car si ce n'est quelque grand priuilege & recommandation du maistre, a qui ils aient bien serui jamais ni entrent, sinon pour travailler & labourer lesdits jardins, desquels j'ay dit estre employé le reuenu, au plat du Seigneur. Mais pour en entendre plus aplain, & que tout aussi est plain de fausseté, quant on dit qu'ils Disment les enfants, j'en veus mettre la verité, pour oster la faulse opinion. Le Seigneur ha des gens propres a cest a faire, qui de trois en trois, ou de quatre en quatre ans, selô le besoing de gens s'en vont par les pais de tous Chrestiens sugets au Prince, & vont de village en village, eus ou leur commis, demander au Papas ou prestre Grec, com-

Faulse opinion  
de disme des  
enfants.

bien il ha baptisé d'enfans qui ayent au dessus de douze ou quatorze ans, & au dessous de dix huit ou vingt ans. Alors sur sa teste, & par son papier là ou les escrit, est tenu de respōdre la verité: & s'il y en a quelqu'un qui soit mort, malade ou absent, est tenu par testation le dire. Lors tous ceus d'environ l'edit eage sont assemblés, comme beaus moutons en vng troupeau: alors choisissent, non par disme, comme pensent les scriuains de Disme, mais les plus beaux, forts & roydes qui soiēt entre tous. Et là aduient qu'un poure pere, qui auoit la grace de nature d'auoir les plus beaux & forts enfans du pais, est contraint les perdre a toutes les esclites: car ils ne regardēt pas comment, ni a qui il est, mais qu'il soit bon pour le seruice du Prince, & pour trauailler. Et ne se pourroit aussi aucunement faire ce Dismage, voyant que plusieurs n'en ont point, les autres vng ou deus, les autres plusieurs: dont ne se fait pas la a paye d'argent ou estime, mais cil qui plaist, car autrement jamais n'auroient fait. Lors ayant fait par tout leur cours, en ramentein chascun an d'esclite, quelque dix ou douze mille, a Constantinople, & les distribuent aus Baschiats & gros personages, aus labeurs ayfés, & aus eures publiques ou du Prince. Et qui vit jamais vng pireus cry de gens venans apres leurs enfans qui s'en vont en diuerse loy, & puissance & seruitude, je le vous laisse a penser, car plus hydeus n'ay veu. Eus ainsi distribués, sont laissez là quatre ou cinq ans, selon ce qu'ils ont d'amis qui les font venir apres du Prince, comme pour estre *paliegis* ou porte-

Comme les Turcs prennēt les enfans des Chrestiens tous subiets.

Distribution des enfans.

En quoy ils sont employez.

boys en cuisine, ou *Bostangi* jardinier, ou autre petit office: & n'ont autres gages de leur maistre sinon de beau pain bis, & de l'eau a peine leur saoul. & vne fois l'an vnes meschantes braies, & vng petit roquet de gros drap ou de feutre, des fouliers, vng petit bonnet jaulne aigu, pour monstrier qu'ils sont esclaves du Prince: & sont tenus s'ils font quelque chose, ou s'ils gagnent, d'en apporter l'argent a leur maistre, fust il Baschia: a la reste d'auoir force coups de baston, s'ils ne besongnent bien & diligemment. Ceus qui sont a la ville sous le Capitaine, qui vont deça & delà besogner aûs affaires du Seigneur, ou publiques, comme a seruir Massons, porter terre, pierre, sablon, ont espoir d'estre les premiers en soule. Ces aultres ici plus tard. Leur coucher a tous, est sur la belle dure, pour accoustumer a viure en Camp. La solde là ou premier viennent, est vng aspre le jour, vng & demy, deus & demy, ou trois pour le plus, de quoy ils viuotent & mainent vie de gens de pied. De la reste de leur vie, j'en diray en Camp. C'est assés d'auoir monstrier la continuelle miniere de gens que le Turc ha par ces deus moiens. De nombre constant & certain ils sont 300, ou 350 *Agemoglam* au jardin du Seigneur: dont les quatre vingts ou cent, ont la charge de la fuste du Seigneur, avec la fuitte, & ont pour jour vng aspre & demy, deus au plus. Ils ont par sus eus vng *Bostangibassi*, comme ja ay dit, qui leur ordonne leurs offices, ayant gages de 40 a 60 aspres. En Andrinopoli sont 300 communement aus jardins, a pris, & maistre comme dessus. En Brusse, & en



Magnolia, & quasi entous beaux lieux pour faire jardin, sont 50, 100, 200, selon l'exigence du lieu : a pareil traitement, & maistre que dessus. Par tel nombre qu'au rapport du *Bostangi Lazgisi*, ou du Contrerolleur des jardiniers, doiuent estre plus de quatre mil en tout, pour le fin moins. Il y ha a Constantinopoli vn *Aga Agemoglam* capitaine de 5 a 6, ou 7000 de ces compagnons, selon le besoing qu'on a de les tenir a l'affaire du Prince: icellui a charge de les renclore par bandes en leur lieu : & au matin de les enuoier par compagnies, de deus cens, trois cens plus ou moins aus affaires qu'on en a aus naues ou galleres, ou aus journées & gages, de particuliers, là ou ils vont a journée, & reçoit pour eus, cestui là qui les commande pour son maistre. Il a chascun jour dix mille aspres pour les entretenir & payer, & les vest moyennant quelque argent d'auantage, deus fois l'an, de gros drap bleu de Salonique: puy a peu a peu selon leur diligence, les fait monter a aller seruir les bandes des *Lanitzaires* grands pour apprendre la traffique des armes parmi eus. Les gages, dudit *Aga* ou Capitaine sont 60 aspres. Cette menuë canaille icy, quelque fois se leue contre la ville, si bien qu'on est contraint se garder la maison ferrée, de peur qu'ils ne volent les maisons: tellement qu'a nostre arriuer a Constantinopoli auoient voulu saccager les Chrestiens & Iuifz, & vne partie des Turcs, durant que le Seigneur estoit absent en Bagdet, contre le *Sophi*: si bien qu'ils tuerent leur Capitaine, & autres plusieurs gros personnages, pource qu'a cause qu'ils sont Esclaves

Du capitaine  
de ces enfans.

Mutinerie faitte  
par eus, &  
ce qu'il en ad-  
uint.

du Prince, personne ne leur ose toucher, & ont la liberté des armes, d'arcs & fleches, & ceus qui n'en auoiēt, en alloient voller aus boutiques. Dont au retour du Prince, en furent jettés en la mer enuiron cent cinquante de nuit. & fut ordonné que la nuit seroient enserrez comme moutons, & iroient par petites bandes aus affaires destinées. Comme aussi parauant auoit fait Hibrain Bassia aus Ianitzaires: qui pour vne sedition, & autres maus qu'ils faisoient de nuit, les feist tous renclore en vne grande maison pres la Mesge-da, de Sultan Selim: là ou faut que tous la nuit se trouvent sans legitime empeschement, ou sans estre mariés & residens, sur peine de priuation de leurs gages. Congneus ces compagnons icy, & leur education, il faut venir a assembler le Camp, si toutesfois nous auons premier dit, ce qu'en guerre & hors guerre est commun: Les seigneurs Turcs, d'une grande & plus que hannibalique industrie a conquerir, & a tous autres supérieure en garder ce qu'ils ont conquis, ont tousiours des gardes de frontieres, & protecteurs ou augmentateurs des limites conquis, lesquels offices ils commettent a pauvres Capitaines, pour auoir occasion & cause de s'enrichir sur les ennemis: & sont communement du nombre de cinquante ou soixante mille hommes exempts de tailles & impôts, qui sans recevoir autres gages que leur conquests, seruent au Prince durant que la guerre n'est pas vniuerselle, en tourmentant l'ennemy. Et quant la guerre se fait, vont en gastant & courant vn jour ou deus deuant l'ost, afin que tout le plat país soit net, ou alors ne

Punition de la-  
nitzaïres.

Gardes de fron-  
tieres.

sont s'euls ou en petit nombre, mais aussi tous les bannis, cassés, & autres larronneaus s'adjoignent avec eus pour la pillerie: qui est vn inestimable secours qui rien ne couste en paix. Ils ne font qu'estre, aus escoutes, sans vexer le voisin, mais durant guerre, jamais n'ont cessé de leur auantager. Ils sont du costé de l'occident, ou Romely ou de Grece, le nombre qu'ay susdit, & se nomment *Aquangu*, ou *Iquingilar*, quiveut dire gasteurs. Du costé du Sophi, ou de Leuant, ou de Natolie ou Asie, il y en a nombre peu moindre qui s'appellent *Curts*, ou *Curilaret*, sont la pluspart montagnois desesperés, des montagnes d'Herminlu ou d'Armenie, entre elle la Mesopotamie, Chorasam, & Perse ou Medie: lesquels Xenophon en l'expedition de Cyrus contre son frere appelloit Charduchi: & sont peuples qui estoient libres, deuant que la pluspart d'eus fussent subjets au Turc. Ils gardent que le Sophi ne descende par deça, premier qu'on y ait donné ordre, en sousténant la force de l'ennemy. A ce dernier voyage du Turc contre le Sophi l'an 1549, lesdits Curts ont esté destruits. Deuant que je d'escriue aulcune chose, je veus icy dire, que tous ceus, qu'icy apres j'escriray, sont payés en guerre & hors guerre, fors les *Asaplar*, qui sont aduenturiers, leués par païs, dont il y en a quelque petit nombre d'ordinaire, les autres incontinent sont renuoyés: & sont de si peu d'estime, que quelque fois ils seruent de pont aus gens de cheual pour passer par les bourbiers, dont essayent le gué. Maintenant pour bien entendre tout leur ordre de guerre, &

Aultres gardes  
de frontieres.

Charduchi.

Aduanturiers.

La gardepre-  
miere du Prin-  
ce appellee So-  
lalar.

Leur nombre.

Leurs gages.

Leurs habits.

n'obmettre rien, je commenceray a descrire l'ordre, lequel tant en chemin comme en pause ou logis, ils tiennent aupres du Prince. Premier le Seigneur pour sa garde a de vieus fouldars, appellez *Solalar*, qui ont esté ja long temps Ianitzaires, & font grandes preuues d'armes, comme d'arc & fleches, cimeterre, hacquebute, laquelle ils laissent quant ils sont *Soulacs*, de peur de l'estonnement du cheual du Prince, & font du nombre quelque fois 200, ou 300, l'autre 400, 800, selon le vouloir du Prince qui augmente ou fait diminuer le nombre a son plaisir. Ils ont chascun de cinq a sept aspres: & ont deus *Solac bassis* ou Capitaine a chascun 3 s, ou 40 aspres, reste que jusques a tant qu'ils soient autorisés, & mis en plus grandes dignités, ils sont tousjours subgets a l'*Agan* ou Capitaine general des Ianitzaires. Outre leurs gages ils ont vne fois du Seigneur vn burc ou haut bonnet a leur mode, fait de fil d'or trait, & vne fois l'an des habillemens: a sçauoir vn saye dit *duliman*, des chemises que tous portent fort longues, & autres besongnes a eus vsitées: & leur est tousjours tenu cet ordinaire, jusque a ce qu'ils soient en plus riche estat, ainsi comme aus Ianitzaires, tous se donnent vne fois l'an des habits, vne robe, des bragueilles, vn couffac ou large ceinture, des souliers propres de Ianitzaires, & vne chemise. En sorte que le Prince donne a trois sortes de gens des habits par leur paureté, aus *Agamoglan*, aus Ianitzaires, & aus *Soulacs*: a d'autres moitié par besoing, moitié par amour: comme aus jeunes enfants & jeunes femmes, tenus aus Serrails: aus

uatre par honneur & richesse. Aus trois premieres bandes de gros drap communement bleu, qui s'appelle de Salonique, pource que les Iuifs qui en grand multitude habitent en Ssalonique le font, dont les Turcs n'ont encor' vsage: aus seconds drap de foye, & deus fois l'an, aus deus Pasques grandes & petites: aus tiers pareillement aus deus Pasques de drap d'or, & font les Baschiats ou mareschaus du regne *Defterdarler*, ou generaus, qui font deus, l'un du costé de la Natolie, l'autre du costé du Romly ou Grece. Les *Beckerbey*, gouuerneurs des Prouinces, qui font sept en nombre, le *Saous bassi* & *Imralemaga*, & quasi tous hommes de grosse charge: ont lesdits vestemens. Mais de ces vestemens retournons a propos. Ces *Sou-lachs*, lesquels auons dit estre la garde premiere du Prince, ont pour office, quant il est sur les champs, de garder qu'il n'y ait homme sinon appelé, qui parle ou approche du Prince, fors le Baschia Visir, qui souuent en allant, va coste a coste de luy: & quant il passe quelques eaus a cheual, ils sont tous jours coste a coste & si elle est profonde, ils se mettent a nager aupres de luy, car tous quasi sont faits a nager. Quant est au Camp, ils ont leur pauillon planté par diuers endroits, tout aupres & autour de celui du prince: & combien qu'au reposer les Capigis ou portiers soient gardes, toutes fois ceus icy ont gardes aussi par quartiers ou veillée: & brief sont ceus que le Prince garde au dernier soupir, pour sauuer sa personne: & s'il est de necessité a fuir là où ils sont d'uis, quelque aage qu'ils ayent courans cōme vng cheual. Les prochains a

Drap de Salonique.

Leur office.

Des Ianitzai-  
res.

De leur dimi-  
nution, & la rai-  
son.

De leur armes.

L'eurs gages

pres sont les Ianitzaires, qui ont esté nourris a la mode qu'ay dessus ditte, & sont aujourdhuy de nombre douze mil seulement, combien qu' auparauant de Sultan Selim ils fussent quarante ou cinquante mil. par lequel grand nōbre ont conquesté le monde, ainsi qu'on voit. La cause pourquoy il les diminua ainsi de nombre, en tuant ou faisant jetter en vng sac en l'eau la plus part, est qu'il voyoit qu'ils auoient la puissance de l'empire, & d'y estre qui ils vouloient. Car luy ayant chassé son pere Bayazet, & fait empoisonner, ils l'auoient fait Prince, & aydé a tuer ses freres & parens: a la maniere des anciens routiers des Romains, qui estoient & tuoient leurs Empereurs a leur plaisir, ce qu'ils faisoient, tant par largitions, & qui plus leur donnoit, estoit Empereur. Se voyant donc paisible iceluy Selim, & qu'il estoit paruenue a ce bien par lesdits Ianitzaires, qui auoient le pouuoir, ayans esté payés, de luy iouer le mesme tour, qu'ils auoient fait a son pere, & a beaucoup, de ses predecesseurs, & aussi qu'il auoit cela de coustume, qu'il inuitoit & incitoit les trahistres plus que homme du monde, & incontinent apres en deueschoit le pais: ainsi feist donc des Ianitzaires, qui de quarante mille ou plus, aujourdhuy ne sont que douze a treze mille, gens fort vaillans, & exercés a labeur, sobriété & obedience. Leurs armes sont arcs, cimeterre, & harquebouse a long tuyau, desquelles scauent diuinement vser. ce sont tous gens de pied, se tenans pres de la personne du Prince, pour a l'arriere garde conuenir. Leurs gages sont aspres & demy, deus, trois, 4, 5, 6 aspres & demy. pour le plus.

Ils ont Capitaines, diziniers, centeniers: & le capitaine general, qui se nomme *Iamizari aga*. Le dizenier se nomme *Odabassi*, quasi maistre d'une chambre: car de dix en dix ils font une bande & une table ensemble. Là ou il y en a vng d'eux qui apprend & qui sert de vallet & de chambriere, & maistre d'hostel, comme ja ay dit. L'office de ce chef, ou *Odabassi* est de regarder qu'il n'y en aye pas vng qui faille au giste qu'il enuoye, quant ils sont aupres des villes (car ja mais ne paussent ou cāpent dedans les villes) que deus de la bande pour le plus, pour apporter viures, sinon que quelque vrgente necessité y feust, ou affaires particulieres. Lors les vngs retournés, les autres y vont. Davantage, le chef garde qu'ils ne prennent aucune-  
ment querelle entr'eux, & qu'ils ne desroben rien, car ce sont les deus choses les plus aigrement punies, qui soient entr'eux: que s'il y a quelque querelle entr'eux, ou quelque injure, baterie, ou larrecin fait a quelque pauvre homme, & le dizenier ne la punisse, premier qu'elle apparaisse au centenier, dit *Iaiabassi*, *Odabassi*, ou dizenier en portela peine, s'il ne donne juste & peremptoire excuse: voire, y eust il cas qui meritaist la mort, il la porte. Car alors le centenier va a *Taga* ou capitaine general d'iceux, & luy communique le fait: costuy cy au Bassa: le Bassa au Prince; si la chose le merite: ainsi est gardé vn ordre le plus diuin du monde. Car pour le premier ils sont sobres merueilleusement, & en nourrisés vingt, de quoy vous ne contentez pas quatre des plus sobres & meins yvrognes & courrouchez de *Taga*. Pour le second, ils ne

Leurs Capitaines.

Des crimes plus griement punis entr'eux.

De leur sobriete.

De leur viande  
de pouldre de  
chair seichée.

boyuent point de vin, en Camp principalement, au danger de cinquante coups de baston pour vne fois: & n'ont autre chose qu'un peu de ris cuit, avec vn petit de poudre de chair seichée au Soleil. Laquelle se nomme Pastruma, quant principalement ne s'en trouue de freche, & pour boire, de belle eau. Et pour la grand'obedience ne verrés là les regnieurs de Dieu, vaillans au village: & qui tuent tout sur le bon homme, & au surplus monstres de tallons en guerre. Car là les Souldars obeissent aus Capitaines inferieurs, ceus icy aus superieurs. Le contraire est en beaucoup de lieux. Les Capitaines disent estre subgets aus Souldarts, & ne cherchent par plus que trop conneüe & dommageable experience, qu'occasion d'aller, faignant venger l'injure de quelque querelleus, destuire quelque pauvre village, bourg ou metairie: si bien que l'ennemy ne sçauroit a grand'peine auoir pensé les maus qui se font par faute de laditte obedience & sobrieté: mais de cecy j'en laisse parler a la clameur populaire, & lieux destruits: & au parauant pauvres Capitaines, plus enrichis en leur païsen demy an robant le peuple, que jamais tous ceus de leur race n'en gaignerent sur les ennemis. Mais pourtant que les pauvres Ianitzaires n'ont pas grans gages, ni autre que pour auoir du pain, le Prince leur baille a dix vng Cheual, pour porter vn sac de viures, & a vint vn Cameau pour porter vn pauillon & de petistapis, pour dormir dessus. Leurs Capitaines, seuls entr'eus sont a cheual. Le dizénier ayant dix ou douze aspres le jour. Le centenier ayant qua-

De ce qui leur  
est baillé oultre  
leurs gages.



quarante aspres. Le Capitaine general a l'an sept mille ducats de *timar*, c'est a dire rente, qui se prend a fonds de terre en diuers lieux, sans venir d'argent, ou trezor du Prince. Il a dauantage dix mille aspres pour faire quelques banquets ausdits Janitzairez, qui quelques fois la semaine se trouuent a son logis faisant la court, & ce font principalement en temps de paix, le Seigneur estant a Constantinople. Leur habit ne differe des *Soulachlar* que de bonnet seulement: car les *Soulachs* ont leur bourc droit en amont, avec vne belle plume droite, quasi semblable a vne queue d'aigrette, & est boutée en vn fourreau d'argent d'oré, deuant le front, le tout allant en haut en pointe.

Des gages du capitaine.

De leur habit.

Dauantage il est de fil d'or, & celluy des Janitzairez n'est que de feutre gros, & fait a la forme d'un seau, puis rabatue vne grand queue par derriere, proprement a la mode d'un chaperon Parisien, hors la couleur qui est blanche, & quant elle est sale, se reblanchist d'un papin blanc, qui tient comme forte colle. Je ne veus en ce lieu obmettre vne grande gratuité qui du Prince Turc est faite a ces compagnons icy, & est, qu'eus estans mariés, & ayans enfans, quant ils viennent a la paye, les voyant & estant bien informé leur Capitaine, on croist leur paye pour leursdits enfans vn aspre le jour, jusque a ce qu'il puisse estre mis en lieu de gagner sa vie. Quât ils ont bien long temps serui en guerre, & que l'age les garde de continuer, on les met en quelque garnison, ou en quelque village, là ou ils prennent quelques gages assés pour viure. Le pareil est fait quant par faute de grace font

Laquais du  
Prince.

Des gens de  
cheval du Prin-  
ce.

Des gages des  
Spachis ou ieun-  
es gés du Ser-  
rail.

Des nommés  
Seliçalar.

caffés, & cela soit des Ianitzaires & gens de pied. Lesquels pietons, sont seulement ceus icy, & les *Sou-lachs* avec quelque dix mille *Afaplar*. Je ne veus point icy reciter vng quatre vingts ou cent Laquais, & excellans coureurs qui sont autour du Prince, car ils seruēt plustost a plaisir de course, qu'a vtilité de guerre : & outre veus aduertir, que ce que j'escri icy est ordinaire de la maison du Prince : car les Capitaines generaus des diuers pais, en ont sur eus encor' grand nombre : ce que je diray en son lieu. Maintenant il faut parler des gens de cheual. Ils sont d'ordinaire a la court du Prince trois mille *Spachis* ou *Spachi oglam* tous nourris, cōme dessus ay dit, ou enfans premiers nais d'iceus, ja touteffois idoines a l'office paternel, & extraits de Ianitzaires, qui ont serui cinq ou six ans. Car jamais autrement le Turc ne permet aucun jour d'immunité ou noblesse, de quiconque il soit fils (fors la race du Prince, & lignée d'Otomans) jusque a ce que par office & bonne diligence il puisse représenter la personne de son pere, d'effet & non de parole seulement. Leurs gages sont pour le moins de dix aspres, pour le plus de vint & cinq : qui en a dix est tenu d'auoir homme & deus cheuaus en guerre : qui en a quinze, trois cheuaus : qui en a vint, en a quatre, qui vint & cinq, en a cinq pour le plus commun, ainsi que bien souuent pour le fin moins qu'ils puissent estre, sont pour trois mille, six ou neuf mille. Ceus icy portent bandiere blanche, & vont a la main dextre du Prince, ou au costé dextre de l'armée. Il y en a de l'autre costé pareil nombre, de pareille condition,

qui ne different que de nom & de bandiere: leur nom est *Selictarlar*, leur estandart est rouge. Les tiers sont deus mille a l'Arriere-garde de la personne, & sont nommés *Ulusfegilar* Souldats rentés, ayant bandiere mi partie de blanc & rouge, comme pour rejoindre les deus autres bendes. Ceus ici tous sont la tierce garde du Seigneur. Les Souldachlar premiers, & les Ianitzaires sont les seconds, qui a reposteront leurs paillons tout a l'entour de celluy du seigneur, comme pour tierce muraille, les cordes toutes entrelacées ensemble, si bien qu'il ne seroit possible que cheval ne beste peust d'illec approcher.

Del'arriere garde  
de du Prince.

Au tiers lieu sont ceus dont a present j'ay parlé, avec leurs paillons tout entour, fors audevant ou est le Porte-enseigne, & Saous & Capigilar. Les Spachis ont de vingt en vingt vn Capitaine, nommé *Boluc-basî*, qui a pour jour trente aspres. Leur Capitaine quise nomme *Spachiaga* a le jour quatre ducats: l'Escrivain & Contrerolleur l'un quarante, l'autre cent aspres: & comme j'ay dit au commencement, il n'y a si petite bande qui n'ait son *Iazgi* ou Escrivain, & son *Cahaiia*, que j'appellerois volontiers Sergeant de bande entre ceus icy, sinon qu'il a beaucoup plus d'affaires. Le Capitaine des *Selictarlar*, appelé *Selictarbasî* ou *Selictaraga* a deus ceus cinquante aspres, ou cinq ducats pour jour, *Iazgi* & *Cahaiia* ou *Protogero* comme dessus. Les *Ulusfagiaga*, qui sont deus a chascun millier d'hommes, ont chascun cent cinquante aspres. Entre les *Ulusfegilar* ici y a quelques vns qui n'ont pas esté nourris au Serrail avec les Spa-

Du Capitaine  
des Spachis, &  
autres offices  
entr'eux.

Du Capitaine  
de *Selictarlar*.

Du capitaine  
l'arriere garde  
du Prince.

chis, mais ont fait longue preuue avec les *Caripoglam*,  
 Des *Caripoglā*. desquels apres diray, puis ont esté mis en cette bande  
 pres du Prince. Ils sont enuiron des mille de *Caripoglā*,  
 qui sont pauues compagnons, ainsi que sonne le  
 mot *Carip*, qui par habilité & bon seruice ont esté es-  
 leus d'entre les *Aquangis* ou *Curts*, ou autres bandes  
 d'*Asappi*, & mis en cette multitude, par preuue de  
 bien manier les armes & vn cheual, pour faire tourner  
 & courir par grande dexterité. Ces deniers icy suy-  
 uent a l'Arriere-garde. Les armes dont vsent tou-  
 Les armes des- dittes bandes.  
 tes ces quatre bandes, sont l'arc, la cimenterre avec la  
 rondelle, certaines demis picques, & quelque Spon-  
 tons. Le Prince fait porter des armures pour vn  
 quarante ou cinquante mille hommes, qu'il ne baille  
 sinon a quelques vns des plus dextres, qui inconti-  
 nant qu'ils en ont fait, les rapportent a l'armurier, &  
 encor' ne sont autres que cuiraces, ou chemises de  
 maille, & morions ou salades, la reste du corps nud,  
 pour la debilité de leurs cheuaus. Ils sont tous grans  
 & seurs archers, si bien que beaucoup d'eus tirent  
 deux ou trois fleches tout d'un coup: dont y a vne  
 De leur dexte- rité a tirer de l'arc.  
 grad' multitude & suite d'*Ocgilar* faiseurs de fleches  
 & de *Iaygilar* ou Archers. i Voila ce qui est ordina-  
 re enuiron le Prince. Dont deuant que d'aller loing  
 en Camp, il nous faut sçauoir que les gouverneurs  
 Des gouver- neurs de pro- uinces nommés  
 Beclerbeis. des Prouinces, qui s'appellent *Beclerber*, ou *Beclerbey*,  
 ou *Bassalar*, ont chascun vn nombre des gens, que ja  
 auons nombré, asçauoir de Ianitzaires & Spachis:  
 car ce sont les deus plus fortes pieces de leur guerre,  
 & que soutient sous le nom seul de Ianitzaires, se con-  
 tient

tient le Soulach, & Aſap, s'il eſt hacquebutier, comme ſoubs le Spachi, le Seliſtar, Vlufagi, Catipoglam, & toutes gents de cheual.

Parquoy, pour entendre le grand apareil qui ſe peut faire en vng camp Turc, extreme, nous dirons ſeulement les noms deſdits *Becler beylar*, pour ſçauoir combien chaſcun ha de gens en ſe charge : & par apres, au lieu du reuenu, les repeterons, pour ſçauoir le nombre des Capitaines ou *Sangeachi*, qui ſont ſoubs eus : & generally l'incredible puiffance.

Ce ſera a preſent aſſés, de peur de ſortir de propos, dire qu'ils ſont ſept *Beclerbei*, vng en la Romly ou Grece, & de toute la partie d'Europe qui eſt ſubgette au Turc, qui a ſoubs luy trente mille Spachis, a 200 ducats l'an pour chaſcun. En outre vingt mille de plus pauures, qui ont moins de cent ducats par an : ce qui ſe prend des deniers & impoſts faits ſur les villages, là où ils ont leur aſſignation par leurs Capitaines : & tous ceus icy qui ne ſont plus a la court du Prince, mais ont leurs rentes ou gages ſur le bon homme, s'appellent *Timarli*, comme de rente fonſiere ou vſufructiere : car *Timar* c'eſt fruit. Du coſté de l'Asie & de l'Aſſrique, y en ha ſept. Le premier ſe nomme *Natolianum Beclerbec*, & ha dix mille Spachis. Cil de *Caraman*, jadis nommée *Cilicia*, cinq mille Spachis. Celluy d'*Amandole* ou de l'*Armenie*, ſept mille Spachis : & peut leuer des *Curts* comme ay ſuſdit, juſques a 30000. Celluy de la *Mefopotamia* ou de *Merdin*, dix mille. De *Dafmaſcho* 20000 Spachioglam. Du *Cayre*, dit *Miſſir*

Du gouuerneur de toute l'Eurepe qui eſt ſubiet au Turc.

Des autres gouuerneurs du coſté de l'Asie & Aſſrique.

Le nombre de  
l'armée du Prin-  
ce.

ou Egypte, seze mille *Spachis*, & trente mille Iani-  
tzairez, pour ce que le peuple est là fort subget a re-  
uolte, comme par apres diray. Dont tout le nombre  
a prendre par simple & comptant, tant la maison du  
Prince, comme la charge desdits Beclerbeylar, fait  
deus cents mil dix huit cents hommes : entre lesquels  
je compte dauantage soixante mille Acangis, &  
trente mille Curts seulement, lesquels en ce nombre  
ne coustent rien au Prince : & en guerre viuient sur le  
bon homme. Mais si nous voulons prendre a la  
verité, comme il est, qu'il n'y a Spachi qui ne doie  
auoir autant de cheuaus & d'hommes en guerre,  
comme il ha de fois cinq ou six aspres a despendre,  
nous trouuerons le nombre triple pour le moins, qui  
feront plus de cinq cents milles hommes : car je lais-  
se les Ianitzaires & Capigi a part, pour ce qu'ils  
sont personnes seules & pauvres. Dont pour vser  
de multitude grande, ne luy est ja besoing d'auoir vng  
païs de gens pour secourir l'autre : en ayant en si gran-  
de abondance d'ordinaires. Si donc il fait la guerre du  
costé de l'Asie ou Natolie, il fait marcher deuant quel-  
que temps ceus qui sont du costé mesmes de Natolie :  
comme contre le Sophi, Tartares, ou autre : il baille  
l'Auant-garde des gents de ce costé là pour faire l'A-  
uant-garde, & leur donne Capitaine general, ou vn  
Bassa, ou vng desdits Beclerbeis, dont ay parlé. Telle-  
ment qu'il fait & situe ses Garnisons ou Arrierebans  
des proches voyzins dont doubte auoir guerre : qui est  
grand secours pour ses gens de guerre de les deliurer  
de grandes & longues cheuauchées. Si c'est Rom-

La conduite des  
gens du Prince  
en fait de guer-  
re.

ly ou en l'Europe, ceus de ce costé de deça aussi doi-  
 uen preceder, comme ayant les chemins mieus con-  
 gnus avec les ennemis, & leur chef est volontiers le  
 Beclerby de la Romeli ou vn Bassa tel qu'il plaist au  
 Prince : & estant ainsi l' Auant-garde de ceus du país,  
 le Seigneur garde l' Arriere-garde avec lui, pour se-  
 cours s'il aduient mal a la pointe ou aus ailes : & alors  
 enuoie ceus l'autre país : & s'il est besoing lui & sa gar-  
 de si met là ou ce fait le plus fort de la Guerre. Que s'il  
 aduenoit qu'il perdist tout ce nombre, qui est quasi  
 impossible, il ha encor pour recours, ce que les Prin-  
 ces de deça ont pour principal & entier, de leuer &  
 Souldoyer gents extraordinaires. Car morts tous ses  
 gents, tous leurs gages reuiennent en ses mains, tant  
 de Tímarly, comme des gages en argent de sa mai-  
 son. Il nous reste a cette heure de mettre de la suite :  
 puy's apres nous parlerons des estats & gouuernem-  
 ents du país, & des finances.

Ils sont quelque seze mille *Sarrachile*, ou Selliers & faiseurs de mors de brides, & autres acoustremens pour cheuaus, qui ont chascun de six a dix aspres le jour, pour estre subget's a suyuir le Camp par tout là ou il va, a leurs despens : & pour cela sont payés au-  
 tant en Guerre que hors Guerre. *Hebegilar*, ou Ar-  
 muriers, sont seulemēt du nombre de 150 hommes a ferrer & porter les arnois sur les chameaus, & a les li-  
 urer & receuoir entre ceus a qui on les preste en ne-  
 cessité, cōme ai fúsdit : car les Turcs communemēt en guerre ne se confient ni vsent d'armes, mais seule-  
 ment de vifesse de cheuaus, ou d'afsiduité de che-

De la suite de  
 l'armée du Prin-  
 ce : & premiere-  
 mēt des Selliers.

Des armuriers.

Les soldats ha-  
zardeus.

miner sans repos, & de multitude tolerance & sobriété. Ceus qui communement vsent de ces armures, sont appellés *Delilar*, fols, ou *Behadur*, vaillants, qui s'assemblent deus ou trois cents, plus ou moins, pour aller descouurir & espier au Camp des ennemis, & autres affaires hazardeus: comme embusches, escarmouches, ou autres dangers : & s'appellent *Dely* pour ce qu'ils s'en vont mettre tout de gré, & sans peur, au manifeste peril de mort. & *Behadur* vaillans, pource que s'ils en rechapent, ils sont estimés gens de bien, & mis en grant honneur & solde : & pour cela portent vn habit tout different des aultres : assauoir vn grand chapeau de la forme d'un boyceau, pendant jusque sur les espaules, couuert de plumes, ou de deus ailes d'Aigle, & ont des esperons long d'un pié, a la Hongre, vne peau de Lyon, ou de Leopard, sur les espaulles, & principalement ceus qui ont tué quelqu'un ou quelques vngs dans le Camp de l'ennemy. & quant tout est dit, ils sont plus dignes & donnent plus d'argument du premier nom *Dely* (pour lequel toutesfois tueroient vn homme) que de vaillance.

Aussi jamais ne viennent en plus grâde dignité, pour la debilité de leur cerueau : mais leur est bien donné quelque trois cents ou plus Sultains ou Ducats par an, pour exercer les pauvres a hardiesse. Des autres qui vsent d'armes, n'y a guere que les premiers de chascune bande, hors les Ianitzaires, qui jamais n'en vsent, je dy que le Prince leur baille. Et incontinent apres le choc donné, quia bien fait son deuoir, est creu en solde : & qui mal, a la teste tranchée : pource

Les merites &  
peines des sol-  
dats.



que peine & profit, honte & honneur, sont les deux ailes de vertu. L'une la fait croître par force, l'autre incite la personne ja fondée. Et y a bien plus, que quant la pointe des Aquengis, ou Curts, & des Asaplar ou Aduanturiers est rompue a peu de perte, & pour leur donner courage, sont tués des leur quant ils retournent en derriere sans raison : & pour cette crainte meurent en gens de bien. Les susdits armuriers qui m'ont mis en ce propos, ont chascun de sept a huit aspres. Leur *Hebegibassi* ou Capitaine soixante. Leur *Iazgi* & *Cahain*, chascun trente. Ils sont environ deux cents bombardiers & canonniers & fondeurs d'artillerie, chascun a de quinze a trente aspres, & plus, selon leur merite. Car les Turcs ont cela, que pour bien recompenser vn bon ouurier d'vn art, jamais, ou peu de fois (& ce seulement quant l'eage ou empeschement le garde d'vser de son dit art) ne l'ostent de son office, pour le mettre en vn autre plus honorable, comme de pallefrenier le faire Prestre, Chanoine, Abbé &c. Mais luy continuant l'art, qui l'a mis en honneur, luy donnent autant qu'il merite, qui possible est (plus qu'a vn Capitaine ou hōme d'honneur) plus grand. Le Turc a de coustume, quant il va en longue & difficile expedition, & là ou par la difficulté des chemins le lieu est malaisé pour tirer l'artillerie, de la faire porter en pieces, comme ay susdit, en parlant des chameaus qui la portent: puis pres les limites de l'ennemy, ou apres auoir passé le mauvais chemin, la fait fondre. La pluspart de ces bombardiers icy sont ponentins ou Occidentaux, a scauoir,

Les gages des  
Armuriers.

Maniere de por-  
ter artillerie.

Des gages de  
leur chef.

Des chartiers  
de l'artillerie.

Des Tabourins  
& sifres.

François, Italiens, Espagnols, Allemans, Hongres regniés & Chrestiens. Ils ont aussi leur *Topgi basfi* ou chef, qui ha 60 aspres les jour. l'Escriuain & Contrerolleur, comme dessus. Ils se nomment en Turc *Topgilar*, & leur chef *Topgibasfi*. *Arabagiler*, charetiers d'artillerie & gros bagage, comme de bois pour les ponts, sont trois mille, ayans de six a huit aspres. Leur chef *Arabagibasfi* 40 *Maeterler* tabourins, & *Zurnalar*, sifres ou haubois desquels ils vsent en guerre, deus cens ou deus cinquante, chascun a de quatre a cinq aspres. *Maeterbasfi* 30. Ils sont subjets aussi a l'*Imralem aga* ou *Miralemaga*, qui est chef des Bandieres & Porte-enseignes du Camp, & qui est Porte-enseigne de la court, ayant d'estat quatre Sultannins, ou deus cens aspres par jour, qui sont par an mil quatre cent soixante ducats.

De la mode des Tabourins, j'en ay dit aus bâquets, au premier liure. Ils sont deus a deus gros tabourins sans tymbre, fourds, sur lesquels ils frappent par deuant & par derriere: par deuant, d'un baston retors & reuers: par derriere, d'une verge. & tous d'un tel accord, qu'il semble qu'il n'y ait qu'un tabourin a la bande, ou en tout le Camp. Il y en a vn autre, qui a deus tabourins d'airain, faits a la mode de deus petits chaudrons, qui par dessus sont couuers d'airain, & vrayement ce sont les tabourins des anciens Traces. Ces deus petis tabourins, sont sur l'arçon de la selle a chascun costé vng, a la mode de leurs plats, que toutes gens de cheual portent au costé dudit arçon. Cedit petit plat, lequel je ne yeus obmettre, est fait a

la mode d'un cul de pot, couuert d'un couuercle d'argent le pluffouuent : aufsi que communement ledit pot est d'argent, ou de cuyure d'oré pour le moins aus bien pauures. Là dedans toutes gens decheual ont de coustume porter leur chair, vn chappon rousti ou bouilly, ou autre viande, fans ce qu'elle s'esuente ou gaste pour porter : & cela sert, quant on fait long chemin fans repaistre. Dont lefdits petis tabourins font a cette mode, finon qu'ils sont plusgrands & & ronds par en bas. Ils les touchent de petis bastons de bois dur, frappant dru merueilleusement.

Il y a le tiers qui sonne de deus plats d'airain creus, faits a la mode de deus petis bouclers, finon que les anes sont par dehors, & frappent de cela l'un contre l'autre, qui fait vn grand bruit, a cause des larges borts. Ils sont communement deus *Zurnalar* ou challumeleurs qui sonnent comme les haubois de village de deça par mode que là ou nous auons icy a vn tabourin tros personnes, ils en ont communement fix ou sept, deus *Zurna* ou fifres, deus grans tabourins, & les deus autres a nous incongneus avec le platier.

Il est de besoin a ces tabourins d'estre a cheual, s'ils peuuent fors que ceus des Ianitzaires & pietons : car les deus tabourins d'airain ne peuuent estre sonnés, si vn autre que s'il qui les sonne ne les soustient. Il y a da uantage tout cecy, a la maison du Prince seullement ; soixante ou quatre vints *Meeterler* ou estendeurs des pauillons du Prince, tant pour luy comme pour les enfans d'honneur de la maison. Car là il ne souffre qu'il y ait personne de son Camp qui couche fans pa-

Des estendeurs  
des pauillons.

Turcs ne lisent  
& n'apprennent  
les histoires an-  
ciennes.

Observation de  
la discipline mi-  
litaire.

uillon pour deus raisons : l'une est pour y apprendre le  
travail, & coucher sur la dure: L'autre est qu'estât au-  
pres d'une ville, il ne permet que personne y aille  
coucher, de peur de delices & injures, & seditions.  
Et vrayement, combien qu'ils ne sachent par l'hi-  
stoire ancienne (laquelle ils ne reçoivent, lisent ni ap-  
prouvent) que les delices en vn Camp sont la victoire  
pour l'ennemy, tesmoins les Gaulois sous Bren-  
nus, & les Carthaginois sous Hannibal, les Lydiens  
sous Crœsus, & les Romains par force insurperables  
vaincus par les Asiatiques delices, & toutes religions  
par les richesses, sous pretexte de pieté accumulées,  
en ayant eu ruineuses delices. Toutefois si sont ils  
tellement entiers observateurs de la discipline mili-  
taire, que durant qu'on est en Camp, delices ny sont  
permises: que pour ce point là, mesme, si hardi de me-  
ner femme en Camp, ne d'en auoir vsage, sinon qu'-  
on se journe quelque temps en quelque ville avec li-  
cence, car alors il est permis d'y aller, qui y peut auoir  
logis. Je ne veus point icy mettre en Camp les *Za-  
ynogilar* ou artisans, & gens de mestier qui ont ga-  
ges du Prince les vngs, les autres exemptions, les au-  
tres priuileges, car ils sont vn grand & indicible  
nombre, pour toutes necessités, qu'il faut en vn Camp  
lequel je pense auoir assés descrit. Je veus, en peu de  
parolles repetter leur mode de camper, ou mettre  
pauillon.

De leur mode  
de Camper.

Quant a la journée commune des Turcs, ils font  
sept ou huit lieux communes pour le plus: car ils ne  
sont vstés a faire trotter leurs cheuaux, sinon en  
grand

grand besoing, & aussi comme ay ja dit, pourtant qu'ils ne repolent point aus villes communement, ne le Prince, ne les Souldars ou Gensdarmes. Les Maesterler ou Hottagiler dresseurs de pavillons du Prince, s'en vont deuant tousjours demye journée, ou vne journée longue a leur mode, & choyissent tousjours vne belle place, si elle se peut trouuer, au milieu de laquelle premier ils plantent le pavillon du Prince, grand & braue par excellence, accoustre de merueilleusement riches brodures, & couuert d'un autre, si le temps le requiert: puis audit pavillon en est mis & encouplé vn autre, en mode d'une belle allée, au bout duquel est le Diuan ou auditoire tenu par les Baschiats, & Cadilesquers, a la mode qu'ay escrite en la Iustice au premier liure: & ce fait cela, a celle fin qu'on pense que tousjours le Prince y soit escoutant, qui aussi tousjours y peut estre, puis outre ladicte maison ou Diuan, ledit pavillon s'estend en longueur jusques a la porte de l'Auant-garde: lors essendent vn grant enclos tout a l'entour, en forme ouale, d'une toille haute & drecée a estançons & attaches, si bien qu'il semble estre les murailles de la plus belle ville du monde, faite en vne heure. A la partie gauche dans ledit mur, est mis assés pres de la porte de l'Auant-garde le pavillon, pour descharger le tresor. A la dextre sont 3 ou 4 pavillons pour les officiers & gens de chambre, qui ont leurs offices dehors a la gauche. Puis a l'Arriere-garde, ou porte de derriere, est vn autre pavillon pour le Guet. le tout du pavillon du

Du pavillon du Prince.

Du Diuan ou auditoire.

Des aultres pavillons de la suite du Prince.

Prince, & pour auoir loysir de drece ceſt apareil, le Prince ha touſjours deus pareils pauillons, l'vn là ou il eſt, l'autre là ou on appareille, ainſi qu'ont auſſi les Baſchiats & gros perſonnages qui ont dequoy. Ledit pauillon du Prince planté, & luy venu, incontinent les Soulacs, ou première-garde, ſelon l'ordre a eus donné, ſe mettent a l'entour en pauillons tous ouuers dehors, & par eſpace eſgal. Apres incontinent ſont les Ianitzaires auec leurs pauillons ou tentes toutes entrelacées & encordées, ſi bien que beſte ne gent a grand peine pourroit approcher du pauillon dudit Seigneur, ſans rompre leſdits cordes, ou les pauillons. Au tiers lieu ſont les Spachi gents de cheual, a la mode qu'ay ſuſditte. Les Spachilar a la dextre: les Seliſtar a ſeñeſtre. Les Vlufegis a l'Arriere-garde en leurs pauillons 20 a 20, auec leur Bolucbaſſi ou vingtenier: & ont des allées par dehors, pour tenir les cheuaus. Pour Auant-garde, ſont les Sſaous, Capi-gilar, & le Imralemaga, auec pareilles allées, jointes a leurs tantes, pour mettre les cheuaus de la maiſon du Prince, & les leur, ſi bien en ordre & beau a voir, que cela ſemble quaſi vne ville cheminante, & qu'iva de lieu en autre. La reſte de l'armée, comme l'artillerie, ſe tient a l'Arriere-garde, & aus ailes. apres eſt le bagage entremeſlé. Si le Baſchia, ou quiconque a la charge del' Auant-garde, eſt en vne meſme bande, il plante ſon pauillon vis a vis de cel de Zimralen aga, & ſes capitaines ſubgets au tour de luy, quaſi comme au Prince, reſte qu'il n'y a point de mur a l'entour. L'arriere-garde en ſon lieu fait le pareil, en telle ſorte

toutesfois que quant ce vient a donner sur l'ennemy il a tousjours gauche & droite aile auancée plus que le milieu ou Arriere-garde: dont on dit que leurs armées sont faictes en forme de croissant, pour l'espefseur du milieu, & l'Arriere-garde, & pour les deus ailes s'auançant en auant. Voila de leur maniere de pauser & garder forme.

J'ay delibere de ne parler plus de leur equité de viure sur le bon homme, fors qu'aus Aquangis & Curts, ausquels est permis. Car il seroit odieus a nos insolents de deça a ouïr, qu'un euf prins sans paier, fist donner cinquante coups de baston, s'il est congny du Capitaine: le couple cent. auoir desrobé chose qui ne sert a viure, comme nous gens de deça, qui desrobent le cheual au bon homme, pour emporter ses mesmes robes, besongnes, draps de liç, & autres choses icy accoustumées, pour le moindre acte de tous on est pendu, empallé, ou decollé, sinon que vous le prenés sur les ennemis. Mais j'ay assés conduit le Camp, tandis qu'il s'en va faire la guerre a quelqu'un.

De la punition  
des soldatz vi-  
uans sur le bon  
homme.

Nous dirons de la commune puissance qui sert a Paix & guerre au Prince, & a son País, puis apres diligente examination de leurs faits, verrôs de quel art ils vsent vers l'ennemi. A l'occasion de la iustice qu'ils administrent par sentence diffinitive, j'ay ja parlé des Baschiats, & ay dit qu'ils sont communément quatre ala court qui outre l'office du Diuan, qui est principale-  
mēt du Visir ou majeur Baschia, ont les gouuernemēs des prouinces & armées, tant par mer que par terre, se-

lon que le Prince leur veult bailler. Mais en recitant ceus qui sont aujourd'huy, me semble que je donneray assés a cognoistre par quelle grace ou mode ils viennent en cet office. Aujourd'huy le Visir ou majeur des trois qu'ils sont, est Aias Bassa, homme de gros esprit & dur, qui est natif de Sinito en Albanie: lequel office luy fut donné le lendemain du soir que Hibraim Bassa fut fait tuer par le Prince en son Serail, par la main du Bostangi basir du Setrail de Constantinopoli: & pourtant que j'ay peu à dire de ceuicy, qui jamais encor ne fist rien dont il soit parlé, je veus vng peu reciter en bref la vie & la cause de la mort d'Hibraim. Car l'homme pour son bon esprit le meritoit bien.

Aias Bassa.

De la mort de  
Hibraim Bassa.

Sa natiuite.

Sa condition.

Il estoit natif de Parga, vng village en la Grece, moitié chemin entre Santa Maura & Corphua: la marine: & ayant esté esleu pour *Jamzaros* ou *Agemoglam* du temps de Sultan Selim pere du Seigneur a present, fut donné pour Esclaue a Schender Celeby Defterder de la Natolie, qui pour sa malle ver-sation a esté pendu en Babyloine ou Bagdet, dernie-  
rement par le seigneur Turc l'an 1534 de nostre sa-  
lut. Ce jeune homme icy de bonne grace, & meilleur  
esprit, fut bouté en faueur de ce Prince, des le temps  
qu'il estoit encor Prince en Andrinopoli, & a tous-  
jours si bien maintenu son train & faueur, qu'il a esté  
per & compagnon avec ledit Prince: ce qui est  
merueilleusement entre Turcs dangereux, comme  
la n'en l'a desclaré. Estant ainsi en grace, & ce Prince  
fait Prince, incontinent il vint a calomnier les vieus  
ser-



seruiteurs du pere, comme Pharhat & Pirrhi, & Mustapha Bassa, dont l'un fut tué, l'autre desposé de son office, l'autre en malles grace, & Barberouffe qui de present est Dégghis Bassa, ou Amiral de la mer, a son partir a aller a Tunis fut fort calomnié, & dit qu'il alloit vendre & perdre vne si belle armée, laquelle chose mesme luy dist le Gritti compaignon dudit Bassa: lequel auoit esté cause par sa subtilité, des grosses richesses qu'auoit acquises ledit Abraham, dit Hybrahim, par ce moyen les Grittis, & Aluigi, & Georgio bastards du Prince Andrea Gritti, present duc de Venize, bannis de laditte ville de Venize, pour quelque forfait vers ladite seigneurie, s'en allerent a Constantinople: & comme ils estoient industrieux, & faits a la marchandise, a la mode des Gentils-hommes Venitiens, par premiere diligence trouuerent moyen, principalement le plus grand Georges, de se joindre avec ledit Hybrahim, qui estoit a l'oreille du Prince: par tel moyen que non seulement la familiarité fut avec le Bassa, mais aussi grande avec le Prince: & firent eus deus, le Bassa & Gritti, vn commun accord de toutes marchandises qui viennent de Leuant, comme espiceries, pierreries, musc, soyes, mucaiars ou camelots sans onde, bleds, là ou il y auoit traite, si bien que tout passoit par leurs mains, ou de leurs facteurs, dont fut en moins de six ou sept ans vne richesse inestimable amassée par eus. Puis le Bassa eut & retint vers luy la succession de Crozillon marchand François de Tours, qui valloit deus cens mille ducats du moins, & autres mille choses l'auoient

Barberouffe.

Le bastard de  
Gritti Duc de  
Venize.

Crozillon'mar-  
chât de Tours.

bouté en vne richesse pareille ou superieure au Prince: par telle condition que ja ne se contenoit plus de vulgaires entreprises: mais apres les victoires acquises de son temps, vouloit a l'ancienne mode Romaine

Triomphes de  
Hibrahim Bas-  
sa.

porter les triomphes a Constantinople, comme il fist des statues du Roy Mathias d'Hongrie, qu'il planta au Prodrome ou Hippodrome & stade, dit Atmeidané, qui veut dire, place des cheuaus, lieu vis a vis de son palais, & les dressa a la mode antique, sur vne colonne. Et hors guerre faisoit les plus braues entreprises du monde, comme il fist faire le portail d'oré du Serrail du Seigneur. Les allées avec colonnes de marbre. Le Diuan ou auditoire dudit lieu tout de mesme sa maison, toute a voutes & portails fort braues sur ladicte place ditte Hippodrome: Iardins braues & grans enuiron Constantinopoli, & a Alep, là ou il auoit fait faire vn Serrail, & a Andrinopoli vn autre, & quasi par tout ou s'aymoit en auoit edifié. Dauantage fist refaire les anciens Aqueducs de Nicomedie, & ceus de la Cuaile ville antique, & ceus de Constantinople: & bref il a eue pour sa vertu charge contre le Sophi, & a Belgrade, a Rhodes & autres lieux: & seroit chose longue, de vouloir en peu comprendre ses magnanimes faits: & quelque chose qu'il y eust, tint tousiours la main forte & amytié avec le Gritti, si bien qu'il le vouloit faire en partie Roy ou Vayuode de Boudin ou Hongrie: ce que monstra bien ledit Gritti, en presents infinis de vaisselles d'or & d'argēt données par lesdits Hongres, a luy quasi ja seigneur, qui

Les fortunes du  
Gritti Venitien.

en ce fut soustenu dudit Baschia, jusque a tuer les plus nobles du païs, tant que la reste avec le populaire, se leuerent, & le prindrent luy & son fils qui estoit Euef que de Sybemberg, ou Septemcastra, autrement des sept eglises, en Seruia, lequel le lendemain ils firent decapiter, en presence de son pere : & le jour apres le pere : & ainsi fist le tyran meritée fin : qui seul, comme dessus ay dit, auoit eu entre Chrestiens charge de Turcs & Chrestiens ensemble, sous la solde du Turc contre Chrestiens : & telle fut la fin de cettu ici, que s'il eust vesqu plus longuement, n'en eust eu moins que son compagnon le Baschia. Ledit Bassa aussi entre autres entretint tousjours Schender Celeby son ancien maistre : non qu'il le voulust estre si grand que luy, come d'estre Bassa & Visir, mais l'entretint au maniere des finances, jusque a ce qu'il luy a fallu rendre compte de la vie. Il imitoit du tout, par grans edifices, Serrails, & Iardins la magnificence des plus excellens : ce que je croy qui donna occasion au Prince de s'enquerir d'ou venoient tant de richesses, voyant aussi que la clameur du pauvre peuple en Arabistan, Suristan, & Auandole le condamnoit, pour les grandes pilleries & exactions qu'il faisoit sur ledit pauvre peuple : par tel si, que le plus riche n'auoit pas vn tapis pour pouoir dormir ou se soir : & que les pieds d'arbres tant steriles que fertiles estoient taxés a pris impossible. Et combien que par la diligence eust trouué moyen au Prince d'un million d'or : plus que les autres trésoriers, toutesfoi pour la grande partie qu'il s'en reseruoit, & pour les torts faits au peuple, fut condamné.

La mort de son  
fils Euefque de  
Sybemberg.

La mort du  
Gritti.

Schender Cele-  
by ancien mai-  
stre d'Hibraim  
Bassa.

Condemnation  
d'Hibraim Bas-

a estre pendu & estranglé dans Bagdet, pres Babyloine, au mois de Septembre : & de ce jour là Hybraim Bassa commança a estre caressé du Prince plus que de coustume : en telle sorte qu'il luy donnoit tout ce qu'il vouloit, & alors luy bailla des quatre cents Soulachs de sa garde, les deus cens, en pareil ordre & dignité comme les siens, qui jamais ne le laisserent qu'ils ne l'eussent ramené en Constantinople, là ou luy fut fini sa vie, le 4 Mars 1536. La cause de laquelle mort, entre gens de bon esprit, & qui connoissent l'equité du Seigneur, & l'amour qu'il ha a son peuple, n'a esté trouué autre, sinon qu'il soustenoit ledit Schander Celeby, en vne si grande meschanceté : & estoit dauantage participant au butin : ce qui a esté monstré & confirmé en son maistre d'hostel Cesti Baly, qui de son commandement ou consentement en l'Arabistan faisoit encor plus grand tyrannie a moitié avec son maistre, dont auoit esté comdamné a estre escorché par eguillettes en l'Arabistan, là ou il auoit fait lesdits larrecins, puis estre decapité au Cayre. Mais s'estant excusé par quelque force, je croy, par le commandement de son maistre, fut quitté pour confiscation de biens. Et que le Seigneur soit amateur de Iustice, & punisse les larrons du peuple, il n'est pas apparu seulement par ces trois ici, mais par Cassun Bassa, duquel encor par apres diray quelque chose : lequel a cause qu'il prenoit presens du peuple, estant en l'office de Bassa, a esté cassé de Bassa, & mis Sangeac ou Capitaine de la Morée. Lequel office, combien que d'estime, d'argent & reuenue

Sa mort.

Condemnatio  
de Cesti Bali.

Que le grand  
Turc est ama-  
teur de Iustice.

Condemnatio  
de Cassun Bas-  
sa.

vaille

vaillie estre Bassa, toutesfois il est en honneur trop inférieur, comme de Connestable a simple cheualier. Le pareil aussi monstroit Mustapha Bassa, lequel combien qu'il fust calomnié dudit Hybrahim, toutesfois si estoit il suspect a recevoir presents pour judicature. Voyla dont la cause principale qu'on pense a la verité auoir esté de la mort dudit Hybrahim Bassa: avec ce qu'on dit que Hayradin Bassa Degnis, Amiral dit Barberousse luy nuyfit fort parlant avec le Seigneur pres Adena en Caramanly, quant prinse Minorque se fut saulé, & que le Prince retournoit de l'entreprinse du Sophi: & quels fussent ses propos, je ne sçay: toutesfois quelques vns dient qu'il luy donna a entendre, que ce pendant que le Prince & toute sa force estoit contre le Sophi, que l'Empereur deuoit venir a Constantinopoli apres Tunis, & que pour cela le Bassa luy auoit fait esloigner ses forces: ce qui n'est nullement vray, car l'Empereur n'eust failly a telle entreprise, s'il eust eu telle intelligence. Dont pour donner la chose mieus a congnoistre, je veus mettre icy les causes, qu'on dit ou conjecture auoir esté de sa mort. Les vns dient qu'il s'entendoit avec l'Empereur. Les autres avec le Sophi, & qu'il estoit cause de la guerre par occasion fainte. Les autres que luy se vouloit faire Prince. Aucuns qu'il vouloit faire Mustapha premier nay de ceseigneur Prince, & tuer son pere. Les autres dient qu'il estoit Chrestien secret.

Qu'il ne s'entédist avec l'Empereur, il est manifeste par beaucoup d'argumens, mais principalement par

vng, qui est, Que l'Empereur a eu & perdu la plus belle occasion durant la guerre contre le Sophi, que

Comment l'Empereur perdit l'occasion de recouvrer Constantinopoli.

jamais aura en ce monde Prince, pour recouvrer Constantinopoli: car a chascun branlement de fucil-

le, tout le peuple trembloit, & n'estoient seulement de garde en la ville que les habitans, & dix mille Agemoglam: dont en ayant vne si belle occasion, jamais ne se feust allé amuser a vng More, & a Barberouffe, s'il y eust eu homme si grand que cestuy là qui l'en eust aduerti, & luy eust deu ayder. L'autre est qu'a la verité il haïoit tant a ouyr parler de l'Empereur

L'inimitié d'Hibrahim Bassa contre l'Empereur.

que plusieurs en a fait mourir, pour luy en vouloir tenir propos: entre lesquels estoit Marco de Nicolo, qui auoit esté par deçà: & pour ce qu'il dist avec son message, qu'il vouloit dire de grandes choses de l'Empereur, le fist decapiter: vray est qu'il le fist en partie mourir, pource qu'il estoit courtier d'environ deus.cens mille ducats de marchandise entre ledit Baschia & plusieurs marchants Venitiens & Florentins. Outre que la bonne partie qu'il a tenu & incité luy mesmes de long temps, ne monstre pas qu'il ait voulu entretenir le chaut & le froid: veu qu'il estoit assés puissant pour faire le contraire, s'il eust voulu: ou pour le moins, ne faire le neutre, estoit en sa puissance. Ceus qui dient qu'il se vouloit fere seigneur, l'entendent encor' pire: car inuahir

Qu'il n'a entrepris sur la principauté.

Empire, ne se fait sans menées & faueur gros, & ayde des plus grans & puissans gents, & intelligence de la plus part du païs: or n'a il esté ne soupçonné, ni accusé, ne tué vng autre seul homme, ne

d'estat, ni autre que luy & ledit Schender Celeby, ce qu'il est confute assés. Quant est de ceus qui dient qu'il estoit cause de la guerre & entreprise contre le Sophi, le contraire est la verité. car absent, & ny pensant le Bassa, & estant a Constantinople, commencerent les guerres entre les Sangeach de Diar-bech & de Carahmid, qui sont subgets au Bassa ou Beclerbey d'Auandole, & auoient ja long temps escarmouché contre le Sophi : qui tous les jours, contre le conseil de sa mere Atliathun (ils ont d'eage lui & trois freres tous jeunes, luy qui est aîné se nomme Tachmas, ou Tachmas sach, d'eage de 28 a 30 ans: le suiuant s'appelle Sfam : le tiers Abocherim : le quart Elcass, d'eage de 22 ans ou plus) ne cessoit d'inquieter les Curts ou gardeurs de frontiere de Leuant, par telle maniere qu'il fut force que le Beclerbey de Carmanlu y vint, avec toute sa force.

Qu'il n'a esté cause de la guerre contre le Sophi.

Le nom du Sophi & de ses freres.

Sur ces entreprinſes le Sophi auoit vng general Capitaine, vaillant homme & expert, appellé *Ulamabey*, lequel ayant la charge de la plus part de ses gens du Sophi le laisse & trahist, & s'en vient par grande diligence vers le Turc a Constantinople, luy dire qu'il falloit en brief resister a son maistre le Sophi : & se faisoit fort, mais qu'il eust gens, de desfaire ledit Seigneur : allegant aussi que son dit maistre estant heretique, & ne receuant qu'un de leurs quatre docteurs, & suiuant Haly & non Muhamed, merite extermination & ruyne, aussi bien que les Gaours ou Chrestiens, & qu'en ce il ne faisoit nulle trahison, de se partir d'un meschant homme, pour venir au grand

Trahison d'un des Capitaines du Sophienuers son maistre.

Seigneur, ainsi que veut estre appelé le Turc: aussi joignant que ledit Sophi est virile, & qu'il auoit juré, james ne laisser les Turcs en paix. Par lesquelles choses persuada incontinent l'entreprinse contre son maître, & fut enuoyé Hybrahim Bassa, avec vng Auantgarde de cinquante mille hommes, qui s'en alla passer l'hyuer en Halep, ou Halap, comme ils disent: & congregea là les gents du Beclerbey de Mitzir, de celuy de Damasco, & Horassam ou Mesopotamie, pour attendre si l'ennemy entreprendroit rien. Le seigneur ayant de ce temps là mesmes, signifié au Beclerbey de Romanie qu'il luy amenaist vng quatre vingts mille hommes incontinent sous le Feurier. Partant sa court, & laditte Arriere-garde merueilleusement en ordre, & a grans journées s'en vient avec le Bassa, qui ja estoit a Tauris, avec vng tel Camp qu'on pense qu'il y auoit cinq cens mille hommes du moins, & cent mille Câmeaus, sans le bagage.

Le Sophi abandonne la ville de Tauris.

Le Sophi, venant l'ost, habandonna Tauris sentant l'armée du Bassa: mais apres voulut donner sur ledit Bassa, qui fut cause qu'il fist haster fort le Seigneur, & perdre beaucoup de cheuaus, a cause qu'ils n'auoient pas reposé depuis Constantinopoli, & auoient delibéré de sejourner douze ou quinze jours a Ergisté fort chasteau, & belle planure, que le Bassa auoit ja osté au Sophi, là ou ne furent que deus jours, dont les cheuaus mouroient a force. Le Sophi sentant venir le Turc, il s'en va. Le Seigneur ne laisse point entrer le Camp en Tauris, mais y laisse quarente mille hommes, & la plus grosse de son artillerie, avec for-



ce richesses, & quelque Sultanes, le tout en la charge d'Oulaman, qui estoit cause de cette entreprinse : & suyuant le Sophi a grandes journées, tant qu'un jour l'attraperent si pres, qu'ils eurent vne partie de son bagage. Lors luy comme cauteleus, & en ce ayant l'auantage, commance luy & ses soixante mil hommes, pour le plus, a brusler tous les viures du pais, qui encore commençoit a estre en deserts. Lors furent bien estonnés deus cens mille hommes ou plus, qu'ils estoient, & furent contrains le laisser aller, puis que tousiours vsoit de l'art Fabiane en attendant, & tournerent l'vng d'vng chemin, & luy d'un autre: eus pour aller en Bagdet, & luy pour retourner en Tauris.

L'armée du Sophi de soixante mil hommes.

Les Turcs ce pendant viennent en vne horrible montagne, appelée *Caracandag*, commela montagne du Noir sang, là ou a cause des horribles neges & bourbiers, perdirent plus de cent mille animaux, & cinquante mille hommes, voyre de leur rapport : & furent contrains laisser vne grande partie de leur artillerie cachée dans la nege. Lors le Sophi estant encor' peu loing, & pensant que tous y eussent demouré, & qu'il seroit superieur, retourna de l'autre cousté de la montagne: mais quant il vit qu'ils estoient encor' quasi quatre fois autant cōme luy, les laissa aus deserts qu'ils deuoient passer, & vint reprendre Thebris ou Tauris d'assaut, & fait fuir son trahistre Oulaman en Adilgeaus ou Adigeluis fort chasteau, assis sur le lac de Vastan. Le seigneur va tant que son ost estoit demy mort de faim, qui fut contrainit passer a gué l'Eufратte, en vn lieu là ou il se fend en neuf bras

La perte des Turcs contre le Sophi a cause des neiges.

La reprise de Tauris par le Sophi.

Le grand Turc contrainit a passer a gué l'Euphrates.

ou arenes, là ou il demeura infinies bestes & gens no-  
yés, & le Prince mesme passa a nage sur son cheual,  
gardé par Soulachs nageans. Lors ayans viures,  
furent incontinent en Bagdet pres Babyloine, qui es-  
toit le siege Royal du Sophi, apres Tauris. Les  
clefs luy furent apportées par le Capitaine, trois jours  
par deça: & ne voulut le Turc estre receu en pompe,  
pour la pauureté qui estoit au Camp. Luy ayant  
esté en Babyloine, seulement ceus de la maison avec  
luy, les autres en l'enuiron, de peur d'affamer ou sac-  
cager la ville, apres quelque temps trois ou quatre  
mois, je croy que son capitaine, Oulaman luy escri-  
uit, que Tauris estoit reprise, & qu'il estoit assiegé en  
Adilgeaus, & les eaus couppees, & que sans secours  
plus ne pourroit durer. Lors fut contraint de partir, &  
le venir secourir. Ce que sentant le Sophi, & estant  
riche de la despouille & artillerie de Tauris, l'haban-  
donne, & se retire peu a peu, comme parauant: ayant  
bien grád' affaire, aussi bien que le Turc: tant qu'il fut  
contraint forger de la monnoye de quelque pieces d'-  
Artillerie qu'il feist valloir certain pris, jusque a la  
fin des guerres. Le grand Seigneur ayant repris  
Tauris, ruyna tous les beaux bastiments & Iardins des  
Persiens, saccaga tout, emmena tous les bons esprits a  
Constantinople, & munit les chasteaus qui se pou-  
uoient garder: puis s'en vint. Et retournant, fut attra-  
pée son Arriere-garde par le Sophi, là ou il eut fort  
du pire & grand' perte: si bien que de cinq cens mil  
hommes, n'en reuint de sains que quatre vingts mil-  
le. I'ay bien voulu en bref toucher cette histoire, a

Prinse de Bag-  
det pres Baby-  
loine par le  
grand Turc.

La reprinse de  
Tauris par le  
grand Turc &  
l'euement  
d'icelle.

Perte du grand  
Turc.

celle fin qu'on congnoisse le Bassa duquel je parle, qui jamais n'abandonna la compagnie de son maistre, en tout le voyage, n'auoir nullement esté cause de la perte, ne de l'entreprise contre le Sophi, mais seulement Oulaman: dont s'ensuit aussi n'auoir esté faite ladicte entreprise pour l'amour de l'Empereur.

Or maintenant Oulaman est sain & plain de vie, & en grand honneur & reputation a Constantinople, & l'autre mort: que si le Bassa fust mort pour cette cause, ledit Oulaman n'en fust en mon auis reschappé.

Car prendre la cause seconde, & laisser la première, n'est pas commun aux Turcs, non plus qu'à autres gēs. Le pareil est à répondre à ceus qui dient qu'il vouloit faire le fils Prince, pour le pere, & que par quelque bruit populaire fut dit, que le fils ayât perdu par mort son *Imrahorbassi* ou grand Escuyer, & étant pourueu d'un autre par son pere, luy manda (se confiant de la promesse du Bassa, qui le deuoit faire Prince) qu'il n'estoit plus enfant, & qu'il luy appartenoit bien de se pouruoir luy mesmes d'Officiers: qui seroit autant à dire en leur langue, comme, Tout est ja à moy. Et je vous assure, que qui connoist les meurs des Mahamediques, n'adjousterà pas foy, qu'un Prince moyennant qu'il ait peu, autrement pardonne vne rebellion, à son fils mesmes, & n'en eust il qu'un, là où cestuici, sans Mustapha en a huit autres tous grans, & des filles un grand nombre. Dont n'est à croire qu'il eust seulement tué le Bassa, sans mettre son fils pour le moins en quelque garde plus estroite, que parauant, car il estoit encor' comme en Serrail,

Inobedience  
du fils du grād  
Turc enuers  
son pere.

pour apprendre, a Magnasie, en Natolie:& est fils de famille, combien qu'il est Sangeac, & maistre de ses rentes,& a cette heure est Sangeac de Malatie.

Cruaulte de Sultan Selym.

Que Muhamediques estiment peu la vie de leurs parens, freres, ou enfans, il appert par Sultan Selym, qui apres auoir tué ses deus freres majeurs Ahmad & Corcut, fist aussi tuer & empoisonner son pere Bayazet. Et peu d'ans deuant sa mort, demandant a ses enfans qui seroit celluy qui regneroit, & qu'il se vouloit desmettre de son Empire, ceus qui furent si temeraires de respondre, moururent. Le present Sultan Sulyman admonesté par sa mere, qui connoissoit le Prince, refusa du tout, & se dist son Esclaue, & non pas son fils, & qu'apres sa mort encor ne vouloit il pas a grand'peine prendre la charge. Maule Muhamed Roy de Tunis tua dix & sept de ses freres quant il fut Prince, & apres dix ou douze de ses parens prochains:& depuis qu'il fut par l'Empereur remis en regne, contre Barberouffe, son fils luy creua les yeus. Et bref seroit long de racompter qu'il n'y a quasi Prince Muhamedique créé, sans quelque sang de parens : dont n'est credible qu'il eust corrigé & puny vn autre, sans pour le moins resserer son dit fils.

Que Hibrain Bassa n'estoyt Chrestien.

Quant a ce qu'ils dient, qu'il estoit Chrestien en secret, il n'est rien si faus : car c'estoit vn des grans tyrants du monde, quant il attrapoit quelque bien de Chrestiens, qui vallust le desrober, jamais n'en rendoit vn soul. La naue de, Marseilles le declare aus François, aussi fait la succession de Crouzillon:& aus

Bis-

Biscains la grosse barque ou gallion: aus Venitiens les biens de Vicentio de Leurieri, Vincentio di Scudi, les biens que Marco de Nicolo luy auoit mis entre mains, comme facteur des marchands Venitiens: & autre mille choses: tellement que le Prince a esté tout estonné de trouuer en cette esponge tant d'humeur, & qui plus monstre le mauuais Chrestié que c'estoit est, que quasi tous les biens du Gritti vouloit auoir, combien qu'il luy donnast en son viuât infinis presents, & eust laissé sesdits biens a frere Georgio Gritti.

De son humanité enuers les Chrestiens.

Il est bien vray que pour deliurer quelque pauvre Chrestien ou autre, de quelque calonnie ou prison, ou autre angarie il le faisoit volontiers, mais qu'il ne luy coustast que son commandement ou peine, mais non pas s'il y auoit grandement a prendre. Il est certain aussi que sa mere est encor' Chrestienne, demourant vis a vis de luy au Prodromo, & ses parens estoient Chrestiens, ainsi comme ils sont de tous Ianitzaires de là ou il estoit venu a ce degré.

De sa mere & de ses parents.

Mais pource que j'ay esté vng petit long en cette histoire, je remets ou lieu du defunct Aias Bassa, tout diuers de luy, autant rude que cestuicy estoit civil, qui ha d'estat seulement, de 18 a 20000 ducats, la ou Hybrahim en auoit deus cents quarante mille: & a esté vne chose inestimable des richesses qui ont esté portées par trois jours, sans cesse, de son logis a cil du Prince: si bien que le Prince s'est conneu pauvre aupres de luy.

Aias Bassa.

La richesse de Hibraim Bassa.

Cassun Bassa du temps qu'il estoit Bassa, auoit 20 mille ducats, il en peut auoir autant, de Sangeacly de

Cassun Bassa.

Mustapha Bassa.  
fa.

Morea. Maintenant en son lieu est Mustapha Bassa, qui s'appelle par soubriquet Vlac, Mustapha, le Bos-fu Mustapha, pource qu'il est vng peu vouté ou crochu. Il est beaucoup plus lourd & gros d'esprit que n'estoit Cassun. Car il estoit & auoit le bruit d'estre le plus ciuil homme & mieus parlant qui fust en Leuant. Ce Mustapha Bassa, au parauant estoit Beclerbey seigneur des seigneurs de la Romly. Car cela est commun, que quant on fait quelque Bassa nouveau, qu'il ait esté Beclerbey de la Romely : pour ce que c'est le plus grand office qui soit apres Bassa : en apres est le Beclerbey de la Natolie qui vient communement en cet office. Il y en a plusieurs toutesfois, qui sans auoir esté Beclerbey sont faits Bassas, par grace du Prince, comme a esté Hybrahim, & maintenant est Hayradin Passa, appelé Barberouffe, natif de Metelin ou de Lesbos, qui estoit au parauant Roy d'Argel. Laquelle seigneurie son frere Chrestien regnié, ainsi comme luy, luy auoit acquise en cours (& donnée pour sa grande prudence) sur mer & aussi pource qu'il se vint rendre de Roy Esclaue du grand Seigneur, ainsi que se nomment tous Bassas Esclaues, en ce titre en Turc, *Haradin Bassa, Sultam Suleyman Cul*, qui veut a dire, Haradin Bassa, Esclaue de Sultan Selyman, & ainsi tous autres, de quelque maison ou richesse qu'ils soient, se nomment Cul, ou esclaves. Dont luy pour cesdites causes a esté fait Bassa Degnys, ou Amiral de la mer, ayant charge de l'armée. Toutesfois il faisoit encore deus années aussi peu de fait qu'il a fait trois pas-

Hayradin Bassa.  
dit Barberouffe.

Les Bassa se  
nomment Es-  
claues du grand  
Turc.

fées, & qu'il eust deus ou trois aduerfaires tels que Luthfi Bassa en la Court, il pourroit bien imiter ledit Hibrahim, esleu par grace comme luy. Il peut auoir d'estat du Prince 30000 ducats, qu'il prend sur Galipoli, Metelin & Rhodes. De son propre, on dit qu'il ha quatre vingts mille ducats, je n'en sçay que pour ouïr dire.

Ces quatre personages, qui pour le present ne sont que trois Bassas, en nom, ont la superintendence des choses du Royaume, & de la Iustice en sentence definitive. Il y a par dessoubs eus vng *Tesqueregibassi*, qui tient l'office de grossioier les ordonnances & commandemens du Prince & de la Court, quant elle en a communiqué avec luy, & est comme vng general Secretaire des commandemens, ou Greffier des libelles du Prince, qui se nomment *Tesqueré*: & est aussi a luy de modifier les escritures, & garder qu'elles ne portent article douteus, comme feroit vn Garde des seaus, en consultant avec les Bassas. Cettuicy qui est de present, a sept mille ducats de Tymar & force Esclaues, autres & petis greffiers qui expedient aussi les commandemens, licences, sauf-conduis, & autres lettres dont il apert raison. Ceus ici sont payés de leurs peines, & peuuent gagner trois ou quatre cens liures. Ils disent cil qui est a present estre d'une si grande equité, que jamais en sa vie vn soul ne receut de personne qui eust affaire. Les Sangeachs ou Capitaines & gouverneurs des Prouinces, en ont chés eus des Secretaires de mesme pouvoir, quant a donner Sauf-conduits, & choses a eus

Du *Tesqueregibassi* ou general secretaire de commandemens.

De ses gages.

promises, comme feroient icy Secretaires du Roy.

Des sangeaclar  
ou capitaines.

Par tous les païs du Turc, sont gōuuerneurs autres que les Iuges, Cadis, ou Soubacis, & s'appellent Sangeaclar, ou Porte-enseigne, ou Capitaines. Leur charge est principale d'assembler des gens sous le Beclerbyat dedans la Capitainerie generale là ou ils sont subgets. Car pour premiere dignité, apres les Bassas, sont les Beclerbecler, les grands gōuuerneurs qui respondent aus Bassats, comme a eus respondent les Sangeacs, & principalement pour fait de guerre, en apres pour les deniers & tribus du peuple, & aussi voir que quelque tort ou violence ne se face.

Mais deuant que de venir aus finances, je veus nombrer combien aujourd'huy sont de Sangeacats, & de Beclerbeyss sous le Turc. J'ay des-jà au lieu des Gens-d'armes recité, combien il y auoit de Beclerbey, maintenant il reste de sçauoir combien il y a de Sangeacs subgets a chacun.

Combien il y a  
de sangeacs.

Sous le Romly Beclerbey, ou gōuuerneur de la Grece, sont trente six Capitaineries au Sangeaclilar: il a d'estat du Seigneur en Tymar seze mille ducats, qui vaut le double, pour leur tyrannique exaction. Le Cahaia, ou Protogero, ou Contrerolleur sous luy ha quatre mille ducats. Cent Escriuains Iazgilar ont entr'eus dix mille ducats l'an. Il y a sous 400 Soubacis & autant de Cadis, qui sont Preuosts & Iuges, qui ont 400000 ducats.

Celluy de la Natolie ha 12 Sangeacly, & d'estat quatorze mille ducats: son Cahaia & Escriuains com-



mé deffus. Car j'ay defja fufdit qu'il n'y a rien d'office qui n'ait tousjours ces perfonnages là, & icy principalement : car il faut par les Receueurs & Collecteurs recevoir les deniers, pour les rendre au trezor du Prince, dont il y a befoin de grande diligence, plus que autre part. Et pour accumuler ces deniers, font entre les Chrestiens Protogeros, c'est adire premiers vieillards, & Esleus au lieu de nos Collecteurs, tous Chrestiens, qui reçoivent des Chrestiens, comme font deçà les Collecteurs, puis le baillent au Cadis ou Soubacis, là ou font subgets. Ceus icy au Sangeach, & luy au Beclerbey : les Beclerbey au general des Finances, le tout par Receueurs fous eus.

Des collecteurs  
des tailles entre  
les Chrestiens  
fous le Turc.

Le Beclerbey d'Auandole en ha sept Sangeachs fous luy, dix mille ducats de Tymar.

Combien les Beclerbey ont de Sangeachs fous eus & de gages.

Celluy de Caraman ou de Cilicia en ha pareil pris & nombre.

Celuy de la Mesopotamie ou Horaffan, douze Sangeachs, & 30000 ducats.

De Damascho 12 Sangeachs 24000 ducats.

Celuy du Cire ou Mitzir 16 Sangeachs 30000

Je diray tous les noms des Sangeachs, mais que je parle du grant pais que tient au jourd'hui le Turc.

Il y a davantage en la Surie quatre ou cinq Capitaines d'Alarbes, ou Arabes, qui vivent en paillions avec leurs bestes, & sont fort riches. Lesquels moyennant l'estat que leur donne le Turc estoient subgets a Mithligeolu ou Mithlig, le grand & puissant Capitaine sur eus, & est comme vng Becler-

Des capitaines  
qui sont en la  
Surie & de leur  
Beclerbey ou  
Coronnal.

Les gages des  
Sangeachs.

bec, & iceus comme Sangeach. Il n'y a quasi Sangeac qui n'ait l'un portant l'autre six mille Sultanins par an. Mais tely en a qui en a douze mil, l'autre deus mil, selon le país là ou ils sont, & selon qu'ils sont grans larrons, car cela en conscience leur est baillé sur les villages, ou villes, ou Daces, ou Gabelles, là ou ils croissent l'exaction souuent, tant que les Spachis & Ianitzaires, & autres compagnons n'y peuvent pas auoir la moitié de leur paye, & que souuent leur larrecin quant là plainte en vient du peuple au Prince, leur fait abbreger leur viciueuse vie. Ils sont en nombre cent & quatre, comptant les trois Alarbes, & huit Beclerbeis, comptant Mithligeolu pour vn, qui combien qu'il n'en ait le nom, si en a il l'estat.

Des generaux  
des finances.

Maintenant nous parlerons du nerf de Guerre, sans lequel tout ce qui est susdit n'est rien, c'est des Finances, desquelles y en a en Constantinopoli continuellement deus Generaux qui s'appellent *Defterderler*, de *Defter*, qui est a dire quittance ou libelle, pour ce que ce sont ceus qui baillent le Recepissé & acquit aus Prouinces, de ce qu'ils peuuent deuoir au Prince. Il y en a vn qui reçoit les deniers du costé, de l'Europe, ou d'Occident, ou de Romly, qui se nomme pour le jour d'huy Mahmud Celeby, c'est a dire Mahmud le Gentil-homme: car la diction *Celebey* est comme qui diroit, Gentil: & se dit proprement de ceus qui sont enfans d'un pere autorisé, & en mocquant se dit de ceus qui ont esté fort familièrement en leur jeunesse avec le Prince, fauorits en secret. Son estat du Prin-

Qui sont ceus  
que lon appelle  
Celeby ou Gen-  
tils hommes.

ce sont sept mille ducats de Tymar. Il a trente cinq Eſcriuains qui ont la charge pour chacun quartier de receuoir & fricaffer les aſpres, avec les Seraphgi, pour voir ſ'ils ſont bons, & ſ'ils endurent le feu, autrement ne les reçoient pour mettre en trezor, mais les font changer aus Receueurs. Et leur maniere de receuoir en cas de monnoye, eſt qu'ils comptent mil aſpres, qui valent vingt Sultannins, & puis les mettent en vne balance, & poiſent les autres toutes, par pois, pource que jamais plus haut que par mille aſpres ne comptent, & y eſt le pois ſi juſte, qu'en vingt mil aſpres, l'un pois portant l'autre, n'y aura faute de quatre.

Il a enuiron demie douzaine de Secretaires, qui ſeruent comme de Contrerolleurs, & de voir le compte des autres, qui ont tous de 25 a 30 aſpres d'eſtat. Celluy la de Natolie reçoit de là ou il eſt & d'Auãdolé ou d'Armenie, & de Carmanie, & a quelque peu plus d'officiers, Secretaires, Eſcriuans que l'autre, pour les diuers païs : touteſſois ſont tous d'une meſme condition en gages. Ceſtuicy de Natolie a preſent ſe nomme Chaidar Celeby.

Des Secretaires  
qui ſeruent de  
Contrerolleurs.

Leur recepte aus Princes, hors les Tymars (qui jamais ne ſe prennent du trezor, mais ſur les lieux) monte vn million & ſix cents mille ducats.

Combien le  
grãd Turca de  
finance de cha-  
ſcun païs.

La recepte de la Surie, cent cinquante mille ducats.

Celle de Choraffam ou Meſopotannie, deus cens cinquante mille ducats.

D'Egypte, ou Mitzir, ou du Cayré, monte ſept cents mille ducats.

D'autre reuenu de Tailles, Imposts, & Dace, vn million trois cens mille ducats.

Somme toute quatre millions. & cecy est selon l'estime du Gritti, qu'il obserua il y a cinq ans.

Le Iouio dit qu'il en a six millions, & qu'il en despend les cinq communement. I'ay entendu de plusieurs a ce connoissans, qu'il a douze millions d'or.

Mais a la verité je croy que c'est en estimant les Tymarly. Toutes fois que c'est vne chose impossible d'estimer que son reuenu, pour beaucoup de causes. L'vne est pource que de chascun qui meurt en sa folde sans hoirs, tout luy reaient, meuble & heritage, là ou y a office a part, Trésoriers a part, nommez *Petalmagilar* pour solliciter lesdits deniers. S'il meurt avec hoirs il fait vendre ou estimer les biens, & en prend dix pour cent.

De qui herite  
le Prince.

Des Surgondi  
ou colons du  
Prince & com-  
bien il prend  
sur eus,

Dauantage il a des gens desquels il prent la moitié du reuenu, & le septiesme de l'autre moitié, & s'appellent *Surgondi*, qui est a dire *coloni* en Latin, qui sont ceus qu'il trouue en quelque pais bien habité, lequel il gagne par guerre. Lors en laissant de ses gens en leur place, les maine au haut & au loing, en lieu desert, de bonne terre toutes fois, & leur en baille 12 ou 15 arpans, autant du plus que du moins a chascun, & vne paire de buffles, & du blé pour semer & viure vne année, puis les laisse reposer douze ans sans rien paier: puis par apres prend de leur bien de terre laditte somme. Tous les lieux maritimes de là Natolie sont ainsi habités de gents Chrestiens Esclauons, Bosnois, Vlaches & autres des frontieres de deça. & fut ceta

te inuention trouuée de Sultan Muhamed.

Il y a vne autre raison, qui ne laisse estimer a la verité son dit reuenu, & est, que d'an en an quasi, il y a quelqu'un gros & riche, qui afferme les impôts, & gabelle, a vn pris trop plus haut qu'on n'auoit accoustumé, qui est superieur au precedant, tousiours d'un cinquante mille escus pour prouince : dont j'en laisse l'estime a la verité, voyant que sa puissance croist tousiours. Tous ces deniers ici se rendent a Constantinople, entre les mains d'un *Rosanamagi* chef des Contrerolleurs, qui mettent les deniers dans les trezors, & les deliurent par le commandement seulement des Generaux, ou du Prince : car en cette matiere il faut que les Bassas mesmes leur fassent la court. Ils sont vingt & cinq Contrerolleurs sous ledit *Rosanamagi*.

Du *Rosanamagi* ou chef des Contrerolleurs.

Il y a dauantage vn Chasnandar-Bassi, maistre du trezor, qui est Eunuque le plussouuent, pource qu'il liure l'argent aus jeunes gens du Serrail, & conuerse avec eus : & sont sous luy dix petis trezoriers. Par dessus lesquels y a vn *Chasna Emin* qui liure les deniers extraordinaires, comme pensions & autres affaires.

Du maistre du tresor & tresoriers sous luy.

Du tresorier des deniers extraordinaires.

Et pourtant qu'il y a grans & diuers pais subgects a luy, là ou on vse de diuerses monnoyes, & aussi qu'on pourroit receuoir faus deniers, il y a avec les Generaux cinq *Seraphgilar* qui visitent la monnoye, & l'estiment a juste pris : & sont ceus principalement qui fricassent les aspres, pour les prouuer. Les Iuifs qui ont pratiqué par tout le monde, changēt toutes mon-

Des *Seraphgilar*.

Les Iuifs changeurs de monnoyes.

noyes,& les font valloir a peu pres.

Ou est le the-  
sor du grand  
Turc

Ce trezor grand,est principalement au Serrail du Prince.

Il y en a vn autre aus Sept tours, qui est vn coing de Constantinopoli vers midy , ou y a vn chasteau. Mais ces deniers sont des aumosnes , & du reste des Mesgedes de trois Princes Muhamed , Bayazet , & Selim,auec lesquels on dit que sont aussi ceus de sainte Sophie , lesquels sont gardés a part , pour la guerre contre les infidelles , par lesquels ils entendent gens diuers de leur loy. Ce trezor se prend sur la ville de Constantinopoli : lequel les malheureus Prestres Grecs , auoient accumulé , jusque a deus cens mille ducats par an: lesquels la diuine prouidence a tourné contr'eus mesmes,qui par leur auarice & pompe , auoient fait la maison de Dieu cauerne & receptacle de larrons,& temple Babylonique,or ils ont leur saulce par eus mesmesbroyée.

Du defterder  
emina.

Il y a des trezoriers aussi des deniers qui ne se reçoient pas,c'est le Defterder *emin* qui regarde quant quelqu'vn meurt, ayant estat du Roy, & estant Tymarli, qu'il y en ait vng autre en son office, & que les intercurrents deniers , ou vacans avec sa decime, ou le tout , comme ay dit , soit reccu & appliqué au trezor du Seigneur.

Des forces du  
grand Turc en  
la mer.

Pour congnoistre la reste de la grand'puissance qu'a au jourd'huy le Seigneur Turc, faudroit aussi cōnoistre les forces qu'il peut auoir en Mer. Lesquelles cōbien que souuent elles se soient mōstrées inferieures au bruit,toutefois frequēte experience les amōstrées

superieures a ce qui s'en voit. Deuant Rhodes y auoit quatre cens voilles & plus. Sultan Muhamed quant il mourut faisant doubles entreprinſes, en auoit plus de trois cens. Quant Barberouſſe alla en Barbarie, aus deſpens du Turc, il en quatre vingts & plus: & y en auoit de reſte ſoixante en Conſtantino-  
poli, toutes groſſes, & mal maniables Galeres, & Palandries. Quant j'en partis premierement l'an 1546 il eſtoit bruit qu'en Amaziſ y en auoit trente: en Nicomede ſoixante: en Conſtâtinopoli ſix vingts, con-  
tant les Palandries: en Galipoli douze: en Rhodes douze: & a Laualone vingt Palandries, qui eſt grand nombre, j'entends touſjours de Galeres, ou pour le moins vaiſſeaux a rames, comme fuſtes, brigantins, galeres, galeaces, maones, palandries, gallions, &c. Car de Naues ils en ont plus qu'il n'en faut.

Il y a quelque nombre de gens ſouldoyés conti-  
nuellement a la marine: Premier deus cens Pa-  
trons, qui ont l'un plus, l'autre moins, juſques a la ſomme de vingt mille ducats entr'eus. *Aſſapi ou*  
gents de bonne voglia pour les armer dix mille, a  
deus aſpres le jour, & plus promis que baillé.

Des gens ſouldoyez pour la marine.

Quant on a affaire de gens pour la marine, Barberouſſe, ou quiconque eſt Capitaine de la mer, en va leuer ſur le plat païs tant Grecs ou Chreſtiens comme Turcs, juſque a temps que la guerre ſoit finie, & les paient de fait ou de promeſſe: de fait ne ſe trouue aucune paie retenue, ſauf qu'a telles gens de rame. D'autres ouuriers a l'arsenal, là ou il y a cent dix

neuf retrettes de vaisseaux ou corps de logis pour retirer les galeres en sec, ils sont environ quarante mille que cordiers, ferronniers, charpentiers, qu'autres, qui quant ils besongnent, ont dix aspres : quant ils cessent six. Maistres superintendans 50 (sans le Iustinian gentil-homme Venitien, qui faisoit faire les galeres pour le Turc) ont de trente a soixante aspres le jour.

Du pays qu'occupe le grand Turc.

Laisant maintenant cette incredible & formidable puissance, a estre estimée par l'experience de ses faits, qui sont certes a toutes autres puissances incomparables, soit par celerité ou multitude, & aussi parce que dessus en ay escrit; je veus passer en l'autre partie de mon argumēt, qui est du grād païs qu'au jourd'hui occupe cette nation. Et pourtant qu'au premier liure, a cause de la Religion ay parlé des meurs de tous Muhamedistes, il me semble estre bon d'escrire en general le grand païs qu'aujourd'huy occupe cette loy Alcoranique: & premier pour mettre en somme. Toute l'Afrique ou Barbarie est tenuë de la langue Arabique, & loy de Muhamed, & a depuis la Surie jusque au destroit de Maroc, langue vulgaire Arabique, toute semblable, & si pres de sa grammatique Arabique, comme est l'Italien du Latin & plus. Il y a seulement au meilleu de l'Etiopie le Prestre Ian, qui vse de lettres propres Indiques: toutesfois la pluspart de ses voisins sont tous Muhamediques. Toute l'Asie ou Natolie, generalmente (reste les Terres neufues, retournantes par les Antipodes, qui sont Idolatres, & sauf les Indiens & Narfingiens, qui adorent le diable)

L'Afrique ou Barbarie.

Le Prestre Ian au meilleu de l'Etiopie.

De l'Asie ou Natolie.



est toute de cette secte, & vsant de grammatique Arabique: si bien que qui sçait la ditte langue, peut aller par tout le monde, sans interprete, j'entens qui sçait le Literal & Grammatique: car selon le país (fors en la Barbarie prochaine comme ay dit) le vulgaire se change: dont les Perfes ont langue a part: le Tartare langue a part: les Turcs langue a part: Guzrat langue a part. Mais par tout est entendu l'Arabic Grammatique, par les doctes Prestres & Iuges.

• Le m'en vois reciter les país de ce Seigneur & tous les Sangeachs, dont ay peu auoir le nom, qui luy sont subjets, commençant a l'Egypte: puis en bref reduy-ray le tout.

En Egypte, ou Mitzir, comme ils nomment, est le plus riche gouuerneur de país, qui soit entre tous les autres Beclerbeis (hors toutes fois celluy de Romly) & le plus fiable. Il est premier, a cause des riches traffiques d'Espiceries qui passent par Alexandrie, & par l'Arabistan: l'autre cause est, que les Alarbes voisins sont quasi tousjours en mutinerie, dont faut qu'il y ait vn homme fidelle, qui ne laisse point releuer les Circafsi & Mameluchi. Suleiman Bassa prudent vieil lart y estoit a mon partir, & vint a Constantinopoli pour faire renuoyer ou ramener les prouisions qui estoient au Cayre, pour mettre en la Mer rouge, pour passer contre le Portugalois, qui a coupé le cours aus Espiceries, au gros prejudice, non seulement du Turc, mais des Venitiens, Ragusées, Florentins, Pisans, Geneuois, & toutes gens de Marine: & pourtant que là se faisoit grosse despenſe, a entretenir les Esclaues, a

De l'Egypte ou  
Mirtzi.

De Suleiman  
Bassa.

Des Portuga-  
lois & ce qu'ils  
ont contre le  
Turc.

refaire la fosse des anciens, faite pour amener la Mer rouge vers le Nil, & vers nostre mer, comme aussi pour le grand nombre de chameaus qui portoient le bois a edifier vaisseaus en la Mer rouge, ou n'y en a point, & pour autres mille despenfes qui se font a nouvelle œuure de marine, vint ledit Suli-man donner conseil de cesser vne telle despenfe, & de peu de profit : voyant aussi que la disposition du temps ne requeroit point telle despenfe, connoissant que le Prince auoit fait grand'perte contre le Sophi, & Barberouffe contre l'Empereur, qui ne sembloit pas se vouloir contenter de cela. Des dix & sept Sangeacs qu'il a sous luy, n'ai sceu le nom que d'Alcahir, le Caire, Scanderie, Alexandrie, Engil, Mécha, Gebur, Turehan. Son Beclerbeiat s'estend jusques deçà Alexandrie deus cens mille, a la marine jusque a Porto patriarcha, & quatre cens mil auant amont le Nil, & jusque a la Meche ou moitié de l'Arabistan, & tout ce qui est de là des desers de Suristan, jusque a Gazara.

Du Beclerley  
d'Egypte & de  
ses Sangeachs.

Du Beclerbey de  
Surie.

Celluy de Surie ou Suristan a douze Sangeacs, de Damas, Malatia, Deruegi, Andep, Antiochia, Halapia, Alep, Tripoli de Surie, Comaana, Hams, Sephet, Codsbarich qui est Hierusalem, Gazara, & de Legion. Les limites de son païs sont de Midi aus desers d'Orient, au fleuve Pherat ou Euftrate : d'Occident, nostre mer : de Nort Caradag le Mont noir, appelé Amanus anciennement.

Du Beclerby de  
Mesopotamie  
ou Horassan.

De la Mesopotamie ou Horassan, sont douze Sangeachs, Dirbech, Charachmit, Ergin, Tolgic, Caf

fancief, Meridin, Carput, Mossul, Vzron, Baibourt, Bithliff, Naximanouafsi. Son païs est fini d'Occident au fleuve, d'Orient a Perse & sous Morat dit Tigris: de Midi aus sables d'Arabie: de Septentrion al' Armenie grande. & contient Mesopotamie, Afsyrie, Adiabene, & vne partie de l'Armenie & Caldée. Il a gagné jusque a la Balsara, ville marchande sur la mer Perlique, depuis mon premier voyage.

Ilen fut fait vn au voyage penultime en Bagdet, qui a jene sçay combien de Sangeachs sous luy: & pour ce que c'est nouveau conquest, j'en'ay encor' sceu voir les roles des estats de delà: car il est possible qu'il est desja, cassé par le Sophi.

Du Beclerbey de Bagdet.

Celluy d'Auandole, qui est en l'Ermenly ou Armenie mineur a cinq Sangeachs, Marass, Sfarmossuc, Bistanouafsi, Adna, Torsis. Les fins de son païs sont communs & conneus.

De celuy d'Auandole.

De la Caramanie, Ciogna ou Gogna, Narandasfar, Effeciaffar, Varglagly, Suyrraffar: son païs estant la Cicilia & Pamphilia, est conneu par anciens limites. De Capadocia, appelée en partie Othomanli sont Amasia, Ciorni, Sauich, Caraisfar, Seuicun, Trepezond.

De celuy de la Cicilia & Pamphilia.

De celuy de Capadoce.

De Natolie, qui est l'Asie mineur tenant Gallacia ou Gallogrecia, Bythinia, Phrygia, Ionia, Eolis, Doris, Lycia, & Caria, & Troas, sont douze Sangeachs Cuthahie, Ergi, Oli, Boly, Castamom, Auguri, Cangri, Tesqueli, Matisseli, Hardinchy, Heraly, Burfia, Magnesia. les fins de ces trois derniers sont en la propre Asie, confinants ensemble, l'un du Midi le

De l'Asie mineur & de ses Sangeachs.

Carmani, l'autre du Nort l'Othmanly, l'autre a l'Occident a nostre mer : reste celluy de la Rhomanie qui est le plus grand de tous, & a sous luy trête-sept Sangachs, Capha qui estoit Geneuois, Selistria, Nicopoli, Boudin, Samâdria, qui est ville fondée par les Turcs pres Belgrade, Seruia, Belgrade, Siormech, Bosna, Ersecdil Duché, Seutari, Valone, Lauiana, Carlali, le Panto, Morea, Negroponte, Trigala, Gallipoli, Kirc Egliss, ou quarente Eglises, Vissa, Crumun, Cioftandil, Vlcotrin, Brisdrem, Ocria, Alassassar, Hebbassan, Voinic, Cingene, Taissa, Philipopoli, Sophia, Dura-

zo, Albania, Scopia & Cochia. Les limites de son pais sont du costé de leuant l'Archipelago, le destroit de Gallipoli ou Propontis, la Mer noire ou Pontus Euxinus, la Temerinde ou Meotis, jusque au Don ou Tanais. Du Nort les Moscheuites, Russes rouges Valaches & Hongres montagnois, avec le Sybenberg, qui sont tous a luy si ne feussent là ou les montagnes & fleuves l'ôt plus gardé de passer que les armes voisines. Du costé d'Occidēt il a l'Austriche, & partie de la Hôgrie, & la Carniolle, & le Friul. De Midi il ne s'en faut que bien peu de villes des Venitiens & des Raguzées qu'il n'ait le Golphe de Venise pour limite. Or en somme, ce Prince tient ce qui anciennement se nommoit l'Arabie, Egypte, Surie, Mesopotamie, Chaldée, partie de Perse & de Medie, Assyrie, Adiabene, partie de l'Armenie grande, toute la petite, & vne partie des Cholchi, qu'ils appellent Mingrelles, que Ptolemée appelloit Manrali, toute l'Asie mineur ou propre, qui contient Cilicia, Capado-

cia,

Du Beclerbey  
de la Romanie.

Des limites de  
son pais.

Des prouinces  
que tiēt le grād  
Ture.

cia, Pamphilia, Galatia, & les deuant dites Prouinces: & en Europe partie des Sarmates ou Getes, les Daces, Mises, Thraces, Macedoniens, Grecs, Albanois, Dalmates, Panones, Iaziges, Metanastes, & milles petites prouinces sous ces grandes ici, que les pōpeuses & plus celebrées que vrayes armes des Romains auoient jadis plus ouï que senti, qui doit faire grand' peur aus voisins, de voir ceci estre cōquesté par peuple qu'on nomme Barbare, en moins de deus cens ans: & estre si bien tenu, que jamais du prins, vn pié ne leur eschappe: ce qu'onques en six cens ans tout le conseil, prudence, & tyrannie Romaine ne sceut faire.

Il nous faut voir maintenant comment & depuis quel temps ils ont conquesté vn si grand païs. Laquelle chose pour mieus entendre, nous commencerons (encor' que ce soit nostre matiere principale de parler des Turcs) a l'origine de tous les Empires qui sont de cette loy Ismaelique, Alcoranique, ou Muhamedique: pource que beaucoup de gens pensent qu'ils soient tous d'une origine. Je fais commencement par l'auteur de cette loy Muhamed Arabe, duquel la vie se pourra voir en la religion, au liure precedent, mais beaucoup mieus au second de nostre concorde du monde, & passe a ses successeurs.

Les Muhamedistes ont par escrit en leur *hédits elalem* ou l'histoire du monde que Muhamed predist qu'il auoit douze successeurs, qui tous maintiendroient la l'oy qu'il leur auoit baillée, avec l'Empire, lesquels douze ils ont en partie par escrit: toutes fois ils ne mettent point quels païs ils gaignerent, mais l'effet nous le

De l'histoire  
du monde qu'  
ont par deuers  
eus les Muha-  
medistes.

monstre. De ces douze, ils en nomment sept seulement, Abocherim, autrement nommé Abubecher, ou Eubocara: Homar, que les autres appellent Humran, les autres Gumebran, & qui fût fondateur du temple dist de Salomon. Odum, qu'on dit Odman au Ottoman: Haly neuveu de Muhamed, auquel plus qu'à Muhamed le Sophi croit: Elcassin: Maule abi, qu'on appelle Moalbi, qui conquist beaucoup apres Haly: & passa la mer en Italie aus isles, & en Espagne: Zeid est septiesme de ceus qu'ils nomment. Ceus ici gagnerent l'Affrique, la Surie, & la Perse, & y planterent la doctrine laquelle ils gardent. Tous ces conquerans icy se sont faits appeller Roys & Prophetes, changeant l'un les dits de l'autre, & suggerant tousjours les preceptes d'obeir aus Princes & aus Euesques pour l'amour de Dieu, encor' qu'ils fussent mauuais. Toutesfois il y en a quatre, qui sont au nombre des Docteurs & Saints, Abucherim, Haly, Odman, ou Ottoman & Homar. Les autres sont des Docteurs autres & a part, qui sont Sephei, Hanibali, Malichi, & Abohanipha. Mais laissant la loy, venons a l'Empire, qui fut fait incontinañt grand, a cause qu'ils estoient entre les Perses & l'Affrique: lesquels Perses du temps d'Heraclius auoient occupé & subjugué toute l'Affrique: laquelle au mouuement des choses qui furent entre Heraclius & Chosroes estoit quasi sans Empire, ou sans Prince, & furent paisibles possesseurs de Perse, Surie & Barbarie, jusque a Muhamed & Imrael Princes de la Perse, qui commencerent cent ans depuis Muhamed le prophete a contester, dont l'un appella

Des docteurs  
des Muhame-  
liques.

De la source  
de la loy de  
Muhamed.

l'ayde des Turcs, qui lors estoient là ou jadis s'en allerent les dix Tribus d'Israel transportées de Samarie enuiron la Tartarie, en leur país de Turquestan, en grand bruit & force, l'an 730 de IESVS. Lesquels venus, bouterent telle paix entr'eus qu'il les despoilerent de leur Empire, & firent vn Prince en Babyloine, & vng en Egypte ou Caire: & receurent lors la loy de Muhamed.

*Turcs ou estoient au temps passé, & quant ils ont commandé à regner.*

Les vieux culteurs d'icelle loy estoient en Affrique, là ou la plus part de ceus de Leuant, pour la ferocité des Scithes ou Turcs, qui veut à dire habandonnés & maudits, se retirerent en la Barbarie: ou se voyans grand nombre, & qui n'auoient que perdre, ne se contenterent pas de l'Affrique, mais incontinent passerēt en l'Europe, partie aus isles de Corse, Sardaigne & Cecille. Les autres en Espagne avec Emir elmumin qui est dit le Capitaine des fideles, qui pour lors estoit Roy des Barbares. Combien que ce nom fut commun des Princes d'alors. Car en ce temps, ils se nommoient tous ou Emir, Prince, & qui peut commander, ou Emirelmumin, Princes des fideles: ou Amurduc, ou Caleph protecteur & arbitre, ou Sultan dominateur: comme aujourdhuy se nomment Maule, riche Prince: Melich Roy, &c.

*Des victoires des Turcs en l'Affrique & Europe.*

Au mesme temps les susdits Turcs, non contents de l'Empire gagné sur ceus icy, gagnent toute l'Asie mineur, qui est entre la mer de Cypre, ou golphe de la lasse, & Trebizonde, & passerent en Grece, & prirent beaucoup de villes, & assiegerent Constantinopoli, de laquelle estoit Empereur Leon tiers. Leur Ca-

*De leur victoire en l'Asie mineur.*

pitaine se nommoit Suleiman. Ne pouuant auoir le chef de l'Empire , s'en reuont en Asie , & partissent l'Empire , en diuerses parts, comme par apres dirons.

Ceus de la Barbarie, deus cents ans apres, occuperent toute la Cecille, & vne grande part de l'Italie, & passerent jusque au golphe de Venize, dit Adriatique, & firent guerre aus Venitiens : de l'autre costé pillerent les Geneuoyz & Pisans.

De la victoire  
de Charles Martel  
côté les Mu-  
hamediques.

Ceus qui estoient en Espagne, l'aiant ja occupée, deus cens cinquante ans, voulurent venir en France, & s'y disoient incités par Eudon duc de Guienne, contre Charles Martel, qui en martela & deffist pour vng jour, pres Poitiers, trois cens mille. La reste de leur compagnons eurent de mauuais temps, sous Charlemagne, & furent chassés la plus part : mais si ont il tousiours eu l'Espagne jusque a Ferdinant Empereur, qui les renuoia tous en Barbarie ou tua. Ceus qui vindrent en Italie depuis quarante ans, qu'ils eurent occupé le royaume de Neapoli, furent deffaits, par la force des parens de Charlemagne, & par la richesse & deuotion des François.

De la victoire  
de l'Empereur  
Ferdinand.

Ceus d'Asie ayant esté frustrés de leur entreprise d'Europe, par mortalité de peste, perdirent leur conquête del'Asie mineur, jusques a ce qu'vng jour qu'ils estoient beaucoup en Perse, en pais voisins de l'Armenie, firent certaines parts a conquerir, l'an de salut 1200. Et estoient les Capitaines, selon quelques vngs, quatre, Cassan, qui s'est autrement appelé

Des autres pais  
conquistés par  
les Muhamediques.



appellé Cassambenc, & Vssun Cassan. Carmâqui con-  
questa la Cilicia, & l'appella Caramanie, & Otoman  
ou Odman qui eut le millieu de l'Asie mineur ou Na-  
tolie, qu'ils appellent Otmanly: & Candelor qui con-  
quist l'empire de Trebizode, & furêt pour lors, a cause  
de la cōuersatiō des Chrestîēs partie faits Chrestiens.

Je ne veus point ici reciter comme ils auoient esté  
chassés de la Natolie, par Godefroy de Buillon, en  
allant a la conqueste de la Terre sainte, qui estoit en-  
tre les mains du Sultan du Caire. Car on n'en trouue  
autre chose par escrit de deça. Les histoires d'Orient

De la victoire  
de Godefroy de  
Buillon.

escriuent, que ledit Solyman estoit vassal du Roy de  
Perse. Je trouue par les Turcs mesmes, que le Soul-  
dan d'Egypte, qui pour lors, je di l'an 1200 ou  
enuiron, ayant occupé toute la partie de Perse, &  
ja ayant conquis de nouueau partie de l'Asie mi-  
neur pource qu'elle estoit contre mauuais voyfins, &  
de diuerse loy, asçauoir Chrestienne, il y laissa sept  
Capitaines sous nommés: Otambenc, Ermenbenc,  
Caramenbenc, Mentebenc, Germinbéc, Asdinbenc,  
Zarchanbenc, qui veut a dire vn tel & vn tel seigneur,  
en langue Turque, ou Erminesque. Ceus ici donne-  
rent le nom a autant de Prouinces depuis l'Armenie  
& la Surie, jusque a la Natolie: de quels noms la plus  
part est encor' aujourd'huy en vsage.

Du Souldan d'-  
Egypte.

Enuiron ce temps là, on parla aus Tartares, qui es-  
toient vofins, de receuoir la loy de Muhamed, les-  
quels au parauant estoient Payens & Idolatres. Vne  
partie la receurent, enuiron cent ans apres, du temps  
que les Moschouites furent fais Chrestîēs. Les autres  
non.

Des Tartares.

En ce mesme temps, vint vn grand nombre de Souldars de Tartarie, d'aupres de la Mer noire, ditte de Temerinde ou Meotis, & du Don, ou Tanais, qui estoient moitié figue, moitié raisin, c'est a dire, moitié Muhamediques, & moitié Chrestiens : & occuperent vne partie de l'Armenie majeur, se nommās Circassi : qui vaut a dire vaillās : & n'estās assés suffisans pour tenir long temps se rendirēt au Souldā d'Egypte, comme serfs, & se nommerent Mamluch, c'est a dire subgets au Prince, ou Roy : desquels pour leur vaillantise principalement a esté nommé l'Empire des Mameluchs, & Circassi, si vaillās pour deffendre, ou assaillir, que mesme les Sultās se font esleus d'eus. La reste de ces Chrestiens Grecs Circassi, est encor' pres la Mer noire, de là ou ils partirent, & sont tous les jours vendus aux Tartares, & Perles, & Turcs pour Esclaues.

Deuant que je parle des sept Capitaines ; & de l'origine des Turcs, je veus, a cause que je l'ay ja nommé, parler de Cassan benc, ou Vzum Cassan, qui est le grand Cassan, qui certes jamais n'a esté en Empire avec les Turcs, mais a part en Perse, & beaucoup depuis les sept susdits Capitaines. Car luy & Demir benc, ou Demirly, que nous appellons Tamburlan, ou Tamerlan estoient d'un temps tous deus, de petite race : toute fois Cassumbenc, estoit de noble maison, seigneur pres de l'Armenie, qui par fortune vainquit le Roy de Perse, & s'en fist Roy, & donna sa fille en mariage a vn docteur parent du Prophette (desquels parens ay dit au premier liure) lequel estoit grand, sçauāt homme, & astronome singulier, & d'opinion de sainteté. Ayant espousé cette fille, Vssun

Des Circassi.

Mamluchs.

Vzum Cassan.

Tamburlan.

Cassa l'auoit ordonné Roy : mais vn frere d'elle, nommé Iacobbenc, le chassa, pour vn temps, jusques a ce qu'il eust eu vn fils appellé Ismail, lequel a force d'armes conquist l'Empire, dont son pere auoit esté chassé. Il fist brusler le corps de son oncle Iacobbenc, qui estoit mort premier qu'il s'en peust venger: de laquelle chose l'ayant reprins sa mere, la fist mourir, ou tua luy mesmes:& routesfois estoit appellé Sophi, qui veut a dire Saint, qui mieus se diroit saint: mais l'opinion de la bonté de son pere luy dōna a tort ce bruit: comme aujourd'huy a beaucoup de Noblesse: C'est le pere de Tahmas aujourd'huy Roy de Perse,& de ses freres, desquels ay cy dessus parlé.

Du temps de son pere grant, fut ce cruel tyran Demirly dit Tamberlan, qui ruina toute l'Asie, & print Bayazeit premier de ce nom, Prince Turc, & le fist mourir en chaines d'or. Je m'en vois dire des Turcs.

Tamberlan  
prend Bayazeit  
grand Turc.

Les sept Capitaines dont ay cy deuant parlé, ou soit qu'ils fussent mis de foy ou du Sultan d'Egypte, qui estoit d'origine Turc, comme auons veu, aus Capitaineries, qui aujourd'huy en la Natolie gardent leur nom, ny durerent gueres en la fidelité: car Otoman entr'eus se leua, & deffist les autres fix, fors celluy de Caramenie ou Cilicia, qui perseuera jusques au temps de Muhamed benc, ou Sultan Muhamed. Car premierement leurs Princes ne se nommoient pas Sultan ou Prince, mais Benc, ou Bec, qui vaut a dire Seigneur, & quelquesfois Celeby, que nous auons appellé Calepin, pour leur langue qui se list sans points ou voyelles, comme aussi de Bec ou

D'Otoman.

Beneuons fait Bachin, en Lamora Bachin.

Du nombre des  
Princes de Tur  
quie.

Mais passons outre, seulement depuis Selim, se sont fait appeller Sultan, a cause je croy qu'il auoit vaincu le Souldan d'Egypte. Du nombre de leurs Princes ils en cōnoissent moins que nous. Car communemēt ils n'en comptent que six, Mullapha, Muhamed, Selim, Baiazeit, Selim, Suliman. Pource que les autres, ne se nommoient que Capitaines: les autres en escriuent jusque a douze, Otman, Orchana, Hamurat, Bayazeit, Calebin, autrement appellé Celeby, & Cyriceleby de voix Greque & Turque, Moses, Mahumed, Hamurat second, Mahmed second, Baiazeit second, Selim, que les autres nomment Sezim, & Suliman qui a present regne.

Orchanes fils  
d'Otman.

Hamurat fils  
d'Orchanes.

Les autres sans nombrer le premier & Moses ont le mesme nombre & ordre: dont Otman gagna la part de ses cōpagnons: son fils Orchanes acheua de gagner toute la Natolie jusque en Brusse, qui a gagner luy costā la vie: Hamurat son fils gardant l'Empire paternel fut appellé par confederation de Philippes Catacusin Empereur pour lors de Constantinòpoli: quelques vngs dient, que ce fut l'un des Paleologues, appellé Antonio, estant ou pretendant a mesme dignité: comme qu'il en soit, il appella ledit Hamurat a sa maile heure & des siens, & luy fist gagner son Empire, jusque a la Morée, & a la Seruia, & Bosna, là ou fut tué ledit

Baiazet fils de  
Hamurat.

Les Francois  
vaincus.

Hamurat par vn sien esclauē: & laissa son fils Bayazeit fort vaillant homme, qui acquist entierement la Seruia & Bosna, & partie de la Hongrie, & Sybenberg, & fist la desfaite des temeraires François, qu'on appelle

appelle du nom de son pere, la journée de Lamorabachin, voulant dire d'Hamurat Benc. & la gagna ledit Turc, par vng artifice bien fort commun entr'eus, a faindre de fuir en premiere pointe, pour inciter les gens d'armes a suiuir & rompre l'ordre, pour allet a la boucherie au fort de l'armée, quicōmunement est fait de forme triangle, creuse par vng costé, ou en forme de lune croissant: autant en fut fait aus Venitiens a la journée de Lizontio, & a la journée d'Humades de Hongrie avec Varadin & Strigonia a Varne, & en autres lieux assés: car ils ont, ou celeriré & multitude & tollerance pour compagnée pareille, & d'eus superable, ou autrement vsent de cet artifice, & d'estre prests a l'impourueu. Car autant qu'ils vont a loy sir, autant durent ils en chemin, jour & nuict, sans desmonter.

Stratageme  
des Turcs.

Cestui Bayazeit voulant se deffendre de Tamberlan fut prins par luy, & lié de chaisnes d'or jusques a la mort. apres la mort duquel Moyse son oncle, & Celebi & Muhamed ne firent autre chose que deffendre ce qui estoit acquis, reste que Celeby gagna vne bataille contre Sigismond Roy de Hongrie a Zolumbez: & Mahumet regagna vne partie de ce qu'auoit conquis Tamerlan, qui estoit vn vray Hannibal en cas de gagner & mal garder: car il ne fut plustost mort, que tout eut perdu: sauf la cité de Samarcand, laquelle du reste de son ost on fonda ou amplifia.

Viçtoire de  
Tamberlan  
contre Baya-  
zeit.

Muhamed second gagna l'Albanie & la Dalmatie, & Valachie ou Bogdam en partie: print Belgrade: battailla a Varne contre Iehan Humiades: & print la Morée, l'Aualone, & infimits autres lieux. Ledit Ma-

De Muhamed  
second & de ses  
viçtoires.

humed benic, adjoignit quelques villes d'Albanie & Bosna a son Empire avec Constantinopoli, & print les plus belles Isles de l'Archipelago, comme Negropont, Metelin, Stalimene, & autres. Du costé de Levant ou Orient, gagna sur Vissum Cassam Roy de Perse beaucoup de villes & pais : puis desfist l'Empire de Trebizonde, & essaya a gagner cil de Carra-manlj : & print plusieurs villes en la Mer noire, comme Caffa des Geneuois, & alors gagna le Prucupija dis appellé Taurica Chersonesus, qui estoit aus Tartares. Il enuoia par deus endroits, & par deus fois en Italie, l'une par le pais de Friul, l'autre par l'Aualone a Otrante, qu'il tint deus ans, & l'eust encore s'il ne fust mort sous l'entreprise de Rhodes : de cecy d'Otranto, & du Sultan du Cayre, & veritablement on le croit le plus Gentil-homme, & du plus grand esprit qui ait encor' regné en Turquie. Il aimoit les gens doctes, & les stipendioit pour estre a sa court. Il se recreoit aus anciennes histoires, ce que peu de Turcs font. Au reste il n'estoit de nulle loy ou religion, mais vsoit d'une equité merueilleusement grande.

De Baiazeit se  
fond & deses  
uictories.

De Selim fils  
de Baiazeit.

Bayazeit second fist croistre son Empire de la Valachie de là le fleuve Danubio dit Dunauf : print Durazzo sur les Venitiens en la Dalmatie, & par Codan Béc Sangeach gagna vne partie de la Croacia, & Corbaulta : luy en personne print Coron & Modon, & le Zonchio : puis se mist a estudier, & fut en fin chassé & fait mourir par son fils Selim, lequel Selim vainquit le Sophi Ismailen Chalderandag, ou en Chalderanno.

Vassi, plainë ou montaigne de Chalderan, & gagna de son royaume quasi vingt journées. Puis desfit le Sultan d'Egypte, lequel vouloit ayder au Perse: & vouloit faire guerre au Sultan d'Halapie Cahierbey, qui se rendit audit Selim, qui luy furent deus victoires des plus grandes qui ont esté faictes de cinq cens ans. En outre desfit l'Aladuly seigneur d'une partie de l'Armenie: & vainquit le Roy du Caraman, duquel tous les Turks disoient au parauant qu'il estoit inuincible, ce qui luy fut monsté du contraire, mettant vn Sangeach en son lieu.

De Sultan Suleyman qui est a present, je ne veus pas parler, car ses faits ne sont accomplis, & ne se peut encores louer, sauf que par son Humanité, Iustice & Fidelité, outre auoit gaigné Rhodes & Belgrade, & desfait le Roy Lois de Hongrie, a rendu pacifique aus siens l'Empire d'Egypte & Syrie, aiant desfait le Gazzella Italien regné, qui vouloit remettre sus les Cercassi & Mameluch.

De Sultan Suleyman & de ses victoires.

Puis dernièrement, combien qu'a grosse perte, il a gagné sur le Sophi, pour le moins vn mois de chemin, & les deus villes Imperialles Tauris & Bagdet: & est, si nature ne luy fait tort, pour faire encor' de grandes choses, que Dieu contre les Chrestiens ne permette. En outre il a entre les autres vn fils nommé Mustapha merueilleusement bien institué, & prudent & sage de regner: car il a de 23 a 24 ans: & Dieu ne permet-  
e qu'une Barbarie si grande vienne si pres de nous. Voila la somme de mon dire.

Mustapha fils de Baiazet.

Pour resister a vne telle puissance il me semble qu'il

n'est tel que d'vser de son baston. Sobriété, patience, obediencia, richesse, multitude, celerité, & auoir toutes parties de son païs bien garnies de gens: & poursuiuir la victoire, sans se departir, quât elle est commencée: & les aborder en lieu, s'il est possible, que les forces d'Asie & d'Europe ne se puissent joindre, en occupant le destroit de la mer: & leurs chasteaus, & garder que sur la vie n'y eust vaisseau qui en passast vn deçà ne delà: & la principale chose est d'estre secret en affaire: car en dix ou vingts jours ils assemblent cent mille hommes enuiron Constantinopoli, si peu soient ils aduertis. Et ne se faut fier que le peuple Chrestien se leue pour nous aider, pour deus raisons: l'vne qu'il a esté chastie d'auoir aydé a l'Empereur a prendre Coron, l'autre est que le plus riche de Grece ne scauroit donner du pain a vingt hommes par jour, durant quatre jours, & n'ont verge ne baston, ni arc, ne flesche en leur maison dont faut auoir son besoin & vestement. Mais ce n'est que trop conneu en eus, & peu en nous, dont penser faut de s'en deffendre, & nō de lesassaillir, jusques a ce que les choses Chrestiennes soient reduittes en parfaite concorde & vnion.



*Conclusion & finale raison de cette histoire.*

DICT diuin, beaucoup plustoit que de  
E Prince du monde, doit sortir son effet.

Nous sçauons par Diuin decret, qu'il faut qu'Ismael & tous les Ismaélites (tant de sang que de religion) soient reprouués & jettés hors de la catholique maison ou heritage de Sarra & d'Abraham, ou de vraie religion, laissant la seule legitime race des Isakiens audit heritage. Ayant la Chrestienté comme vraie garde des diuins edits, & des diuines loix, experimenté en sa plusgrande domination, conuient selon le dire de saint Paul, a cause qu'elle n'est pas demourée en sa fidelité, charité & perfection, elle a esté degettée de tout le domaine de l'Orient, & principalement de la Terre sainte: & ce par le Iudaïsme, restitué en la Bastarde race desdits Ismaelites. Et connoissant laditte Chrestienté qui doit estre seule & legitime Princeesse du monde, tant en spirituel comme en temporel (parcé qu'a IESVS CHRIST a esté donnée toute la puissance du monde, tant en terre comme au ciel) connoissant dis-je qu'il faut qu'en tout le monde sous IESVS se face vn seul pasteur, & vne seule bergerie, ou estat politique en ce monde, & non seulement au ciel, il faut necessairement que de la sainte maison & domaine de verité, soit ledit Ismael en premier lieu chassé, & debouté de la maison hereditaire de l'Eglise, ou de son bastard naturel. Doncquant du tout necessaire de chasser laditte race Ismaelique (soit qu'elle soit par raison ou par autorité & force dechassée

il faut qu'on y procedé ayant vrayemét parfaite connoissance tant de son estre ou nature temporelle, comme de la nature spirituelle ou religieuse, affin qu'on se prepare par deça entre les vrais Isaakiens ou fideles, soit de raisons, ou soit d'autorité de les vaincre, & en leur fausse nature les abolir, comme on deffait, dechasse, & tue le faus d'avec le vray, le tort avec la raison. C'est pour cecy que S. Paul ha appellé les Juifs du nom d'Ismael, par l'infidelité, comme les Galathes ou Gentils, legitimes & vrais enfans d'Isaac & de Sara, sachant en esprit que le Iudaïsme estant abastardi, quant la religion vraye seroit abastardie par mauuais gouvernement & œuures damnables, seroit en nostre lieu restitué. Ce m'est donc assés, d'auoir exposé aus Chrestiens & principalement en la langue des Roys & peuples Treschrestiens cette description: pour donner, en ayant vraye connoissance de l'ennemy, le moien de luy resister, ainsi que j'ay conclud au chapitre second De la consideration: intitulé, Pourquoi j'ay escrit en François. Si je l'eusse fait pour en acquérir gloire propre, je n'vsse failly a enrichir les deus volumes, l'vn de la Religion, & cestuici de l'estat de la Court, de beaucoup d'histoires & choses par moy a ce dernier voiage obseruées. Mais n'ayant autre but que ce dessus, & estant assure que j'ay assés exposé l'origine, predestination & vray naturel des Ismaelites ou du Iudaïsme restitué pour estre du peuple propre du vainqueur du monde connu en sa langue, j'en ay a autres le reste delaissé.











